





308845

kal.koms.

I

Mag. St. Dr.





46-1433

FILII
MARIÆ

*Residentibus eorumque Mobilioribus
Societatis IESU*

Obligatio *anno 1705*

in gratiam eorum,
qui se Beatissimæ
Virgini in aliqua e.
ius Sodalitate dicâ.
runt, compendio
descripta

à P. IOANNE BRI-
CTIO Soc: IESU.

VILNÆ typis Academicis Soc: IESU.
Anno 1697.

Facultas Reverendi Pa-
tris Provincialis.

CUM Liber, titulo Filii MARIE
à R. P. IOANNE BRICTIO
Societatis IESU conscriptus, & à Re-
visoribus approbatus sit, potestate
mihi facta ab Admodum Reverendo
Patre Nostro THYRSO GONZA-
LEZ Præposito Generali Societatis
nostræ concedo, ut typis evulgetur.
In cuius rei fidem has manu propriâ
subscriptas, ac sigillo officii munitas
dedi Pultovix II. Iulii, anno 1696.

FRANCISCVS KVCEWICZ

308845 Soc: IESV Præpositus Provin-
cialis per Provinciam Litvaniam.

Liber, titulo Filii MARIE ab Admodum R.
P. IOANNE BRICTIO Soc: IESU conscri-
ptus, ut possit imprimi, Autoritate Officii
Consistorialis Vilnensis Facultas datur. Vilnæ
die 30. Iulii anno 1696.



ALEXANDER HORAIN

Sacra Theol: Doctor Custos Prælatus
Cathedralis Auditor Causarum
& Index Consistorii Vilnensis

ID 1950.2190

Perillustri ac Reverendissimo Dño
Dño GEORGIO ALOYSIO
Decano, Prælatō, Vicario Generali,
Officiali Livoniæ & Curoniæ, Pro-
to-Notario Apostolico, Canonico
Smolenscensi, Præposito Mittavi-
ensi, Secretario S. R. M. &c. &c.


Perillustribus ac Magnificis Dominis
Dño VOLTERO STANISLAO
Iudici Terrestri ac Capturali
Livoniæ.

Dño SAMUELI PETRO
Ensifero Smolenscensi.

Dño GOTTHARDO XAVERIO
Incisori Livoniæ.
De Wischlingk

SIBERGIIS

Dominis Dominis, Patronis, ac
Fundatoribus.

 *D hospitalem ædem cum Filis
MARIÆ pergens, Lauretum in
Vestris liminibus reperio Perillu-
stres*

stres Domini. Mobile ergo illud Virgi-
nis Matris palatium, quod olim è Palesti-
na per Dalmatiam peregrinum, dein in
Latium sede fixâ totum ad se peregrinum
traxit orbem, iteratâ translatione domi
Vestrae confederit? Vereor orbi toti fidem
abrogare triumphale illud **MARIÆ** sa-
crarium adhuc inter Italas lauros osten-
tanti, unde nec Virginalis domiciliî ad Ve-
stras ædes transitum renovatum esse dice-
re queo: Vestram duntaxat Domum me-
liore prodigio transiisse dico in Virginis Do-
mum, in qua pia Mater toties hospitetur,
quoties Filii **MARIÆ** fiunt inquilini.
Asylum illa domus est communi Orbis ne-
cessitati: esse & Vestram tot impressa san-
ctiorum exulum clamant vestigia, qui ex-
torres pro fide è Svecia, Norvegia, Da-
niæq; finibus, quasi novi à Danaïs fugati
insontes Teucris Latium Domi Vestrae re-
pererunt, ubi securi laterent: dicere debui:
qui relictâ sindone nudi, id est bonis suis
pro Christo spoliati, apud Vos Maternam
MARIÆ domum novi Ioannes repere-
runt


*sunt. Felices exules, qui dum iniquam
fortunam fugerent, in meliorem apud Vos
inciderunt. Fortunam generis humani
MARIAM Patres appellant; hanc apud
Vos stabilem fixisse sedem cum primis sibi
persuadent MARIANI habentes signum
in bonum è Gentilitiis Rotis Vestris, quas
quietas in avito stemmate suspendistis. Cle-
mens Alex. apud Cressolium lib: 4. my-
stag. cap: 2. sect: 2. testatum reliquit ro-
tam bono publico in sacris ædibus olim fuisse
dedicari solitam: quorsum hoc, non qua-
ro: Vestris in sacris ædibus sanctior Fortu-
na insigne hoc posuit publico bono, singula-
riter tamen eorum, qui avitâ sphaera Ve-
stra provehantur in melius. Sanè quoties
ego hætenus Perillustrem in Domum Ve-
stram intendi aciem, Zodiacum inibi su-
spexi, in quo tot soles, quot cognatas Do-
mui Vestrae jam inde à temporibus Caroli
Magni, sub quo floruistis, habetis Famili-
as Illustrissimas, quid quippe aliud sunt S.
R. I. Principes Furstembergii Vestrae cog-
nati Prosapiæ? quid Galenorum, Reki-
orum*

rum, Pletenbergiorum in Germania: quid
Wolffiorum, Platerorum, Korffiorum,
Bekrorum, Fittingorum, Firkforum,
Budbercorum, Bokumorum in Litzonia?
quid Zawadziorum, Weierorum, Kossio-
rum, Działynsciorum in Prussia? quid in
Samogitia Bielikowiciorum, Stankiewi-
ciorum, Grothuzorum, Szwerinorum,
cum quibz in Richarde nupta Alberto II.
& coronata Sveciæ Regina sedistis in Re-
gali solio? quid Pacciorum, Naruszewici-
orum, Sanguszkorum, Tysenhausorum,
Donhoffiorum, Rajecciorum, Brzostowsci-
orum, Duninorum, Komorowsciorum,
Wierzbowsciorum, Lubomirsciorum, Kro-
sinsciorum, aliorumq³ sexcentorum in Re-
gno Poloniae ac M. D. L? quid inquam
horum omnium Illustrissimæ Familiæ, nisi
tot sidera in gentilitio Zodiaco Vestro con-
centrata, quibuscum mutua luce orbem
illustraretis. Verum cum tot undiq³ Domi
Vestrae Marianos video inquilinos, cælo
nobilior mihi sphaera Vestra est, siquidem
banc ipsam Vobis invideat cælum, utpote
quod

quod meliorem Filio MARIÆ nunquam
habuit hospitalem. Quare & ego audax in
Vestras ades Filios induco Virginis, fretus
non excludendos ē penetralibus, quibus pri-
dem corda parāstis: melius illi nusquam
hospitari poterant, quā in domo Liberæ,
quæ postquam semel suave Christi jugum
sibi imposuerat, semper heterodoxum igno-
ravit servitium, ut vel ex eo discant fu-
tura sæcula Virginem semper esse Domum
Vestram, quæ ne quidem in communi to-
tius Livoniæ defectione contaminata est.
Scilicet debebat hæresis, quasi cum Philippo
de vitandis quadrigis oraculum accepisset,
Gentilitias Vestras vitare Rotas, easq;
quasi ad supplicium sibi erectæ essent fuge-
re & perhorrescere: debebat Filio Liberæ
Ancillæ Domini datura locum, ubi caput
reclinet, domus, non esse ē numero earum,
in quibus Acatolica vulpes foveas habent.
Suscipite hospitem Marianum, imò Vestræ
jam Domus incolam, incolatum enim ei
dedistis, cum in templo Illuxitano fundatæ
& Vobis Residentiæ Societatis Nostræ, du-
plex

plex Sodalitium Virginis, unum quidem
Civium honori Virginis devotorum, aliud
Palladiæ Iuventutis suscepistis. Admitti-
te hospitem in Domum Vestram, & sic pri-
stinam, quam a D. Meinardo Loci Apostolo
Livonia Vestra habuit, Terræ Virginis
appellationem, etiam vosmet comprobate
ex eo, quòd Domi Vestræ, sacram Virgi-
nis ædem habetis. Substituite vicarium
Filio MARIÆ, in quo recumbat snum;
nihil ambigo, quin Divinus hic hospes ut
primum calcaverit limen, Domum Ve-
stram, domum Virtuti, famæ, eternitati
consecrabit: ita vover. Vilnæ anno
1697. die 8. Ianuarii

Devotissimus Perillustri Do-
mui Vestræ servus.
IOANNES BRICTIUS Soc: IESU.



P R O O E M I U M.

Exponitur qualitas Filiorum MARIÆ, de quibus hoc opusculo agetur.

^{Epist.} ^{Jan.} **M**Atrem Filiorum cum voco MARIAM, nolim putes me fortidos illos Helvidii manes è styge evocare vel-
le, qui de pluribus naturalibus filiis B. V. somniabat, quem præter Athan. *orat. de censu Ildephon. de perp. Virg.* Hieron. *lib. cont. Helvid.* tota pridem damnavit Ecclesia. Sed nec cum iis mihi res est, quos S. Epiph. *her. 78.* & Aug. *lib. de her. c. 56.* docuisse ait, Portam hanc vitæ post Christi partum apertam esse, Eoque V. à viro cognitam illos peperisse, quos codex Evangelicus vocat fratres Domini; nec enim nescio pridem & hanc hæresim ab Ecclesia anathemati subjectam esse, & ita antiquatam, ut non nisi paucis in Catholicorum libris manserit obsoletum Antidicomaritarum nomen. De grege illo sum, qui de perpetua MARIÆ Virginitate illud Ezech. 44. accipiunt: *Porta hæc clausa erit, & non aperietur, & vir non transibit per eam: quoniam Dominus Deus Israël ingressus est per eam; ideoque approbo illud Bern. hom: 2. super Missus est.*

Deum huiusmodi decebat Natiuitas, quæ non nisi de Virgine nasceretur, talis congruebat & Virgini partus, ut non pareret, nisi Deum. Mysticam igitur, cum mystica prole, matrem intelligo, eam de qua Richardus à S. Laur. lib. 1. de laud. Virg. cap. 6. quæ licet non nisi unicum filium carnalem genuerit, in eo tamen spiritualis Mater effecta est magnæ multitudinis filiorum, quorum Christus primogenitus est. Et Gvilielmus Abbas: in sigillo: Vnicus, inquit, fateor ejus fructus est IESVS, sed in uno illo multiplex fructus, in uno Salvatore omnium. EDV, multos MARIA peperit ad salutem, pariendo vitam, multos ad vitam peperit, eo ipso quod Mater est capitis, ejus membrorum Mater est: aut ut loquitur D. Ambr. si Christus est credentium Pater, cur non ipsa, quæ genuit Christum, credentium sit Mater. Etianè Mater MARIA est, non ejus modò, qui ab ea salvo Virginis utero prodijt Filius dexteræ & gaudij, sed eorum etiam, qui transfixo Virginis corde, filii doloris ab ea geniti sunt sub cruce; quos si filios cordis Mariani vocavero, non errabo, sciens. quod hoc sit tempus natalis eorum, quo transfixum gladio passionis cor MARIE, dolores pertulit quasi prægnantis.

Sanctium ab Arca hujus nominis tertium Regem Navarra ferunt dictum filium vulne-

Qualitas Filiorum MARIE. 3

ris, quia cum Mater ejus gravidâ ab hoste lancea transfixa esset, infans per vulnus ex utero manum porrexit, & per apertum Matris suæ latus eductus est. Testatur Carthagena *de arc. 5. vulnere*. & Mariana *de rebus Hisp.* Filios vulneris, & cordis, imò, ut accommodatiùs scripturæ loquar dicenti, quia ejus animam pertransivit gl' dius, filios animæ suæ tot habet MARIA, quot se ad illam referunt.

Lazarum filium lachrymarum Magdalene, aut potius lachrymarum Christi ipsius solent vocare ascetæ, quod lachrymæ Magdalene dolentis, & Christi amantis eum revocârunt ad vitam: filios cordis Mariani dolentis super dolorem mulierum, & amantis usq; ad excessum, qui ni vocem eos, qui ad meliorem vitam eo temporis articulo geniti sunt, quo Salvatori morienti condolens tota natura quasi commortuus est? Beatam talem nativitatem! & beatos tali Matre filios, quâ meliorem, nec si daretur eligendi optio, eligere possent! vellem dicere, etiam beatam talibus filiis Matrem, si mihi illud persuadere possem, etiam Matrem, si daretur optio eligendi, meliores filios eligere non posse.

Illud Isai. 30. *Gloria Libani data est ei* explicans Lyranus, dicit idem significare, quod dealbationem, vel filiationem cordis: mira hæc interpretis hujus explicatio, accipientis pro eodem gloriam Libani, & dealbationem ac filiationem

4 *Qualitas Filiorum MARIE.*


nem cordis; quod tamen mysterium dum pleni-
 us considero, hanc facile inter alias primam
 MARIE gloriam fateri debeo, quod in monte
 Calvarie (*Libani nomine à Patribus intelli-
 gitur mons Calvarie*, imò teste Del-Rio in
 Cant. c. 4. ver. 5. *ipse textus Hebraeus &
 Grecus illud de Calvarie monte accipi soli-
 tum*: Vadam ad montem myrrhæ & collem thu-
 ris, legit, vadam ad collem Libani) hanc inquam
 primam dixero MARIE gloriam, quòd in mon-
 te Calvarie filios nacta sit cordis sui, qui cum
 dealbaverint stolas suas in sanguine Agni, fa-
 cti sunt decus Matris suæ: verè enim ineffabilis
 honor est Matris, filius innocens, & plenus
 Deo: cuius cum virtutes vident, omnes celi
 benedicunt Matrem, dicentes: quod de Matre
 Sanctorum juvenum Eulæbii & Chromatii ait
 S. Hieron. ep. 43. *Verè venter, aureus qui
 tales vos genuit*, aut quod mulier evangelica;
Beatus venter, qui te portavit. Luc. 11.

Hanc gloriam ut Matri suæ copiosorem
 adferre possint Filii MARIE, præsens opuscu-
 lum scribere placuit, posita ob oculos sorte fili-
 orum, ac obligatione eorundem, quatenus agni-
 tà sorte suâ ita vitam instituere possint, ut non
 pudefaciant matrem, degenerantes à præcellis
 cogitationibus filiorum. Porro S. Aug. *lib.
 sent. Adimant. cap. 5.* tribus modis in scri-
 ptura nomen filiorum accipi docet, scilicet se-
 cundum

Qualitas Filiorum MARIÆ. 5

secundum naturam, secundum doctrinam, ac secundum imitationem. Ad eum hujus Sancti Patris modum filiationem dividam, additis, quæ cuiq; usui esse possunt, ut faciat Matrem filiorum magis latantem. Agite Filii MARIÆ, ac ita utamini tenui hâc opellâ meâ, ut pro me peccatore apud Matrem vestram intercedatis, qui sibi vobisq; illud, quod de Ecclesia dicit S. Cyprianus, *lib. de unit. Eccl.* de Matre vestra intelligendum, & ob oculos jugiter habendum proponit: *Non habebit Deum Patrem, qui non habuerit MARIAM Matrem.*







PARS PRIMA.

De Filiatione per naturam.

S. Thom. de Villa nova, conc. pro S. Ioanne, & Salmeron tom: 10. tract. 41. ajunt quosdam sciolos, sanæ etiam fidei, sed non sanæ mentis repertos esse, qui freti cerebello suo defendendum susceperunt B. Ioannem Evangelistam verè secundum naturam esse secundo-genitum MARIÆ: hunc ajebant novo prodigio sine Patre, imò sine partu verè Mater hæc genuit, quando moriens Dominus in verbis illis, ecce filius tuus, hæc operatus est in Virgine quoad naturalem generationem Filii, quæ quotidie in altari operatur in verbis consecrationis quoad transubstantiationem Panis & vini. Temerariæ horum sciolorum opinioni non accedo, sciens, quòd iustè censoriâ apud probos omnes vapulet virgâ, meritò providentes, quod si semel concesseris ejusmodi mysteriûm latere in verbis Domini, aures plura sciolos, verosq; Deos, Elias, vulpes, viperas, ipsos imò sathanas fuisse, quos Christus tali agnomine appellavit. De filiis tamen per naturam hic ago idq; pluribus;

bus, non quidem, quos caro & sanguis tales esse voluit, sed in quibus hoc est gratia adoptionis, quod in aliis natura; de qua filiatione agens S. Bernardinus Senensis, in cap. 13. Ioan. ait: *In Ioanne, electorum per dilectionem B. V. facta est Mater, mutatur hic Maternitas & filiatio ex auctoritate verborum Christi in Cruce pendentis; propterea natura transit in gratiam, & gratia nobilitat naturam, non quod una in alteram commutetur, sed quia natura ex gratia perficitur. Quam quidem filiationem ut explicem enucleatius, dicenda bifariam divido, agoq; in prima sectione de iis, quæ felicitatem talis adoptivi, in altera quæ obligationem concernunt.*

SECTIO PRIMA.

Felicitas Filiorum MARIÆ, orta ex adoptione eorundem.

Filiatio hæc equidem tantum legalis est, & adoptiva, ea tamen adoptato Mariano præstat, quæ filiatio naturalis, imò plura longè, cum plura & nobiliora sint, quæ derivantur à gratia, quam quæ à natura: nam ab hac quidem, vita participatur, sed ea oppidò misera, veriùsq; mors quam vita; ab illa autem, præterquam

quod

De Filiatione per naturam.

8

quòd vita participetur, talis participatur, quæ
ius sibi vendicat vivendi perpetuò: hanc, loquor
cum Bernardi: o Sen. ubi suprà, *mala mulier*
Eva, de corruptione natura per traducem na-
turæ; illam bona mulier MARIA Mater
gratiæ per infusionem invisibilis gratiæ
confert filiis suis, facta Mater omnium ad vi-
tam renascentium, Mater vitæ, quâ universi
vivunt, non sicut Eva, quæ ut Gverricus Ab-
bas serm. 1. in Assumpt: ait, filiis ante propi-
navit præjudicium mortis, quàm initium
lucis, dict: quidem & ipsa mater cunctorum
viventium, sed inventa verius interem-
ptrix viventium, seu genitrix morientium,
cùm filium generare, nihil aliud apud eam
sit, quàm mortem ingenerare.

Sanè quoties ego sortem talis filii Maria-
ni considero, parùm abest, quin eam naturali
conferam generationi, maximè cùm sciam, quid
sibi velit illud Origenis, præfat. in Ioan. Chri-
stus, inquit, *Mulier ecce filius tuus, perin-*
de est, ac si dixisset: Ecce hic est IESVS,
quem genuisti, nam quisquis perf. etus est,
amplius non vivit ipse, sed in ipso vivit
Christus, cùm in eo vivat Christus, dici-
tur de eo MARIE: Ecce filius tuus. Se-
clusâ tamen generatione Christi, quam enarra-
re nemo sufficit, si secundum se considerem i-
psam filiationem adoptivam, pluris à me asti ma-

2 *Pars ima. Sectio ima.*

tur, quàm ea, quæ ortum habet ex natura & sanguine: tum quod nobilior ejus origo sit, nascitur enim ex amore, tum quod magis sit voluntarie, & cum unica innitatur gratiæ, uni illi solum obligata sit: nunc est, quod in generatione naturali filius amatur, quia filius est, in adoptione autem ideo est filius, quia amatur. Advertit hoc S. Ambr. ep. ad Sisinium, inquiens: *Aut naturâ filios suscipimus, aut electione, in natura casus est, in electione judicium,* quasi diceret, quantum iudicia præcedunt casum, tantum adoptivus præcedit naturalem.

In Græco, ait S. Bernardinus Sen. tom. 1. serm. 55. a. 1. c. 3. *filius nomen amoris est,* quod quidem in naturali generatione fallere potest, cum, si daretur optio, non unus se parentem, aut filium esse filium nolleret: in adoptivis autem fallere nunquam potest, hi enim sunt filii dilectionis, filii amoris, & liberæ voluntatis, in quo novam quandam cum Christo habent similitudinem, sicut enim Christus, qui ut Deus necessario productus est per intellectum à Patre, & ut homo per liberam voluntatem in tempore: sic ii, qui per liberam voluntatem in filios adoptionis suscepti sunt, prævio quodam partu iudicii generantur. Advertit hoc Cassiodorus inquiens: *In sobole frequenter fallimur, ignavi autem esse nesciunt, quos iudicia peperunt.* quasi diceret, necesse prius est esse fili-

De Filiatione per naturam. 10

os iudicii, quos libera voluntas assumit in suos, hinc & ipse Deus eos adoptat, quos præseivit & prædestinavit conformes fieri imaginis Filii sui.

Vides igitur, quantus sit Filius **MARIÆ**, qui Filium Dei per naturam quodammodo refert. Adde quòd sicut filiatio Dei, Christo confert jus ad omnia, quæ sunt Dei, sic filiatio adoptivi Mariani confert jus ad hæreditatem **MARIÆ**, quæ hæreditas cum fundata sit in plenitudine gratiæ; cum confertur filio, confertur natura Dei, gratiæ enim quasi quædam participatio naturæ Divinæ est, unde etiam filius iste elevatur ad actiones quasi theandricas, cum opera ejus per gratiam eleventur ad statum supernaturalem.

Deniq; quod de eo, quem ipse Deus adseivit in filium dicit S. Leo serm. 6. de Nat. hoc servatâ proportionem bene possum dicere de eo, quem pia hæc Mater elegit: *Omnia dona excedit hoc donum, ut Deus hominem vocet filium, & homo Deum nomet Patrem*, quid enim oro excellentius, imò quid optabilius esse, aut cogitari potest, quàm quòd dicere ex vero possis **MARIÆ**: est mea Mater; & **MARIA** iterum tibi: Hic est Filius meus dilectus. Certè sicut nec Deus majora facere potuit Virgini, quàm quod eam in Matrem elegerit, sic nec illa tibi, quàm quod te eligat in Filium. Clariùs hæc per sequentia elucescent. CA.

CAPUT imum.

*Quem MARIA eligit in
Filium, frater Christi est, e-
jusq; bonorum particeps.*

S. Anselmus explicans illud Rom. 16. ver. 13.
*Salutate Rufum electum in Domino, &
Matrem eius, & meam:* quæstionem in-
stituit: Quomodo Apostolus Matrem Rufi su-
am dixerit, à qua nunquam genitus erat, & re-
spondet: *eadem femina & Rufi mater erat
secundum carnem, & Pauli secundum cha-
ritatem & beneficentiam.* Sic planè suam di-
cere potest eam secundum charitatem & bene-
ficentiam, quæ est Mater Filii Dei secundum
carnem, qui ei se devovet; ab uno enim uterq;
procedit utero, Christus, & hic filius charita-
tis, sitq; alter frater alterius, imò ferè al-
ter ipse.

Quintiliani declam. 321. dogma erat, quòd
nihil aliud sit *fraternitas*, quàm *divisus spi-
ritus*. Quod duntaxat verum est de iis fratri-
bus, quorum concordia rara est: fallit autem in
fratre Christo, non enim Christus divisus est;
proinde melius dixisset, nihil aliud esse *frater-
nitatem*

Part. i. me. Sect. i. me. Cap. i. num. 12

nitatem, quàm eundem spiritum bilocatum: quod ipsum videtur sensisse, Cicero, lib. 3. ep. 7. dum ait: *Fratris officium est, erga fratrem ceu alterum se affici.* Implet hoc officium bonæ fraternitatis erga fratrem suum cumprimis Christus, quando erga omnem MARIE Filium, quasi alterum se afficitur, & ex hac affectione ea illi parat, confertq; decora, quæ ex amore sui sibi ornando elegit. Quanquam & in alio sensu fraternitas dici potest, divisus spiritus, quia ut loquitur S. Thom. opusc. 61. cap.

13. *frater dividit tecum, & dividendo diminuit paternum affectum, dividit & diminuit paternum censum, qui statim natus, quasi tibi injurians diminuit lac maternum, & adherens uberi occupavit locum tuum.* Quod iterum in fraternitate Christi verum non est, nam, ut idem Sanctus ait, *per eum erga te crevit, quantum ad effectum paternus (maternus) amor, per eum heres efficeris, & ad paternum censummitteris, quamvis Patri rebellans exhereditari merueris, per quem nullum tibi debitum diminuitur, sed multiplex bonum indebitum tribuitur, postremo tradit frater fratrem in mortem, sed hic pro fratribus tradidit semetipsum in mortem.* Hac ferè S. Doctor: ex quo patet quantum boni absconditum sit in eo, quod quis fratrem habeat illum secundum

13 *Filii B. V. Fratres Christi.*
charitatem & beneficentiam, qui est filius
MARIE secundum carnem.

Val. Max. lib. 5. c. 5. summum in corporali fraternitate vinculum amoris esse assertit ex pluribus capitibus: primò quòd in eodem domicilio antequam nascerentur, habitaverint: secundo, quòd in iisdem incunabulis infantia tempora peregerint: tertio, quòd eosdem appellaverint parentes: quarto, quòd eadem pro eis vota excubuerint; quinto, quòd parem è majorum imaginibus gloriam traxerint. Summa sunt hæc ei, qui secundum carnem iudicat, maiora longè mutui amoris vincula sunt inter primò & secundo-genitos MARIE, & longè excellentiora motiva amandi, non enim radicatur in carne & sanguine amor iste, sed in spiritu, qui cum nihil aliud sit quàm amor, quos fratres efficit, amantes facit, amor enim, teste Philosopho, aut similes invenit, aut facit: adde quòd vinculum iudiciale facile rumpatur, quòd fundatur in carne, quæ corrumpitur; istud autem, si per te non stat, non secus, ac si unitum esset hypostaticè, nunquam solvetur. Denique hæc est vinculi huius virtus, ut bona reddat communia quadamtenus, sicut unio hypostatica, ea, quæ Dei erant, communia fecit homini Christo.

S. Bernardinus Sen. serm. 61. in Quadr.
c. 3. Beatissimam Virginem, ex eo, quòd sit Mater Dei, ait duplici jure esse totius Universi

De-

Dominam constitutam: lege successionis & hæreditatis: tum quòd ad eam pertinebat, ut ad Matrem administrare jus, quod promeruit in instanti Conceptionis, & obtinuit, juxta quod ait Psalmista: Domini est terra & plenitudo ejus, tum quòd cum moreretur Monarcha Universi in Cruce, nec haberet eum, qui de jure succederet, successit Mater, & Principatum omnium acquisivit. Quem quidem loquendi modum, videtur usurpasse ex S. Damasc. orat. 2. de Assumpt. dicente: *Oportet Dei Matrem ea que Filii erant, possidere, atq; ab omnibus rebus conditis Dei Matrem, & ancillam adorari, quanquam enim ita semper comparatum est, ut hæreditas à parentibus ad filios devolvatur, nunc tamen, ut eruati cuiuspiam viri verbis utar, sursum sacrorum fluminum fontes fluunt, etenim filius Matri creaturas omnes in servitutem addixit.* Hæc Damascenus. Planè sic augentur tituli in illo, ad possidenda, quæ sunt Dei, quem Mater hæc eligit in suum; præterquam enim, quòd jure adoptionis in successionem veniat bonorum adoptantis; hæreditas ei jure debetur, quia est frater Christi, cujus bonitas cum sit non minus summè, quàm ordinatissimè communicativa, propinquiore sibi magis ditat, quàm qui stant à longè; ferè sicut loquitur S. Thom: *Quanto aliquis appropinquat principio, tanto*

tanto magis participat effectum illius principii, cum teste Philosopho, problem. sect. 12. quæst. 2. & 9. unumquodq; agens in suum principium agat e propinquo, quàm e remoto, efficacius: qualiter etiam cum S. Dionysio communis Theologia docet viciniore throno Dei Seraphim illuminari magis, quàm qui absunt remotius. Quare sicut quia Virgo Beata ob Maternitatem est vicinissima Deo, ditata est eo bono, quod etiam spem ejus excedit, ita quia adoptivus MARIÆ ante omnes vicinior est Christo post Matrem, præ reliquis bona ejus participabit.


Et hinc habetur efficax ratio spei de possidendis bonis Dei; frater enim est, qui ea distribuit, cui vult & prout vult; non sicut murmurator ille, veniens ex agro, Luc. 15. qui, quod recipitur filius prodigus à Patre optimo, vituli unius impensam esurienti fratri factam invidet, & dolet.

S. Leandri spes, ut refert Niremb. Manual. lib. 1. cap. 13. unica erat S. Florentia Virgo & soror sua, hanc ille jaçtabat magnam suæ securitatis partem, magnum in tremendo Dei judicio solatium; cum sit sponsa, aiebat, Iudicis, non permittet, ut frater suæ sponse intereat. Spes adoptivi Mariani quæ alia est? nisi frater major ejus, qui cum simul judex sit non permittet, ut frater, & Matris suæ filius quan-

quantumvis prodigus esset, intereat, quin suam cum eo substantiam dividet, sicq; frater hic bonorum eius haeres fiat, haeres quidem Dei, cohaeres autem Christi. Quam fraternitatem ambire videtur Sapiens Cant. 8. cum ait, *Quis mihi det te fratrem meum sugentem ubera Matris meae, ut inveniam te foris, & iam nemo me despiciat*: ubi notanter accipe illud: *Et iam nemo me despiciat*. quasi enim dicit: quia per hoc, quod essem frater ejus, in tam sublimi statu consisterem, ut nullo inferior, à nullo despici possem.

Hic mihi revoco illud ratiocinium Dio- phanti filij Themistoclis, de quo Plutarch. *lib. de educat. c. 1.* solebat hic secum ita argumen- tari, ego gubernò meam Matrem, mater mea gubernat meum Patrem, Pater meus gubernat Athenienses, propterea gubernò Athenienses. Quali quidem ratiocinatione cum primis bene uti potest frater Christi; nam ex merito dicere potest: MARIA est Mater mea, ergo & IESUS est frater meus, ergo & Pater eius est Pater meus, ergo & regnum eius est hæreditas mea. Ergo & omnia bona eius sunt bona mea. Certè eiusmodi hac fraternitas est, ut bonum eâ majus nec sperari, nec optari possit, & si daretur optio eligendi, bonum infra Deum melius eligi non posset, ferè, sicut ascetæ loqui solent, quòd meliorem MA-
B
RIA-

MARIA filium eligere non potuerit Filio Dei, nec Filius Dei meliorem matrem: sed hoc in casu prudens elector agere deberet, quod Catonem adhuc puerum fecisse tradit Plutarchus: *in Catone Vticensi*, qui cum quaesitus esset, quem maxime diligeret, respondit: Fratrem Capionem, quem secundum? fratrem. quem tertium? eundem fratrem; nec ab hac responsione destitit, quam alter interrogandi finem faceret. Una enim, eaq; summa felicitas est habere Christum fratrem, MARIAM Matrem, cuius qui compos est, merito exclamet cum Ambrosio: *Benedictus frater, per quem MARIA est Mater nostra, & benedicta Mater, per quam Christus est noster frater.*



CAPUT 2dum.

Quem MARIA eligit in filium, confrater Sanctorum est, & de eorum bonis participat.

Plerius lib. 53. verbo, *felicitas*, narrat Astyagem Regem per somnium vidisse e Mandanes filia suæ utero enatam vitem, quæ magnam terrarum partem inumbraret, &

natus

Part. 1^{ma}. Sect. 1^{ma} Cap. 2^{dum}. 18

natus est ex ea Cyrus nepos eius potentissimus
iuxta ac felicissimus Medorum Rex. Vitem tibi
pone ob oculos, quisquis aves confratres adop-
tivi Mariani noscere, in hac uvarum loco po-
ne Sanctos omnes tam triumphantis, quam mi-
litis Ecclesiæ, omnes enim hi filij **MARIÆ**
sunt, & fratres in Christo. Innuit hoc scriptu-
ra Eccl. 24. dum Mater hæc Sancta iubetur
in electis Dei mittere radices, & dum passim
à Patribus vocatur radix electorum.

Quam quidem fraternitatem cum conside-
ro, propè est, ut usurpem illud Hieronymi lau-
dantis Lætam, quòd Patrem infidelem ad fi-
dem converterit. *Ego puto, ait ep. ad Lætam*
etiam ipsum Iovem, si habuisset talem co-
gnationem, potuisse in Christum credere: ea
quippe est hæc cognatio, ut propè nolentem
trahat ad bonum, & ut uva conspecta, livorem
ducit ab uva, sic è fraterna sanctitate sanctita-
tem etiam aliqui degener participet. S. Gre-
gorii Turonensis domum hoc nomine felicem
vocat Fortunatus, *in vita*, quòd præter San-
ctos nullum educare potuerit: quam quidem
gratiam ab aliis etiam participatam scio, nam
decantatum est, de domo Bonifacii Pontificis,
quòd in ea nullus hæreticus vivere potuerit, i-
mò de Iammona in Minorica, una ex Balearibus
insulis testatur Petra-Sancta ex S. Severo E-
piscopo, *thaumas. cap. 27. & Barth. Anno*

19 *Filii B. V. Fratres Sanctorum.*

418. quod sicut nullos lupos, vulpes, nullaq;
 alia venenosa animantia fert, sic nec Iudæos,
 aliosq; male-volos patitur, sed qui adveniunt, aut
 subito exanimantur, aut fulmine pereunt: quod
 ipsum de Edessa civitate Syriæ refert Iacobus
 Ianuensis Ep. *hist. Lombard. in vita S.
 Thom.* in qua ob illatum corpus S. Thomæ A-
 postoli nullus hæreticus aut paganus vivere
 potest. Feliciorem domum Marianam, in qua
 ipsi lupi agni fiunt, & improbi ac degeneres,
 Sancti: qualis lupus erat Andreas Cretensis,
de quo habet Brev. Rom. in ejus festo, quod
 ubi domum Marianam subiit, in agnum muta-
 tus est: qualis degener erat Paulus Kōstka,
 qui tamen, quia frater erat illius B. Stanislai,
 qui MARIAM in Matrem elegerat, evasit
 in talem virum, cujus sanctitas hodieq; per to-
 tam Poloniam est in benedictione: quod videre
 potes apud Sacchinum *in vita B. Stanislai*,
 quales improbi erant longè plurimi, quos tamen
 cognatio Mariana ad frugem reduxit. Luc. 19.
 ingressus domum Zachari Christy: *Hodie ait, hu-*
ic domui salus facta est, eo quod & ipse fi-
lius sit Abrahæ. Sit hospes in domo alicujus
 primo-genitus MARIE, fac se referat ad il-
 lum aliquis confratrum ejus, si licet merito suo
 pusillus sit, ac proprio peccato publicanus, fiet
 indubiè ejus domui salus, eo quod & ipse filius
 sit MARIE, quæ est salus omnium sperantium
 in se

Part. 1. me. Sect. 1. me. Cap. 2. dicitur. 20
in se, venientq; ei omnia bona pariter cum hac
fraternitate, & per quam bonum ac jucundum
erit, adlectum eum esse in numerum fratrum
Christi, filiorum **MARIÆ**.

Sanctificari virum infidelem per muli-
erem fidelem docet Apostolus: 1. Cor 7.
fratrem improbum ego dico sanctificari per fra-
trem sanctum; hic enim sine intermissione orat
pro illo, dum ad mentem redeat, & si timeat e-
um tanquam abortivum ab utero projici à Deo,
ardens amore, optat cum Paulo Rom. 9. *ana-*
thema esse à Christo pro fratribus: quasi pu-
taret decedere aliquid beatitudini suæ, quam-
diu periclitatur frater.

Scipionis Africani amorem laudat Plut.
in Scipione quòd Hispaniâ subjugatâ, & An-
nibale victo, partâq; bello Africâ nihil se egis-
se putârit, nisi unâ crescere videret gloriam,
& nomen fratris, hujus ita fuit cupidus, ut non
Asiæ modò Proconsulatum ei procurârit, sed
propriâ se dignitate spoliâns, satis sibi honoris
putârit, si ut gregarius miles fratrem sequere-
tur. Neq; verò Sancti minùs amant Marianos
fratres suos; pro his impendi & superimpendi
postulant, modò bene sit fratribus, horum bo-
num, suum autumant; horum beatitudinem, su-
am putant: exemplo Apostoli vocantis quos-
dam *fratres desideratissimos, gaudium & co-*
ronam suam: Phil. 4. & iterum, 1. Thess. 2

que

21 *Filii B. V. Fratres Sanctorum*

Quæ est enim spes nostra, gaudium & corona gloriæ? nonne vos ante Dominum nostrum IESVM Christum estis in adventu ejus. Neq; verò id abs re existimant, quædam enim beatitudo saltem accidentalit est, plures habere fratres participes beatitudinis ejusdem, ideòq; meritò gaudent de bono aliorum, quasi de proprio; gaudium enim, juxta Philosophum, esse non potest, nisi de bono proprio, saltem respectivè: qualiter gavissim inter cæteros ferunt S. Severinum, apud Bollandum in vita 8. Jan. c. 5. cujus ea ultima morientis vox erat dicta fratribus. Confido in Domino, quòd mihi de vobis æterna lucra proveniēt.

Mirè mihi arridet pietas Magni illius Cancellarii Joannis Gersonis ipsam innocentiam pro salute sua patronam instituentis, de qua refert Barry in Anno Sancto 4. Aug. quòd agmen innocentium identidem convocarit, ac jussos genua curvare, compellârit: Clamate pueri ad Deum, & sic orate: *Benignissime Deus, & Domine, miserere Joannis Gersonis.* Ad quem modum ita pueros assuefecerat, ut diu à morte ejus orantium hæc formula fuerit. Quàm putas salubrem fuisse hanc innocentem precationem Gersoni; imò quam putas Sanctorum orantium pro fratribus suis, dicentiumq; *Benignissime Domine miserere hujus vel illius fratris nostri.*

Ambro-

Part. I me. Sect. I me. Cap. 2 dum. 22

Ambrosii *lib. de penit.* illud est: *Multorum preces impossibile est contemni*, adde Sanctorum, & impossibilitas maior apparet. Ruffini verò *præf. in vit. Patr.* illud: *Quis dubitet mundum stare precibus Sanctorum?* adde, & fratres, qui in mundo sunt; certè si ob unum Iacob benedixit Dominus domui Laban *Gen. 30.* si ob unum Ioseph domui Puthipharis *Gen. 39.* si ob unum Paulum periclitantibus in naufragio, *Act. 27.* quid faciet propter tot electos, tot innocentes, tot Sanctos fratres? Impossibile est preces eorum contemni, si duntaxat agant, quod petiit Abram ab uxore sua. *Gen. 12.* *Dic obsecro te, quod soror mea sis, ut bene sit mihi propter te, & vivat anima mea ob gratiam tui.*

Multa sunt hæc in cognatione ista: at non omnia. Filius **MARIÆ** ex eo, quod frater est eorum, qui se ad **MARIAM** referunt, non solum de Matris suæ bonis participat, sed etiam de omnium tam triumphantis quam militantis Ecclesiæ sanctorum fratrum suorum meritis communicat. Hæc ut clariùs pateat, scito quemlibet talem fratrem esse membrum corporis magni, omnes enim unum corpus sumus in Christo, alter autem alterius membra: hinc sicut membra physici corporis mutuâ sibi serviunt charitate, nam oculus pro toto videt corpore, auris pro toto audit, manus pro toto laborat, sic

23 *Filii B. V. Fratres Sanctorum.*

sic in mystico hoc corpore, operatio bona unus cedit in bonum alterius, & sicut ibi propter physicam unionem perfectissima participatio sanguinis, & spirituum vitalium est, sic hic propter unionem moralem, communicatio gratiarum est: Adde, quod sicut in corpore physico uno facit omnia omnibus membris communia, sic hic amoris nexus, quo animi ununtur. Fundatur hic discursus in illo ps. 118. *Particeps ego sum omnium timentium te, & custodientium mandata tua*, imò fundatur in ipsa radice bonitatis Dei, quæ cum summe sui communicativa sit, quos meliores efficit, magis facit communicativos, ut, sicut ait Apostolus: *illorum abundantia nostra inopia fiat supplementum, ut sit aequalitas*, quæ est mater amoris: unde loquitur S. Maximus, hom. de avaritia, *sicut nefas putabant primi Christiani sibi participem non adscribere in Substantia, qui particeps esset in gratia, ut quibus erat una fides, esset & una substantia, & quibus erat communis Christus, communis esset & sumptus*: Sic religioni ducunt fratres majores, non admittere in sortem bonorum suorum, qui peregrè adhuc prodigunt verius, quàm augent substantiam suam.

Ex his patet, quanta sint, quæ à fratribus sanctis accipit Filius MARIE: imò quàm fortunati sunt, sua si bona nòssent, ejusmodi fratres.

tres, quibus tota laborat sanctitas ornandis.

Phaon & Pandora collatâ à singulis Diis pulchritudinis particulâ gloriôsi comparuere in cælo Poëtarum: quàm gloriosus putas, comparabit, qui à singulis vel particulam meriti participabit: perpende obsecro, quanta sint, & quàm illustria merita Sanctorum, qui vel in sodalitatibus Rosarii, Scapularis, Annuntiæ, & quocunq; demum cætu Deiparæ famulantur, vel aliâ quæcunq; ratione ad MARIAM pertinent, hi omnes thesaurizant fratri, de his omnibus dicere potest relictus adhuc in Ægypto mundi filius, illud Gen. 45. *Ego sum Ioseph frater vester, filius accrescens, fratrum minimus, & confido, quòd mihi de vobis æterna lucra provenient.*

Quæ omnia cum confidero, nihil habeo amplius, quàm ut totam confratris hujus felicitatem in summam colligam, ac nonnihil mutato illo S. Gregorii Nazian. laudantis sponsum Gorgoniæ pientissimæ feminæ: *vultis, ait: orat. 2. uno verbo describam virum. Vir Gorgoniæ fuit, nec scio quid amplius dicam. Nihil inquam restat, nisi ut mutato hoc dicam: Frater es tantorum horum cæli, nec scio quid amplius dicam.*

CA.

CAPUT 3tium.

*Quem MARIA adoptat
in Filium, superior necessi-
tatibus est, bonum enim
habet provisorem.*

FAVINUS lib. 3. *theatri honoris.* habet de
Sodalitate Equitum à Carduo B. V. quam
Anno 1370. condidit Ludovicus Bonus,
quod suis hanc obligationem posuerit, ut ad
spem contestandam, quam per potentissimum
Deiparæ patrociniū collocarent in Deo, se cæ-
ruleo cingulo præcingerent, per quem è villosò
serico, arte phrygiâ, caractere aureo Lemma
iret, SPES. Tali torquatus cingulo, & lumbos
præcinctus quivis Magnæ Matris adoptivus es-
se debet, & signum hoc in Zodiaco suo locare,
ut quotidie dicat cum Euthymio orat. de zona.
*In te omnem spem nostram collocavimus, in
te vivimus, & gloriamur, & sumus: aut
cum S. Thom. de Villa-nova: conc. 3. de Nata.
B. V. Sicut pulli volitantibus de super mil-
vis ad gallinæ alas accurrunt, ita & nos
sub velamento alarum tuarum abscondi-
mur: nescimus aliud refrigerium, nisi in
te.*

te, tu sola es unica spes nostra, in qua confidimus. Quod ipsum etiam Bern. serm. de Nat. B. V. Filioli, inquit, hæc peccatorum scala, hæc mea maxima fiducia est, hæc tota ratio spei mee. Spem tuam colloca in MARIA, si enim potest Mater oblivisci filium uteri sui, non obliviscetur tui MARIA: securus esto, quod in protectione Matris tuæ commorabere, non sicut aliarum matrum filii, qui dum pariuntur, expositi verius quàm nati dividuntur à matre, ideoq; modicam sæpè opem ab ea, utpote divisi ab illa, accipiunt: secus fit cum eo, qui adoptivus Matris hujus est; concipitur enim in corde, ibidem crescit, vivit, moritur, & à morte iterum renascitur phœnicis instar: si enim verum est, quod servus Christi Gal. 4. filiolos iterum parturiat, donec formetur in iis Christus: quidni id faxit Mater Christi, cuius filii, ut loquitur Gverricus Abbas serm. 1. de Assumpt. non ex traduce naturæ, sed munere gratiæ oriuntur.

Pullos avis regiæ Arabicæ nasci ajunt è sanguine misso ex ipsis medullis cordis, teste Nadasi prædest. 6. c. 3. Dixi suprâ filios cordis Mariani esse eos, quos adoptat MARIA, id hîc addo excitandæ eorum fiduciæ, individuos eos cordis Mariani esse incolas, ideoq; ab ea amari, ut cor suum, provideriq; iis, ut parti nobiliori corporis sui: Sanè si fides Aristoteli est,

27. *Part. 1^{ma}. Sect. 1^{ma}. Cap. 3^{ti^{um}}.*
est, docenti eum è gemellis magis amari à Ma-
tre, qui propius cor jacuit, cum portaretur in
utero: quanto putas amore amabitur filius Ma-
rianus, qui in corde Matris suæ concipitur, na-
scitur & vivit? Si natura præ reliquis membris
singulariter cordi providet, ad illud spiritus vi-
tal^{is} convocando, illudq; protegendo ab occa-
sionibus lætavis; quanta putas provisio erit filio
Mariano, filio cordis, & incolæ ejus? deesse illi
nihil potest, nisi idē cordi Mariano deesse dicas.

Cor quidam apud Barry in *Anno San-
cto* idem significare docet, quod Camera Om-
nipotentis Regis, in hac Camera habitat di-
lectus *MARIÆ* usurpans quod sibi deest de
thesauris Matris suæ; qualem incolam fuisse B.
Petrus Damiani testatur. Maraccius, *purpu-
ra Mar. pag. 355.* qui à morte sua tripudians
visus est Urbano Abbati, dicens illi: *An ne-
scis? quod in Camera S. MARIÆ Virgi-
nis habito, in ejus sacrario demoror, ac ejus
camerarium me esse profiteor?* Talis quidem
incola, putas deficere potest in aliquo? absit;
qui *MARIAM* habet, nullius eget, & qui in
protectione ejus Camera Omnipotentis Regi-
næ habitat, superior est omnibus necessitatib9.

Respexit huc servus ille Dei P. Antoni-
us Odescalicius è Soc. nostra, cujus ut volunt
Annux Soc. ea vox fuit: *plurimum juvare
studiosum, si quis cogitet, se in cubiculo*
B. V.

B. V. studere: plurimum certe, si quis cogitet se amari ex corde à Virgine, ideoq; cordis ejusdem incolam esse, ad omnes necessitates profligandas valet: cum sibi quisvis persvadet illud, quo Christus utitur ad augendam in suis spem: Ioan. 16. *Ipse enim Pater amat vos:* ipsa Mater amat vos, novit, potest, & vult bona data dare filiis suis. Quò etiam respexit S. Franciscus Salesius, *apud Fonium in Vita cap. 8.* qui suas sanctimonialis visitantis B. V. ita instituere solet, ut existimarent se planè vivere in corde IESU (adde & MARIE) & conarentur Deum amore simplicissimo delectare: qui enim in corde MARIE vivit, bonum habet provisorum, eum scilicet, cui dicat cum S. Ephrem orat. de B. V. *Non mihi alia fiducia o Virgo sincera, tu enim portus meus o Virgo inviolata & presens auxiliatrix, sub tutela & protectione tua totus sum.* At, placet, enucleatius videamus, quantum conferat suis è singulis donis naturæ, fortunæ & gratiæ, quos elegit: ut dicere possit talis, ipsa Mater verè amat nos, nec patitur quidquam deesse nobis, quos accepit in suas



CAPUT 4^{um}.

*Quem MARIA adoptat
in Filium, ei providet in
necessitatibus naturæ.*

DE Lucretia Palliani Ducissa habent He-
roides Marianæ, ex Maraccio in hist.

S. Mar. in porticu, eam supra cor su-
um inscripta gestasse hæc verba: *Noli me tan-
gere, quia Virginis sum.* Hæc ipsa planè in-
aret cordi suo adoptivus **MARIÆ**, contra o-
mnes incurfus affligentis naturæ, & non suc-
cumbet communi malo; quantumvis enim ceci-
derit, non collidetur: quia Mater ejus supponit
manū suā, & auxiliatur ei in tempore opportuno.

Duplex porro malum naturæ est; aliud
labefactivum, aliud autem planè dissolutivum
naturæ; primum incumbit nobis, cum adhuc ho-
mines sumus, aliud, cum homines esse defini-
mus. Quod primum attinet, ita multiplicatæ
sunt infirmitates nostræ, ut propè in naturam
abisse videantur. Hinc *S. Aug.* ait. in ps. 102.
quod ipsum nasci, incipere agrotare est: &
Hebræi hominem Enos, id est agrotum vocant.
Tantum equidem, & tam certum hoc malum
est, ut nobiscum concipiatur in utero, collecta-

neum nobis sit, & fidus in vita Achates, in morte autem unà subeat sepulchrum. Ab ipso utero eruditur homo miser esse, & morbidus, è quo utero, loquor cum Ambrosio, orat. de fide resur. *proicitur in hanc vitam spoliatus & nudus, corpore fragili, corde lubrico, imbecilli animo, anxius ad solitudinem.* In vita autem carnificem hunc semper nobiscum habemus, ut aiebat Thomas Morus; quamvis ubi necandi sumus, nesciamus. Quæ omnia, cùm considero, illud Senecæ usurpare cogor: *Nemo vitam accepisset, si daretur scientibus: nimis etiam quam verum est illud acroama Solonis apud Clem. Alex. lib. 3. Strom. O Crase, qui vis homo est calamitas.* Neq; verò vereatur is, qui Virginis est, in hoc universali malo, quia præstò habet illam, quam S. Damasc. de dorinit. B. V. vocat *officinam medicine egrotantibus, fontem perennem curationum,* & S. Germ. orat. de præsent. B. V. *medicinam insanabilium vulnorum nostrorum.*

Achillem vulnerari non potuisse industriâ Thetydos Matris, commentum est; lædi adoptivum MARIÆ non posse, Matris beneficium est: hæc illi præsidio inter quotidianos casus, pericula, & infirmitates est; hæc illi asylo, cùm à Iustitia Dei ad pænam quaritur; hæc, cùm à vindice Deo punitur, solatio est. Aliæ Matres hæc, quos pariunt, morbos ingenerant: qui enim viret

31 *Part. 1^{ma}. Sect. 1^{ma}. Cap. 4^{um}.*
viret in folijs, venit à radicibus humor; hæc
quos accipit in sua, sanat.

Græcis medicina erat universalis dicta
Pancrestos, ut habet Miechoviensis, *super*
Lit. Lauret. tit. Salus Infirm. quæ omnibus
morbis serviebat: qualis fortè fuit illa, cujus
meminit Richardus Brixienfis, *tom. 2. apud*
Carthagenam de ineffab. Sacram. cum co-
lumbæ sanguine extillato è latere dextero sub-
ter ala aperto contra omnis generis morbos u-
terentur. Medicina ægritudinum universalis
pro filiis suis, est Virgo Beata, hæc in iis, omne
quod in natura imperfectum est, integrat; quod
corruptum, reparat, quod mortuum suscitatur.
Neq; ægritudinum modò corporis, sed & ani-
mi præfens auxiliatrix est, imò omnis adver-
sitas undecunq; orta, fluit tanquam cera à facie
ignis, à facie Virginis respicientis super infir-
mitates filiorum: præstò illi est sanguis è latere
columbæ, id est è latere aperto filii sui crucifixi,
quo ceu omnipotenti alexipharmaco medeatur:
præstò est affectus & voluntas succurrendi, mo-
dò qui tangitur, Virginis sit, illius inquam Vir-
ginis, quæ ut vult Sapiens Eccl. 4. *filiis suis*
vitam inspirat, & suscipit inquirentes se,
& qui illam diligit, diligit vitam, qui
tenuerint illam, vitam hereditabunt, &
quo introibit, benedicet Deus.

B. Iordanus Ord. Prædic. habet teste
Barry

Barry parad. cap. 2. exercit. 5. de quodam
 sui Ordinis Religioso, quòd cum in latrones
 incidisset, nec modum evadendi vidisset esse su-
 per, abjectus in filiginem, illa verba iterarit:
 Monstra te esse matrem: Mira res, medius
 inter latrones, liber à latronibus, eorum ocu-
 los fefellit, absconditus sub tegumento alarum
 Marianarum; ut quem propè palpârunt, tantum
 non super eum cadentes, non viderent. Idem
 quotidie potens est facere Mater invocata, pre-
 mit te morbus, invoca illam, & non tange-
 te: petit adversitas; invoca Matrem & non
 profternet te; invadit afflictio, recurre ad MA-
 RIAM, & non obruet te: *ipsam rogans ait*
S. Bern. ferm. 2. super Missus, non desperas;
ipsa tenente non corruis, ipsa protegente
non metuis, ipsa duce non fatigavis, ipsâ
propitiâ pervenis. Unde bene monet Thom.
 a Kemp. 3. part. ferm. ad Novit. c. 2. Si con-
 solari in omni tribulatione queritis, accedi-
 te ad MARIAM Matrem IESV; & o-
 mnia gravamina vestra aut citò recedent,
 aut leviora fient. Eligite hanc benignissi-
 mam Matrem IESV, præ cunctis parenti-
 bus & amicis vestris, in matrem specialem,
 & advocatam ante mortem &c.

Alterum genus inali naturæ est planè dis-
 solutivum naturæ, nullumq; aliud est, quàm
 quo deficit cujusq; natura: Hoc malum malo-

rum pessimum ne filiis suis noceat, adest pia Mater præsens auxiliatrix, ac mortis dulcoratrix, secundum quod ipsa dixit S. Mechtildis apud Blosium monili c. 12. n. 10. *Ego omnibus, qui mihi pie & sancte deserviunt, volo in morte fidelissime, tanquam Mater piissima adesse, eosq; consolari, & protegere.* Quæ quidem prærogativa assistendi data videtur Virgini per hoc, quod adfuerit Christo in doloribus, ut notat Salmeron, tom. 3. tract. 5. inquit: *Ob id, quod Christo nascenti & morienti MARIA adstitit, digna facta est, quæ filiorum Dei generationem, ut Mater pietissima foveat, atq; morti nostræ, in qua Deo per gloriam nascimur, singulariter succurrat, ut in tanto patrocinio & favore sublevati servatiq; Virginem sanctissimam imitemur, ac Filium ejus cum Patre & Spiritu Sancto per æterna secula exaltemus, atq; magnificemus.*

E qua quidem patrona assistentia, quantum dulcedinis hauriatur, patet inde, quod is, cui assistit, quadamtenus certus reddatur de salute sua, possitq; usurpare illud Bern. super anissus: *sicut à te despectus & aversus, o Virgo, necesse est, ut pereat, ita ad te conversus, necesse est, ut salvetur.* Quæ certitudo tam mihi firma videtur, ut meritò huc, servatâ proportionē, referre possim illud P. Cottoni

virī ob vitæ sanctimoniam per orbem clarissimi, cui ea vox frequens erat: quam etiam legere pōtes apud eum *meoīt. 10. de prædest.* Si à me mea dependeret prædestinatio, certus planè essem ac securus ob naturalem mei erga me ipsum affectum & amorem: At amor, quo tu Deus me prosequeris, supernaturalis, Divinus, infinitus, ac proinde tantò meo amore superior, quantum cælum terrâ, gratia naturâ, Creator creaturâ dignior est. Beatum me, quòd in tam bonum incidam Dominum, dum à me ipso egredior, quòdquē salus mea illi committatur, & curæ sit; qui me infinities majore, quam ego ipse, amore prosequitur.

Hinc ortam puto in pluribus illam confidentiam, qui ad mortem tanquam Sponsa ad thalamum, aut avis ad libertatem, anhelabant, lætantes de tempore impendente, quo in domum Domini ituri essent: Item eorum, quibus unicum in morte gaudium erat filium fuisse *MARIÆ*, qualiter lætatum refert *Doutreman pedag. Christ. p. 2. c. 25. n. 33.* Iustum Lipsium notum illum tot editis præclaris voluminibus virum, qui quæsitus à P. Leonardo Lessio Confessario suo, quæ res esset, unde nunc maximè gauderet in agone, respondit: nulla magis, quam quòd in Partheniorum *MARIÆ* Sodalium numerum adlectus sum. Qualiter item lætatus est Sodalis ille Lovaniensis,

C2

hujus

cujus jam sexagenarii morientis ea suprema vox fuit: *de quo habent Annua Soc. Anno 1604.* bene habet Sodales, quæ duo viventi fieri præsidia, nunc sentio, quam vera sint morienti solatia, unum quod Sodalis (scio quia indignus) Dominam tamen meam supplex coluerim; alterum, quod Pœnitentiæ & Eucharistiæ Sacramenta diebus singulis Dominicis & festis frequentârim.

Deinus verò aliquos parum probè vixisse, hocq; rerum articulo expectare sententiam Iudicis; hos ego tales, quamvis de salute sua assurecurare non possim, multam tamen eis spem facio, quia bonam Dominam habent, quæ cum sit Mater eorum & Iudicis, salutis ipsorum negotia efficaciter pertractabit, impetrabitq; eis hanc ut summum à Iudice sententiam, quam Salomon dedit Abiathar Sacerdoti. 3. Reg. 2. *Vade in Anathot ad agrum tuum, & quidem vir mortis es, sed hodie te non interficiam, quia portasti arcam Domini:* quasi diceret, vir quidem mortis es, sed hodie te non interficiam propter arcam, id est **MARIAM**, cujus filius es, priusquam in Anathot, id est ad cantica, quibus desneas peccatum tuum, iveris. Cum his talibus sit, quod cum filio mulieris illius, *Apoc. 12.* quæ apparuit in cælo, ut signum magnum, nam & hic draco stetit ante mulierem, quæ erat paritura, ut cum peperisset,

perisset, Filium ejus devoraret, neq; tamen quidquam profecit, nam raptus est filius ejus ad Deum, & ad thronum ejus.

Longus sum, si rem exemplis confirmare voluero, quæ nimis quàm decantata sunt, de quibus Idiota contèmpl. 18. p. 4. *tui*, inquit, *Virgo*, Omnipotentia manifestè ostenditur, quia multos ex improvviso mortuos, qui dum caderent, tuo patrocinio se commendaverunt, liberasti: multos etiam, qui sine penitentia decesserunt in peccato mortali, à diaboli faucibus eripuisti, & ut possent agere penitentiam, ad vitam reduxisti. Quorum numero accensendus videtur sodalis ille Congregationis Torunensis, qui cum inter hilaria, apoplexiâ, tactus esset, redux è purgatorio petiit aliena quædam restitui, & peregrinationem pro se ad B. V. Czeszochoviensem ac Landscronam: exclamavitq; ô beatam Congregationem Torunensem! in qua contritionis actum elicere sum edoctus; ut refert Nadasi. ex annuis Coll. Cracoviensis, Anni 1626. signo prædest. IV. consil. 100. Item ille Spoletanus Sodalis, de quo, idem in Annal. Marian. an. 1583. cui nomen Ioannes Philippus, quem cum cacodæmon objectis ignibus & telis inferni, morientem territasset, comparens Virgo pretiosissima adjuvit, nam redditus sibi, factaq; fidei professione, cum ei aqua porrigeretur.

36 *Part. 1ma. Sect. 1ma. Cap. 4tum.*
geretur ad abluendum os, respondit, non ege-
re se liquore, cum sibi à Regina cæli calix ple-
nus sanguine IESU porrectus sit, & lacte ex
uberibus ejus sacratissimis refectus, quibus e-
tiam in verbis sacratissimè immortalus est. Po-
terant hi aliq; ope Virginis liberati cum so-
dali illo. in simili adjuto apud Leckner. in *sod.*
Parthen. lib. 3. c. 10. n. 12. exclamare, non
ter tantum, sed millies, *Victoria! Victoria!*
Victoria! bonam Dominam habemus; pote-
rant, ut nuper prodigus ille filius dissipatâ eti-
am substantiâ exclamare apud S. Petrum Chry-
sologum serm. 14. *Ego perdidit, quod erat*
Filii, at ille quod Patris est, non amisit.
illa quod Matris est, non amisit: bonam
Dominam habemus.

Quæ omnia cum considero, occurrit mi-
hi illud epiphonema Manilii scribentis de Alco-
ne Cretensi, apud Valer. Flaccum lib. 1. qui
cum filium suum fortè dormientem deprehen-
disset, quem circumvolutus serpens circa cor-
jamjam vulneraturus erat, ita scitèeductâ pha-
retrâ, tetigit, ut & serpentem occiderit, nec
in tam periculoso ictu etiam filium modicè læse-
rit; quo narrato, subjungit. *Mirabile erat*
hoc opus, sed ars erat esse Patrem. Mirabi-
le revera, quod tot nebulones, tot in vitiis e-
nutriti, tot à dæmone circumvoluti, ac propè
jam devorati, salvati fuerint; sed ars erat esse

Pa-

Patrem; ars erat esse Matrem: clamavit pro
iis ad Dominum, ut olim pro eo, quem in vin-
culis genuerat: *Tu illum, ut mea viscera sus-
cipe* Paulus ad Philemonem: & exaudita Ma-
ter pro sua reverentia; imò exauditus est Fi-
lius ipse, licet fortè nihil minùs, quàm de salute
sua cogitaverit: quod mysterium videtur esse
in precibus MARIE numis quàm frequens, ut
in filios ejus reciprocetur amor Matris, ipsiq;
exaudiri dicantur sola Matre pro iis orante,
quemadmodum *Gen. 21.* Deus dicitur exaudi-
visse vocem pueri Ismaëlis, cùm tamen præ fiti
moriens iste nec os aperire potuerit, & sola
Agar mater, abjecto puero subter unam arbo-
rem sedens contrà levârit vocem suam, flensq;
dixerit, *non videbo puerum morientem.*

Vides ergo quantum & ex hoc capite feli-
citatís sit esse filium MARIE, quod Matri po-
testas data sit assistendi morientibus, imò &
inducendi ad Regem, quod Iudæi fabulantur
de Mitraton, seu Principe Creaturarum; quæ
continuò assistit ante faciem Dei, & inducit be-
ne de se meritos ante faciem Regis. Reliquum
est, ut probè expleas omnes partes adoptivi,
sic enim fiet, quod *Sap. 2.* dicitur: *Si est verus
filius Dei, suscipiet illum, & liberabit ibi-
lum de manibus contrariorum.*

CAPUT 5^{tu}m.

*Quem MARIA adoptat in
filium, ei providet in necessi-
tatibus fortune & gratiæ.*

Magna sunt hæc bona, quæ præparavit di-
ligentibus se Virgo Beata, quæ tamen
si eos non movent, qui ad filiquas tem-
poralis fortunæ respiciunt, cogitent velim,
quod in domo Matris hujus benedictæ, etiam
mercenarii abundant panibus. Fortuna ipsa est
generis sui, novusq; quidam & indeficiens
fons, è quo hauriant tanquam è Nilo omnes,
qui se conferunt ad eam: de hac verius illud di-
xeris, quod de Adriano Imp. Sabellicus: lib. 4.
Ennead. 7. *Neminem vidit pauperem, mo-
do innocentem, quem non ditaret.*

Et quidni prædam det domesticis suis, for-
tis hæc mulier, per cujus manus transeunt ea,
quæ conferuntur etiam externis & malis: su-
is utiq; illud servat: Luc. 12. *Fili tu semper
mecum es, & omnia mea tua sunt.* Novit
reliqua adjicere, quarenti primò regnum ejus:
novit bona data dare filius suis, si tamen non
planè canes esse velint, cupientes micæ, quæ
cadunt de mensa filiorum, nec sint ex numero
eorum.

eorum, de quibus Sapiens Eccl. 29. ait, quod
donec accipiant, osculantur manus dantis.

Inter Cistercienses abiêrat in proverbium: *Domina Charitas providebit*: quod ortum habuit talem: Vir quidam mediâ confectus ad S. Baldwinum fundatorem Bodolensis canobii veniens, orabat eleemosynam, cumq; vir sanctus dimidium panis hordeacei, qui reliquus domi erat, ei dari iussisset, perrexit petere & pulmentum; hoc cum domi deesset, subjunxit mendicus: *Domina Charitas providebit*: nec fefellit, nam postliminio redux cum mappa, cujus pars una candidissimos habebat panes, altera nobilem farinam pro pulmento fratrum, hæc vobis, ait, *Domina Charitas transiit, & evanuit. Refert hoc Henriquez in fasciæ Cisterciensium lib. 1. cap. 3.* Providebit *Domina Charitas*, providebit adoptivis suis MARIA, in affectum enim Charitatis transierunt ejus viscera, nec pati potest aliquem ex suis derelictum, aut semen suum querens panem.

Rosweidus in Vita S. Ioannis Eleemosynarii cap. 34. habet, quod pater quispiam moriturus, accito ad se, quem unicum habebat filio, optionem fecerit, vel acciperet testamenti loco, decem, quas reliquas habebat, libras auri, vel his in pauperes erogatis, Beatissimam Virginem loco testamenti: placuit prudenti ele
do:

tori ultimum, quod nec ipsum fefellit, nam cum à morte patris omnibus nudus esset, à S. Ioanne Eleemosynario re comperta, domo, uxore, hereditate copiosa auctus est. Geminum huic est, quod lego apud Ioannem Herolt, quem alias vocant Discipulum. Refert is, mulierem, quæ alendis prolibus non erat, filias duas seditisse coram imagine. Deipara, dixisseque: En tuæ filiæ, tibi eas relinquo, curam illarum habe, quia tu es mater illarum. Vix templo egressæ erant, & adest, qui centum libras auri pro elocatione filiarum offerret. Neq; hic stetit amor *MARIÆ* erga filias suas; cum sic dotatæ, non quidem suâ culpâ, sed vitio alieno, honestæ non essent, vulgusq; malè explicaret, quod capere non poterat, submissus Angelus de cælo, qui populo inspectante toto, utramq; Virginem coronaret, coronandoq; diceret: Hæc vobis mandat Mater vestra, Virgo Deipara in signum Virginitatis vestræ. Recentius est, quod habet Gumpenberg in Atlante *Mariano imig. 780.* de Matrona, Benigna nomine, æditimi curam habente in paupere quopiam Sacello Catanæ in Sicilia, quæ cum accensâ pro more lampade ante imaginem Virginis peteret gratiam videndi semel adhuc in vita filii captivi apud Turcas, eâdem die voti compos facta est, translato Divinitus filio; filiaq; nubilis, virgo equestri, matrimonio copulata, qui in carce-

re votum voverat se iturum ad prædictum sacellum, ducturumq; Virginem indotatam. Providit his Domina Charitas, providit MARIA, providebit & aliis abundanter, modo malint esse filii Cordis, quàm ventris, id est modo velint servire MARIE propter MARIAM, & non propter hæc caduca. Bene Richardus à S. Laur. lib. 2. de laud. Virg. c. 1. applicat Virgini, quod de filio ejus dicitur ps. 54. *Iacta cogitatum tuum in Dominum, & ipse te enutriet*: aliàs etiam verum est illud Eccl. 6. *ubi non est mulier, ingemiscit egens*: quod bene idem Richard. explicat: *Vbi cunq; MARIA mulier non est, non est, nisi gemitus & egestas.*

In Germania tres sunt abbatiæ referente P. Pikenio in peregr. ob ingentes divitias sortitæ opulenta nomina: prima est Melicensis, quæ dicitur modius semper plenus, altera Claustrum Neoburgense, quod dicitur, Vas semper fluens, Tertia, Godvicense, quod dicitur Nummus semper resonans, putatq; vulgus tantas in iis esse opes, ut in uno semper frumenta dimetiri, in alio semper depromi vinum, in tertio, semper pecunia per annum numerari possit. Speciosa sunt hæc nomina, sed deficere possunt in divitiis suis: non potest, qui pertinet ad MARIAM; vas illa est semper fluens, & supereffluens, nobilius longè, quàm vas oleo ple-

plenum Elisæi, ex quo accipiant universi, pauper divitias, æger curationem, tristis consolationem; Mater charitatis, (sic B. V. appellatur Bern. serm. 60.) providet omnibus affluenter.

At relinquamus hanc scoriâ, seu ollam fortunæ: potiora bona sunt illa bona prov. 2. *Super argentum & aurum gratia bona:* de quibus S. Thom. q. 113. a. 9. ad 2. Bonum, ait, gratiæ unius, majus est, quàm bonum nature universæ: imò, majus est, quàm bonum gloriæ beatificantis, quia plus excedit donum gratiæ dignitatem impij, qui erat dignus penâ, quàm donum gloriæ dignitatem justij, qui ex hoc ipso, quod est justificatus, est dignus gloriâ. Cætera bona caduca sunt, non solum, quia legitimum non habent hæredem, sed etiam quia possessio eorum verus casus est, adeoq; bona cætera ipsum nomen mentiuntur: collatio gratiæ verum bonum est, & stabile, de quo accipe illud Sap 7. *Infinitus est thesaurus hominibus, quo qui usi sunt, facti sunt participes amicitie Dei.* Alia bona vocantur fortuna, quam inter causas per accidens unâ cum casu numerat Philosophus, quia per varios casus, per tot discrimina rerum tenentur; bonum gratiæ beatitudo dici potest, & causa per se omnis boni stabilis, nec obnoxia ullis casibus, nam nec perdi potest, nisi per mortem peccati. Hæc bona stabilia sua parat

Filiorum Protectrix B. V. 43

parat Virgo, hæc Mater pia thesaurizat filiis suis, ut per eam maxima & pretiosa dona accipientes, efficiantur Divinæ consortes naturæ.

Sanè si in comparisonem vocare licet Sanctos Dei, in iis quidpiam speciale me videre videor, qui quoquo modo dum viverent, ad B. V. referebantur, vel specialius ei devoti fuerunt: hinc & rariores gratias & charismata iis communicata adverto, quàm aliis, qui tali titulo caruere. Expletum hinc videtur illud, Benedicam benedicientibus tibi, & qui benedixerit tibi, benedictionibus replebitur. Quæ ratio est, cur vita spiritualis Magistri, instillantam tyronibus cum lacte devotionem ad Beatissimam Virginem putent; sciunt enim quòd non unus è bove muto gratus plenus, & Angelicus evaserit Thomas, qui puer adhuc frequens masticavit Ave MARIA. Certè in hunc finem condita videtur regula illa in Ordine S. Pauli primi Eremitæ, ut Novitio veste religiosa induto detur disciplina, & coronâ B. V. ut habet *Greg. Teretius Ord. S. Pauli in directorio pag. 271.* hinc etiam S. Franciscus Borgia, cum Novitios quosdam Societatis deprehendisset sine speciali devotione ad B. V. monuit Magistrum Novitiorum, ut impensius salutem eorum attenderet, futurum enim, ut deficiant è Societate, qui se non dicant Magnæ Matri precibus quotidianis: *ut testatur*

Imago

44 Part. 1ma. Sect. 1ma. Cap. 5tum.

Imago primi seculi Soc. lib. 1. cap. 5. p. 186.
76. Scilicet frustra quis putet, se gratias aliter derivaturum à Deo, quam per eam, quæ iuxta Idiotam, de B. V. part. 3. contem. 3. *canalis est, per quem fons Divinæ gratiæ, ad universitatem humani generis redundavit.*

Advertit hoc Dux ille Populonensis, apud Lechner in *sodali Parthen. lib. 1. cap. 8.* qui cum toto coram orbe morti vicinus protestatus esset, se quidquid virtutis haberet, id totum à MARIA accepisse, filium suum his compellavit. *Et tu fili, ait, Sodales exora, ut te in suum consortium admittant, hac hereditate nihil prestantius est, quod tibi relinquam:* apud eos fugitur de lacte Matris benedictæ, bibitur spiritus MARIÆ, gratiæ & virtutes uberius conferuntur. At non vacat his iminorari, nam ea, quæ cap. 1mo. & 2do hîc exposuimus, facile huc applicueris.



CAPUT 6tum.

*Quem MARIA adoptat in filium,
ei providet de hereditate æterna.*

Portum attigimus, quem hactenus in mari gratiarum fluctuantes respectabamus, dum dicē-

Filiorum Protectrix B. V. 45

Ciceremus cum Bonav. in psalt. *Deduc me in portum salutis, ac per te inter justos scribatur nomen meum.* Fas erit excensionem facere, portusq; intrare licebit. Quem verò hoc rerum articulo reris statum filiorum Marianorum; *qualis erit,* ait Hieron. ep. de Cust. Virg. *illa dies, cum Diva MARIA Mater Domini thoris occurret comitata Virgineis:* si enim personam filii ipsam cogitem, puto eum præ vehementia gaudii dicturum illud, quod de Deo dicit Cicero: lib. 1. de nat Deorum. *Comprehende animo, & propone ante oculos Deum nihil aliud in omni eternitate cogitantem, nisi, mihi pulchre est, & ego beatus sum.* Si dulce commercium cum fratribus aliis considerem: quàm putes bonum, & quàm jucundum habitare fratres in unum: credo dicet, non unus, quòd nuper Sodalis ille Dolanus moriens, apud eundem P. Lechner in Sod. Parthen. lib. 2. c. 5. § 15. *O quàm bonum est Matri in ejus sodalitate famulari.* Si deniq; conjunctionem cum Matre tam amata cogitem, puto dicturum, quòd Sancta illa anima è Societate IESU apparens P. Hieremie Fischero, dixit: *Mihi penes B. V. bene est;* de qua testatur Nadasi in anno dierum memorabilem 23. Maii.

Quod attinet personam præmiandi, præter dotes aliis beatis communes, videtur habituru.

46 Part. i. me. Sect. i. me. Cap. 6. tum.

turus quaspiam speciales, quibus discernatur ab aliis, filius **MARIÆ**; quanto enim magis hæc nota sit filiorum, cum sit futura servorum, ut docet Niremburgius, de am. B. V. c. 10. & Pelbart9 in ste lario, Virg. lib. 2. enj9 hæc verba sunt: *Sicut servi Regis & Regine in curia regie certis notabilibus clenodiis adaurati procedunt, per quæ agnoscuntur esse servi Regis & Regine, & speciali purpurâ vestiti ambulant: ita in curia celesti servi Virginis speciali ornatu & gloria, quæ præ aliis Sanctis decernantur, quod servi sunt **MARIÆ** fulgebunt iuxta illud prov. 31. Omnes domestici ejus vestiti sunt duplicibus. Character hic ornatus erit, & insigne, quo discernatur inter filios **MARIÆ**, & filios diffidentia, imò & inter alios filios Dei, si tamen aliquis potest esse filius Dei, qui non sit & **MARIÆ** filius specialis. Qui quidem ornatus ita formosus erit, ut Angeli dicere possint illud Cant. 3. Egredimini filii Sion, & videte Regem in diademate, quo coronavit eum Mater sua: si enim adhuc in carne mortali exules, quod ait S. Sophronius Patriarcha Constantinop. 30. Jan. in vesp. de S. Baillio, de celo prospiciens universerum Regina, suarum laudum declamatores benedict. onibus coronat: si hæc fervire **MARIÆ**, regnare est, quid putas erit, quando dies solennitatis & præmii pro his omnibus*

omnibus adveniet. *Exulta*, ait Bonav. in psalt. ps. 43. *anima mea, & letare in illa, quia multa bona sunt ejus laudatoribus preparata.* Bene Septuaginta Interpretes illud prov. 31. *Surrexerunt filii ejus, & beatissimam prædicaverunt, ita legunt: surrexerunt filii ejus, & divites facti sunt.*

Quod alterum concernit, scilicet convivium felicem cum iis, quibus sicut una occupatio fuit in terris laudare MARIAM, sic unum præmium erit; hujus dulcedinem ille solus non capit, qui ignorat quàm dulcis sit talis fraternitas Ego certè cum beatum hunc circum considero, cujus centrum MARIA est, non possum non velle inseri tali Societati, quàm felicior alia sub Deo nequit intelligi.

Cercidæ Megapolitani, ut refert *Ælianus*, lib. 5. nat. hist. c. 20. morientis vox erat, se libenter mori, quia à morte sua visurus esset ex Philosophis Pythagoram, ex historicis Hecatheum, ex Pœtis Homerum, ex Musicis Olympum: corrigo votum carnalis hominis, qui non sapuit ea, quæ sunt spiritûs; libenter morer, si scirem, me à morte jungendum Societati, in qua ex Apostolis Ioannes, ex aliis Deo dilectis maximi quicq; Sancti, imò ex ipsa Trinitate Unigenitus Filius Dei, sunt filii MARIE; quanto putas gaudio replerentur ossa mei morientis, si id scire contingeret, utiq;
D nihil

48 *Part. 1ma. Sē 7. 1ma. Cap. 6um.*

nihil aliud dicerem, quàm mihi penes B. V. be-
ne est, & ego beatus sum: Corrigo item, vel
saltem addo votis Augustini dicentis, se optare
videre Romam triumphantem, Paulum prædi-
cantem, Christum conversantem; addo inquam
votis his & illud: videre filios **MARIÆ** præ-
miatos, deq; eorum albo esse, de eorum præmi-
is participare.

Hæc quidem erit gloria filiorum **MA-
RIÆ**, neq; tamen in eo sistetur: non capio me,
cùm centrum ipsum circuli considero, ipsam sci-
licet Virginem Matrem, è qua velut è centro
in omnem partem circuli, seu peripheriæ transe-
unt lineæ, in omnes calites bona quædam glo-
riæ accidentalis effunduntur: verba deficiunt,
cùm eam loqui debeo, quæ, ubi duo vel tres
congregati sunt, in medio est: amabo vos, si
non in ea est illa pulchritudo, cui convenit illud
Platonium: Pulchritudo ipsa si oculis cerne-
retur, mirabiles in se amores excitaret: an non
illa tota pulchra, in qua non est macula, illa, de
qua S. Greg. Nicomediensis: orat. de oblat. B.
V. *O pulcherrima omnium pulchritudinum!*
ô Dei genitrix, pulchrorum omnium orna-
mentum!

S. Hieron. ep. 25. ad Paulum, de obitu
Eleisæ sic inducit hanc compellantem Matrem
suam: *Putas me esse solam, habeo pro te MA-
RIAM Matrem Domini.* Felix profectò
hujus

hujus mutatio fuit, nam pro Matre terrena, accepit caelestem, pro Paula, MARIAM: Sed non unius tantum hæc felicitas fuit, omnium est electorum, singulariter tamen eorum; qui dum viverent, eam acceperunt in sua: præclara hæc hæreditas, & mutatio est, in qua Mater fit illa, quæ mille matribus potior est. Experta est hujus mutationis excellentiam Seraphica illa Virgo Theresia adhuc vivens in terris, de qua hæc habet Breviar. Rom: *Cum mortua matre à B. V. peteret, ut se Matrem esse monstraret, pii voti compos effecta est, semper perinde, ac filia Deiparæ patrocinio perfruens.* Expertus Sanctus ille Comes Elzearius, de quo Christus, oranti pro eo nobilissimæ Matronæ Gersendæ dixit: *Novervis me ei dedisse Matrem meam magistram; nihil igitur de illo dubites:* de quo Surius 27. Sept. in vita. Experta tot millia Sanctorum feliciter hodie regnantium in cælis, quibus bene est penes Deū Patrem, & MARIAM Matrē.

Ajunt è muris templi Matris Deorum (quam etiam Potentiam vocant) flammam vivam erumpere die, ac nocte, in regno Mogor, cujus Matris nomine putatur coli Deipara, ex aliquibus vestigiis à S. Thoma Apostolo inibi relictis. E glorioso corpore B. V. quod meritò templum Dei animatum vocatur à Patribus, flamma viva jugiter erumpit in cælis,
 Da quæ

50 Part. iiii. Sect. iiii. Cap. cxi.

quæ suos illuminet ea luce, cuius umbram cum vidisset S. Dionysius Areop. exclamat: ep. ad S. Paul. Fateor coram Omnipotentia Dei, & clementia Salvatoris, & gloria Majestatis Virginis Matris ejus, quoniam cum à Ioanne, verba Evangelii doctus fui, ad Deiformem præsentiam altissimæ Virginis, tantus me splendor circumfulsit exterius, & plenius irradiavit interius, ut nec corpus infelix, nec spiritus posset tantæ Majestatis insignis sustinere: imo alibi id est lib. de div. nom. cap. 3. fatetur, quod cum ad contuendum corpus illud, quod dedit principium vite, venisset, tantus ei splendor affuisset, ut Deum credidisset, nisi eum aliud fides docuisset.

Applica sis & tu fili MARIE sensus tuos; quid aliud videbis in hac Suiamite, nisi choros castrorum? choros inquam illos, qui lætificant civitatem Dei: Vide quanta assistat in vestitu deaurato Regina & Mater tua Deo tuo, audi loquentem de te: Hic est filius meus dilectus, in quo mihi bene complacuit; cognosce fili, verba hæc sunt S. Clementis Romani, quibus incitabat Christianos ad reverentiam Antistiti exhibendam: 2. Const. Apost. cap. 32. cognosce fili dexteram, quæ est Mater tua, dexteram olim in te profusissimam, cum exulares in terris, nunc autem extensam ad amplexandum te, ac recipiendum in æterna
tabernaculo

tabernacula: vide beatissimum illud corpus non humanis manibus præparatum; animam illam, quam Dominus solam ex omnibus soli sibi ordinandam reliquit, & replere voluptate ea, quam lingua exprimere non potest humana: Sanè si unius iusti anima ea est, ut rapiat contuentium illam, quemadmodum S. Catharina Senensis suo dicebat Confessario: O Pater, si tibi concessum esset intueri animam hominis absq; peccato, in gratia constitutam, propter amorem & salutem animæ tuæ, in prædam te dares cuilibet tribulationi, tormentis & cruciatibus quibuscunq; & pati non unam duntaxat, sed mille mortes eligeres: quantum putes rapiet anima Virginis, cujus decor ipse Deus est: si unius animæ de communi Sanctorum ea est pulchritudo, ut S. Bernardinus Sen. serm. 21. de animæ dignitate art. 1. cap. 3. audeat dicere: *Si formarentur tot celi empyrei, quot sunt aquarum gutta, quot sunt grana arene maris, omnis pulchritudo eorum simul sumpta non posset equari pulchritudini unius animæ:* quantam putes formam animæ Reginae cælorum, & Sanctorum omnium, de hac quidni illud dixeris ejusdem Bernardini: *Mensura pulchritudinem Dei, ad cuius imaginem facta est anima, mensura & potentiam, quâ potuit, sapientiam, quâ novit, & voluntatem, qua voluit illam sic creare*

92 *Part. 1^{me}. Sect. 1^{me}. Cap. 6^{turn}.*
creare; & intelliges pulchritudinem ejus
aut illud S. Augustini, vel potius Fulberti
Carnotensis operum S. Aug. tom. 10. in ap-
pendice serm. 83. *Si formam Dei te appel-*
lem, digna existis. Audi iterum plena salutis
loquentem de te, tuq; similibus, gemina illi,
quæ loquebatur Pater ille apud Xenophontem,
in sympos. qui cum varii varia sua jactarent,
dixit: *Ego glorior in meo filio: & filius: Ego*
glorior in meo Patre. O voluptas! o gaudi-
um! Fili MARIE vix capio me, quin agam te-
cum, quod S. Leonides Martyr egisse fertur
cum filio suo parvulo Origene, qui cum Divi-
na revelatione didicisset filium Divinâ scientiâ
replendum, sæpe sapius adiit cunas dormientis,
& stragulis, quibus operiebatur denudatum pe-
ctus, ac si sacer spiritus ipsum jam tum inhabi-
taret, suavissimis lachrymis irrigabat, ut ex
Eusebio Casariensi *lib. 6. instit. c. 2.* refert
Baronius. *Anno 204.*

At manum à tabula moveo, cum scriben-
dæ voluptati non sum, quam percipiet filius
MARIE in domo Matris. Quod tamen prius-
quam facio, monitum quemq; volo, soli illi ob-
venturam hanc felicitatem, qui exemplum Ju-
nii Bruti, sequetur, de quo habet Livius *lib. 1.*
dec. 1. & Val. Max. *lib. 5. cap. 3.* quod cum
ex oraculo didicisset, eum Regem futurum,
qui primus omnium, Deorum matrem deoscu-
laretur

Part. 1. mæ. Sect. 2. dæ. Cap. 6. tum. 53
 læretur, continuo ille jacens humi, Matri dedit
 oscula terræ; monitum inquam volo quemq;
 soli illi obventuram eam felicitatem, qui dum
 viveret, Matri oscula, id est amorem, ac ve-
 nerationem exhibuerit. At de hoc plenius statim.



SECTIO SECUNDA.

*Obligatio Filiorum MARIÆ, ma-
ximè ad amorem Matris.*

Vidisti felicitatem tuam fili MARIE, vide
 sis, quid nomine pollicearis: filii nomen, a-
 moris nomen est, ama ut filius sis, aut fili-
 us esse desine. Cypriani tract. de orat. domin.
 est illud: *Quando Deum Patrem dicimus,*
quasi filii Dei agere debemus, ut quomodo
nos nobis placemus de Deo Patre, sic ille
sibi placeat de nobis: quod ego huc referens
 ajo: Quando MARIAM Matrem dicimus,
 quasi filii MARIE agere debemus, ut quomo-
 do illa nos amat, sic & nos eam amemus: certe
 sicut Mater non est, quæ filium odii gladio à se
 dividit, sic nec filius, qui se per. divisionem a-
 moris separat à Matre: quod magis verum est
 in filiis adoptivis, horum enim generatio, ut su-
 præ diximus, radicatur in amore solo, cujus ra-
 dix

dix cum ficcatur, tota perit arbor, & filiatione. Servit huc illud B. Gratiae de Valentia ex Ord. Minim. apud Barry *in Anno sancto* 17. Oct. quæ quæsitæ, quantum ab homine Deus distet, respondisse fertur: quantum à corde amor. Tantum quippe quisq; à filiatione distat, quantum amor distat à corde: Amas? filius es; non amas? extraneus es. *Quam queris aliam* (ajebat Bern. serm. 83. *inter sponso*s) Matrem & filium) *necessitudinem & connexionem, præter amari & amare*; amor character est filiorum, & vestis aurea, quæ discernit domesticos ab alienis, inò virga Circæa est, aut, ut loquitur Sen. poculum amatorium sine herbis & veneficiis, quod alienos etiam transformat in filios.

Porro hæc necessitas amandi cumprimis incumbit adoptivo Mariano, nam unus amor differentia est, quâ hic ab aliis filiis distinguitur; alii quippe non per hoc naturam exuunt, quod oderint; cum & degeneres pulli ad stirpem referantur, & improbus Absolon, ac illusor Cham, filii maneant Patrum suorum: hic verò ita respicit amorem, ut quamprimum iste sublatus fuerit, tollatur tota relatio filiationis.

Ama inscriptum torquæ suo habebant equites ex ordine spicæ seu aristæ, quem Anno 1450. fundaverat Franciscus Primus Britanniae Rex, ut testatur Nadasi. *Anno Euchar. part. 3. hebdom. 36.* Ama in ipso nomine **MA-RIÆ**

RIÆ habet filius MARIÆ, nam si anagrammaticè paululum immutes sacrosanctum nomen MARIA, amari sonat, ut per hoc significetur amari debere ab omni eo matrem, qui cupit venire in sortem filiorum. *Interroget se*, ait Aug. in ps. 64. *quisq; quid amet, & inveni- et unde sit civis, & si invenerit civem Babylonie extirpet cupiditatem, plantet charitatem.* Interroget se quisq;, an amet MARIAM, & inveniet se ejus esse filium. Anselmi est illud lib. de excellentia Virginis cap. 4. *Qui in dilectionis erga MARIAM suavitatem transit, non diffidendum, quin in retributionis ejus, (dic tu filiationis) participium transiturus sit.*


Quæ quidem ratio cognoscendi, si aliàs fallit, nunquam fallere potest in filiatione Mariana, amorem ejus qui habet, speculum habet, imaginem matris referens; acum magneticam habet, quæ unum semper po um reiert, fructum habet, qui unam solum radicem refert; oportet accipiat MARIAM in sua, id est, ut Patres explicat, amore suo feratur in Matrem, qui Ioannes ejus, & filius esse vult; secus si faxit, alienus est, & ad MARIAM non pertinet.

In vita B. Catharinæ Genuensis lego, quòd dæmon quæsitus ex energumeno, quomodo vocaretur? responderit, post multam tergiversationem

giversationem: Nomen meum est sine amore Dei: Agnominem huic, & cognatum, ac quasi ex una arbore consanguinitatis putidum fructum bene vocaveris illum; qui sine amore *MARIÆ* est: nam & hic alienus est, & ad *MARIAM* non pertinet, & affinis hereditas ejus est cum filiis diaboli, mereturq; ut de se dicatur illud: Qui *MARIAM* non amat, anathema sit: sicut è contra ad *MARIAM* pertinet, cujus cor oleo & igne amoris Mariani plenum est.

De Angelico illo juvene Ioanne Berchemans è Soc. *IESU* testis est vita ejus, eum identidem exardescere solitum in amorem Dei paræ, palamq; profiteri: *Si MARIAM amo, certus sum de salute mea, & in religioso statu perseverantia; certus insuper sum, me omnia, quæ voluero, impetraturum à Deo, adeoq; quodammodo Omnipotentem fore.* Bene hic signum in bonum posuit in amore Deiparæ, qui enim *MARIAM* diligit, arham habet mutæ dilectionis, & filiationis: Ama illam, & certissima nota filiorum ejus in te est, ama autem amore vero, id est, amore, ore, re, seu ama continua cogitatione, verbo & opere, ama toto te: quo in modo amandi imitabere amorem beatorum, imò ipsius Dei, cujus sicut una occupatio est esse in actu semper intelligendi, sic etiam una est, esse in actu semper amandi

mandi, idq; tantum amandi, quantus Deus ipse totus est. Quem amandi modum ut teneat, & exequatur filius Magnæ Matris, eum sequentibus exponam capitibus, in primo quidem docebo amare more, id est semper, in secundo ore, in tertio, re.



CAPUT I^{um}.

Filius MARIÆ amet Matrem suam more.

PHilo ex somniis Rabbiorum refert, quòd Deus, absoluto opere sex dierum, quæsiit adstantes intelligentias; quid adhuc in creatione universi desideretur? respondiſſeq; unam ex iis: desiderari vocem, quæ ab Occidente in Orientem protrahatur, & perpetuò canat illud: *Omnia in sapientia fecisti*. Me si quis quærat, quid in filio Mariano. tantas inter opes adhuc desiderem? faciliè respondebo, me in eo desiderare tale cor, quod ardeat igne inextingibili amoris erga Matrem; tale os, quod solum & semper loquatur de amore MARIÆ: talem naturam, quæ aliquo tempore non amare nesciat. Sanè ejusmodi filius. æmulator mihi esse videretur

deretur. Seraphinorum, nam sicut hi ex amoris abundantia incessabili voce proclamant tuum illud trisagium Deo suo, sic & iste sine fine amans, jugiter cantaret canticum amoris. Matris suæ: ejusmodi cor lampas esset, cujus oleum esset nomen effusum **MARIÆ**, ignis amor: ejusmodi os cithara foret, cujus Echo alisa ad cor Matris incredibilem eliceret suavitatem; ejusmodi natura, omnem transcendens naturam, omniq; natura nobilior esset.

Fuisse se aliquando *naturâ filium iræ, sicut & ceteros*, lamentatur Apostolus: Ephes. 2. *naturâ filium amoris* Mariani, esse aliquos, meq; ipsum cupreimis optarem; ut sicut ignis, natura, est vivere, aquæ frigefacere; sic mea esset, nunquam satis amandam Matrem diligere: quo ego casu in ipsa natura supra omnem naturam evectus, jugiter ac lætus canerem: Quis me separabit à charitate **MARIÆ**. Neq; vero, quia talem homini meo non dedit naturam factor meus, minus amare possum, aut debeo, cum quod ex natura non habeo, habere possim, ex virtute, si voluero. Quod quidem genus amandi tantò excellentius est altero, quòd ad amorem necessitaret; quantò plus excedit libertas necessitatem, amor voluntarius, coactionem, virtus naturam. Addo quòd in mea potestate sit hanc ipsam mihi conferre naturam, quæ perpetuò amet; si enim frequens
fuero,

Part. i. mē. Sect. 2da. Cap. i. m. 59

fuerit in exercitio amoris; qui mores fuerunt, paulatim natura fient, secundum quod dicitur: consuetudo altera natura; quæ quidem natura cum virtute acquisita sit, longè nobilior est, quàm si accepta fuisset per gratiam creationis, quemadmodum Patres docent nobilius esse fieri Angelum per virtutem, quàm talem creari.

Talem naturam habuisse videtur Raymundus Lullus, qui omnia opera sua ab amore proficisci dicebat: quæsitus enim quid ageret? ut plurimum respondebat: opus amoris: cuius esset? amoris: unde veniret? ab amore: quo pergeret? ad amorem: habet id de eo Barry *anno Sancto fer. sexta post Pentecost.* Talem naturam amandi Matrem habere debes fili MARIE; ut tota tibi vita amor sit, totæ & omnes actiones tuæ, eæ etiã, quæ de genere, ut vocant, indifferentium sunt, opera amoris, nec quidquam tam vile feceris, quod non in amorem liquetur.

Euchaitarum meminit S. Aug. *heresi 57.* qui sic dicebantur ab assidua oratione, eò quòd ad literam vellent intelligi illud 1. Thess. 5. *Sine intermissione orate.* Euchaita citrà hæresim & errorem, seu perpetuus amator Maris esto Mariane, ita ut nullum momentum in tempore reperibile sit, quo dici posset de te: nunc non amat, aut nunc omittit amorem, sicut nullum in tempore reperibile est, quo dici possit.

possit de vivente: nunc non vivit, aut de natura: nunc natura non est natura. Et certè, æquum est ejusmodi naturam inesse omni filio, quem recipit pia Mater hæc; cùm enim Matris amor stabilis sit, ac perpetuus, parum redderet filius, si daret amorem, qui de genere bonorum transeuntium esset, ac, ut ajunt, tantùm talis per occasionem: neq; etiam ego judicarem verè talem amare, qui identidem tantùm amaret, aliàs autè nihil minùs faceret, quàm amaret.

Ast inquires optandum quidem esse talem amorem, sed non faciliè sperandum, eò quòd intentus ad alia homo ab uno se amore non faciliè teneri permittat: cui talia metuenti, id respondeo, quòd ars artium ars amoris sit, quæ etiam plures modos invenit, ad hoc perveniendi faciliè; quòd aliàs impossibile videbatur obtentu. Horum aliquos hìc subjicio: te imitari non pigeat, quòd habere delectat.



Modus primus semper amandi B. V. per viam intentionis.

SI cuipiam agendum illud suaderem, quòd fugit S. Greg. Nazian. orat 2. de cura pauperum

perum, inquit: *Non tam sæpe respirare oportet, quam Dei meminisse*, rem factu impossibilem suaderi sibi multi judicarent, quis enim ita ipsi respirio affixam habeat mentem, ut nec unum sibi ex iis elabi patiatur, quin illud præveniat, aut sequatur memoria Dei? quis item frequentia cogitationum istarum excedere possit ipsa respiria, quorum velocitatem assequi non potest humana cogitatio? Scio quidem Augustini esse vocem illam: *Quoties suspiro, aut respiro, ad te suspiro Deus meus!* an autem non merum in hac voce votum fuerit, dubito. Ita quidem non-nemo opinabitur: si tamen panitius rem inspiciat, deprehendet omnia hæc probè fieri posse per artem amoris: ingeniosus iste artifex est, ipsa etiam respiria, ipsos arteriarum motus, imò ipsas motuum pausas viva de Deo cogitatione, & qui ex ea oritur, amore prævenit, suosq; in actus convertit.

Summorum artificum, teste Cabao, opusculum est, illum omnem assecuturum artem, qui ignem regere noverit. Artem artium artem amoris, idq; amoris continui facile didiceris; si ignem regere noveris. Porro ignis nomine accipe rectam intentionem, quã mediã, mirabiles conversiones & effectus amor facit, dum ipsas actiones hominis naturales, ipsaq; respiria de genere operum eximie charitatis esse facit, dum opera ex se indifferentia, ac ferè non

non digna nomine operum, ad statum supernaturalem elevat, ac vix non ipsas omissiones amoris facit esse opera amoris.

Plinius aliq; naturalistæ docent, quòd sicut semen bonum per multam pluviâ con-
vertitur in lolium, sic lolium multo solis calore in triticum converti possit; quò i ipsi propè oculis videmus: nam transportata semina è frigidioribus in calidiores regiones, multum meliorantur. Caloris emanati ab amoris igne, scilicet intentionis, virtus est, ut lolium seu opera non multum lolio meliora in nobile triticum, hoc est in consummatum amorem transmutentur. Quo in genere videtur mihi hæc virtus amoris, scilicet intentio, habere quandam quasi proportionem cum unione hypostatica, nam sicut vi unionis hujus actiones fiunt Theandricæ, sic vi intentionis, omnes actiones fiunt actiones amoris: item cum Sacerdote consecrante; sicut enim hic per verba consecrationis convertit panem in corpus & sanguinem Domini; sic per intentionem convertuntur abjectissimæ actiones in opera amoris excellentissimi; imò ferè non cum virtute Dei, sicut enim per hanc res ex se naturales supernaturalia operantur, sic per intentionem actiones naturales, operationes sunt supernaturalis charitatis. Bene S. Isidorus: lib. de contem. mund: *Tale, inquit, erit opus tuum, qualis est intentio tua;*
odium

Part. i. me. Sect. 2da. Cap. i. num. 83

odiu erit, si radix vitiata fuerit; amor erit, si ut actus imperatus ab imperante, processerit ex amoris intentione. Illud Cant. i. v. 4. *Recti diligunt te*, septuaginta legunt: *Rectitudo dilexit te*. Rectitudini enim intentionis hac virtus inest: ut omnia opera transformet in amorem; adsit illa, & opera ex se vilia; exeunt quodammodo à se ipsis, pereunt ac moriuntur sibi, vivunt autem Deo, transeuntq; in Deum, qui Charitas est, ac deificantur. Bene Blosius: expeditissima, inquit, ratio perveniendi ad sincerum Dei amorem est, ut amore ejus & honore movearis ad agendum: addere potuisset; expeditissima ad amorem Dei perpetuum ratio perveniendi est, ut amore ejus & honore movearis ad agenda omnia, quæ agis, juxta monitum Apostoli 1. Cor. 10. dicentis: sive manducatis sive bibitis, sive aliud quid facitis, omnia in gloriam Dei facite.

Tenes opinor artem semper amandi, adoptive *MARIÆ*, quam si practicaveris, tibi illud serviet, quod Lacæna illa mulier dixit filio è bello reduci, ibiq; claudo effecto: *Maçte animo fili! nunquam gressum pones sine revocatione virtutis: maçte animo & tu! quia nunquam movebere sine actione amoris; omnis enim motus tuus, motus erit amoris.*

Clemens Alex. *padag. lib. 2. c. 11.* meminit quorundam, qui in aureis clavis subter

E

Cal.

calceos amatoria verba insculpserant, quæ dum in arena relinquebantur, legi possent ab amatis: alio clavo opus non est quàm intentione orta ab amore; hæc toties verbum Amo, scribet non in pulvere, sed in corde Matris tuæ, quoties gressum pones, imò quoties respirabis, aut suspirabis: & quamvis aliquando nihil minùs recordatus fueris, quàm amoris, quia tamen opus tuum ex virtuali, ut vocant, intentione amoris procedet, opus amoris erit: ferè sicut signum ad placitum rei significatæ signum est, etiamsi reflexè non cogites de actuali significatione illius.

Et hoc quidem signum in bonum, magni semper fecerunt servi Dei, docti ab Apostolo, sive manducent, sive bibant, sive aliud quid faciant, omnia ad gloriam Dei facere; quod quidem ita familiare fuit S. Ignatio, ut ipsius tessera videatur, nihil enim ei in ore frequentius, nihil in corde & charta, quàm illud suum: Ad Majorem Dei gloriam: hæc ei quasi proverbii loco erant, his opera & virtutes suas præveniebat, comitabatur, & quodammodo condiebat, ac subsequerebatur. Certè P. Hadrianus Lyraus in *apoph.* testatur in solis regulis ab eo scripta esse 188. vicibus, nimirum in Constitutionibus 117. vicibus, in Examine 27. in Declarationibus 44. De P. Nicolao Lancicio, viro per orbem famâ sanctitatis celeberrimo testantur

stantur graves Scriptores; eum eò sanctitatis pervenisse; ut singulos passus incedens, & singulas literas scribens, amore Dei faceret ac offerret. *P. Pawłowski in locut. Dei ad cor.*

Singularis in eo genere fuit P. Gaspar Druzbicki, ut patet ex scriptis ejus, maxime refertis actibus intentionis Divinæ, qualis inter alios est ille, quem tradit in libro cui titulus est provisionum senectutis. *Provisione 6.*

Sanctissima Trinitas unus Deus, Dominus meus: Ego N. servus tuus, me totum & totam substantiam meam, & vitam & omnes actiones, passionesq; meas totius vitæ meæ: in specie autem omnes hujus diei tam ordinarias, quam extra ordinem improvise incidentes, omnes quoq; earum circumstantias, omnibus & singulis specialiter intersertas, adjunctasq; atomos item earum & momenta, mutationesq; singulas: creaturæ quoq; Tuæ cujuslibet substantiam, actionem, passionem, mutationes, momentum, atomum, circumstantiam quamlibet Tibi, pro me, proq; omnibus creaturis mihi impersonatis, offero semel pro semper ad hoc quidem,

1. Principaliter: Ut intentiones, voluntates, gustusq; Tuos Divinos tam internos quam externos, etiam quantum ex me, approbem, impleam, honorem, imiter.

2. Ut etiam intentiones IESU Christi
Et omnes

Omnes erga te Patrem suum æternum, erga ipsam se, erga hostes; habitas honorem, æmuler, impleam.

3. Tum verò secundariò ad hoc: Ut Tibi Deo Domino meo pro omnibus, cum omnibus & per omnes, amorem, laudem, adorationem, exaltationem, obedientiam, timorem, fiduciam, reverentiam, omnemq; debitam religionem, ac devotionem exhibeam, non exhibitam verò aliquandocunq; suppleam.

Ut exaltem, imiterq; IESUM Christum, & ejus Pretiosissimam Parentem, Sanctosq; omnes.

Ut adorandam voluntatem Tuam omnem, bonam, beneplacentem, ac perfectam expleam, eiq; me perfectè conformem semper, omninodè, per omnia, sponsaliter, transformativè. Et hoc quidem ad saginandum gustum Tuum Divinum millies, millies, infinitiesq; majore proportionaliter glorificatione: cum millies, millies majori proportionaliter fervore, ac ferventiore exercitatione, cujuslibet atomi ac momenti super aliud, cujuslibet actionis ac passionis super aliam, cujuslibet circumstantiæ ac mutationis super aliam. In unione ac balneo Pretiosissimi sanguinis, meritorumq; IESU Christi, Pretiosissimæq; ejus Parentis, Sanctorumq; omnium triumphantium ac militantium, quia Tu ita vis, & dignus es Deus meus

Part. I. me. Sect. 2da. Cap. I. mum. 67

meus, & quia ita ego debeo velle, voloq; debere Tibi Uni, Trino Deo meo. Propter nullum bonum meum, quatenus meum, sed propter omne bonum Tuum, quatenus Tuum, ad exaltandum Te juxta mensuram indignitatis meæ, in æternum & ultra, quamdiu Tu Deus eris Deus.

Quibus accensenda videtur S. Maria Magdalena de Pazzis, cujus hæc frequens vox erat: ut habetur in Vit. cap. 75. *Si crederem me uno solo verbo dicto ob alium finem, quam ob amorem Dei posse evadere Seraphinum, nunquam illud dicerem.*

Huc refer omnes illos, qui pactis ceu quibusdam vinculis, colligant operibus suis amorem, dum v. g. dicunt, toties te amo, quoties arteria mea movebitur, quoties respirabit creatura, quoties ad aliquam actionem meam concurret Omnipotentia Dei: &c.

Quo genere pactorum *nullum esse eminentiorem & utiliorem modum Deum amandi* ait P. Stephanus Binettus, in *praxi Divini amoris* c. 29. ubi inter cætera, sic cum Deo paciscitur. Dignare Domine pactum amoris mei admittere, quo paciscor tecum, ut, quoties oculos in cælum elevavero, ille actus sit interpres cordis & amoris mei, quo tibi offero omnem omnium creaturarum amorem, quo te amant Angeli tui, & quidquid creatum est

est. Qui si esset in mea potestate, vellem te omnibus omnium creaturarum voluntatibus toties amare; quoties calum aspicio. 2do quoties respiro, vellem in cor meum omnia omnium Angelorum hominumq; merita attrahere, ut aërem attraho, & eadem, modico meo amore adjecto, tibi reddere, tibi offerre cum amore illo, quo ipse te amas. Benedic anima mea Domino & omnia quæ intra me, & extra me sunt nomini sancto ejus. 3tio sicut Moyse dixisti Deus: Aaron frater tuus erit os tuum, & Advocatum dedisti nobis IESUM, qui assisteret vultui tuo pro nobis: ita desidero non meo tantum, sed & illius corde amare te, loqui tibi, offerre cor meum & omnia corda tibi. Ille sit spiritus oris mei, quo te orem, cordis, quo te amem; operum, quibus amorem meum exerceam. Id quod ego non habeo, do ex infinitè infinito thesauro amoris, quo ille te amat. Ille amor solvat debita mea tibi, offerat opera mea tibi, sacrificet cor meum tibi, ut sit holocaustum in odorem suavitatis: Cum illo omnia nobis donasti: omnia ego cum illo vicissim, & me dono simul tibi. Malo ut tu me habeas, quam ego me, Domine. Si quis melior te amandi modus mihi occurreret, illo te amarem, & hunc renovatum volo, quoties usurpo hanc vocem; Deus!

Imitare hos quisquis **MARIAM** amas,
& verè de te dicere potero, quòd amorem ejus
semper

semper portes in pectore, nec unquam cesses à dilectione Matris tuæ; qualiter de S. Cæcilia Martyre & Virgine canit Ecclesia, quòd *E-vangelium Christi semper gerebat in pectore suo, & non diebus, neq; noctibus à colloquiis Divinis & oratione cessabat.*



Modus secundus semper amandi B. V. per viam intensificationis.

EPhes. 5. monet Apostolus, ut redimamus tempus: *videte, inquit, quomodo diligè-ambuletis, non quasi insipientes, redimèntes tempus.* Mirabile hoc monitum videtur, scienti, quoniam nec quæ præterit, cursu revocabitur unda, nec quæ præterit hora redire potest; mirabile, inquam, non tamen impossibile, scienti, quanta sit virtus amoris, cùm operatur tota intensificatione sua; reducere ille scit diem, quam perdideras, & incauto tibi elabi passus fueras, resuscitare novit horas, ac ab interitu vindicare non revocabile tempus; velit: & consummandus in brevi explebis tempora
multa

multa; velit: & redibunt anni, quos voravit locusta, bruchus, & rubigo; velit amor & in horologio Achaz redibit Sol decem lineis, suppetet modus tanta faciendi in brevi hora; quanta fecisses, si singulis diebus lineam æternitati pingisses.

Docent Philosophi cum D. Thoma per unum etiam actum acquiri posse habitum, eo quod unus saepe æquivalet pluribus remissis: & patet experientiâ, nam multi post insigniorem sui victoriam in ardua virtutis materia facilitatem miram in eodem genere virtutis acquisiverunt, queinadmodum de S. Francisco Xaverio tradit Tursell. in vita, quod post unam illam heroicam sui victoriam, quâ pus fatidum suxit ex ulcere ægri, summam ad ejusmodi obsequia facilitatem habuerit, à quibus mirum, quantum ante abhorruit; imò quid dico facilitatem, unus actus non raro magnam confert sanctitatem; qualis videtur fuisse ille actus boni Latronis, inter opprobria crucis confitentis Dominum, quem crucifixerunt Iudæi: qualis fuit actus ille S. Ioannis Gualberti condonatis injuriam occisori fratris sui unice dilecti: item ille illius magnæ servæ Dei nomine Blonda ex Ord. Servit. cui cum à morte viri ac parentis unicum à morte solatium filius occisus esset, cumq; insuper ab occisoribus pietatem simulantibus, ut plenius in Matrem favirent, corde occisi

occisi filii sui passa esset, hocq; insuper ab iisdem illis insultantibus afflicta ipsa rescivisset; ubi heroicâ fortitudine injuriam hanc crucifixo donat, in aliam mulierem mutata, absolutissimum numeris omnibus sanctitatis exemplar facta est: ut refert Barry *in anno Sancto*. Quod ipsum etiam verum est in actibus amoris, è quibus unum si posueris intensum, ac, ut vocant, heroicum amoris actum, plura feceris, quàm si continuò operatus fuisses remissa opera amoris. Porro quæris, in quo consistat hæc intensio amoris?

Philosophorum alii docent intensiorem consistere in majore radicatione qualitatis alicujus; alii in additione gradus ad gradum. Intenditur amor si magis radicetur in cordibus, radicatur autem magis, si magis depuratus fuerit à contrario, id est, si amor fuerit propter ipsum purum amoris bonum, & non propter aliquid aliud evanidum, vel si magis unitus in corde, & minùs ab eo separabilis fuerit, quantumcunq; hoc facere ausit mors, an gladius, an fames, an aliud aliquid malum. Intenditur etiam amor per gradus, si uni alterum nobiliorum adjicias; sic enim intra breve temporis spatium, ascendis amoris sublimitatem, ad quam semper amando non pertingerent, qui has ascensiones in corde suo non disponent. Sed ut propius ad rem nostram veniamus, gradus amoris Mariani varii sunt.

Pri-

Primus est Complacentiæ; hunc ascendit, cui nihil æquè placet ac laus MARIE, & amor: hic illi somnum & vigilias dulcorat, hic condit cupedias, hic labores lenit; in hoc gradu qui consistit, quod Bernardus *serm. 15. in Cant.* de SS. nomine IESU habet de MARIA intelligit: *Si scribas non sapit mihi, nisi legero ibi MARIAM, si disputes, aut con- feras, non sapit mihi, nisi sonuerit ibi MARIA; MARIA mel in ore, in aure melos, júbilus in corde.*

Alter gradus est benevolentiae; hunc ascendit qui amat MARIAM propter MARIAM, id est, qui ei bona vult, quia ei soli bona sunt, non autem quia de plenitudine ejus effluunt bona in amantem: ad exemplum S. Francisci Salesii, sic de Deo, suo amore loquentis: lib. 3. de amore Dei cap. 3. *Sat est, abundè est, mihi sufficit Deum esse Deum, bonitatem illius esse infinitam, perfectionem immensam, ego siue vivam, siue moriar, mea parum interest, quandoquidem dilectus meus æternum vivit vitâ triumphis plenissimâ.* Et ad exemplum illius, de quo habet Alphonsus Rodriquez ex Gersone, qui audito se damnandum, respondit dæmoni: *Ego non servio Deo pro salute & gloria, sed quia ille est qui est, & dignus est, cui à me serviatur.* Quo in gradu stetisse videtur Carolus S. Bir-

gittæ filius, cùm diceret: Revel. S. Birgit. lib. 7. c. 13. *In tantum gaudeo, quòd Deus Virginem MARIAM Matrem suam habeat supra omnia charissimam; quòd nullam creaturam vel corporalem delectationem mundi in permutationem illius gaudii acciperem.*

Talis amor vocatur ab ascetis, nomine amoris puri; habet enim suam & aurum scoriæ, fæces vinum, fursures triticum, & suam amores, ut sic loquar. impuritatem: amare se dicit alter timore pænæ, & amor servilis est, alter amore beneficiorum, & amor mercenarius est: alter ut vices reddat præviæ amanti, & amor fordibus amoris proprii ac privati admixtus est. Purus amor se non novit, nec ullum bonum suum, sed ejus unius, quem amat.

Tertius gradus est desiderii; hunc ascendit, qui optat amare MARIAM affectu post Deum maximo, ob tantas ejus perfectiones, velletq; unus omnium creaturarum amores transfundi in se, & tanto amore amare; quanto MARIA digna est; qualis amor est eorum, quorum id unicum votum est, ut ubicunq; auditur nomen IESU, etiam resonet nomen MARIE; in quem finem, libenter offerunt se, & virtutes suas, cupientes perire sibi, modò exaltetur amata, & magis ac magis honorificetur MARIA: quem gradum conscendisse videtur S. Birgitta, dum diceret: Revel. Extravag. cap.

24 *Amanda B. V. more.*

63. *Sic amo te MARIA, ut malim me Bir-
gittam nunquam natam, imò damnatam,
quam ut MARIA Filia Ioachim non fue-
rit Mater Dei.*

Quartus gradus est doloris, in hoc stant
ii, quibus nihil æquè durum accidere potest,
quàm si cursus Marianæ gloriæ impediatur; hoc
in casu clamant ad Dominum; sufficit mihi, tol-
le animam meam; filio mors est optabilior,
quàm Matrem videre inhonoram. Hunc gra-
dum conscendisse reor omnes eos Martyres
MARIAE, qui pro tuenda Virginitate, aut ali-
is prærogativis, ac privilegis B. V. contra
Helvidium, & Albigenes, aliosq; hæreticos,
extorres honore, bonis, imò & vitâ facti sunt.

Quintus gradus est extensionis; in hoc
qui consistit, diligit efficaciter omnes eos, quos
putat à MARIA diligi, efficaciter inquam, quia
cum iis totam paratus est dividere substantiam,
sic secum argumentans: si qui amat Dominum,
amat & canem ejus, eiq; cani amore Domini
projicit identidem panis particulam, quidni qui
amat MARIAM amet eos, qui MARIAE sunt
in deliciis, suamq; cum iis dividat portionem.
Ad hunc gradum Sodalitates Misericordiæ eo-
rumq; sodales, qui, ut ita loquar sanguine suo,
non bonis tantum enutriunt eos, quos nôrunt
MARIAE dilectos, de quorum aliquibus infra.

Sextus est impletionis; hunc ascendit, qui
quæ

quæ placita sunt Matri facit semper, quæ autem displicent, fugit semper: ascendunt item ii, qui de suo erga Matrem amore dicunt, quod filius ille: Nunquam cum Matre mea in gratiam rediî, quia semper quæ voluit illa, feci. Sed de his iterum intra.

Septimus est assimilationis; hunc occupant, qui in id unum intenti sunt, ut in eorum moribus reluceat MARIA, ut qui videt filium, cognoscat in eo Matrem, possitq; ex vero dicere, quod Urbanus VI. dixit de S. Catharina Vastanenfi filia S. Birgittæ, *Filia, tu vere suxisti de lacte Matris tuæ.*

Octavus deniq; gradus est conjunctionis; hunc conscendit, qui jugiter petit adherere MARIE, cupiens dissolvi & esse cum illa, timensq; etiam ad instans separari. Ejusmodi amantes habere amorem ligantem docet Richard. à S. Viçt. qui ita arcte amantem amatorem stringit; ut non nisi cum violentia, hæc unio solvi possit. In hoc gradu sistunt imprimis beati omnes, ac dein ii viatores, quibus nulla quies est, nisi post Deum quiescere in MARIA.

Habes fili MARIE alterum modum semper amandi, quem assequeris, si fuerit in octo gradibus ascensus tuus, seu si aliquo ex his gradibus intense amaveris Matrem tuam, tunc enim amabis diutius, quam si semper amando remissè operarere.

Modus

Modus tertius semper amandi B. V. per viam unionis.

Sapiens Univerſi conditor ita affibrè mun-
dum ordinavit, ut nullum temporis mōmen-
tum ſit, in quo non alicubi oriatur ſol, & ali-
cubi occumbat: cū enim hīc oritur, alibi oc-
cumbit, alibi in auge eſt, & viciffim, cū hīc
occumbit, alibi in auge eſt. Ex qua ſapientiſſima
ordinatione univerſi, nuper quidam doctè pro-
bavit, nullum eſſe inſtans in tempore, quo non
diffuſa per orbem terrarum Societas IESU ſa-
crificia offerat Deo ſuo. Ex qua ipſa ordinati-
one modum habere potes jugiter amandi De-
um & MARIAM: cū enim ſemper aliqui
ſint, qui amant, idem cum iis facies ſemper, ſi a-
morem tuum junxeris ſemper amantibus.

Acæmetæ monachi erant, ſic dicti à parco
ſomno: verbum enim hoc idem ſonat, quod non
dormientes; qualis fuit magnus ille Iſidorus,
de quo Palladius habet, in Lauſiaca, quod nun-
quam datâ operâ dormiērit, ſed ſomno oppreſ-
ſus aliquantūm connivebat in opere vel ſum-
ptione cibi, ita ut fruſtum, quod ori ingeſſerat
ex eo excideret, cūq; cauſam rogaretur hu-
jus

Huius tam parci somni, respondit: *Si quando persuaseris Angelis ut dormiant, tum virtutis quoque studioso persuaseris.* Qualium primatem fuisse S. Alexandrum testatur Bollandus, 15. Ian. in vita, qui cum perpetuam semper orantium catenam moliretur, ac omnem sacram veterem ac novam scripturam perscrutatus, virosque quotquot omni aetate extiterunt, inagnos contemplatus esset, neminemque reperisset, qui mirabile hoc opus in terris exacte peregisset, magistrum sibi legit architectum universorum. *Deus, inquit, in prima conditione rerum, horis quatuor & viginti diem ac noctem definiuit: nos igitur quatuor & viginti ministeriis cursum diei & noctis perficiemus, Deo hymnos accinentes.* Architectum universorum & ego tibi imitandum suasi, non quod sola viginti quatuor ministeria, seu amores pro numero horarum velim, sed quod velim tot, quot sunt minuta in tempore, quibus omnibus ames & laudes Deum & **MARIAM.**

Nosti quomodo Deus omnium nostrum voluntates in ordine ad meritum, & demeritum alligavit voluntati Adæ, ut, siquidem reprobis inveniretur, derivaretur in nos per traducem malitia, si autem fidelis fuerit ille, etiam nos tales esse censeremur: ita planè voluntatem tuam alliga voluntati amantium, & sine intermissione

3ibl. Jass.
lone amare censeberis. Unio hæc & associatio faciet te implere posse, quod aliàs judicares esse impossibile.

In musica is etiam canere dicitur, qui aliis canentibus pausat, idq; ob solam conjunctionem cum iis, qui canunt: sic citharæ toti & organo suavis melodia adscribitur, licet chorda aliqua citharæ identidem tantum attingatur, & aliqua fistula organi vix aliquando infletur. Idem fit in conjunctione amantium, nam amor Orpheo musicus est, is enim etiam amat, qui aliis amantibus quiescit ab amore; hinc quod ait de oratione Sanctorum Hieron. ad Eustoch. *Sanctis ipse somnus oratio est*, bene huc possum applicare, dicereq; cōamantibus Deum & MARIAM ipse etiam somnus, seu quies ab amore, amor est.

Ex partibus circuli si moveatur una, moventur omnes, idq; ob naturalem connexionem, quam inter se habent in una circumferentia. S. Dionysius de Div. nominibus c. 4. p. 1. docet *in amore Dei esse perpetuum circumlum, & motum circularem*: quod explicans Lellius lib. de 50. nom. Dei consid. *vix unit. c. 11.* dat rationem: quia, *inquit*, ex Divina luce procedit lumen in mentem creatam, ex lumine procedit amor, qui rursus mentem in Deum trahit, eamq; illi unire, & in illum transformare conatur, quasi volens creaturam tra-

trahere in suum principium: quod ipsum clariùs
sic dilucidat: quia, *ait*, ex Deo procedit lumen,
ex lumine visio, vel cognitio, qua rursus mens
in Deum reflectitur. In amore etiam Mariano
circulus est, isq; perpetuus, & in hoc circulo
motus perennis amantium, non enim ulla tam
infelix hora est in tempore, quâ non ametur a-
more omni dignissima; servavit ei Altissimus
septuaginta millia, qui ex dilectione ejus in
singula momenta curvent genua MARIE,
qui toti jugiter ardeant amore illius: & putes
aliquam hujus circuli particulam quiescere pos-
se ab amore ejus? absit: non patitur unio, non
fert summa & una connexio. Et demus, quòd
quidam cum Zenone volunt, etiam in motu cir-
culi quasdam in partibus aliquibus inveniri
morulas; totus tamen circulus moveri cense-
bitur, quantumvis aliqua forsân particula quie-
scere censeatur: sic planè se res habet cum a-
more ejus, qui beato semper amantium Virgi-
nem circulo unitus est; fac & ille aliquando
quiescat ab amore, censebitur tamen & ille a-
mare, quia, cui unitus est, circulus totus amat.
Quod ipsum ut alia similitudine confirmem, re-
spice obsecro victorem exercitum, an non
huic toti decernitur victoria, & triumphus, li-
cèt unus aliquis ventum potius jaculatus sit,
quàm hostem?

Fuit in exercitu Thebano cohors qua-

dam dicta sacra, quæ aliàs vocabatur societas amantium, quæ quia ex mutua animorum conjunctione coaluerat, longè præstabat legionibus immortalibus, aliisq; quocunq; deum nomine venirent. Fuit & altera amantium societas in Aquitania inter quosdam, qui se vocabant Soldurios, teste Iulio Cæsare, *lib. 3. de bello Gall.* hi omnibus in vita commodis fruebantur cum amico, si quid iis per vim accidebat, eundem cum iis casum ferebant, nec reperiēbatur ullus, qui amico interfecto, commori recusaret. Qualem societatem fuisse etiam inter Ægyptios, testis est Plutarchus, in *Anton.* inter Cantabros, Strabo, *lib. 3.* inter Æthiopes Diodorus Siculus *lib. 4. c. 1.* Certè inter cæteras dotes vitæ monasticæ colligitur & hæc, quòd sit societas amantium, ex iis præcipuè, quæ habet S. Basilus, in constit. monast. c. 19. cum ait, quod *in ea sit perfectissima vitæ communitio, à qua omnis propria & privata rei cuiuslibet possessio exclusa est, à qua abest omnis dissensio, omnis perturbatio & rixa: contra vero omnia communia, communis Deus, communis pietatis mercatura, communis salus, communia certamina, communes labores, communia premia, & certaminum corona, ubi multi unus, & unus non solus, sed in pluribus.* Quam quidem vitæ communionem ita magni fecerunt multi

Dei fervorum jungentium actus suos; excitare potest ipsa utilitas, quæ tanta est, *ut non aliter se habeat*, loquor cum S. Chrysoft. apud S. Max. hom. 6. de fraterno amore, *quàm si Deus unum corpus habenti, multas daret animas, quæ omnes illi providerent, & confulerent*: excitat deniq; ipsa voluntas Matris semper amantis semperq; redamari volentis, quam si dignus esses audire alloquentem te, non aliud utiq; loqueretur tibi, ducta proportionem, quàm olim Christus locutus est B. Gertrudi: lib. 3. insinuat. cap. 5. *Ego Deus, qui sum purus & merus amor, cum te mihi elegerim, ita desidero, ut uniaris mihi indissolubili unione, sicut homo desiderat habere halitum & spiritum suum, sine quo nequit vivere*: uniaris autem toties, quoties uniantur mihi, qui amant me.

Porro cum dixi amorem tuum jungi debere cum amore aliorum, non exclusum volo ipsum amorem unigeniti erga Matrem suam, continuò in exercitio amoris ille est; continuò in exercitio amoris eris & tu, si amoris ejus amorem tuum univeris. Blosii doctrina est: in spec. spirit. c. 3. *Si bona opera, & exercitia tua copulaveris, univerisq; actibus & exercitiis Christi, atq; ita obtuleris illa in laudem eternam, erit sanè oblatio ipsi Domino longè gratissima, & opera tua claritatem*

gem, dignitatemq; ineffabilem recipient ex
 aet. bus Christi, quibus unientur. Plumbum
 tuum (ut ita dicam) mutabitur in aurum
 optimum, & aqua tua in vinum excellen-
 tissimum. Consuescat, ait, tam illa, quæ a-
 git, quàm ea quæ patitur conjungere atq;
 unire operibus & doloribus Christi, per o-
 rationem, siue desiderium: sic enim ipsa ope-
 ra & gravamina ejus, quæ ex se vilia, ob-
 scura, atq; imperfecta sunt, nobilissima, cla-
 rissima, Deoq; gratissima erunt; ineffabilem
 namq; dignitatem ex meritis Christi, qui-
 bus unientur accipient. Quam doctrinam pii
 hujus ascetæ considerans Suarius noster dicit:
 de merito lib. 12. c. 19. n. 6. & 7. Hæc sen-
 tentia mihi valde placet; opera justorum di-
 gniora fieri ex unione ad Christum, & me-
 ritis ejus. Accrescit enim nova dignitas
 & valor justorum ex Christo: cui quidem pi-
 issimæ juxta ac sanissimæ doctrinæ addo, quòd e-
 tiam hoc ex capite valor tali amor accrescet,
 quòd continuus sit, cum enim Christus sine
 intermissione amet Matrem, tuq; membrum
 sis Capitis hujus, ut docet Apostolus. 1. Cor.
 6. inquit: Nescitis, quoniam corpora ve-
 stra, membra sunt Christi. Et iterum: 1. Cor.
 11. volo autem vos scire, quòd omnis viri
 caput Christus est; Capitis operatio erit ope-
 ratio membrorum conjunctorum ipsi; cum a-
 mor

mor tuus ramus sit de radice sancta, rivulus de fonte, unus erit vigor ramorum & radicis, profluvium rivuli & fontis, unus amor tuus & Christi. Non exclusam item volo amorem ipsius Dei increati, nam. & huic perfectissimo & mori unire licet amorem tuum saltem tanquam stillam titulae immenso mari; & quasi momentum statera ponderi infinito; amat Deus tuus MARIAM, & amat continuo, & amat toto se; *amat*, loquer cum Bernardo, lib. de diligendo Deo, *immensitas, amat eternitas, amat supereminens scientia, Charitas, amat Deus, cuius magnitudinis non est finis*; amanti Deo amorem iunge tuum, & una continuo amabis, amabis tote te, imò toto Deo; plumbum tuum mutabitur in aurum optimum, & aqua tua in vinum excellentissimum.



Modus quartus semper amandi B. V. per sui ipsius dedicationem.

P Hilo lib. de Sacerd. premiis è jugi ultima Sacerdotes ad perpetuam Dei recodationem.

cognitionem venire posse docet, dum affuescunt,
ait, *semper alimenti partem Deo decidere,
nunquam in ejus oblivionem venient.*
Item scribit de Essais, lib. de vit. contemplat.
quod perpetuam habeant Dei memoriam, ut
ne in somnis quidem aliud eis obveniret,
quàm imagines Divinarum pulchritudinum.
Quod si æquè verum est, ac est plausibile, nã
illi propè æmulantur ipsam cognitionem Dei,
de quo docet S. Thomas lib. 1. con. gent. c.
56. quod *in Deo semper est actualis cog-
nitio, nunquam habitualis, quia dispositio, quã
quis est habitu tantum considerans, aut vo-
lens, aut agens assimilatur dispositioni dor-
mientis.* Imò ex perenni hac Dei memoria ju-
gem etiam haberent ejus amorem, sicut beati
jugiter amant bonum summum, quia id semper
habent in oculis, ut non dicam; sicut in Deo
ex perenni cognitione procedit Amor Deus.
Ut autem id de Essais credam, induci non pos-
sum; scio enim ex Philastrio, & S. Epiphanio,
quale hoc genus hominum fuerit, qui decima-
bant mentham & rutham, & omne olus, &
præteribant judicium & Charitatem Dei. De
Sacerdotibus res magis patet, potuisse eos ju-
gem Dei amorem, & quæ amorem præcelit
memoriam habere, ex victimis & igne, quæ in
perpetuò alebant in altari, nisi & isti iis dunta-
xat intendissent, quæ ad manum erant, in super-
haben

habentes terminum, ad quem referrentur. Pari modo jugem *MARIÆ* amorem habere potest omnis, qui id optat, si ejus perennem habuerit præsentiam; nam impossibile est, ut bonum istud cognitum non sit volitum, quod si homines cognoscerent, omnes ad amorem ejus necessitarentur; habere item potest ex victima, hoc est, si semper consecratus & devinctus fuerit illi uni.

Qui bona status Religiosi describunt, inter alia etiam hoc ponunt, quòd semper possit esse in actu merendi, cum enim totum se Deo dicaverit in perpetuum, nec actu contrario revocaverit, sequitur, quòd quævis illius actio sit virtualis dedicatio, qualiter aliàs dicitur solet virtualis intentio in opere, dum peragitur, sicq; cum se continuo virtualiter Deo donet, meretur continuo. Sic nuper Antonius Vieira noster in orat. paneg. dicta Romæ B. Stanislao, postquam quævisisset, cur Deus per B. V. B. Stanislauum Kostkam vocârit, ad Societatem IESU, in qua eum scivit nihil facturum supra alios: nec enim inter nostros licebat ei noctes orationibus insumere, abstinere frequentius, humi cubare, aliq; pietatis exercitia facere, quæ olim laudabiliter faciebat, dum esset sui juris, tandem sic concludit: meruisse eum plus per opera hæc communia Religionis, quàm meruerit per ea, quæ antè in sæculo fecerat longè san-

sanctissima; quia meruit etiam ea omittendo ex obedientia, quæ olim solum faciendo merebatur. Advertit hoc bonum S. Anselmus, lib. de simil. cap. 84. ideoq; sic Deum alloquitur: *Domine, mea hæcenus potestatis erat, quodq; mihi libebat bonum, faciebam; verum quia tuus omnino esse debeo, tibiq; soli tantum bona opera fructificare, me totum tuæ tradendo potestati, ut à modo tibi fructificem. Quod ut melius tibi facere valeam, me uni ex Ecclesiæ prælatis subdam, qui me custodiens ea tantum opera doceat agere, quæ tibi noverit placere.*

Capis artem Mariane, devinctum te volo, non quidem in Religione procul à tumultibus sæculi, nam non omnes capiunt verbum hoc, sed devinctum per frequentem tui dedicationem, ac donationem in perenne servitium Virginis, sic enim plura facis, quàm si identidem opera aliqua illius honori offerres, sicut plùs facit, qui hortum vel fundum donat, quàm is, qui fructus tantum ex illo, quantumvis sapiùs donat.

Est inter religiosos ordines, quibus Ecclesia decoratur, Ordo Servitarum, sic dictus, quòd speciali affectu famuletur MARIE; hujus Ordinis primos cùm Florentiæ vidisset, nondum annum egressus S. Philippus Bennitius exclamasse fertur: *Isti sunt Beate MARIAE*

RIÆ servus: ut habetur in vita. Hujus ordinis imitator esto per voluntariam tui dedicationem, & cognosceris esse servus, inò filius. & amator perpetuus tam ainatæ Matris. Illustrari hoc potest doctrinâ philosophicâ illâ, quæ est de speciebus intellectualibus; docent quippe Philosophi, quòd omnium, quæ agimus species relinquatur in nobis, & siquidem intelligibilis est, immortalis est; ex qua doctrina tale *P. Fridericus Spe in Exercitiis aureis virt. Theol.* deducit argumentum; qui Cæsarem primò laudat, ac dein eandem laudem in tabula aliis legendam exhibet, utiq; denuo laudat Cæsarem; qui Dei magnalia pingit, aut scribit, ut omnium oculis legi possint, utiq; denuo Deum laudat: ita qui per amorem, speciem amoris ponit in anima sua, utiq; denuo Deum amare dicitur, quamdiu hanc speciem habet in se: quâ iter etiam loquitur S. Basilus in ps. 30. inquit: *Cogitatio salubris semel impressa, ac quasi signata in parte præcipua animæ, bene vocari potest laus Dei, quæ semper perseverat in anima.* Planè tali modo relinquitur ab actu dedicantis se ex amore *MARIÆ* species, ac quasi character in dedicante impressus, quem qui videt, & legit, agnoscit, quia talis verè est servus, filius, & amator perpetuus *MARIÆ*.

Illustrari hoc insuper potest exemplo eorum

rum, qui se materialibus vinculis obligârunt
in servitium Magnæ Domina; qualiter fecisse
fertur P. Vincentius Caraffa Septimus Gene-
ralis Societatis IESU, ut de eo *Bartoli in*
vita, gestato in eum finem ferreo annulo in
pede, cui cùm quidam exprobraret, quòd tibias
antè congelatas, ac propè frigore, inolito malo,
ferro deteriores faceret; respondit Vincenti-
us: longè mihi ampliùs dolet catena, quàm careo,
quàm annulus hic; quod enim nunc patior,
parum omnino est ejus meritis comparatum,
cujus mancipium me agnosco. Qualiter fecisse
fertur B. Marinus frater B. Petri Damiani,
apud ipsum *Pet. Dam. lib. 2. ep. 14. ad De-*
siderium Abbat. qui ante altare Dei geniti-
cis servilibus numellis, collo, corrigiam quàm
cingebatur, innexuit, & humeros denudans,
mox se quasi servum malum, coram Domina
sua, verberibus affecit, atq; in veræ servitu-
tis tesseram, servile tributum pendens, quan-
dam pecuniæ summam in altaris crepidine, po-
suit dicens: Per illud ego munusculum servitu-
tis, me o Domina tibi nunc offero, & à modò,
quoad vixero, certi canonis appendam annua-
le tributum. Sicut ergo istos ex vinculis facile
agnoscere poteris servos B. V. ita ex volun-
taria obligatione facile agnoveris, quia talis est
servus, filius, & amator perpetuus MARIE.

Deniq; hæc sui ipsius dedicatio eum affe-
ctum

etum habere videtur, quem aliàs habet templi,
aut rei alterius dedicatio; nam sicut per istam
res perpetuò, quoad perseverat, sancta est; sic
per illam perpetuò obligata est Matri suæ, &
sicut in illa, verba Episcopi, & unctio. æternam
hanc sanctitatem conferre censetur; sic in hac
amor Sacerdos semper operari censetur. Dona
ergo te Matri tuæ, Mariane, pro omnibus in-
stantibus vitæ tuæ, si semper eam amare vis,
victima sis continua amoris, ac æternum man-
cipium, ut ita de te in veritate dici possit,
quia tu es servus, filius, ac perpetuus ama-
tor **MARIÆ.**



**Modus quintus semper
amandi B. V. per amo-
rem aliorum, ut effectum
amoris nostri.**

IN Vitis. Patrum. lib. 3. *mibi* pag. 531. n.
212. & apud Pelagium libello 12. n. 9. le-
gitur de Abbate Lucio, quòd cum quosdam
fratres quasivisset, *quid solerent manibus o-*

perare

Part. i. me. Sect. 2da. Cap. i. um. 90
perari? & illi dicerent: nos nihil manibus
operamur, sed secundum quod dicit Aposto-
lus; sine cessatione oramus, perrexerit se-
nex querendo: non manducatis? at illi pro-
fessi sunt. Etiam: tum senex: quando ergo
comeditis, quis pro vobis præt? at illi conti-
nuerunt. Et iterum requisivit eos dicens:
Nunquid dormitis? cumq; illi se dormire
dixissent, ait illis: quando ergo dormitis,
quis orat pro vobis? & non invenerunt
quid responderent. Tunc dixit eis: Indul-
gete ergo mihi, quoniam non facitis, sicut
dicitis. Ego autem dicam vobis, quemad-
modum manibus meis operans sine cessatio-
ne oro: sedeo enim de mane usq; ad horam
constitutam, & pauca palmarum folia in-
fundo, & facio exinde funiculos, & ite-
rum oro, dicens: Miserere mei Deus se-
cundum magnam misericordiam tuam, &
secundum multitudinem miserationum tua-
rum, dele iniquitatem meam: cumq; comple-
vero opera manuum mearum, & fecero ali-
qua vasa, aut paucos funiculos, & emer-
go ex eis nummos decem, ex ipsis nummis du-
os do pauperibus, & reliquos comedo: quan-
do ergo comeo aut dormio, tunc illi pro pec-
catis meis sine cessatione implent orationem
meam. Hac ibi ad verbum. Accommodum ex
hoc discursu modum semper amandi colligere
potes.

potes, si scilicet amorem habeas facundum, & causam plurium amorum, hoc enim casu alienus amor erit amor tuus, tuq; tamdiu amare censeberis, quamdiu amatis, quem ad amorem incendiisti.

In Divinis amor facundus non est, nec enim ibi reperitur amor amoris genitus ab amore, sicut nec Verbum Verbi; at in humanis si sterilis amor est, vix amor est. Explanat hoc, caput omnium amantium ipse incarnatus Filius Dei, in quo Patri bene complacuit; dilexit hic in finem, ideoq; se ipsum dedit pro dilecto, ut autem amoris sui facunditatem probaret, genuit in sanguine suo discipulos, qui mundum reliquum per Evangelium Deo gignerent, & Amori. Colligi hæc ipsa facunditas videtur ex illo, quod Dominus ait Petro, cum dixisset se amare plus cæteris, ut pascat oves suas, quasi diceret: si me amas plus cæteris, *rape ad me*, verba sunt S. Aug. 4. Conf. cap. 12. *quas animas potes, & dic eis, hunc amemus, hunc amemus.* Nimirum de genere boni amor est, cujus natura est, communicare se ipsum, quod cum non facit, amor non est, utpote cujus natura non est: ignis est amor, cujus natura est incendere obvia quæq; amor virtus perfecta est, quæ in id unum intenta est, ut, quod Paulus ait, Coloss. 1. *exhibeat omnem hominem perfectum in Christo IESU.* Solet

let hic amor aliàs vocari zelus, qui nihil aliud est, quàm amor intensus, intendensq; & curans id unum, ut in plures replicetur affectus erga bonum amatum; ut colligit S. Thom. 1. 2. q. 28. a. 4. Sicut econtrà qui verè alium odit, id unum curat, ut odio habeatur ab omnibus, quem odit ipse. Huc videtur spectare illud Aug. in ps. 33. *si amatis Deum, rapite omnes ad amorem illius*: nota hæc certissima amoris intus hospitantis est, si cures ut ametur ab aliis, quem amas; aliàs enim perquam convinceris minùs amare, nam verum est illud Bern. de nat. Div. amor. cap. 2. *Qui non zelat, non amat*. Quæ quidem facunditas amoris nihil aliud respicit, nisi ut toties amet, quot cordibus amorem ingeneravit, & si fortè eum deficere contingeret, ut supersit in Filio Patre, amor in eo, quem ad amorem induxit.

Ascetæ docere solent, quòd fundatores Religionum (idem de quocunq; alium inducente ad bonum) speciale præmium habituri sunt, etiam propter illos, quibus ad bonum fuerunt incitamento; nam in iis, quasi toties operantur, quoties alii aliquid boni faciunt: sic Cornelius à Lapide in prov. cap. 8. vers. 22. docet eos habituros meritum & laudem non propriam tantum vitæ, sed & omnium suæ affectuum etiam post mortem, quamdiu durabit oratio ab ipsis fundatus: unde S. Dominico tribuetur.

tur laus sanctitatis, & sapientiæ, S. Thomæ Aquinatis, S. Vincentii Ferrerii, S. Catharinæ Senensis, cæterorumq; omnium, qui ex ejus institutione & disciplina religioſe & ſanctè vixerunt, vivunt, & vivent. Sicut econtrà doceri ſolet, eos, qui alios inducunt ad malum, toties malos eſſe, quoties per eos inducti malum operantur: quod notavit Salvianus lib. 4. de provid. inquires: *Qui multos præcipitat ad mortem, neceſſe eſt, ut ſit pro tantis reus, quantos ſecum traxerit ad reatum.*

Ex qua quidem doctrina aſcetarum, clarum eſt, quomodo amator Marianus ſemper amare poſſit; ſi nimirum ingeneret aliis amorem MARIAE, hoc enim modo quoties ab aliis amabitur MARIA, fructus referetur ad radicem, effectus ad cauſam, ac tantum non dicet quilibet amor de ejus amore, quòd hujus vel illius amor Apelles me fecit, mutatoq; nomine de eo illud Æliani intelligetur. *lib. 2. cap. 4.*

Humanæ genti autores cæleſtis amoris,

Et Chariton felix, & Menalippus erant.

S. Franciſcus Xaverius lib. 4. ep. 1. teſtatur inter deaſtros Iaponum coli idolum Xacæ, de cujus origine cùm inquiſiſſet vir ſanctus, miras reperit fabulas: comperit enim eum expleviſſe annum vitæ bis milleſimum, octies milles natum eſſe, aliaq; complura de eo credi commenta. Fabuloſa hujus idoli geneſis eſt, ve-

Part. I. me. Sect. 2da. Cap. I. m. m. 24

Si tamen amoris generationi nimis quam bene
servit, tamdiu enim hic vivere dicendus est,
quandiu vivunt alii, in quibus amorem anima-
vit, toties etiam idem ipse amor gignitur, quo-
ties per eos amor in aliis nascitur, qui exem-
plo & studio primi amare didicerunt.

Et hæc sufficiant de modis semper aman-
di: Vide sis an non in eorum praxi conveniat te
esse maxime exercitatum, alioquin si identidem
duntaxat elibueris actum aliquem amoris, ve-
reor, ut tibi dicat Mater tua ob neglectos ac-
tus alios, quod Christus dixit leproso: *Et no-
vem ubi sunt?* convincarisq; minus amare,
quia identidem tantum amas: quæ exprobratio
in te cadere non poterit, si in his te modis ex-
ercueris.

Martyris meminit S. Greg. Nazian. qui
jam morti proximus, cum nescio quam corpo-
ris partem modicam intactam à ferro & igne,
ungularum ac pedum scævitiæ advertisset; col-
lectis viribus, quas ei adhuc acerbitas suppli-
ciorum reliquerat, locum carnificibus monstra-
vit, & exprobrans incuriam, denunciavit sup-
plicium, quod meriti essent, eam partem cutis
non proscindendo, *adhortansq; ut ne huic
quod parcerent particule, quæ sola ungulas
effugisset.* ut testatur Ioan. Paulus Oliva i.
*part. exhort. dom. 10. n. 118. citans S.
Greg. Nazian. orat. in Iulian. Idem faxis*

93 *Amanda B. V. more.*

fili MARIE & tu, nulla tui te effugiat particula, nulla bonæ diei, quam amore Matris tuæ non nobilites, tota tibi vita amor sit, unaq; hora & momentum alteri horæ, ac momento amorem tradat priore nobiliorem, tuq; solius dicaris vivere tempora amoris. In templo Salomonis nihil erat, quod non auro tegeretur, sic & in vita tua, nihil sit, quod non tegatur amore.

Ferunt conjugem quandam amore & dolore stimulatam è defuncti mariti sui cineribus clepsydram confecisse, quæ hanc sustineret epigraphen:


Irrequiete cinis miseros testaris amantes,

More tuo, nulla posse quiete frui.

Mariano amor cinere non opus est, ut tempora fluant amoris, nam si verè amat ipse, perpetuum est mobile, ipsunq; ejus vivere amare est. Bene S. Germanus Patriarcha Constantinopol. orat. de Deip. *Sicut continua respiratio non solum signum est vitæ, sed etiam causa, sic S. MARIE nomen, quod in Dei servorum ore assidue versatur (tu dic S. MARIE amor, qui in more eorum assidue versatur) simul argumentum est, quod verè vivant, simul etiam hanc ipsam vitam efficit & conservat, omnemq; eis letitiam & opem ad omnia impertitur.*

Exerce te in his amandi modis Mariane, ut toto te & semper censearis amare Matrem tuam

tuam; singulariter tamen tibi ultimum modum
commendo; in hoc enim si perfectus inveniē-
re, dicetur de te, quod de Trajano suo Plinius
in paneg. *Tanto laudabilior es, quod cum i-
pse sis optimus, omnes circa te similes tui
effecisti*; censeberisq; amare amore efficaci &
facundo, & implebis illud: Si utiq; **MARIAM**
diligitis, curate, ne eam soli diligatis, quemad-
modum sancti implent illud: Si ad Deum ten-
ditis, curate, ne ad illum soli veniatis.



CAPUT 2dum.

*Filius MARIÆ amet
Matrem suam ore.*

SOlet inter sapientes institui quæstio, an ali-
qua tam beata domus sit, in qua filii non
degenerent? non enim facile talis reperitur,
cum & domus justî Nôe educârît impium Cham,
eôq; pestilentio rem Chanaan; domus Abrahæ
Ismaëlem, domus Isaac ferocem Esau, domus
Jacob, & David, illa fratrum, hæc Patris pro-
ditores: imò ipsum cælum hac in parte non us-
quequaqve beatum est, quod in eo degenerâ-
rînt filii Altissimi, facti ex Angelis diaboli.

Aptare familiis sæculi hujus bene potes illud Aristotelis, lib. 9. hist. anim. cap. 6. *excludit binos, edit tercia, educat unum; pauci enim filii, loquor cum Homero Odys. 2. similes Patri sunt, plures pejores, pauci autem meliores.* Verum quidquid de aliis domibus sit, superest una tam beata mater, cujus filii nunquam degenerant, illaq; non alia quam cor hominis; hæc est illa heroïs, cujus filia nunquam sunt noxæ, nisi ipsa mater, prius talis sit.

Filiæ cordis alicubi vocat Chrysostomus verba hominis, hæc filia matrem semper sequuntur; sic enim canibus catulos, sic matribus hædos similes non reperies, sicut cordi verba: fac cor esse malum, jurem, nisi verum sit illud Ezech. 16. *sicut mater, ita & filius ejus*: de corde malo prodibunt verba nequam, nec progenies viperarum poterit bona loqui, cum sit mala. Innuit hoc Spiritus Sanctus ps. 5. *Quoniam non est in ore eorum veritas, cor eorum vanum est.* quasi diceret, quia filia mendax est, & mater talis esse debet. Econtra fac quempiam verba vitæ loqui, pejorem, nisi talis sit filius vitæ, imò Dei vivi, qui ponit verba sua in ore hominum, ut de Homero Aristoteles: 7. mor. 1.

- - Non hominis mortalis filius ille
Esse videbatur, sed magna è stirpe Deorum.
Loquela manifestum facit, Galilaus aliquis sit

an. Iudæus, Galaadites, an Euphratæus. Clare-
scit hoc idem ex ipsa Divinitate, in qua ex nul-
lo capite Patrem Divinum optimum, inò ipsam
bonitatem esse cognoveris, nisi quia tam bo-
num VERBUM eructat, qui est Unigenitus
Filius Dei, per omnia referens Patrem.

Adoptive Mariane dilectum te cordis
Mariani dixi, docuiq; quomodo nunquam ces-
sare possis ab amore: nunc si quæris signum in-
fallibile amoris, exterius, è quo velut è vesti-
gio animal, è fumo ignem, è rivulo fontem as-
sequaris, aliud tibi certius dare nequeo, quàm
ipsas has filias cordis tui, id est, quàm verba,
quæ ex amore Matris profers; seu quæ ex abun-
dantia cordis os loquitur; hæc verba infallibile
indiciū sunt hospitis interioris, nam ut bene
Demonax Philosophus apud S. Maximum, ait:
*Serm. 15. sicut ex speculis vultus figura, sic
ex colloquiis natura, & mentis imago cer-
nitur;* hæc verba velut flamma sunt ignei a-
moris, aut radius ejus, velut fructus repræsen-
tans radicem, velut filius referens matrem.
*Hoc ait, Chrysost. ep. 130. veri amoris natu-
ra facit, ut ii, qui nobis chari sunt, sem-
per in ore nostro ac lingua versentur. Et
iterum. tom. 5. lib. 1. de compunct. Hic a-
mantium mos est, ut amorem suum silentio
tegere nequeant, sed produnt, & flammæ
suas intra pectus suum cohibere non pos-
sunt.*

sunt, enarrant frequentius, ut ipsa assidue
 narrandi amoris sui solatium capiant.
 & refrigeria ardoris. Vis. signum amoris in-
 fallibile; loquere ut te videam, talis enim ho-
 minibus fuit oratio, qualis vita, aut ut Cice-
 ro Tusc. quæ. 5. *Qualis homo est, talis eti-
 am ejus erit oratio.*

Sanè hac etiam in parte Seraphinorum
 amicum esse te vellem, qui quia perenniter a-
 mant, perenne canant trisagium Deo factori
 suo; sic enim & tu incessabili voce laudares
 MARIAM, quia jugiter amares: imò imita-
 torem te hac in parte vellem ipsius Matris
 Dei, quæ de se ipsa testatur S. Birgittæ, 1. Rev.
 c. 10. quod loqueretur anima ejus præ amore,
 sic enim ore sæpe nominares, labiis benedice-
 res, magnificares, quam amas incessabili voce.

Amida Bonziorum Deus est, quem ipsi,
 teste Ginnaro Xaverii *Orient. part. 1. lib.*
 2. semper in ore habent, ab aliisq; haberi vo-
 lunt, eo quòd hic unus vitam æternam det iis,
 qui eum continuo in ore habent, hinc per pla-
 teas assidue vociferantur: Beate Amida salva
 nos. Amida apud Indos dictio trium syllabarum
 est secundum omnes syllabas significativa, *A*
 quippe significat omnes sanctos, *mi* omnes san-
 ctas, *da* omnes bibliothecas, quas ii pro rebus
 sanctis habent, utpote in quibus illorum lex as-
 servatur, Tu facis melius, si pro fabuloso Deo


in ore habeas Deum vivum & verum, ac Matrem ejus, sic enim aeternæ vitæ arrham, sic amoris certissimi intus habitantis indicium habes, sic ipsum nomen Sanctissimum Dei & **MARIE** tibi erit significativum, ut revera est, omnibus rebus creatis majorum excellentiarum; qualiter id in ore habuit Iaponica illa mulier, de qua annuæ Societatis, *anno 1621.* quæ sicut suasu Bonziorum, centum quadraginta mille vicibus nomen Amidæ pronuntiârat per diem, facta Christiana toties quotidie nomen IESU & **MARIE** pronuntiavit. Quam quidem consuetudinem si habueris, ausim dicere sanctificandam linguam tuam per hæc verba, inò sanctificandum ipsum ærem excipientem talia verba, quod de voce Quadraginta Martyrum, qua se Christianos dicebant, olim docuit S. Basilii; serm. de 40. Mart. poteroq; non ex vano promittere, me dicturum de lingua tua, quod olim de incorrupta post annos triginta duos à morte lingua S. Antonii Patavini, cùm eam deoscularetur, dixit S. Bonav. *O lingua benedicta quæ Dominum semper benedixisti, aliosq; benedicere docuisti, nunc liquet, quàm grata ei fueris, quantiçq; apud Deum meriti.* Chron. Ord. Min.

Age, loquere ut te videam; exigit hoc à te amor ipse, qui si ignis est, sepeliri non potest cordis angustiis; si muscus est, ad motum
lin-

hæc vix probitas ejus appareat; si aurum est, ad tactum vocis, ceu Lydium lapidem examine- tur: exigit amor, qui unâ hac viâ nimium quantum incrementum accipit, quemadmodum docet Theodidactus ille Thomas à Kempis part. 3. serm. 3. inquit: *Summi magistri virtutis sunt IESVS & MARIA, quanto frequentius te in eorum laude exercueris, tanto in amore plus cresces.* Exigit voluntas Dei & Matris tuæ; deniq; exigit lex ipsa Sodalitatis, quæ quidem in Congregatione Annuntiata hæc est prima: *Sæpe inter se agentes, mutuo se ad ejus amorem, & cultum student impellere, & ardentem quandam cupiditatem nominis ejus extollendi.*

At videris mihi satis esse inclinatus ad hoc agendum; illud autem optare, ut modos aliquos tibi præscribam, quibus id faxis exactissime: cui rationabili petito ut satisfaciam, bifariam divido. modos laudandi B. V. ore, semel per orationem, ubi varios. variorum modos orandi B. V. præscribam: alterum per colloquia, ubi aliqua de excellentiis B. V. accommodata colloquia proponam: hic duntaxat unum te monitum velim: quod puri, & immaculati debent esse servi, & laudatores. *MARIÆ*, neq; enim spetiosa laus est *MARIÆ* in ore peccatoris: vis eam laudare exactè, lauda corde mundus, nam quod de laude Dei habet Lactantius, lib.

Part. 1^{ma}. Sect. 2^{da}. Cap. 2^{dum}. 102
& Div. Instit. inquires: *Summus colendi Dei ritus est, ex ore justī hominis ad Deum directā laudatio.* Hoc de laude B. V. perquam verum est. Si purus, & immaculatus es, utere feliciter in nomine Dei & MARIE modis laudandi B. V. his, quos jam trado incipiens ab iis, qui magis noti sunt.



Modi variarum Orationum directarum ad B. V.

Primò S. Mechthildi *Vita lib. 5. c. 20.* quærenti, quænam oratio B. V. esset acceptissima? apparuit Deipara cum salutatione Angelica auro scripta in pectore, dicens: hanc esse gratissimam, quâ olim è cælo salutata est; petenti autem, ut sibi adesset præcipuè in morte? respondit pia Mater: se id facturam, sed eâ lege, ut quotidie tria Ave diceret, & primo quidem omnipotentiam Dei Patris, altero Fi ium Sapientiam Patris, tertio Spiritum Sanctum Amorem infinitum honoraret. Hæc est illa oratio, de qua B. Alanus à Rupe, quòd sit *paucis verbis, sed alta mysteriis*, S. autem Damianus, quòd sit *rugitus altissime vocis*, & Iodocus

103 *Modi var. orationum ad B. V.*

cus Beyselius, quod plura habeat mysterio-
rum sacramenta, quam verba aut literas.
Hæc est illa oratio, de qua Thomas ille Kem-
pensis in solil. animæ c. 23. Cælum gaudet,
stupet omnis terra, cum dico Ave MA-
RIA; satan fugit, infernus contremiscit,
cum dico Ave MARIA; mundus vilescit,
caro marcescit, cum dico Ave MARIA;
crescit devotio, oritur compunctio, spes per-
ficitur, augetur consolatio, cum dico Ave
MARIA; recreatur animus, & in bono
confortatur eger affectus, cum dico, Ave
MARIA; siquidem tanta suavitas est hu-
jus benedictæ salutationis, ut humanis non
possit explicari verbis, sed semper maneat
alt. or. & profundior, quam omnis creatura
indagare possit. Hæc est illa oratio: de qua
rursus eidem B. Mechtildi Deipara: supra
hanc salutationem nunquam homo pervenit,
nec dulcius me salutare potuit, ut refert Go-
nonus in Chronico B. V. anno. 1303. quam qui
frequentat, gratiam sibi accumulat, teste Bona-
ventura in speculo c. 4. dicente: Libenter nos
salutat cum gratia, si libenter eam saluta-
mus cum Ave MARIA, quam qui frequen-
tat, arrham habet regni cælestis, qui verò ne-
gligit, damnationis, ut rursus D. Alanus: in
psalt. B. V. cap. 11. Scias, inquit, & securè
intelligas, quod & inde late omnibus pate-
facias

facias, quod videlicet signum probabile est,
& propinquum eterne damnationis horre-
re, & attediari, ac negligere salutationem
Angelicam totius mundi reparativam.
Hæc deniq; est illa oratio, quâ prima Virginem
Beatam salutavit Sancta Trinitas, cujus autor
Deus est, cujus promulgator Angelus, cujus
meritum tantum est, ut & ipsæ nobis id invide-
ant bonæ & beatæ animæ: qualiter lego apud
P. nostrum Barry in anno Sancto part. 4. § 4.
1^{ma} die Nov. de sanctimoniali, quæ cum gra-
vissimis in ultimo morbo conflictata esset dolo-
ribus, à morte superiori apparens, eam certam
reddidit de salute sua: addens, se, si per Dei
voluntatem liceret, redituram libenter ad o-
mnes illos & plures dolores eâ solum spe, ut
vel tantillum gloriæ habere posset, quantam
accipitis, qui vel unicam Salutationem Ange-
licam etiam cum mentis evagatione recitat.

Secundo. S. Ludovicus Bertrandus teste
Nadasi in anno celesti 19. Oct. pro regi cui-
dam, qui rem aliquam magni momenti perdide-
rat, suavit, ut si rem vellet invenire, statis die-
bus, novies Canticum Magnificat, oraret, fe-
lici eventu; nam post preces res ad Dominum
rediit. Proregem hunc Aragoniæ dictum Iaco-
bum Ferrerium testatur Gononius in Chroni-
co Desp. anno 1531. Usurpârunt postea hanc
devotionem, plures. felici exitu. Tu ne ipsa
pereas

105 *Modi. var. orationum. ad B. V.*

pereas, vel si perditus es, ut ad Dominum redeas, an non facis idem? Nobilius canticum frustra quæras, ac gratius B. V. quam sit illud, quod est ejus proprius partus, & quod Ecclesia tanti facit, ut nullam sine ejus recitatione diem elabi permittat.

Tertio. Primi Patres Carthusiani ut refert Surius *in vita S. Brunonis tom. 4. 6.* Ob absentiam sui Sancti Patriarchæ ingenti pusillanimitate, perplexitate, ac animorum angustiis pressi, in mortis discrimen sese conjicere parabant; cum vir venerabilis (Petrus Apostolum fuisse fama est) apparens, eis, spondit, eos ab omni molestia liberandos, si in honorem B. V. quotidie preces horarias recitarent: expertiq; sunt fidem sponsonis impletam, cum id piæ devotionis assumpserunt. Qua quidem in devotione cum religiosi monasterii Gamugensis remissiores facti essent, tantis repente calamitatibus affligi cæperunt, ut cõacti fuerint, autore Petro Damiani, solitum officium resumere, polliceriq; nunquam se illud deinceps neglecturos, quemadmodum refert Card. Baronius *anno 1159.* addens: & hos statim levatos ab ærumpnis, ut primum ad pristinas preces rediêrunt. Nimirum factum est cum iis, quod habet idem B. Petrus Damiani lib. 6 ep. 32. inquit: *Quia matrem vere pacis de suo monasterio projecerunt, dignum est, ut*

in

Part. i. mæ. Sect. 2da. Cap. 2dum. 108
inquietis, calamitatum, tribulationumq;
procellis, atq; turbinibus agitentur, quæ tri-
bulationes cessare non poterunt, quoad rursus
resonabunt cantica amoris Mariani. Porro
cum preces horarias horum Patrum exemplo
tibi propono dicendas, vel accipe illarum nomi-
ne Officium parvum B. V. quod recognovit
S. Carolus Borromæus, & in eam formam re-
stituit, quæ à S. Sede approbata est, ac indul-
gentius locupletata, quodq; tum ipse S. Carolus
quotidie flexis genibus dicere solitus erat, ut
habetur in vita ejus: tum alii longè plurimi
adhucdum dicunt quotidie. Vel intellige no-
mine precum horariarum parvula aliqua officia
in horas disponi solita, quale imprimis est illud
de immaculata Conceptione jussu B. V. à fratre
nostro Laico miraculis in vita & post mortem
celeberrimo Alphonso Rodriquez typis edi-
tum, quod quidem tum alibi, tum præcipuè in
Polonia nostra ita frequenter recitatur; ut o-
mnis atas, & conditio sibi familiare fecerit;
hoc parvuli domi, & in templis, hoc viator in
viis publicis, hoc pastor minans gregem, hoc i-
psa mulier ad colum suaviter occinit.

Quarto. Martinus Navarrus celeberr-
illè Theologus moralis cum sexaginta & am-
plius annos quotidie rosarium dixisset, negat se
quidquam melius hac exercitatione reperisse:
Rosarii porro inventricem ipsam Beatissimam
Vir-

Virginem ferunt, nam cum S. Dominicus in Academia Parisiensi concionaturus esset, apparens ei B. V. oblato libello, dixit: Fili mi Dominice, etsi bona sint, quæ explicare pro concione decrevisti, longè tamen meliora attuli tibi: aperto itaq; libro, tot in eo mysteria de Rosario, quot verba reperit. *Pist. conc. 14. p. 2.* Ad rosarium etiam refer eam, quam vulgò coronam vocant, quam S. Franciscus Salesius inter curas pastorales per integros annos quadraginta, se nunquam omisisse testatus est, ut habetur in ejus vita; quam noster frater Alphonsus Rodriquez ita frequenter recitando volvit, ut inde digiti ejus callum contraxerint, referente Balingheim in Calendario Mariano 31. Oct. Porro corona hæc ortum habuisse fertur à quodam Religioso Ord. Min. qui cum in sæculo clericum, ut vocant, sæcularem ageret, in more habebat, B. V. iconem ferto è floribus contexto quotidie exornare; quod cum in religione facere non posset, respicere coepit ad ollas Ægypti, cogitans ea propter ordinem deferere: sed à comparente B. V. in ordine confirmatus est, doctusq; quomodo nobiliori ferto se coronaret ex recitatione 63. Salutationum Angelicarum, in memoriam annorum, quibus ipsa in terris vixisset dicendarum, & septem orationum Dominicarum, in memoriam septem effusionum sanguinis Christi, ut testatur

Chronica ejusdem Ordinis. quin-

Quinto. P. Stephanus Binet pluribus
autor fuit, ut ex pacto quodam ad impetran-
dam sibi invicem felicem mortem dicerent pro
se invicem Litanias Lauretanas, adjunctâ col-
lectâ ad S. Ioseph: quæ quidem devotio per to-
tum orbem propagata est, propagaturq; indies,
cum ejusmodi devotionis particeps esse possit,
ac hanc subire fodalitatem, qui in eum finem
prædictas absq; alia solennitate Litanias orave-
rit. Porro hoc genus pactorum, & conventio-
nis ad orandum pro se invicem alias non infre-
quens est inter Christianos; sic plures sanctum
fædus iniêrunt, autore P. Francisco Baray è
Soc. IESU anno 1649. in regno Granatensi,
ut quotannis pro invicem vivis aut vitâ functis
vivam hostiam Deo vivo & vero in Missa of-
ferrent: qui quidem confædaratorum numerus
fuit tantus, intra triennium; ut in una civita-
te illius regni dicta Santa-Fe, decem millia nu-
merata fuerint. Anno autem 1653. Confædera-
tio hæc ab Innocentio X. in fodalitatem ere-
cta, sub titulo Immaculatæ Conceptionis Au-
xiliatricis vivorum & defunctorum, illustrata
gratiis, dotata indulgentiis, hoc insuper obti-
nuit; ut ipse Pontifex nomen suum illi inscribi
voluerit. Exin tantum incrementum habuit,
ut anno 1676. millionem, & sexcenta millia nu-
meraverit ex utroq; sexu, quibus accessit Leo-
poldus Imperator, unâ cum tota domo Austri-

109. *Modi var. orationum ad B. V.*

2ca, reges alii ac principes, pluresq; religiosi ex diversis Ordinibus. Sic plures convenerunt ad orandum pro se invicem per tædus aliud sanctum, quod appellârunt Associationem, seu unionem piarum mentium, ad impetrandam felicem mortem, ac breve purgatorium.

Sexto. Ignatius Carnagus in *Civitate refugii lib. 2 cap. 3. devot. 7.* refert de Novitio pio & simplici ex Ord. S. Francisci, qui tamdiu etiam sine cibo iussus orare, dum à Deipara addisceret, quæ oratio illi esset gratissima, quod ipsum precibus consecutus est, nam apprimè gratam esse didicit eam, cujus initium est: O gloriosa Domina, excelsa super sidera: qui hymnus familiaris fuit S. Antonio Patavino etiam morienti, & valuit ad dæmonem aspellendum, ut est in ejus vita. Huic hymno adde alias preces, qualis est imprimis illa antiphona ab Herimano Contracto composita, Salve Regina Mater Misericordiæ; quæ sanctis viris perquam familiaris semper fuit, cum primis S. Bernardo, qui satiari non poterat, præcipuè in illis verbis O clemens! o pia! o dulcis Virgo MARIA; ideoq; sub illis verbis lacte Mariano pastus est. Item S. Francisco de Paula, qui post frequētissima ut est in *Hist. Ord. Minim.* miracula, quæ patrabat, singula, convocatis religiosi dicere solebat. B. V. hâc horâ miraculo inclaruit, eamus ad odæum, ut Virgini gratias agamus

Part. i. me. Sect. 2da. Cap. 2dum. 110

gamus, eiq; accinamus: Salve Regina. Certè hæc antiphona in Ord. Prædicatorum cum summa veneratione dicitur tum aliàs, tum finito Completorio, per cuncta Ordinis domicilia; quam quidem piam consuetudinem à B. Iordano Gen. ejusdem Ordinis derivârunt Patres isti, ipsaq; B. V. acceptam sibi esse testata est, ut quodam die (Purificationi sacer erat) pleno choro comparuerit, Filium manibus complexa, cujus manum regebat ad benedicendum Iordano ac aliis Religiosis benedictibus sibi. Refert Ioan. Alber. *in vita B. Iordani*. Huc refer psalterium B. V. compositum à S. Bonaventura, affectibus aureis erga B. V. plenissimum, quod plurimi è diverso sexu, statu, & natione dicere consueverunt: refer brevem illam ejaculatoriam: *MARIA Mater gratiæ, Mater misericordiæ, tu nos ab hoste protege, & horâ mortis suscipe*: quam S. Richardus Episcopus Cicestrensis in Anglia centies per diem orabat, & agoni proximis à Sacellanis suis incessanter orari voluit circa lectum suum, dum animam efflaret. ut est in vita ejus: Refer auream illam aureis literis in domo Lauretana B. V. scriptam precatiunculam: *Ave Filia Dei Patris, ave Mater Dei Filii, ave Sponsa Spiritus S. ave Templum totius Sanctissime Trinitatis*. Deniq; ut alias longè nobilissimas taceam,

H

refer

III *Modi var. orationum ad B. V.*

refer huc insignem illam precandi formulam, quam cum S. Franciscus Salesius dixisset, liberatus est à spiritu desperationis, quem illi demon inmittere tentavit, volens ei persuadere, eum esse è numero damnatorum, quam recitat Henricus Ep. Aniciensis, in *vita S. Franc. part. I. c. 5.* Formula autem ad verbum sic sonat.

Memorare o piissima Virgo MARIA Mater misericordiarum, & totius consolationis, à seculo non esse auditum quenquam ad tua currentem praesidia, tua implorantem auxilia, aut tua petentem suffragia, à te Virgo MARIA derelictum. Idcirco tali animatus fiducia, ego ad te Virgo Virginum, Regina. Celorum, & Domina Angelorum, MARIA Mater D. N. IESU Christi confugio, ad te venio, ad te stella maris curro, coram te miser, gemens & tremens assisto. Noli o Domina mundi, noli aeterni Verbi Mater verba mea despiciere: sed audi propitia, & exaudi me miserum ad te in hac lachrymarum valle clamantem nunc & semper, maxime in hora mortis meae. O clemens! o pia! o dulcis Virgo MARIA!

Septimo. In Belgio quidam Ioseph Religiōsus S. Bertini ante annos supra quingentos, quotidie quinque psalmis nomen B. V. venerabatur

batur, quorum literæ initiales corresponderent Sanctissimo Nomini MARIA; sunt autem sequentes. M, Magnificat. A, Ad Dominum. R, Retribue seruo tuo. I, In convertendo. A, Ad te levavi: post ejus mortem enata rosæ quinque cum inscriptione, aureis literis nominis Sanctissimi MARIA, duæ scilicet ex oculis, duæ ex auribus, una ex ore. Alii hunc vocant Iosbertum. Corn. à Lap. *in prov. s. 10. ex S. Antonino, & Chronicis monast.*

Octavo. Ioanna Galliae Regina Ludovici II. filia, Caroli VIII. soror, ac Ludovici XII. Galliae Regum conjunx, Ordinem fundavit Annunciatarum, cui ordini solenne est meditari virtutes B. V. ac dicere corollam de decem Virtutibus B. V. expressis in Evangelio: corolla porro decem Ave, ac una Oratione Dominica constat; virtutes autem sunt sequentes. Summa puritas corporis & animi, purissima religio, sancta prudentia, profunda humilitas, prompta obedientia, ingenua veritas tam in verbis, quam factis, exactissima paupertas, admiranda patientia, perfectissima voluntatis suæ cum Filii conformatio tam ad vitam, quam ad mortem parata. Aug. Wich. *in Brabantia Mar. lib. 3. cap. 76.*

Nono Stellarium B. V. teste Barry *in anno sancto feriâ atâ. Dom. 4. post Pascha* plures dicunt ob dona concessa B. V. quod re-

113 *Modi var. orationum ad B. V.*

Citatur sequenti modo: primò dicitur Pater noster, quò gratiæ aguntur Patri æterno, quòd B. V. in Filiam elegerit, dein quatuor Ave: rursus Pater unum, quo gratiæ aguntur Filio, quòd B. V. in Matrem elegerit, ac iterum quatuor Ave: deniq; unum Pater, quo gratiæ aguntur Spiritui Sancto, quòd B. V. in Sponsam elegerit, ac quatuor Ave: oratio autem gratiarum actoria potest addi v. g. hæc. *Gratias tibi æterne Pater, æterne Fili, æterne Spiritus Sancte, propter magnam gloriam tuam, & omnes communes & singulares gratias, omnemq; gloriam MARIÆ Filie tue Patris, Matri tue Fili, Sponsæ tue Spiritus Sancte concessam. Da, ut æternas tibi apud te pro beneficiis, & illi & nobis concessis, unâ cum illa gratias agamus in beata æternitate.* Vocatur hæc devotio Stellarium, seu corona stellarum duodecim. In hac devotione videtur cum primis exercitatus fuisse Admodum R. P. N. Alexander Gottifredus Generalis Soc. IESU, de quo habet bibliotheca scriptorum Societatis, quòd quotidie integrum stellarium, hoc est duodecies duodecim Salutationes Angelicas dixerit. Potest hoc stellarium etiam institui in memoriam privilegiorum B. V. concessorum, quæ ab Hugone in *miscellan. cod. 2. lib. 3. tit. 125.* numerantur ordine sequenti. 1mo. Conceptus sine sorde. 2do.

partus

Part. 1^{ma}. Sect. 2^{da}. Cap. 1^{um}. 114.
partus sine dolore, 3^{to}. Virginitatis & Mater-
nitatis. copulatio. 4^{to}. Scientia illustris, 5^{to}.
Deum genuisse. 6^{to}. mortuam esse sine dolore.
7^{mo}. assumptam esse, & vivere cum corpore
in celo. 8^{vo}. Angelicam transcendere subli-
mitatem, 9^{no}. sedere ad dexteram Filii, 10^{mo}.
aureolâ doctorali esse insignitam, 11^{mo}. Cho-
rum separatim ab Angelis constituere. 12^{mo}.
neq; ex antecedentibus, neq; ex consequenti-
bus habere parem.

Decimo. Ioannes Berchmans ille è So-
cietate IESU Angelus, novies dicebat per
diem Beata viscera MARIE Virginis, ad sin-
gulas vices actum hyperdulciæ eliciens, in ve-
nerationem novem mensium, quibus Christus
infans fuit in utero Virginis: in quem ipsum fi-
nem, dicebat singulis diebus novies. Magnificat
S. Iuliana Virgo ex Ord. Cisterciensi ut refert
Gononus in Chron. Deip. anno 1230. Ad e-
um modum P. Carolus Spinola gloriosus. ille
Christi Martyr lento igne vivus apud Iapones
combustus, & citabat novies Salutationem An-
gelicam, meditando ad singulas unum ex novem
beneficiis Virgini concessis à Christo, cum por-
taretur in utero. Ad primam meditabatur Ma-
ternitatem ejus, quâ concepit ope Spiritûs S.
Ad secundam, quòd Mater fuerit & Virgo
junctâ fecunditati Virginitate. Ad tertiam,
quòd gravida fuerit sine gravamine: Ad quar-
tam

115 *Modi var. orationum ad B. V.*

tam, quòd sola cum gaudio pepererit. Ad quintam, quòd complexa Deum in utero tantam gratiam acceperit, quæ omnium Sanctorum merita superaret: Ad sextam; quòd cum Christus vestem mortalitatis nostræ induisset, eam ut Pontifex consecraverit in templum Dei, & tabernaculum Altissimi. Ad septimam, quòd cum Christus sit frumentum electorum, uterus B. V. factus fuerit publicum orbis totius horreum. Ad octavam, quòd cum Christus sit Adam novus, in visceribus MARIE novam Evam providerit, è qua in filios Dei regeneremur. Ad nonam, quòd cum Deus habitabat in B. V. uterus Virginis factus fuerit paradyfus. deliciarum, cui assistit cælitum regia non valens satiari tam dulci aspectu. P. Fabius Ambrosius Spinola in *vita P. Caroli cap. 3.*

Vndecimò. Matrona nobilis. & pia, Marfilio, in Tuscia quondam Episcopo, sed tunc Coloniae juxta S. Severini Ecclesiam incluso, hominumq; consuetudinem & parum necessaria alloquia declinanti, facta est, nunquam se suavissimum MARIE nomen pronunciare, quin animus, & os suum ineffabili dulcedine exuberet. Mirari Marfilius, & gratia adeo præstantis causam quærere, cui matrona in hæc verba respondit: *Singulis diebus in honore B. V. quinquaginta Ave MARIA, cum totidem veniis.* (veniæ sunt genu-flexiones

repe-

reverentiae aut satisfactionis causâ factæ) dicere consuevi, per quæ tantam dulcedinem merui, ut omnis oris mei saliva, orationis tempore, in mel videatur conversa. Cupidus ejus saporis Marfilius idem facit, & post sex septimanas idem obtinet, factaq; est ei MARIA super mel dulcis, & salutatio ejus super mel & favum. Sic Cæsarius lib. 7. cap. 50. Hunc ritum orandi cum genu-flexionibus frequentem habuerunt Sancti Dei, sic quippe Garinus testatur de B. Margareta ex Ord. S. Dominici è regibus Ungariæ orta, quod nullam imaginem B. V. transiret, quin genua flecteret, ac Salutationem Angelicam diceret, quam salutationem ante solennes ferias B. V. etiam millies, toties prostrata in genua, iterabat per octiduum.

Stupendum est quòd habet Surius de B. Maria Oegniacensi, tom. 3. in vita, quòd sæpe horarum viginti quatuor spatio in honorem Deiparæ centies supra millies ita genua flexerit, ut id sexcenties sine interruptione faceret; subdens interim toties Salutationem Angelicam: posthac addebat psalterium regii Vatis 150. psalmodiorum, subnectens singulis psalmis singulas genu-flexiones, totidemq; Ave MARIA: deinde trecentis dorsum ictibus, non sine sanguine, flagello multans, Ave MARIA totidem Virgini recitabat: tandem flectens ge-

117 *Modi var. orationum ad B. V.*

qua quinquagies, ac toties recitans Ave MARIA, suum Mariani cultus exercitium, & statas mille & centum genuflexiones clauderat, & saepe ab hoc exercitio ad dies quadraginta non recedebat.

Duodecimo. Margarita Austriaca filia Maximiliani II. (quæ cum amplexa esset Ordinem Clarissarum dicta est Margarita à Cruce) singulis diebus septimanæ, singula mysteria vitæ, & festorum B. V. venerabatur accommodis ad ea orationibus, v. g. die Dominica Incarnationem, petebatq; per mysterium hoc humilitatem; die Lunæ Visitationem, petiitq; Charitatem; die Martis Nativitatem Domini, petiitq; Castitatem &c. Ioan. de Palma *in eius vita.*

Decimo-tertio. S. Thomas Cantuariensis solitus fuerat singulis diebus septem Ave dicere, in honorem septem gaudiorum B. V. cui eadem apparens, ait, superesse & alia gaudia cæli, quæ veneranda essent: *imum.* quod maximum in cælis honorem merita sit; alterum, quod puritate præcellat Angelis; *ztium*, quod lumine gloriæ illuminet totam sanctam civitatem Dei; *quartum*, quod omnes electi eam ut Matrem Dei venerentur; *quintum*, quod omnia, quæ poscit à Filio, obtineat; *sextum*, quod singularem gloriam ei de nobis det Deus: *7mum*, quod gloria ejus creatura sit usq; ad

ad finem mundi, ac permansura in æternum. Ita de eo P. Iodocus Andries in fausto momento. Quorum eorundem gaudiorum recordationem tanto sibi bono fuisse testatus est S. Bernardinus Senensis, ut frequenter dicere auditus fuerit, se quidquid gratiæ, & charismatum cælitus unquam obtinuerit per devotam B. V. gaudiorum recitationem, obtinuisse. In vita.

Decimo-quarto. S. Gertrudis aliàs devotissima B. V. quam etiam cum in morbo crebris salutationibus Angelicis venerata fuisset, meruit aspectabilem habere in speciosissimo & opulentissimo pallio, aureis floribus, quibus, ut loquitur Blosius. *in moniti cap 3.* laudes designabantur Gertrudianæ; hæc inquam S. Gertrudis docta fuit à B. V. ut singulis diebus per Octavam Nativitatis, triginta quinque vicibus oraret: quo modo precandi venerari posset B. V. tot diebus in utero Matris cominorantem. *lib. 4. revel. cap. 12.* Quem modum precandi quotidianum sibi esse volebat Alphonsus noster Rodriquez, nam quotidie orabat duodecies Ave, & totidem Salve Regina, in venerationem Immaculatæ Conceptionis, volebatq; sibi tali modo orandi repræsentare horas diei naturalis, quo concepta est B. V. petereq; simul gratiam, qua à peccatis præservetur. Ita de eo *Bibliotheca script. Societ.*

Decimo-quinto. Iacobus à S. Laurentio

119 *Modi var. orationum ad B. V.*

ex Ordine Redempt. Captivorum Deiparam flexis genibus, quadraginta encomiis ornabat, quæ ipse invenit, aut è sacris literis congeffit: ideoq; eam moriens meruit habere pro asylo, quando suam illam chartam quadraginta elogiis consignatam isto rerum articulo manu tenebat: testatur Barry in anno Mariano 20. Ian.

Decimo-sexto. B. Stanislaus Kostka Romæ in tyrocinio Societatis degens manè & vespere se versùs templum S. MARIE Majoris obvertebat, ac flexo utroq; genu ab ea precabatur benedictionem, Sacchinus in vita. Sic S. Catharina Sveca filia S. Birgittæ ad initium cujuslibet actionis præmittebat Ave MARIA. Pater autem Gonfalus Gomez Soc. IESU priusquam loqueretur, nomine MARIE decies prolato linguam suam consecrabat.

Decimo-septimo. P. Franciscus Suarez doctissimus ille è Societate nostra Theologus, ante singulas imagines B. V. procumbens Ave MARIA dicebat, ut est in ejus vita: quod idem adhuc parvula facitabat S. Clara de Monte Falco, ut testatur Hidorus Moscovius in vita: quod hodieq; longè plurimi faciunt, scientes, quod, ut monet S. Petrus Chrysologus serm. 141. *Perfecta charitas hoc debet imaginì, quod & Regi.*

Decimo-otavo. Damon Lauduni ex energumeno

nergumeno fassus est, se quatuor elogiis B. V. mirificè cruciari, desumptis ex Litanis Laurentianis, nimirum his: Mater amabilis, Mater admirabilis, Mater Divinæ gratiæ, Virgo potens. Refert Barry in anno Mariano 14. Iunii.

Decimo-nono. B. Andreas Avellinus ut habet Franc. Bolvit. lib. 2. cap. 17. in vita, eos docebat doloris expertes mori, qui dum viverent, Deiparæ dolorosæ compaterentur: quam quidem gratiam, ait Salmeron noster tom. 3. tra 7. 5. Sanctissimæ Virgini datam esse, quòd adfiterit Christo nascenti, & morienti: hinc aliqui nullum diem abire permittunt, quin statis precibus huic mysterio accommodatis, venerentur Virginem dolorosam.

Vigesimo. B. Henricus Suso ita nomen IESU venerabatur, ut post hoc aliquoties prolatum, velut carmen intercalare, audiretur dulcissimum nomen MARIE, quasi non satis dulcedinis posset afferre unum, si non & aliud identidem audiretur; quam quidem consuetudinem ita sanctè tenuit, ut nomen Henrici in nomen Amandi Divinitus illi mutatum fuerit. In vita. Ad eum modum magnus ille Brasilorum Apostolus P. Iosephus Anchieta è Soc. IESU neo-conversos suos instruebat, ut divisim in choros hinc pueris, inde puellis, more Seraphino alter ad alterum clamarent benedictentes. SSS, Trinitatem, IESUM & MARIAM

321 *Modi var. orationum ad B. V.*

AM: pueri ordiebantur: *Benedictum sit dul-*
cissimum nomen IESU, respondebant parvula: *Et gloriosum sit Sanctissimum nomen*
MARIÆ Virginis; tum canebant rosarium
addito, seu interludente choro, dicenteq;
Gloria Patri, & Filio, & Spiritui Sancto. Bere-
tarius in vita. Quæ quidem devotio, quantum
dulcedinis attulerit Angelis Dei, consideran-
dum relinquo, maxime cum ex ore infantium
proficisceretur illorum, qui heri nihil scive-
runt de IESU & MARIA, hodie pleno iis
psallunt choro.

Addo hic modum quendam orandi, obser-
vari solitum ab amatoribus MARIE, quem
quidem ut B. V. gratissimum, sic sine dulcedine
spiritus dici non posse existimo; est autem hu-
jusmodi: revoca tibi virtutes singulas B. V.
earumq; excellentiam morando in singulis,
quantum ter possit dici oratio Dominica, postq;
singulas earum benedic Deum propter eas &
in iis. v. g. Amor Deiparæ in Deum fuit super-
omnia, & super omnes, habuit enim plenior
notitiam bonitatis illius, amavit enim Deum
ut Filium, qualiter nulla alia creatura amare
potuit, nec impediri potuit ab ulla re creata,
quin amaret intensissime &c. tum subde: Ma-
gnifico te Deus, & amo magnificatum amore
MARIE, magnifico & amo te MARIAM,
per quam tali amore magnificatur Deus: Hu-
militer

Virginitas Virginis profundissima fuit, quia persona dignissima omnium creaturarum exinanivit se, ut quæ Mater Dei erat, ancilla haberi vellet; ut ministraret in domo Elizabeth, ut Cæsari subdita pergeret in Bethleem, ut se velut immundam puerperam inter peccatrices haberi vellet: fuit maximè meritoria, quia etsi ex Virginitate placuit, tamen ex humilitate concepit, & per eam ascendit usq; ad thronum Dei, juxta quem adstat Regina in vestitu deaurato: Magnifico & amo te Deus, sic magnificatum humilitate **MARIÆ**: magnifico & amo te **MARIAM**, per quam tali humilitate magnificatur Deus. Virginitas ejus fuit commendatissima, quia eam in, & post partum retinuit, quia eam primò vovit, idq; tunc, cum foret invisa omnibus. Magnifico & amo &c. Charitas proximi fuit ardentissima, ex hac consensit Angelo nuncianti: operosissima; ex hac servivit in domo Zachariæ: benevolentissima; ex hac egenis subvenit in Cana, imò & carnifices Filii sui dilexit. Magnifico & amo &c. Simili modo adire potes omnia attributa Dei, eaq; benedicere ob communicationem sui factam **E. V. Sapientiam**, quæ dependenter à **MARIA** modum invenit, ut & irato Deo satisfaceret ex justitia, & tamen misericordiæ locus esset: **Misericordiam**, quæ in utero Matris misericordiæ ex Deo zelore & **Domino alienum**, fecit Patrem misericordiarum

123 *Modi var. orationum ad B. V.*

fericordiarum: Iustitiam quæ tam miro modo per Filium Virginis Adæ debitum solvit; aliâq; attributa Dei, quæ post partum Virginis magis manifestata sunt, cum antea essent attributa fere ignoti Dei. Sic vade ad omnes Angelorum choros, & generationes iustorum, incipiendo ab Abel iusto, ac virtutem, in qua quisq; excellit, compara virtuti Marianæ, ac benedic Deo, quod hæc, ut sol umbram, mare guttam, ac quadamtenus ut infinitudo rem finitam excedat.

Claudo materiam hanc de modis orandi **MARIAM**, optans, ut quod ait Thom. à Kemp. solil. c. 24. *Creber in ore, semper autem in corde IESVS versetur & MARIA*, inò optans, ut vita tua sit canticum **MARIÆ**, & psalmus, cujus finis sit Gloria Patri, & Filio, & Spiritui Sancto, gloria & **MARIÆ**: sic quippe fiet, ut hoc faxis continuo, quod faciendum sibi proposuit P. Thomas Sanchez è Societate nostra, vir doctrinæ & sanctitatis eximiæ, in cujus libello precatorio, hæc ad verbum scripta inventa sunt: *Omnis mea cura erit venerabilis Eucharistia, IESVS crucifixus, Virgo MARIA, erga quam singulari studio afficiar, ad illam, ut ad Matrem in omnibus meis necessitatibus recurram, perq; eam Deo gratias agam, pro quovis opere facto in Dei obsequio; per eam veniam*

Part. 1^{ma}. Sect. 2^{da}. Cap. 2^{dum}. 124
nam, precabor pro quovis defectu admissio,
per eam illos Deo commendabo, qui mihi
molestiam aliquam exhibuerint. Refert Ba-
lingheim in Calend. Mariano 19. Maii.



Modi seu Exempla ali- qua Colloquiorum de ex- cellentiis B. V.

ALterum, quo amorem erga Matrem tuam
ore probes, Fili MARIÆ, est frequens de
ea colloquium; hoc in genere vellem te ita
studiosum ac ardentem, ut possis dicere cum
Petro Cellensi: lib. 6 ep. 23. *Equidem catara-
ctas celi, & fontes abyssi libentius in obse-
quium ejus solverem, & si Filius ejus I E-
SVS aliquid omisisset in prerogativa exal-
tationis sue Matris, ego servus, ego man-
cipium usq; ad exinanitionem mei supplere
gestirem;* sic quippe ingeniosum amorem in te
ipso graphicè depingeres, utpote qui saturari
non potest laudibus de dilecta: hinc quamvis
scias verum esse illud Arnoldi Carnotensis,
tom. 1. hom. PP. de laud. B. V. *Si lingvis*

ho-

hominum loquar, & Angelorum, nihil dignè, nihil propriè de MARIÆ gloria eloqui potero. Cùm, quòd canit Ecclesia Græca, in Menæis 12. Maii omnes rhetorum leges ad ritè laudandum invente, magnitudine gloriæ ejus vincantur: laudare tamen usq; & usq; averteres, cumq; plura, & plura adinvenires encomia, in hoc quietem pones, quòd nunquam satis tibi esset de dilecta.

Filiationem naturalem ex variis probant capitibus Juristæ, alii ex testibus de publica voce, & forma ac communi reputatione, *ut habetur in Summario num. 16. 17. & 23.* alii ex nominatione utriusq; parentis: *ibidem* ex effigie valde simili, &c. quæ tamen omnia tam seorsim, quàm conjunctim fallere possunt, ut iidem docent. Filiationem Marianam amore probari dixi suprà; hic addo: tam filiationem quàm amorem ipsum ex lingua probandum esse. Dic Scibboleth, nomina MARIAM, loquere de præcellentiis & laudibus ejus, & certo deprehendetur, an ad eam pertineas.

Florentiæ piorum quorundam Sodalitas erat, quorum una occupatio erat loquendi de laudibus B. V. horum primos cùm vidisset S. Paulippus Bennitius nondum annum egressus (ille qui postea ob eximia quæ de B. V. dicere solebat, passim vocabatur Apostolus Dei Matris) Divinitus loqui didicit hæc verba: *Isti sunt*

Part. 1ma. Sect. 2da. Cap. 2dum. 126
sunt B. V. servi; hi postea in ordinem redacti, Servitæ, seu servi B. V. vocati sunt, ut habetur in *Chron. Ord. Serv.* Vide sis hanc vocem publicam, vocem veram & candidam, utpote infantis, idq; Deo acceptissimi, quâ ad MARIAM pertinere dicuntur, qui de prærogativis, ac laudibus ejus frequentes agunt: vide sis & testimonium, seu nominationem parentis.

Raderus in *Bavaria pia*, & Bourghesius in *Soc. Deiparæ sacra*, cap. 22. narrant, quòd Congregationem, quandam dictam Sodalitatem Colloquii erexerit, Ingolstadii P. Iacobus Rhem, magnæ vir opinionis, quæ pro instituto haberet cælestem Dominam, appolitis suo tempore colloquiis honorare; proferebat è penu sua quivis per circulum, quem de titulis ejus maxime rebatur insignem è Litaniis Lauretanis, aut è Sanctis Patribus, super cujus explicatione laborabat: In ejus sodalitiis sacratio cum aliquando decantandis Litaniis Lauretanis interesset, ac vellet scire, quodnam encomium B. V. gratissimum foret, ventumq; esset ad verba illa *Mater admirabilis*, aspectabilem habere meruit Matrem Dei, dicentem: hunc esse titulum, quo maxime gloriaretur; quare insolita voluptate pertusus Pater, in medium prorumpit, & exclamat; hunc titulum crebrò repeterent, hunc esse, qui Matri Vir-

I

gini

gini esset gratissimus. Matrem canerent admirabilem, quæ, ut hoc narrato explicat Niremburgius, *de amore B. V. cap. 16.* verè esset admirabilis, quia est Mater Dei, mater sui conditoris, mater ejus, qui est pater ejus, imò pater totius creaturæ: matrem canerent, quæ est admirabilis, quia est Mater talis Filii, quo nec Deus meliorem habet; talis Filii, qui est persona infinita, qui est Deus & homo: Verè Mater millies admirabilis, quia est Mater, & Virgo; quia magis propriè Mater est, quàm ulla unquam fuerit; magis Virgo, quàm omnes simul Virgines; quia Mater sine dolore puerpera, sine fæda voluptate concipiens, sine labore gravida. Mater admirabilis, quia Mater esse nescit, nisi Filii, quem voluit, non voluit autem minorem, quàm ipsius Dei Filium. Quia cùm sit Mater Dei, non renuit esse Mater peccatorum, Mater misericordiæ, Mater virtutum omnium: admirabilis Mater, quia sicut Deus est Pater admirabilis, eò quòd sit Pater & Virgo, & Pater Dei: ita MARIA Mater Virgo, & Mater Dei: Amabo te, utrum credis admirabilius esse? num quòd Deus generet Filium Deum, an quòd creatura aliqua generet illum ipsum Deum, num quòd Deus generet Virgo, id quòd aliter fieri non poterat? an quòd puella generet Virgo, id quod non ita fieri poterat? num quòd Deus generet Filium suum ab ater-

no? an quòd MARIA generet æternum in tempore? num quòd Deus ingenuus generet Filium? an quòd MARIA generet eundem ab æterno genitum? num quòd Deus generet eundem, qui est ejusdem secum substantiæ? an quòd MARIA generet eum, qui est unius eum Deo substantiæ? num quòd Deus generet sempiternum? an quòd creatura generet sempiternum mortalem. Hæc & plura talia tunc loqui videbatur plenus amore bonus iste Pater, quibus pateret, *imo*. quanta sit voluptas asseverasse loqui de magnalibus MARIE? pateret 2^{dò}. apertum, in quo sibi complaceat Matris admirabilis titulum fuisse illi, qui de prærogativis ejus laudes persolvendi aliis autor erat: quasi enim sic ei loqui videbatur Virgo: frustra aliud ex me quæris elogium extra me, & te ipsum; relatio Maternitatis, quâ ad te Filium referor, omni panegyri melior est: quid quippe dulcius audiat Mater, quid loquatur Filius Matri, quàm hoc ipsum Matris nomen; Matrem me voca, Matrem quidem Dei, & tuam, admirabilem in utroq; utrobiq; fundatam in Verbo, in primo quidem tanquam in eo, quod erat in principio, & in tempore Caro factum est; in altero autem, quod eructat homo honori meo.

Sed nec effigiem Matris in testimonium filiationis desiderare potes, amor enim etiam hic aut similes invenit, aut facit. Clem. Alex.

lib. 7. Stromat. versus finem. *Quemadmodum*, ait, *si quis in Ischomacho studium posuerit, eum faciet agricolam, etsi Lampidi nautam, & Chavidemo Imperatorem, & Simoni equitandi peritum, & Perdici cauponem, & Crobylo obsoniorum conditorem, & Archelao saltatorem, & Homero Poëtam, & Pyrrhoni contentiosum, & Demostheni Oratorem, & Chrysippo Dialecticum, & Aristoteli Physicum, & Platoni Philosophum; ita qui paret Domino, & per eum datam sequitur prophetiam, efficitur ad Magistri imaginem Deus, qui in carne versatur: quæ Sancti Patris ratiocinatio si quid valet, neimò non videt, quàm bene addi possit; Marianum effici, filium effici, similem effici, qui studium suum posuerit in exaltatione MARIE, in exaltatione Matris suæ.*

Loquere fili, ut te videam, verushe par-tus sis benedictæ Matris; *neq; enim*, loquor cum S. Basilio Seleuc. Episc. orat. de annunc. quorumlibet est, promeritas laudes Virgini persolvere, sed eorum, qui Divinæ gratiæ lumine insigniter illustrati sunt, & ipsam tenerrimè amant. Et suprâ: opus hoc eorum esse iudico, qui sublimium rerum contemplatione plurimum valent, corpusq; & animam probè repurgatam habent, id est, qui filii sunt ejus: decerta pro Matre tua, memor ejus

ejus, quod habet S. Ildephonsus lib. de Virg. & parturitione B. V. inquiens: *Pro MARIA dimicare, & vincere, opus est Spiritus S. & virtus Altissimi, qui eam obumbravit:* adde: est etiam opus filii, qui tali certamine genuinum tam amatae Matris se filium probat: enarra justitias MARIE; enarra, quæ ei fecit magna, qui potens est, quamq; ipse Deus ab, & coram hac ancilla sua magnificatus est, ut orbi pateat, te dignam esse tantæ Matris so- bolem. Ad quod, ut te magis, magisq; incitem, præeo, ac aliquot discursibus præludo iis, quos ipse amor filialis tuus inveniet meliores.

DISCURSUS I^{mus}.

Super illo textu S. Augustini dicto de B. V. tom. 10. ferm. de Assumpt. *Si formam Dei te appellem, digna existis.*

P*Rimo.* Per formam Dei accipe pulchritudinem Dei; hæc enim est illa, de qua S. Greg. Nicomediensis, de oblat. Virg. quòd fit *pulchritudo omnium pulchritudinum, pulchrorum omnium ornamentum*, ipsaq; pulchritudo Dei; non ideo solum, quòd eâ captus Deus fuerit, qui ut tigris olim sæviebat, sed quòd ipsa quodammodo in eandem pulchritudinem Divinam transformata sit; si enim verum est, quòd

quòd specularantes gloriam Dei in eandem imaginem pulchritudinis transformamur, testante Apostolo, quòd *similes ei erimus, quia videmus eum sicuti est*: quantò magis transformetur, quæ cæteris clariùs videt? Si verum est, quod ait Nazian. quòd *solus Divus amor formosos reddit amantes*, quia transformat in amatum, necesse est ipsa pulchritudine Dei formosa sit MARIA, quæ una omnium excedit amores; si pulchritudo Dei est ipse Filius Dei, idem autem Filius Dei est etiam pulchritudo Matris suæ, ut ait Rupertus lib. 1. in Cant. vocans eam *pulcherrimam mulierum, cujus pulchritudo est ipse benedictus fructus ventris ejus*, necesse est MARIAM esse pulchritudinem Dei, cum ejus pulchritudo sit ipsa pulchritudo Dei unigenitus Filius Dei: si quantò quis magis appropinquat luci, tantò lucidior est; necesse est ipsa sit pulchritudo Dei MARIA, utpote quâ magis appropinquare pulchritudini Dei nulla creatura potest. Bene Greg. Nissenus hom. 4. in Cant. de illa: *Appropinquans primariæ & exemplari pulchritudini, ipsa quoque pulchra es, veluti quoddam speculum conformata Divino characteri*. Quod contemplans Salazar, in prov. c. 31. n. 209. non veretur dicere: *pulchritudinem Virginis non solum nature, sed miraculo tribuendam esse*.

Quân-

Quamquam & alio modo posse dici pulchritudinem Dei B. V. colligo ex iis, quæ habet idem Nissenus, dum ait: *Quemadmodum is, qui in tabula picturam videt accuratè ad archetypum conformatam, unam utriusq; pulchritudinem dicit, archetypumq; in simulacro clarè conspicit; similiter sponsa cum ait, ego cognato meo &c. Applica B. V. similiter, qui videt Virginis pulchritudinem, ait unam esse formam cum Archetypo, ad quem exactissimè facta est. Verè igitur pulchritudo Dei MARIA est, quæ si oculis cerneretur, mirabiles in se amores excitaret, 4. Esdr. 5. Ex omnibus arboribus elegisti vineam unicam, ex omnibus floribus orbis liliū unicū, ex omnibus ædificatis civitatibus sanctificasti tibi met ipsi Sion, & ex omnibus creatis volatilibus nominasti tibi columbam unam, & ex omnibus plasmatīs pecoribus providisti tibi ovem unam; adde, ex omnibus pulchris elegisti tibi MARIAM, quam ob ejus pulchritudinem in originali totius humani generis incendio, ut quondam ille, qui ait *servate mihi Adonidem*, servares illam. Stat ergo quòd per formam Dei intelligatur pulchritudo Dei, de qua Spiritus Sanctus, aut Filius Dei dicat illud, Sap. 8 *Hanc amavi, & exquisivi à juventute mea, & quasi sponsam eam mihi assumere, & amator factus sum formæ illius.**

2do Per formam Dei intelligi potest ipsa species, quâ videtur Deus. Ajunt Philosophi nullas res videri posse, nisi per species, quibus medius fiat visio: talem speciem Dei, quid impedit vocare Virginem, cum per eam reluceat totus, quantus est Deus. Sanè si verum est, quod ait Apostolus: Rom. 1. *Invisibilia Dei, per ea quæ facta sunt, conspici*, oportet per eam, quæ princeps creaturarum est, melius conspici Deum invisibilem; si magnus Deus in Sanctis suis videtur, & est: oportet maximus videatur, & sit in ea, quæ est vivum totius sanctitatis compendium; si quò quis justior est, eò magis Dei refert perfectiones; oportet referat optimè, quæ justitiæ omnis exactissima anussis est: bene Chrysologus serm. de annunc. inquit, *tanta est, Virgo, ut quantus sit Deus satis ignoret, qui hujus Virginis mentem non supet, animum non miratur*. Multæ fateor & magnæ virtutes sunt MARIE, omnes tamen ita ab illa procedunt, ut per eas magis clarificetur, magnificetur & manifestetur Deus, quàm ipsa; nec enim sibi iusta & bona est MARIA, sed Deo, ideoq; vita ejus similis tersissimo speculo est, in quod Deitas incidens, formam suam videndam relinquat. Ita hanc formæ Dei appellationem accipere videtur Origenes explicans illa verba Luc. 2. *Magnificat anima mea Dominum*, sic enim loquitur:

Queritur, quomodo anima MARIAE magnificet Dominum? si enim Dominus nec augmentum nec decrementum recipere potest, quid est, quare nunc MARIA loquatur, Magnificat anima mea Dominum? & paulò post: Vnusquisq; nostrum ad imaginem Dei formans animam suam, aut maiorem ei aut minorem ponit imaginem: Quando igitur grandem fecero imaginem, & magnificaverò eam opere, cogitatione, & sermone, tunc imago Dei grandis efficitur, & ipse Dominus, cuius imago est anima nostra, magnificatur. Ita hanc appellationem formæ dignata est exponere ipsa Mater Dei S. Birgittæ lib. 1. revel. cap. 42. dum ait: Deitas conclusit me in se, cum anima & corpore, & implevit me omni virtute, ut non sit virtus in Deo, quæ non splendeat in me.

3tio. Per formam Dei intelligi potest gloria Christi; ab hac enim iste formosus in stola sua decorem accepit, cum in forma servi inventus est, quia accepit carnem, in qua gloriosus apparuit in conspectu Domini. Sanè gloriam hanc Christi ille non capit, qui non credit exaltatam usq; ad thronum Dei Christi humanitatem: magna est gloria ejus in salutari suo usq; ad communicationem ipsius increatæ gloriæ; nam eadem est gloria Dei, quæ Christi; sicut enim idem Deus est, qui Christus, sic eadem gloria

ria Christi est, quæ Dei: Hanc ipsam tamen gloriam suam aliunde non habet Christus, quàm à MARIA, cum aliunde carnem, non habet, quàm à MARIA: quo in loco occurrit mihi illud dictum Sostratis militis apud Valer. Max. l. 5. c. 6. hic eunti ad bellum Codro vestem commodarat, in qua contra voluntatem hostium (habebant isti oraculum se vincendos fore, & Athenas obsidione liberandas, si Codrus Rex occubuerit, quare vetuerunt quidquam molestiæ aut periculi ei inferri) in qua inquam veste, contra voluntatem hostium, Rex occisus est; cuius cadaver cum in urbem victricem inferretur, acclamavit populus: O Codre, magna est gloria tua! quia pro subditis Rex occubisti! subjunxit Sostrates: Quis Codrum gloriosum effecit, nisi unus Sostrates? Ita planè magna est gloria Christi, quia pro subditis Rex occubuit, at quis eum ita gloriosum effecit, nisi illa, per quam habitu inventus est ut homo. Huic formæ Dei explicationi videtur intendisse Albertus Magnus, cum sic ad verbum de ea loquitur. postil. super cap. 11. Luc. *Forma Dei Virgo est, ad quam eterni Patris imago figuratur, est enim Filius imago Dei invisibilis, unde Sap. 7. dicitur, quod est speculum sine macula Dei Majestatis, & imago bonitatis illius; hec igitur imago figuranda in formam hominis, formaculum accepit uterum*

rum Virginis, sicut sigillum mundissimum in cera imprimitur mundissima, & sic imago Patris facta est ad imaginem Matris.

4^{to}. Per formam Dei intelligi potest norma, qua operatur Deus, illa inquam norma, de qua Aristoteles: *primum*, ait, *in unoquoq; genere, est norma ceterorum*: talem normam esse Virginem, patet ex eo, quòd condita fuerit ante omnem creaturam, antequam quidquam faceret Deus, à principio, & ex antiquis, antequam terra fieret: unde bene eam S. Andreas Cretensis in menais die 1. Aug. de SS. Machabæis vocat *ideam totius Trinitatis*; & alii Patres: *exemplar*, quod inspiciendo operetur Deus, Zeuxis tabulam picturus Agrigentinis, ad templum Iunonis Lacinia formosissimas totâ Graciâ elegit puellas pro exemplari, juxta quarum pulchritudinem tabulam absolveret: unam sibi pro condendo universo elegit ideam Deus MARIAM, juxta cujus pulchritudinem magnam hanc terræ molem absolveret. Hæc est illa *creatura pura* (verba sunt Ernesti Pragensis in Mariali cap. 84.) *in qua illa artifex omnium Dei Sapiencia excitavit, & fecit spiritualiter, quidquid excogitari potest in omni opere, ex auro, argento, ære, & marmore, & gemmis, & diversitate lignorum, opere gemmario, carpentario, polymitario, & plumario, sicut legitur*
de

137 *Colloquia de laud. B. V.*
de Beseleel Exod. 31. 35. & de Hajam 2.
Paral. 2. in qua omnis creatura terrena
& spiritualis dotes suas velut in absolutissimum compendium contractas videre possit; hunc est quod dicatur cum Deo fuisse cuncta componens saltem per modum normæ, & exemplaris, cum Deus ipse cuncta faceret à principio. Denique etiam pro secuturis temporibus suam esse normam voluit B. V. juxta quam operemur bona; talis enim est MARIA, ut illius vita omnium disciplina sit, & norma totius justitiæ; quam qui tenet, declinare nequeat in insanias falsas.

5to. Per formam Dei intellige perfectionem, quâ Deus universum perficit, sicut per formas phycas materiam primam: informis sine hac mundus noster, nam & in Angelis suis reperit pravitatem; perfectus est cum hac, quæ nulli unquam nævo fuit obnoxia: exhibuit in ea Deus, quantum posset Omnipotentia, nōset Sapientia, vellet Bonitas, sicut aliàs probus artifex, quantumvis in omnibus operibus suis excellens est, in uno tamen aliquo opere magisterii sui exhibet perfectionem: hinc est, quod S. Thomas ait eam illi inesse perfectionem, ut majorem Matrem Deus facere non potuerit: & S. Bernardinus Sen. tom. 1. serm. 61. Idem tom. 2. serm. 51. art. 3. cap. 5. quod facta sit *perfectio totius create nature.*

omnes.

Omnes enim naturas & mundi perfectiones, ultima sua perfectione Virgo Sacra completit per partum suum: amplius addit Ubertinus Cassalius lib. 1. de arbore vitæ; c. 6. apud eundem S. Bernardinum, quod tantâ eam perfectione produxit virtus Dei, ut perfectio illius soli Deo cognoscenda reservetur.

6^{to}. Per formam Dei intellige modum; quo utitur Dei sapientia ad agendum causam nostram, siquidem dependenter ab hac formâ pro nobis intercedit, imò quem ipsa Dei sapientia providit inundo ad loquendum pro salutē sua. Concludere rectē nemo potest, nisi in hac forma argumentetur, ut loquitur S. Germ. Constantinop. de zona B. V. inquires: Nullus est, qui salvus fiat, nisi per te Virgo Sanctissima; nemo est, qui liberetur à malis, nisi per te o Virgo purissima; nemo est, cui donum concedatur, nisi per te, o castissima; nemo est, cui misereatur gratia, nisi per te o honestissima. Beneficio formæ hujus habes, quod tibi nihil noceant sophismata diaboli, tunc maxime, quando dicēs: Conscidisti saccum meum, circumdediti me latitiâ.

7^{mo}. Per formam Dei intellige animam Dei, quia per eam Deus quodammodo vivit in cordibus hominum; si enim per Sanctorum operam Deus vivit in cordibus fidelium, vivet atq; per eam, quæ est Mater omnis sanctita-

tis, & à qua omnis sanctus habet, quòd sanctus est. Quòd Virgo vitam mundo inspirarit perditò, docent Patres, hoc si verum est, anima esse debuit, & anima Dei, cùm reparatus mundus vivat vitâ Divinâ. Eunapius in Iamblichò, de Alipio suo non minùs mendaciter, quàm adulatoriè olim dixit, eum esse *fortum animam*: verius id de B. V. dixerim, per eam enim mundus Deo vivit, imò per eam Deus vivit in mundo; nam nisi tu Virgo fuisses, & voluisses, non viveret mundus, seu quòd idem est, Deus mundum non animaret. Refero huc illud, quod S. Leocadia Virgo & Martyr oranti ante corpus ejus S. Ildephonso Episcopo olim dixit: *Ildephonse per te vivit Domina mea*, per quod allusit ad librum, quem sanctus iste scripserat, de Virginitate Deiparæ, ut habetur in vita: Per te Domina vivit Dominus meus, in te enim non corporaliter modò animatus est, cùm primò fieret homo, sed quotidie animatur, cùm mortuus Deo mundus rursus vivit, & vivit Deo. Est & alio modo anima Dei Virgo, quia in ea est amor Dei animans & vivificans; si ergo anima plùs est, ubi amat, quàm ubi animat, utiq; in Virgine est anima Dei, quia quantum nusquam est, in Virgine amor est. Allusit ad hoc S. Franciscus Salesius, lib. 9. de amore Dei, cap. 14. dum ita Dominum IESUM loquentem inducit: *Videor mihi esse proprium*
Ma-

Matris mee cor in medio pectoris, vel ipsius anima in ejusdem cordis centro constituta, hinc est, quod sicut ejus gressus & incessus sat est pro illa & pro me, ita voluntas ejus sufficit pro illa & pro me.

8vo. Per formam Dei intellige, quod habuerit actus similes Divinis; qualiter formam accipit S. Leo, dum ait: *Frustra appellamur Christiani, si imitatores non sumus Christi, qui ideo se viam dixit esse, ut conversatio Magistri, forma esset discipuli.* Et in hoc sensu Patres eam vocant Deiformem, seu, ut loquitur Albertus Magnus apud D. Antoninum p. 4. tit. 15. cap. 43. *quod Deiformissimos actus habuit, & in summo actu Deum imitata fuit.* Et certè si ulla creatura aliquantulum per imitationem accedit ad creatorem, accessit supra omnes MARIA, quam idcirco Andreas Cretensis orat. 2. de Assumpt. vocat, Divini archetypi imaginem rectè descriptam, & Divinorum attributorum epitomen: in hac relucet attributa Dei, virtutesq; supra creaturam majores, in hac expressissima imago totius potentia, sapientia, ac bonitatis Divinae, in hac genuina similitudo, quantum tamen inter puram creaturam ac Deum esse potest, reperitur. At hinc non moror, cum sciam alibi rediturum de hoc sermonem.

DISCURSUS 2dus,

super illo textu Hesychii ferm. 2.
de laud. Virg. habetur tom. 2. bi-
blioth. novæ, B. V. est complemen-
tum Trinitatis.

QUo quidem elogio an aliud insignius sit,
dubito, alia enim elogia ut plurimum pe-
tuntur à rebus creatis respectum aliquem
dicentibus ad B. V. fereq; sunt minora ipsâ Vir-
gine; hoc autem elogium petitur ab ipso Deo,
videturq; esse longè excellentius ipsâ Virgine.
Porro si per complementum Trinitatis intelli-
gis complementum Dei intrinsecum, blasphemus es, nec laudas Virginem sed colaphizas, si-
cut non laudârunt Collyridiani, dicentes eam
Deam esse, nec Deum sine ea completum esse,
sed colaphizârunt. Bene Bern. ep. 141. *Hon-
nor, ait, Reginae iudicium diligit, Virgo
Regia falso non eget honore, veris cumula-
ta honorum titulis laudari vult, sed discre-
tè; non autem blasphemè.* Igitur elogiū hu-
jūs sensus est.

imo. B. V. est complementum Trinita-
tis, quia cū eam produxit, fecit opus comple-
tissimum; alia opera quantumvis perfecta erant,
Dei enim perfecta sunt opera, adhuc tamen
compleri poterant: B. V. autem ita perfecta est,

ut amplius compleri non potuerit: Hinc Patres
passim eam illi perfectionem tribuunt; quâ ma-
ior sub Deo nequit intelligi, nominatim S.
Thomas in 4. dist. 30. q. 2. a. 1. inquires: *In*
B. V. apparere debuit omne illud, quod
perfectionis fuit: imò ferè adinunt potentiam
Deo perfectionem creandi, qualiter S. Bonav.
in speculo cap. 8. ait: Majorem mundum po-
test facere Deus, majorem Matrem quàm
Matrem Dei facere non potest: Et iterum S.
Thom. 1. p. q. 25. art. 6. quod nihil eâ meli-
us fieri possit, sicut nihil potest esse melius
Deo. Quamobrem in hoc opere videtur De-
us exhibuisse magisterium virtutis, & Omni-
potentiæ suæ, ad instar proborum artificum,
qui quamvis omnia opera sua exactè faciant, u-
num tamen aliquod tale efficiunt, quo osten-
dant, quanta patrare possint, quodq; sit reli-
quorum omnium complementum: Et tale opus
videtur fecisse Deus, in B. V. hoc enim unum
exprimit præ omnibus potentiam artificis, estq;
complementum virtutis ejus, operantis ad extrâ.

2^{dò}. B. V. Complementum Trinitatis
est, quia quas aliis quasi incompletas contulit,
in eâ complevit, & in unum collegit dotes su-
as; particulas alii Divinæ Trinitatis participâ-
runt, dum alii innocentiam unam, alii unam
bonitatem, unam alii justitiam, & singulas sin-
guli virtutes acciperent; totam, ac totius Tri-

nitatis dotes accepit MARIA; in illa perficienda Pater Omnipotentiam, Filius Sapientiam, Bonitatem Spiritus S. impendit, ob hanc causam Archangelus eam plenam gratiâ dicit, id est, completam iis donis, quæ particulatim aliis distributa sunt, ut explicant Patres, nominatim S. Hieron. serm. de assumpt. Virg. in-
quiens: Ceteris per partes præstatur, MARIAE vero simul se tota infudit gratiæ plenitudo. Et B. Arnoldus Carnot. tract. de laud. B. V. B. V. MARIA, ait, *creaturis constat omnibus, quidquid enim creator singulis justus distributor contulit, Matri adornande congeffit.* Amplius autem Bernardinus, tom: 1. serm: 61. art: 2. c. 10. *excepto Christo, ait, tanta gratia Virgini à Domino data est, quantum uni pure creaturæ dari possibile est.* Propter quæ alii B. V. non tantum opus completissimum Trinitatis vocandum censent, sed opera Dei completissima, applicantes de una, illud ps: 45. *Venite & videte opera Domini, quæ posuit prodigia super terram:* ajuntq; non minus justè eam vocari opera Domini, quia quod habetur in singulis, totum habetur in MARIA; quàm justè dicitur homo esse omnis creatura, quia unus possidet, quæ divisim habet omnis creatura.

3tio. B. V. Complementum Trinitatis alio etiam titulo dici posse, colligo ex iis, quæ habet

habet S. Bernardinus Sen: tom: 1. serm: 61. de illa, dum dicit, quòd ipsa sit *finis omnis consummationis, non enim solum perfectio- nibus orbis ultimam perfectionem, sed & ipsi universitatis auctori nonnullas perfe- ctiones adduxit, puta eterno principio, in- ceptionis exordium, eternitati Divinae, temporalem periodum, infinitati immense, quantitatem corpoream, speciei eterna, pul- chritudinē novam: & ex iis, quæ habet S. Me- thodius orat: in hypapante. Tu, inquit, fide- lium fax, tu incircumscripti (si ita quidem loqui fas est) circumscriptio, tu cuncta con- tinentis, & comprehendentis comprehen- so. Quomodo verò has perfectiones Divinas compleverit, colligi potest ex perfectione mise- ricordia, quæ quidem in Deo semper fuit com- pletissima quoad potentiam & promptitudinem liberandi creaturas à miseriis; secundum affe- ctum tamen compassionis videtur aliquid illi accessisse saltem secundum nostrum modum con- ciipiendi: quod innuere videtur Apostolus Hebr: 2. cùm ait, *Christus debuit per omnia fra- tribus assimilari, ut misericors fieret*, id est Deus debuit accipere carnem & sanguinem, ut compati posset misericorditer infirmitatibus nostris. Sic circà hanc materiam discurrit Ioan- nes Baptista Novatus, de eminentia B. V. tom: 2. cap: 7. quest: 28. Colligi item potest*

ex iis, quæ habet Salazar *in cap: 8: prot: vers: 23. n. 304.* ex P. Hieronymo de Florentia, quia ipsa quodammodo contulit Deo Patri & Filio, ut ille esset quasi secundo seu bis Pater naturalis, nam, ut Theologi docent cum Vasquez *in 3. partem D. Thomæ a: 89. a: cap: 4.* Christus etiam quæ homo, est Filius naturalis Dei; item contulit Filio Dei quasi secundum respectum filiationis temporalis naturalis; quem respectum temporalis generationis non habuit Pater æternus, & Filius Dei naturalis ab æterno, sed tantum habet respectum generationis æternæ. Iam verò cum Spiritus Sanctus sit vinculum Patris, & Filii naturalis non tantum ab æterno, sed etiam in tempore geniti, novus ei etiam per Virginem quodammodo videtur accessisse respectus, nempe videlicet Patrem & Filium in tempore vincientis. Ad quos quidem respectus complementum Trinitatis fuit Deipara, eo temporis instanti; quo virtus Altissimi in Virgine operata est mirabile illud, ut naturaliter esset unus idemq; Dei Patris & Virginis Filius.

4to. B. V. est Complementum Trinitatis, quia eam totus Deus complet, quæ quidem completio figurata videtur 2. Paral: 5. & 3. Reg: 1. quando gloria Domini complevit domum Dei; innuq; videtur ab Archangelo in illis verbis, Dominus tecum, quamvis enim in aliis

aliis sit per auxilium, & protectionem, in aliis autem per gratiam, quasi complendo potentiam eorum operatricem ad bonum, sicut optat Salomon, cum ait: Sap: 9. *Mitte Sapientiam de celis sanctis tuis, ut tecum sit, & tecum laboret;* in B. V. tamen singulari modo fuit tota Trinitas per conjunctionem ac completionem in ordine ad operandum mysterium Incarnationis, Pater quidem, quia ejus virtus illi obumbravit, Spiritus Sanctus, quia in eam supervenit. Filius autem, quia in utero ejus factus est homo: aut ut loquitur S. Bern: serm: 3. *super Missus est, Dominus Filius tecum, quem carne tua induis, Dominus Spiritus Sanctus tecum, de quo concipis, & Dominus Pater, qui genuit quem concipis: Pater, inquam, tecum, qui Filium suum facit tuum: Filius tecum, qui ad condendum in te mirabile sacramentum, miro modo & sibi reseat genitale secretum, & tibi servat virginale signaculum; Spiritus S. tecum, qui cum Patre & Filio tuum sanctificat uterum: Quæ quidem omnia aliter fieri non potuerunt, quam complendo Virginem ad opus tam mirabile. Et hic sensus videtur esse Hesychii, nam ait: quod B. V. sit complementum Trinitatis, quandoquidem & Spiritus S. adveniebat, & hospitabatur, & Pater obumbrabat, & Filius utero gestatus.*

5to. B. V. est complementum Trinitatis, quia complet gloriam extrinsecam ejus tantum, quantum nulla alia creatura; sicut enim nulla creatura est quæ plus habeat sanctitatis; ita nulla est, per quam plus sanctificetur, ac habeat plus extrinsecæ gloriæ Deus; quàm per illam unde si alterutro carendum esset, Virgine, aut reliquis creaturis omnibus, elector optimus, reliquis creaturis etiam simul sumptis carere mallet, quàm Virgine, cujus unius merita sic se habent ad merita reliquorum sanctorum, sicut se habet mare ad guttam, sol ad radium, totus mundus ad unam creaturam. Adde, quòd quæ ab aliis creaturis derivatur gloria, etiam ab hac procedat, eiq; toti imputetur tanquam primæ origini, & fonti, è quo omne bonum procedit. Deniq; gignendo Filium Dei Unigenitum, qui est gloria Dei, summè glorificavit ignotam hætenus Trinitatem, siquidem dependenter ab ea innotuit creaturæ Pater mittens Filium, Filius assumens humanitatem, Spiritus Sanctus superveniens, manifesta q; factæ sunt perfectiones Dei, scilicet Sapientia Dei, quæ in ea ita copulavit Iustitiæ Misericordiam; ut. & miseriæ nostræ subventum sit, & satisfactum Iustitiæ: Omnipotentia, quæ in ea copulavit ima summis, Creatorem creaturæ, Deum homini: Bonitas, quæ, cùm perditum esse-

Part. 1^{ma} Sect. 2^{de}. Cap. 2^{dum}. 148

effemus, se nobis dans in pretium, invenit nos;
verbo, apparuit in ea *magnum pietatis sa-
cramentum, quod manifestatum est in car-
ne.* 1. Tim: 3.

6^{to}. B. V. est complementum Trinitatis,
quia ipsa est finis operum Dei, ac Sabbatum,
in quo completis omnibus, quievit ab omni o-
pere suo: sicut enim quia hominem in opere
sex dierum ultimum effecit, eumq; talem, pro-
pter quem alia facta sunt, homo dicitur finis &
complementum operantis Dei, sic quia in fine
temporum Virginem fecit, propter quam alia
omnia facta sunt, meritò finis operum Dei, &
complementum Trinitatis est: item sicut cum
hominem faceret Omnipotentia Dei, ponendo
in illo perfectiones omnium unà cum simili-
tudine sua, velut in compendio, seu indice de-
monstravit completum esse opus suum, homoq;
ab hac compendiosa totius universi continentia
microcosmus, & completum totius universi
compendium dicitur, sic cum faceret Virginem
SSS. Trinitas, cujus opera ad extrà indivisa
sunt, poneretq; in ea perfectiones omnis crea-
tura, unà cum similitudine sua, demonstravit
completum esse opus suum, ipsaq; Virgo dici
potest microcosmus, & complementum Trini-
tatis ac omnis creatura: Qua in acceptione
videtur dictum illud S. Thomæ de Villa-nova,
cum ita de Virgine loquitur: conc: 3. de Nat:

B. V.

B. V. sicut in creatione mundi collecta est omnis creatura, ideo microcosmus, sic in reformatione mundi in Virgine collecta est omnis Ecclesia, & sanctorum perfectio, ideo microcosmus Ecclesiae dici potest. quidquid enim in quolibet sancto fuit illustre, in ea fuit; in illa patientia Iob, mansuetudo Moysis, fides Abrahae, castitas Ioseph, humilitas David, sapientia Salomonis, zelus Elie, in illa puritas Virginum, fortitudo Martyrum, devotio Confessorum, sapientia Doctorum, contemptus mundi anachoritarum, in illa demum sapientiae, scientiae & intellectus donum, pietatis & fortitudinis, & omnia dona spiritus, & omnis gratia gratis data.

7mo. B. V. est complementum Trinitatis, quia sicut forma complet in naturalibus, sic quodammodo complet Deum in ordine supernaturali, ut non aliter creaturae communi-
 cetur bona sua, quam ad voluntatem MARIAE; quae quidem ratio est, ut ei traditam potestatem super omnia dona gratiae doceant ascetae, dicentes cum Bernardo, serm: 1. in Salve quod ipsa Divinae pietatis abyssus, cui vult, quando vult, & quomodo vult, creditur aperire, facta clavis thesauri Domini, & thesauraria gratiarum ejus. Ioan: 6. dicitur, quod nemo potest venire ad Filium, nisi Pater traxerit eum: quod

quòd B. V. applicat Dion: Carthusianus inquit: *sic etiam quodammodo ausim dicere, quòd nemo venit ad Filium gloriosum, nisi tuis sanctis subsidiis traxeris eum.* ego autem addo, quòd nullum donum Trinitatis descendat ad hominem, nisi B. V. illud abstraxerit, ac quodammodo Deum compleverit ad dandum illud creaturæ.

8^{vo}. B. V. est complementum Trinitatis, quia sola perfectè complet voluntatem ejus: nam alii, quantumvis maximi sancti sint, voluntatem Dei complere nequeunt, cum & ipsi debeant de se dicere illud: *Nobis quoq; peccatoribus: & iterum: Peccatores, te rogamus audi nos;* perquam enim verum est de iis illud: *si dixerimus, quoniam peccatum non habemus, ipsi nos seducimus, & veritas in nobis non est.* I. Ioan. 1. B. V. autem sola complet voluntatem ejus, quia omnia, quæ placita sunt Deo, facit semper, sublato in ea non actu solum & habitu, sed & fomite peccandi. Unde bene Bern: serm: 13. de cæna Domini. *Non est, ait, in filiis hominum, qui non in peccatis fuerit, præter Matrem immaculatam, peccatum non facientis, sed peccata mundi tollentis:* hinc si propriè loqui velimus, dicere debemus, quòd sola legem, sola voluntatem Trinitatis implevit.

DISCURSUS 3^{tius},

Super illo dicto magni illius Servi
 Dei, Alphonsi Rodriquez ad B. V.

*O Domina ego te impensius longè, me quàm
 ipsum amo! te amplius diligo Mater mea,
 quàm tu me diligas: ad quod aspecta-
 bilis facta B. V. ei respondit. Non
 ita est, ut sentis mi Alphonse, sed ego te im-
 pensius amo, quàm tu me diligas refert id
 Bourghesius in Soc: Deiparæ sacra cap:
 10. & Bibliotheca Script: Soc: IESV.*

PRæclarum super hac ipsa re discursum me-
 mini me legere apud P. Parry in anno Ma-
 riano, quem equidem si ad manum habe-
 rem, fors hic totum describerem; quòd quia ob
 libri defectum facere non licet, duntaxat ea,
 quorum memini adnoto, additis quæ addenda
 videntur. Igitur si dicatur *primo* in dicto Al-
 phonsi pæne reperiri illud Pòetæ, quòd *Deus*
videat perjuriam amanti: quomodo enim di-
 cas te minùs amari ab ea, quàm tu illam amas,
 cùm amor tuus comparatus ad amorem ejus
 vix nomen amoris retineat, illius enim amor
 majoritatem ac excellentiam accipit à dignita-
 te personæ, tuus autem decrescit ex vilitate

tua

tua, quantumvis intensus sit; hinc amor ejus tantus est, quanta est dignitas ejus & excellen-
tia, tuus autem tantillus est, quantulus ipse
es: quo posito, si concludatur ejusmodi amorem
neq; prudentem, neq; possibilem esse; tu cau-
sam Alphonsi suscipe, ac prudenter id dictum
demonstra, etiam si amor ipse talis foret im-
possibilis quoad effectum; nam prudenter a-
mans saepe tendit in impossibile, ut ait Aristo-
teles lib: 3. Ethic: cap: 2. dicens: *voluntatem
esse impossibilem*; sic prudenter vult impossi-
bilia amans Paulus, cum optat anathema esse
pro fratribus, sic prudenter amabat S. Theres-
sia volens impossibile, id est ad extremum ju-
dicii diem inferni pœnas pati, modò unam ani-
mam lucrifaceret; sic prudenter optabat S. Bir-
gitta quod impossibile erat, inquiens: *Sic a-
mo te MARIA, ut malim me Birgittam
nunquam natam, imò damnatam, quàm ut
MARIA Filia Ioachim non fuerit Ma-
ter Dei*: deniq; prudenter S. Augustinus vult
impossibilia, dum ait: apud Ludov. Terellii de S.
Aug: anno 430. num: 28. *Domine tantum te
am, ut si ego essem Deus, & tu esses Au-
gustinus, ego vellẽ desinere esse Deus, & da-
re tibi hoc esse, ac ipse fieri Augustinus*. Sed
nec impossibilem esse ejusmodi amorem proba-
bis inde, quia longè specialiora ei bona velle
potes, quàm ipsa tibi; illi enim velle potes, quòd

fit concepta immaculatè, quòd sit Mater Dei, Mater & Virgo, aliaq; sexcenta soli illi confèribilia dona: ipsa autem, quæ tibi vult, longè inferiora sunt, puta iustitiam, castitatem, sapientiam &c: quo posito, inferes, quod si amare nihil aliud est, nisi bene velle, oportet maiorem esse amorem Alphonfi, qui ea bona vult B. V. quæ maiora longè sunt, & quæ vicissim ei velle non potest Virgo Beata.

Si dicatur *secundo*, amor B. V. est maternus, Alphonfi verò ut summum filialis, jam verò amor maternus maior est, quàm filialis, amor enim in descensu maior est, quàm in ascensu: Responde, quod amor maternus in B. Virgine non potest, hoc efficaciter potest in Alphonso amor filialis, potest enim pro illa pati contumelias, mortem subire &c.

Si dicatur *tertio* quantumcunq; amavit Alphonfus B. V. amavit se in illa, cum enim majus bonum invenerit in illa, quàm in se, amavit illud bonum sibi, per consequens amavit se in illa, adeoq; non minùs se, quàm illam, quia in quo amavit illam, in hoc ut bono suo, amavit se, unde ad summum videtur dicere debuisse Alphonfus: amo me in te, plus quàm me in me, quia plus me invenio in te, quàm me in me, ferè sicut Bern: de amore Dei cap: 7. ait: *Amamus te, vel tu amas te in nobis, nos affectu, tu effectum.* Responde, si de amore con-

concupiscentiæ sermō sit, id facillē concesseris, nam principium hujus amoris est amor proprius, qui ab illo præsupponitur, ut numerus supponit unitatem, linea punctum: At verò fidē puro amore benevolentiae sermo sit, quid vetat amare plūs alium, quàm se?

Deniq; de amore æstimativō certissimum videtur, quòd illam plūs amare possimus, quàm illa nos, nam æstimativè amamus illam super omnia bona creata, qualiter illa nos æstimare non potest, cū magis æstimet S. Iosephum, S. Annam, &c.

Si dicatur *quarto*, sed B. V. erroris arguit Alphonsum: Responde, perquam verum esse, quòd amor B. V. constantior sit, & efficacior, quòd collativus sit eorum bonorum, quæ vicissim ei dare nequit redamans creatura, quòd tenerior sit, cum majore puritate, ac puriore intentione, cum majore intensione, majore amati utilitate &c. Deniq; circa hoc certamen amoris verum est illud, quod recensens illud Pourghesius exclamat, quòd in eo & vinci & vincere sit æquè optabile ac gloriosum.

Placet in his discursibus diutius utilem operam ponere; qui quidem ut identidem tempori servire possint, apto illos ad solenniora festa B. V. ordiorq; ab ipsa Virginis Conceptione, quæ sicut principium festorum ejus est, sic ferè hoc tempore præcipuè in Polonia nostra, inter festa B. V. magis solennis est.

Cont.

CONCEPTIO B. V.

*Pro materia discursuum accipio le-
ctionem ea die in Missa legi solitam,
quam per modum elogii servientis
B. V. Conceptioni expono, familia-
rem discursum ex dicendis facillè eru-
es locuturus de hoc mysterio.*

Dominus possedit me. Possessionem Dei
spaciosissimam vocat B. Virginem S. Io-
seph Græcus, in Mariali. hereditatem
Domini Albertus Magnus; in lib: Mar: su-
per lib: Eccli: habitationem Dei Rupertus;
lib: 1. Com: in Matth: ex quibus infer imma-
culatam Conceptionem B. V. debebat possessio
Dei esse Virgo (Virgo vocatur omnis illa civi-
tas, quæ nunquam hosti subjacuit) debebat hæ-
reditas Dei ab onere Adæ eximi, debebat ha-
bitatio Dei esse munda à sorde, & carere tali-
bus, quibus serviret illud: Inimici Dei dome-
stici ejus. Continua fit, & certa necesse est, o-
mnemq; alienum excludat dominium, quæ po-
sitione pedum ab ipso Deo aditur possessio, puta
per Incarnationem. Possessiones orbis vocare
solemus bona, qui titulus possessioni Dei magis

con-

convenit, utpote, quæ etiam à primævo malo liberata est; privilegium hoc bonorum Dei primum est subscriptum digito Dei, id est, Spiritu Sancto, signatum geminâ annuli, id est Filio Dei, qui medius est Sanctissimæ Trinitatis, ut nunquam alienentur bona, quæ sunt futura locus natalis summi boni, & in quibus Dominus Majestatis thronum suum positurus est in æternum. Titulo quidem debiti originalis alienandam possessionem non existimes, prius quàm contraheretur, illud solvit Dominus, obædari nō lens fundum, in & ex quo pretium redemptionis nostræ colligendum erat. Suam tamen facere tentabit titulo fictæ apprehensionis homicida ab initio, sed vix avarum pedem huc immittet, & in ipsa porta caput contritus, pro tot rapinis, panas dabit. Nimirum *possessio Dei est Virgo* secundum Ildephonsum lib: 5. de Virg: c. 2. *cujus Dominus est virtutum Deus*, ego addo, Dominus solus, unus, & perpetuus.

In initio viarum suarum. Universæ viæ Domini Misericordia & Veritas, in his Deus possedit MARIAM: ne cum aliis erraret in via, fecit Misericordia: ut sola conformis esset creatori, fecit veritas: Aliis Misericordia obviavit cū in miseria descenderent; MARIAM prævenit, antequam miseriam nōsser, ut ambigam, cui plus donatum est, & quis plus debeat

beat? miseri cùm erigerentur, an MARIA, cùm sustineretur? nisi quòd major gratia sit præsèrvare, ne corruas, quàm erigere, cùm corrueris. Retractationum libris addat Augustinus illud, Deum non fore misericordem, si non esset miseria, nam quia non est miseria in MARIA, misericordissimus Deus est: miserationes Dei super omnia opera, quæ fecit Virgini, quia, ne quis exprobrare aliquando posset illi: Et tu aliquando misera fuisti, providit. Verè hìc mirificavit Dominus misericordiam suam, cùm illa misericordiâ pravenitur, quæ facta Mater misericordiæ paritura erat Patrem misericordiarum, ut dicere possit: misericordia Domini, quia non sum consumpta, priùs quàm concepta, tunc cùm uno in pomo omnes voraret Mater Eva. Sed & in via Veritatis Deus possedit MARIAM; aliàs hìc non tutum iter est, veritas enim odium parit, quod etiam præcursorem capite minuit, nunc etiam infans extra periculum est, quia cùm paritur Matre gratiâ (Anna gratia est) mendacem ab initio, & latronem universalem capite minuit. Lubrica aliàs hìc via est, ipsaq; adeo veritas non rarò corrui in plateis, modò infans nondum unius diei super aspidem & basiliscum currit pede non offenso, cursuq; pæne priùs consummato, quàm capto, accipit bravium. Poterat & præses inferni hætenus quarere: Quid est veritas

tas? omnes enim mendaces erant, ideoq; dati sunt in devotionem; nunc infans sine peccato gryphos solvit, & sphingem sternit. Merito ergo de se usurpet illud ps: 53. *Misit Deus misericordiam suam, & veritatem suam, & eripuit animam meam de medio ca-tylorum leonum.*

Antequam quidquam faceret à principio. Principium, & princeps omnis creaturæ MARIA, ut esset consummatio, à principio fieri debuit: magisterium artis suæ ostensus in opere hoc Deus, ita perfectum fecit; ut ne sutor in crepida, id est, qui cæteris malum fuit, in calcaneo defectum repperit. Angelos aliqui primo instanti peccare potuisse negant, ne error tribueretur Deo; peccasse principium hoc operum Dei terè non citius credidero, quàm Deum errare posse existimem: collecta est ab initio omnis pulchritudo, juxta quam & species Angeli, & innocentia primi hominis derivaretur; quæq; Deo serviret pro idea formandorum, sicut olim collectæ totæ Græciâ Virgines pro idea formandæ Helenæ serviêrunt Zeuxi: eximium certè hoc primum opus Dei est, quod quia etiam in sua creatione habuit gratiam, factum est immortale; Deam credidisset Dionysius Areopagita semel visam, nisi fides eum aliud docuisset, ego ipsam perfectionem Dei putarem, nisi & hoc principi-

um operum Dei (quod digito Dei inferibi in-
scruit) præferret in fronte illud, Ipse fecit nos,
& non ipsi nos.

Ab æterno ordinata sum. Antiquum
hostem stratura, ab æterno ordinari debuit ca-
strorum acies ordinata; doctus vincere, ubi
nullus ordo, vinci non potuit sine tali ordine.
Ordinavit in ea charitatem Deus ferè prius,
quàm natura corpus; ferè enim prius vixit vitâ
gratiæ, quàm naturæ, adeoq; ferè prius vicit,
quàm vixit, imò quàm venit & vidit. Adverte-
rat ordo hostem, quare ad eum confusus in
consiliis, quid agat, ignorat. Eminus adoriatur
jacto pro globis Evæ pomo: non subjacet ma-
lo MARIA: cominus arietet? frangetur citi-
ùs, quàm frangat eam, cujus robur gratia, for-
titudo est Agnus: Cuniculis ergo agendum ra-
tus calcaneo insidiatur capitalis, sed in his con-
tritrus, caput perdidit. Sic nimirum decuit, ut
in caput ejus reciderent mala, quæ jecit in fili-
os Adæ; ut confunderetur, per quem omnes
erubimus, in capite. Ipsa verò acies ordinata,
quæ fecit confusionem hanc in domo Nabucho-
donosor, non in peram, sed sub pedem ancillæ
Domini in trophæum victoriæ caput abjiciat,
& amplius, stratâ morte, sit immortalis.

Ex antiquis antequam terra fieret.
Terram ante terram fuisse is ambigat, qui so-
la naturæ novit elementa: supra terram, & an-
te

te terram terra est, nihil habens terrei **MA-**
RIA, præterquam quod primum hominem,
id est, hominem Deum germinat. Ubi ejus si
quæris? extra terram est, in virtualibus im-
mensitatis, ut loquuntur Philosophi, vel recti-
us sanctitatis Divinæ partibus, ibi centrum
locavit suum, ubi non poterit timere ruinam:
gravitare hoc in centro suo non potest, nam
nihil tale novit, quod sicut onus grave gra-
vatum est super nos, nec spinas scit, & tribu-
los benedicti fructus mater futura. Causare
terræ motum volet erebus, sed procul à pericu-
lo trepidationis est, cum tribus digitis, hoc est,
tota Trinitate sustineatur. Veniat cum tota sty-
ge Archimedes quispiam jactans se, si extra
terram poneretur uno pede terram moturum,
non pedem, sed caput franget, si hoc facere at-
tentaverit, quia enim terra centro affixa est,
cujus circumferentia nusquam est, in æternum
stat. Aliter qui sentit, nã ille vertiginem pati-
tur, aut malo ebrius est.

Non dum erant abyssi, & ego jam con-
cepta eram. Etiam inter **MARIAM**, & pec-
catorem magnum chaos est; Filiam Dei discer-
nit à filiis dissidentia abyssus peccati: aliorum
generatio corruptio est, quia ibi est, ubi abyssus
miseriæ invocatur abyssum misericordiæ; **MA-**
RIÆ conceptio integritas est, quia ibi est, ubi
non potest urgere super eam puteus os suum.

Et certè, si abyſſus privatio eſt, aut vacutum, in MARIA locum habere non potuit, quæ in Conceptione ſua proceſſit formoſa tanquam Ieruſalem, & ita plena erat, ut jam tunc de plenitudine ejus accipere potuiſſent univerſi: Quanquam meritò etiam eam dicere poſſum abyſſum, cum in eam melior Curtius filius Dei ſe injiciet, ut peſtem populi extingvat.

Necdum fontes aquarum eruperant.

Ne ab aquis, quæ intrant uſq; ad animam, periclitari MARIAE reris originem, priusquam aqua fieret ipſa eſt: quorum ortus interitus eſt, eorum in inſtabili elemento fortuna vehitur, mergitur innocentia; cujus conceptio culpam nescit, ſuperior aquis eſt. Draco equidem mulierem abſorpturus, qui tanquam aquam iniquitatem bibit, aderit: ſed ſe in ſicco tunc primum hæſiſſe deprehendet, cum pro tot hauſtibus, pelle, imò capite ſolvat: aperiat licet totum erebun, eos duntaxat ſorbebit, qui ut canis Nilum, originem reſpiciunt Adæ: quæ peccatis ſuperior eſt, communi naturæ voragine ſorberi non poterit, ſicut nec in diluvio univerſali periclitari, cujus fundamenta ſunt in montibus ſanctis.

Hæc intimâſſe ſufficiat, amator Marianus plura & nobiliora ex hoc aliisq; ſcripturæ locis eruet.

Sic nuper per omnes cælos & ſigna zodia-

ei laudavi immaculatè conceptam Virginem
stando in illo textu Scripturæ: 2. Macch: 15. *O-*
mnēs igitur celi benedixerunt Dominum
dicentes: Benedictus, qui locum suum in-
contaminatum reliquit.

Pro hoc festo præclarum discursum pote-
ris instituere, si usus fueris iudicio Danielis
pro Susanna falsò accusata; quæsiērisq; sub qua
arbore visa sit peccare MARIA: nec enim
sub infelici illo ligno peccavit, nam, ut dicitur
Cant: 8. *sub arbore malo suscitavit eam*
Dominus, ubi corrupta est mater ejus, ubi
corrupta est genitrix ejus: non sub scyno vel
cyno, quæ juxta Corn: à Lapide hīc species
lauri est, quia nullum fulgur à peccato timet,
quia serpentes fugat &c.

Poteris instituere quæstionem, an magis
laudetur Virgo, dum dicitur immaculatè con-
cepta, quàm dum aliæ ejus prærogativæ & ex-
cellentiæ laudantur? vel, an magis placeat,
mereaturq; plūs laudator immaculatæ Conce-
ptionis, quàm prædicator aliarum gratiarum il-
lius? Ipsi quidem Beatæ Virgini si data fuisset
electio, aut carendi gratiis aliquibus, aut in-
currēdi originale, credo optimam partem ele-
gisset, potiusq; voluisset, nec ad momentum es-
se inimica Deo, quàm gratius etiam maximis
cumulari: imò ut bene Mayronus: in 3. dist:
3. q. 2. B. V. *in puris naturalibus consti-*
tuta

tuta prius penam æternam elegisset, quàm peccatum originale, magis enim quis fugere debet odium Dei, quàm penam æternam: & si Christus Matrem suam permisisset incurrere peccatum originale, pejus sibi fecisset, quàm si eam perpetuo pena sensus punivisset.

Applicabis item facilè gratiis & prærogativis *MARIE*, quæ habet Salazar de festis ejus, lib: de im: Conc: B. V. cap: 34. dum ait: si sancta non est conceptio Virginis, & immaculata, derogatur sanctitati propè omnium festorum ejus, nam primò Nativitati ejus derogatur, non enim tam nata, quàm renata dici debet, & dici poterit, quòd, quæ hac die fit filia Dei adoptiva, olim fuerit filia diaboli, & genimen infernalium viperarum. Derogatur festo Præsentationis, quo se ipsam dedicavit Deo, quia dici de ea poterit: & hæc olim domus fuit dedicata diabolo, & spelunca latronis inferni. Derogatur festo Annunciationis, quo in Matrem Dei eligitur, quia de ea dici poterit: & hæc ancilla Dei & Mater, fuit olim mancipium diaboli. Derogatur festo Purificationis, quòd ea, in qua nullæ sordes locum habuere, purificari voluerit; nam de ea dici poterit; sed olim purificanda fuit à crassioribus sordibus; deterior quippe est labes peccati originalis, quàm labes puerperæ. Derogatur festo Visitationis,
quo

quo benedicta inter mulieres dicitur; cum de ea dici posset; quod olim maledicta fuisset, sicut & cæteri: neq; valde gloriosum erit, quod ipsa ad Ioannem sanctificandum accurrerit, cum ad eam ipsam peccati labe vitiandam culpa præpurrerit. Deniq; derogatur ipsi festo Assumptionis & Coronationis, quia etiam de ea olim dici poterit, quia in eam olim princeps huius mundi regnum obtinuit, & quia olim sub tyrannide culpæ gemuit.

Poteris item factum incolarum Mileti assumere, qui videntes quod invadens Paulum vipera ei nihil nocuerit, adorare volebant: *Act. 28.* quaresq; quæ sit maxima & optima laus **MARIÆ** in hac conceptione, prolatisq; ingentibus facinoribus, quibus à variis dies hæc sanctificata est, concludes illum immaculatè conceptam Virginem optimè laudare; qui minùs in Conceptione habet maculæ. Deniq; feracissima conceptuum conceptio Mariana est, cum Deus ipse, quos tota æternitate parturiêrat, hodie in libro generationis conceptus imprimit: accede sis, & lege librum, qui si signatus est, amor referabit.

NATIVITAS B. V.

S. Anselmus lib: de excell: B. V. cap: 2. de Silla loquens, ait: *Conjicio apud me, Nativitatem.*

*civitatem Desipere magna quedam, atq; mi-
 randa Divinorum signorum indicia præcur-
 risse.* Augurare quæ fuerint hæc signa? Elifæo
 nato bos aurea mugit in Selom, ut audiretur
 Ierosolymis, teste S. Epiphanio: *lib: de vit:*
Prophet: MARIA natâ, probabile est totum
 infernum inmugisse. Cum nasci debebat Mi-
 nerva, fabulantur Pœtæ, in Rhodo auream
 cecidisse pluviam: cum nasci deberet *MARIA*,
 aurearum gratiarum imber cecidit in Annæ
 domum, è qua surgere debebat benedictus fru-
 ctus. Mater Virgilio se laureum ramum enixam
 somniat: Mater *MARIÆ* quidni arborem ge-
 nuerit, cujus rami ad fines terræ. In os Midæ
 nati, triticum intulerunt formicæ, teste Tul-
 lio, 1. *de Divinat:* in os *MARIÆ*, quæ fru-
 mentum electorum progerminatura erat, quid-
 ni Deus ipse se infuderit: &c. quæ faciliè huc
 applicabis: Singulare omen natæ Virginis acci-
 pe ex Iosepho, *lib: 7. de bello Iudaico c. 24.*
 hic enim testatur Sabbaticum illum fluvium,
 qui olim (ut etiam habet Plin: *lib: 31. c: 2.*)
 omnibus, & singulis Sabbatis siccabatur, circa
 tempora Nativitatis B. V. largis rivis exun-
 dâsse; nobile certè omen erupisse fontem illum,
 cujus impetus lætificaturus sit civitatem Dei.
 Pelbarti sunt, quæ sequuntur: *MARIÆ na-
 tivitas fuit portentis & signis clarificata,
 quoniam secundum Theophilum historiogra-
 phum*

Part. 1^{ma}. Sect. 2^{da}. Cap. 2^{dum}. 167
phum, ipso die, quo nata est MARIA, plus
solito sol refulsit in duplo, & illa nocte Lu-
na clarior coruscavit, adeo quod plene sola-
ri splendore radiaret, & illa nubecula, quæ
Lunam offuscat, per tempus à die Nativ-
itatis MARIE non comparuit, sed circa
globum lunarem medium, quasi una stella
magna claritate apparuit. Hæc Theophi-
lus, inquit Pelbartus de Themiswar lib: 5. p.
2. 2. 2.

2^{do} nomine præcedentium signorum ac-
cipe figuras in veteri lege de Virgine factas,
quæ in signati cognitionem ducebant: *signata*
est, ait Richardus à S. Laur: serm: de laud: B.
V. lib: 12. in operibus antiquorum, in factis
Patriarcharum, in oraculis Prophetarum,
ut in arca Noë, in virga Aaron, in rubo
Moyfis, in arca testamenti, in throno Salo-
monis, aliisque sexcentis, quæ quidem omnia si
componantur cum Virgine, egena sunt & inu-
tilia elementa, ac velut umbra, & sumus res-
pectu adumbratæ, & figuratæ Majestatis Vir-
ginæ.

3^{tio} nomine præcedentium signorum ac-
cipe miracula, quæ circa eam facta sunt, præter-
quam enim, quod ut vult Epiphanius, precibus
parentum impetrata fuerit filia precum Annæ
& Ioachim, nascitur ex sterili, ut ad Incarnat-
ionis verba sunt S. Damasceni, orat: 1. de
Nati

Nat: Virg: summum miraculum per aliud
 sterilitatis miraculum fieret gradus: nasci-
 tur tunc sorde originalis noxæ, non tam ex na-
 turæ rationibus, quàm ex verbo virtutis Dei.
 Addit S. Vincentius, quod eadem hora & die,
 quâ concepta fuit, sanctificata fuit super om-
 nes sanctos, & sanctis, & etiam Ange-
 los: ad iurati alii cum Suario 3. p. disp: 18. sect:
 2. & disp: 4. sect: 7. fuisse in ea plenum usum
 rationis, nullo acinceps tempore siue somno,
 siue alio quovis negotio interruptum, ex quo
 factum est, ut tantum sibi meritorum thesau-
 rum collegerit, quantum sanctorum nullus: im-
 mo, ut vult Scherlogus noster, tom: 1. anteq:
 8. sect: 1. ut plus meruerit sugendo Annæ u-
 bera, quàm Martyres vivos sanguinis fun-
 dendo. Et hæc non sint miracula? Deniq; alii
 docent, quod in instanti Conceptionis suæ ha-
 buerit visionem beatificam, cum Salazar, Fran-
 cisco Mendoza & Scherlogo in Cant: vest:
 34. s. 2. Et iterum miraculum non sit? verè i-
 psa miraculum grande facti est ob tot & tan-
 ta supernaturalia, mirabilia, incomprehensi-
 bilia, & Divina in ea facta, ait Dionysius
 Canthus: lib: 1. de laud: Virg: art: 29. & quia
 ipsa super omnem naturam, cursum, legem,
 & ordinem entium naturalem fuit emi-
 nenter sublimata.

4to. Nomine signorum pracedentium ac-
 cipe

Ecce eam inclinationem, quam olim ad puniendum habuit Deus, ultionum Dominus; videbatur quippe etiam Sol Iustitiæ habitationem suam posuisse inter bestias suo in zodiaco, nam quod Daniel ait, Dan: 8. *ut aries cornibus ventilabat contra Occidentem, & contra Aquilonem, & contra Meridiem, & omnes bestiae non poterant resistere ei: ut taurus, & leo ferociebat: cum autem apparuit signum Virginis, clementior visus est, signaq; pietatis & charitatis inhabitare videtur, suum inventurus in iis Solstitium, quo totus beneficis nobis appropinquet.*

5^{to}. Nomine signorum accipe illa signacula, de quibus Aggæi 2. *Ponam te quasi signaculum, quia te elegi;* illa signacula similitudinis Dei, in quibus imago invisibilis Dei expressa est, de quibus bene dicitur illud D. Athani: lib: de pass: *Non variat impressa imago ab imprimente signaculo, sed incommutabilis perseverat juxta sculpturam annuli seu Deitatis; & illud Franconis Abbatis: lib: 6. de grat: Signaculum Dei sapientiâ dignum, sub quo signatum est mysterium à seculis absconditum: Et quamvis etiam super alios signatum sit lumen vultûs Divini, singulariter tamen hoc factum est in Virgine, nam juxta S. Mechtildem lib: 1. grat: spirit. c. 45. ipsa est imago, in qua totius potentiae, Sapi-*
entiae

entie & bonitatis SSS. Trinitatis artificium elegantissime apparet, ideoq; antonomastice dici potest imago bonitatis. Divinæ, imago Dei, cum ceteri homines tantum facti dicantur ad imaginem Dei.

6to. Præcesserunt signa, quia cum divitias ejus surripere moliretur fur originalis, & universis, sigilla sua appressit Deus, quæ nemo aperiet, nisi VERBUM Patris, & sic succubuit, cum prædari vellet, fortis armatus; præcesserunt signa, quæ Dominus levavit in Sion, ut sub iis infans Virgo vinceret, inveteratus malorum vinceretur; præcesserunt signa, ros in vellere, innocentia & gratia in MARIA. Deniq; factum est cum ea signum in bonum, ut videant qui oderunt eam, & confundantur, quoniam tu Domine adjuvisti eam & consolatus es eam.

Secundo discursui materiam dabunt illa verba S. Ioannis Damasceni, dicta de festo hodierno orat: 1. de Nat: Virg: Hodie salus mundi inchoavit, quæ prius quàm dilucides, occurret, quod habet Genebrardus de Maria sorore Moylis, lib: 1. Chronol. affirmare nempe Hebræos Doctores exinde populum Dei ab Ægyptiis affligi captum, ex quo Maria soror Moyli nata fuit: cujus contrarium evenit natâ Deiparâ, nam ex quo nata est, populus Dei respirare capit, siquidem hodie salus mundi inchoavit

choavit, nam ei, qui propè iam fame contabuerat, levamen factum hac apparente, quæ paritura est Regem de area & torculari salvaturum famelicos, id est, corpore & sanguine refecturum. Inchoavit salus ei, qui magnus per totum mundum jacebat ægrotus, nam orta est ea, de qua S. Anselmus Lucensis super Salve Regina: quòd sit *medica miserorum consolidans vulneratos, ad salutem perducens ægrotos*, cui verius serviet illud Hipocratis: Quacumq; ingredior, ad habitantium salutem ingredior. Inchoavit salus sedentibus in tenebris; adest enim mulier, quæ accendat lucernam, imò quæ ipsa lucerna est, ut drachma inveniat, id est, filius perditionis, ad cor redeat. Inchoavit salus, quia primò apparuit salvatrix, si enim Paulus dicere poterat de Iudæis, ut salvos faciam aliquos ex eis, quantò magis potentissimæ Matri Christi adscribitur, quòd sit salvatrix; quibus indefinenter auxiliatur, pro quorum sollicitatur salute, quorum est fidelissima advocata, affectuosissima Mater, reconciliatrix piissima, adiutrix & protectrix assidua, ut loquitur Dion: Carthus: lib: 2. de laud: SS. Virg: art: 23.

Nomine salutis ortæ accipe felicitatem, qualiter accipi solet, cum alter alteri salutem optat, ipsa siquidem est felicitas generis nostri, quia per eam respirare capit miseria nostra, ipsa est beatitudo nostra non activè tantum, promovendo

movendo nos ad illam, sed quadamtenus etiam passivè, quia ex visione ejus, singularis quæpiam voluptas accedet, sicut enim hæc fuit beata fidei nostræ, beata animæ nostræ, beata dilectioni nostræ, beata præconiis & prædicationibus nostris, ita erit & beata gloriæ nostræ, beata beatitudini nostræ: quam quidem beatitudinem dum mortali adhuc oculo vidisset Dionysius Areopagita, ep: ad S. Paulum non dubitavit dicere, *se hoc felicitatis insigne sustinere non potuisse, quoniam nulla videri posset major gloria beatorum, quàm felicitas illa, quam ego infelix nunc, tunc verò felicissimus degustavi.* Quo respicere videtur S. Bonaventura, in psalt: ps: 45. dum omnes convocat ad beatitudinem hanc, inquit: *Audite hæc omnes gentes, auribus percipite, qui ingredi cupitis regnum Dei, Virginem MARIAM honorate, & invenietis vitam & salutem perpetuam: inventâ enim MARIA, ait Idiota, in prologo contempl: B. V. invenitur omne bonum.*

Nomine etiam Salutis ortæ accipere potes ipsum Salvatorem, sicut enim oriri diem dicimus, cum aurora surgit, sicut Dominum venire, cum aula ejus venit, ita cum MARIA nascitur, propè est, cui dicit psalmista ps: 26. *Dominus illuminatio mea, & salus mea: quemque cum Patriarchis expectabat Iacob, inquit*
ens

Part. ime. Sect. 2da. Cap. 2da. 173

ens: salutare tuum expectabo Domine, ut merito gaudere possit magni huius mundi incolæ, quia hodie huic domui salus facta est.

Tertio discursui materiam dabit Liber generationis IESU Christi, autore Deo, typis Spiritus Sancti sumptibus sanguineis IESU Christi, in lucem datus: Censor Libri, Magister Sacri Palatii, id est, Spiritus Sanctus est, qui cum omnia in eo, Deo & luce, Deus enim lux est, dignissima reperisset, digito Dei approbans, subscripsit. Dedicatio libri facta est peccatori mihi, meique similibus, quod etiam speciale habet liber iste, nam alii dedicantur iis, qui libros non pudeant, hic contra dedicatur iis, qui ex abjectis abjectissimi sunt. Porro liber hic generationis IESU, MARIA est, *in ea enim*, loquor cum Petro Cellense, serm. 5 in annunc: *scriptum est VERBUM intus & foris, foris humilitate, intus castitate, intus & foris, salvo Virginitatis signaculo, fecunditate, via Deum genuit, & hominem*: Libri materia est Sapientia Dei abscondita à saeculis: totum enim in ea legere potes Deum; habet in eo foris idiota quod legat, habet intus Theologus, quod intelligat, scripsit in eo Deus (mutuo hic verba S. Iacobi: Iustin: lib: de humil: cap: 27. de libro crucifixi discurrentis) scripsit, inquam, in eo Deus charitatis compendium, perfectionis celsitudinem;

virtutum normam, & totius humanæ redemptionis modum. Quadrifariam Liber iste divisus est, nam juxta S. Antoninum in sum: p. 4. tit. 15. c. 5. *B. V. Liber est, qui habet in se quadruplicem generationem, scilicet naturalem, spirituales, adoptivam & generalem*: in qua quadruplici generatione explananda utiliter moraberis, ostendens Christum ab ea genitum viâ naturæ, gigni toties, quoties ope ejus peccatores à viis suis pessimis convertuntur, gigni per adoptionem specialem eorum, qui vivunt vitam Filii Dei: ac deniq; generaliter, quia omnis, qui fit Filius Dei, partus est gratiæ per manus MARIE datæ.

Posses pro hoc festo in materiam discursus accipere illam sententiam Ptolomæi centiloq: prop: 9. asserentis, quòd *formæ in generatione sua afficiantur à celestibus formis*: ostendereq; formam Deiparæ in generatione suâ affectam esse à formis celestibus; Pater enim ei contulit fecunditatem, ad generandum Filium sine viro, Omnipotentiam, ad facienda opera supra naturam; misericordiam, ad salutem miserorum: Filius ei dedit impeccabilitatem, sapientiam, humilitatem operativam: Spiritus S. amorem excessivum, bonitatem sui diffusivam, sanctitatem perfectissimam. Tota deniq; Trinitas eam pulchritudinem, quæ deceret tam absolutum opus Dei.

Part. 1^{me}. Sect. 2^{da}. Cap. 2^{dum}. 175

Posset, exemplo Astrologorum, ad exortum benefici sideris judicantium de felicitate, ominari de secuturis ejus sanctissimæ vitæ facinoribus, heroicisq; actibus, ac de merito illorum, scilicet de gratia & gloria.

Posset nobilem instituere quæstionem, quænam cognitio Virginis amanti illam magis placere debeat, hæc matutina (mutuo à Theologis vocem alio in sensu usurpari solitam) an vespertina, in Assumptione, aliq; plura, quæ brevitatis causâ omitto.

Festum Sanctissimi Nominis MARIA.

DISCURSUS imus,

*Dic quibus in terris inscripti nomine regæ
Nascuntur flores?*

quærebat olim Maro: cui si respondere, velis, adi terram Virginem, in qua invenies

nomen cum violis rosisque natum,

nomen nectare dulcius beato,

nomen nobile, molle, delicatum,

hoc cuncta loquitur tellus, hoc variis scribunt in floribus herbæ. Porro Ss. Nomen

MARIA floribus non raro inscriptum lego; testatur quippe Angelus Gianius in annal:

M. Ord:

*Ord: Seruit: ex B. Francisci Senensis ore lilium excrevisse, in cuius singulis foliis auro scriptum erat Ave MARIA: testatur idem de B. Gvilielmo Cisterciensi olim montis Pessuani Dynasta Menol: Cisterciense: ac de S. Saluano Simplice mendico Raderus, in viridi sanct: parte: 2. c. 5. tria verò lilia cum nominibus IESU & Mariæ ex ore B. Iacobi Barbuti produsse testis est ejus vita: item ex ore pueruli, quem cum parentes ad loquelam formarent, dulciter balbutire docuerunt sui nominis loco nomina IESU & Mariæ, retuleruntq; præmi loco ipsi magis, an filioli ignoro, ut ex defuncti (raptus enim est, quia placita erat anima illius Deo) filioli ore lilium germinaret inscriptum nominibus IESU & MARIA, quod testatur P. Martinus Roas noster, lib: de purgat: Huic ergo tali lilio addæ accommodum lemma: v g. *Conueniunt rebus: aut, florida nunquam marcescunt nomina: vel, flore omni fls melior iste: tum descendens ad laudes Virginis, dic de ea, quod ait S. Pet: Damiani, serm: 3. de Nat: quod B. V. de spinosa progenie Iudeorum nati candelascebat munditiâ Virginæ castitatis in corpore, flammescebat ardore gemine charitatis in mente, flagrabat passim opere boni operis, tendebat ad sublimia intensione continua cordis: aut ut in exaltando nomine B. V.**

lib. 1. 104. Part. 1. me. Sect. 2. da. Cap. 2. dum. 177
maneat, demonstra, quomodo cum eo glorio-
rior sit Virgo, quam Salomon in omni gloria sua.

2. do. Inscribe nomen SS. rosæ, de quo ve-
rius dicatur illud, quod sit nomen cum violis
rosisq; natum, Hyblam quod sapit, Atticosq;
flores, quodq; pariter non raro huic flori in-
scriptum est, ut habes supra de Iosepho aut Ios-
berto, addeq; lemma v. g. *Tu mihi flosq; de-
ousq;* vel, *flos pulchrior intrâ,* vel, *es res*
quod nomine præfers, vel, *inter omnes una*
nobilis. Scilicet rosa est B. V. ut loquitur S.
Thom: de Villa-nova conc: 2. de Assumpt: ver-
nans de huius seculi spinoso & arenti de-
serto lectu, cui in toto Dei celesti viridario
similis non est alia. Et Adam de S. Victore:
term: de assumpt: *flos d: spinis spinâ. carens*
flos spineti gloria; quod ipsum jam olim ceci-
nerat Sedulius lib: 2.

Et veluti spinis mollis rosa surgit acutis,
Nil quod lædat habens, matremq; obscurat
Sic Eva d stirpe rosa aurea. (honore

2. do. Inscribe nomen SS. flori, qui dici-
tur Corona Imperialis, addito lemmate: *Impe-
ra tu nobis,* vel, *magnum Regine nomen e-*
tumbrat, vel, *optimus regnorum ornatus.*
Porro coronis insculpendi nomen magnorum
antiquus mos est, sic quippe nomen Tetra-
gram: ton Dei in corona sua sculptum circum-
ferebat summus sacerdos, ut habetur Sap: 18.

Magnificentia tua in diademate capitis ejus sculpta erat. Corona igitur coronarum omnium MARIA est, quâ omnis potestas in celo & in terra coronatur, imò corona est, ait S. Birgitta in sermone Angelico, *corona est honoris Dei, per quam Deo summus honor præ omnibus creaturis provenit, illi inquam Deo, qui ipse corona est, cujus centrum ubiq; circumferentia nusquam.*

4to. Inscribe SS. nomen aliis floribus, v. g. heliotropio cum lem: *Novi te ex nomine, seu, dirigit ad solem.* Viola, cum lem: *in humili odoratus:* Narcisso cum lem: *suam non capit pulchritudinem, &c.* Verbo, flos hujus nominis super omnia aromata, cujus si suavitatem experiri liceret, faceres & tu, quod non rarò faciebat S. Hermannus, qui auditò SS. MARIE nomine, se in terram abjicere solebat, ut refert Surius in vita 7. Aprilis quæsitusq; causam, respondēbat. *Quoties ad nomen Sanctæ Virginis humi me abjicio, odor omnium florum, atq; aromatum tantâ suavitatis copiâ in nares meos influit, ut semper ibi herere vellem, si possem.* Deniq; gloria fani nostri nomen hoc sanctum est, ut Bern: serm: de aquæductu loquitur: *Cælum in-quiens MARIE amplectitur præsentiam; terra memoriam veneratur: celi ornamentum ipsa est, luti nostri gloria remanet nomen ejus.*

DISCURSUS 2^{du}s.

S. Petrus Damiani describens consilium super redemptione nostra factum inter Deum, & Angelos; inter cætera ait *serm: de annunc: Statim de thesauro Divinitatis MARIÆ nomen evolvitur, & per ipsam, & in ipsa, & de ipsa, & cum ipsa totum hoc faciendum decernitur, ut sicut sine illo nihil factum est, ita sine illa nihil refectionem sit*. Hic locus materiam dabit discursui, ac primò quidem ipsam SS. Virginem in thesauro Dei esse, imò thesaurum Dei esse facile probaveris, adstipulante tibi Origene, explicante illa verba *Matth: 1. Noli timere accipere MARIAM conjugem tuam; dicenteq; accipe illam, ut caelestem thesaurum, ut Divinitatis divitias*: Et Iacobo de Voragine in *Marialli serm: 5. dicente: In ea Pater posuit thesaurum sue potentia, Filius thesaurum sue sapientia, Spiritus Sanctus thesaurum sue misericordie*. Planè thesaurus Divinitatis MARIA, in quo Dominus reposuit omnia dona gratiarum, meritorum & virtutum: *de quo bonus homo, ut loquitur Albertus Magnus, in bibliot: Mar: super Evang: Matth: id est Christus Deus & homo profert bona misericordie, gratie & glorie, in quo confidit cor Dei, sicut aliàs in divitiis suis confidunt viri*

virī divitiarum, ut dicitur *Baruch* 3. imò in quo ipsum cor Dei est, secundum illud: ubi est thesaurus tuus, ibi & cor tuum erit.

Secundò ipsum etiam nomen SS: **MARIA** thesaurus Divinitatis est, cui bene serviat illud prov: 22. *Melius est nomen bonum, quàm divitiæ multe*: Certè cum Abraham è Divino & ineffabili nomine literam nomini suo apponi meruisset, dictusq; fuisset Abraham, in una litera nominis Dei maximum accepit thesaurum, siquidem ex eo tempore venerunt ei omnia bona pariter cum illa; factusq; est Pater multitudinis credentium, de cuius semine nasceretur Filius Dei: Idem planè cum pretiosissimi nominis collatione factum est, cum eo quippe effudit Deus dona magnificentia suæ in Virginem ita copiosa; ut quæ divisa per omnes, in ista collecta conspicerentur. Hinc majora longè quàm Abraham, facta sunt **MARIÆ**, ipsa quippe sola meruit portare talentum mundi, ipsa Mater facta Dei, videnturq; non literam unam cum Abraham, sed totum Dei **VERBUM** exaltando nomini suo accepisse. Morare ad hunc thesaurum, & aurum auro addens, etsi majus tuum non esset, quàm duo minuta viduæ illius Evangelicæ, commendata sacratissimum juxtà ac pretiosissimum nomen, seu thesaurum hunc imò: ab inventore. *Dedit tibi, ait Idiota, tota Trinitas no-*

men, quod est super omne nomen, ut nomine tuo audito, omne genu flectatur, celestium, terrestrium, & infernorum: aptissimum verè MARIÆ nomen, quod os Domini nominavit, si enim convenientia erant ea, quæ protoparens noster imposuit, ut dicitur Gen: 2. Omne quod vocavit Adam, ipsum est nomen ejus: quanto magis conveniens erit, quod ipse Deus imposuit: Bene Bonaventura, in spec: c. 3. Hoc nomen, ait, est sanctissimum, nomen dulcissimum, nomen dignissimum, tam sanctissime, tam Divinissime, tam dulcissime Virgini convenientissime est impositum.

2^{do}. Ab antiquitate, ante solem quippe permanet nomen ejus, & ab antiquis ordinata, & ex antiquis, antequam quidquam fieret, à principio vocata est nomine suo.

3^{tio}. A novitate, hoc enim est illud nomen, de quo Isai: 62. *Vocabitur tibi nomen novum, quod os Domini nominavit, quæ quidem novitas tanta est; ut asserat Franco Abbas, de gratia novi testam: tract: 7. admirandum hoc esse in nomine Mariano, quod et si millies repetatur, semper novum videatur, ut si semper repetatur, eternum tibi placeat.*

4^{to}. A pretio, unde passim jam hoc nomen vocabulo pretiosissimi nominis venit.

5^{to}. Ab utilitate, quam attigisse videtur
S.

S. Bernardus, qui referente Rutilio Benzonio in Magnificat c. 22. dubit: 5. sacratissimum nomen confert cum quinque vulneribus Christi; sicut, ait, Christus quinque vulneribus suis contulit plene remedia mundo, sic MARIA suo sanctissimo nomine, quod quinque constat literis confert quotidie peccatoribus veniam in hoc mundo. Vide sis Bern: hom: 2. super missus enucleantem dulcissimi nominis hujus utilitatem multiplicem. Certè S. Anselmus lib: 4. de excellent: Virg: c. 6. cum dixisset: Nihil utilius post Deum memoriâ Matris ejus, post pauca audet dicere: Velocior est nonnunquam salus memorato nomine ejus, quam invocato nomine Domini IESU Filii ejus: cujus quidem præfidentis dicti rationem videtur attingere Seraphinus Firmius, problem: 54. dum inquit: Quia à Filio in Virginem derivatur Divina pietas absque ullo Iustitiæ terrore; at in Filio licet attrahat pietas, terret tamen quod scriptum est judicem eum esse adeo severum; ut rationem exacturus sit de unico verbo otioso: Quid autem mirum, si magis præfidat reus in sola pietate, quam in ea Iustitiæ conjuncta, quando eadem est Divina pietas in utroque & Filii, & ejus Matris tribunali.

6to. Ab indeficientia: infinitus est enim thesaurus hominibus, quo qui usi sunt, partici-

pes facti sunt amicitiae Dei. Deniq; *beatus vir*, loquor cum Bonavent: *qui diligit nomen tuum MARIA Virgo, gratia tua animam illius confortabit, tanquam aquarum fontibus irrigatam, uberem in eo fructum Iustitiae propagabis.*

DISCURSUS 3tus.

IN Polonia usu antiquo receptum est, ut nulla femina vocetur MARIA, quod testatur Lorinus, *in ps: 99. v. 3. & Miechovienfis: tom: 1. disc: 83. n. 3:* apud alios autem etiam viri hoc sibi nomen imponunt. Quid super his moribus tibi videtur? Poloniam commendabit reverentia, cujus intuitu nemo vocatur hoc nomine: quemadmodum virorum nemo vocatur IESU nomine: commendabit Virgineae humilitatis imitatio, quae cum se vocare potuisset mundi Dominam, Dei Matrem; vocavit ancillam: commendabit ratio & lex, quae nomen Imperatricis imponi vetat subditae, aut cani: certè quod nomen Dei tetragrammaton, ne quidem nominare volebat vetus Ecclesia, dignum imitatione, & laude est: quanquam ejusmodi leges & ad Gentiles manarint, ita quippe Athenienses nomina fortissimorum Harinodii & Aristogitonis, qui libertatis gratia Hippam tyrannum interficere adorsi erant, ne unquam servis indere liceret, decreto publico

san

sanxerunt, quoniam nefas ducerent, nomina libertati patriæ devota, servili contagio polluta, ut refert Aulus Gellius, *lib: 9. noct: Attic: c. 2.*

Pro aliis stabit amor, qui hujus signi inventor, & artifex est, ut magno hoc incitati nomine audeant ingentia, ferè sicut olim Socrates apud Platonem volebat pulcherrima nomina imponi pueris, ut hoc velut illicio ad rectè facta incitarentur, incernerenturq; ipsa nomina magni umbrâ, quales esse debeant, ut olim cognominem suum Alexander Macedo monuit, apud Plut: *in vita Alex: fortem*, inquit, *esse vel nominis causâ decet*: stabit exemplum veterum, volentium, ut adoptivi, eorum ferrent nomina, ac per hoc in eorum familias transfirent, à quibus adoptabantur; ut refert Dio Cassius, *lib: 46. Alex: ab Alex: lib: 5. gen: dier: c. 4.* & alii: stabit confidentia filialis in Virginem, quæ toties vult revocari sibi matrem, quoties se vocari audiet, inò persuasum sibi habet se tutum esse cum hoc nomine, ab adversis etiam in morte, juxta quod dicit S. Bonav: in psalt: *Gloriosum & admirabile Nomen tuum, quod illud retinent, non expavescent in puncto mortis*: & perire non posse, super quem nomen Dominae invocatum est, esseq; id majoris efficaciam, quàm nomen Petri, quod veteribus Christianis pro salvo conductu erat, aut nomen Ioannis, de quo persuaserunt sibi Iaponii, quan-

quantumvis superstitiosè, neminem Ioannis nomine insignitum damnari posse, ut in annuis Iaponum refert Ioan: Giromi: pag: 183. Insuper, si verum est, quod habet saepe citatus Vega pal: 18. cert: 3. cælites auxilio & precibus **MARIÆ** salutem sempiternam consecutos Marianitas dictum iri, ac Sanctissima **IESU & MARIÆ** nomina in frontibus gestaturos: stabit exemplum cælitum: stabit Deus ipse nomen suum inscribens bonis, cùm eos vocat Deos, & filios excelsi omnes. Et hæc quidem sunt quæ pro se allegare possunt, quibus nomen pretiosum **MARIÆ** in agnomen venit. Cæterum utriusq; partis rationabile sit factum, ut tamen obvia quæq; de lupanari mulier hoc nomen pudefaciat, probare non possum, quin totus sum in eo, ut approbem, quæ habet super hac re Ludovicus Vives, & Georgius Viviennus, cuius posterioris hæc sunt verba: lib: 1. de officio bonæ Matrisfamilias c. 20. *Ego verò, ait, id serio dico cum Vive, neq; enim amplius hic jocandi est locus. Edicto publico deberet caveri, ne qua manifestò impudica mulier MARIA nominaretur. Cur nos ei nomini, cui merito adsurgimus, cui poplitem flectimus, non tantum honoris habeamus, quantum quibusdam suis Gentiles? Ne fas est, ait Hieron: ep: ad Susannam lapsam. Susannam vocari non castam, ego autem dico,*
pro-

prope sacrilegium est MARIAM vocari, quæ immunda est.

PRÆSENTATIO B. V.

BEATA VIRGO hodie attulit & obtulit Deo omne bonum, honestum, utile ac delectabile.

1^{mo}. Attulit omne honestum, quia attulit plenitudinem virtutis, quæ honestatis nomine appellatur, facta non tantum populi sui honorificentia, sed etiam Dei, flores enim ejus fructus honoris, & honestatis, qui & Christum in vilitate carnis nostræ decorârunt, & Deum in sede Majestatis magnificârunt: Reflecte te super singulas virtutes, & dic: quod gloriosus hodie Deus est coram & in ancilla sua.

2^{do} Attulit utile Deo, tum quod ex ipsa carnem, quâ hætenus carebat Deus, assumpsit, tum quod per eam bona extrinsecæ magnitudinis, notus olim ferè tantum in Iudæa Deus obtinuerit, unâ cum gloria nominis; nam ut loquitur Richardus à S. Laur: de laud: Virg: lib: 4. *qui in se non movetur, hujus humiliatione exaltatus est*, idq; tam sublimiter, ut merito S. Bernardinus tom: 3. serm: de Assumpt: B. V. asserat, *quod in sua humiliatione, devotione, gratiarum actione, plus magnificat Deum, quàm omnis creatura simul sumpta*, ut merito considerans hæc, quæ attulit Deo.

Deo, dubitare possit, an etiam de se MARIA dicere possit, cum omnia bene fecerit, serva sum inutilis.

3tio. Attulit bonum delectabile, idq; in tanta abundantia, ut præ dulcedine, ipse Deus exultarit ut gigas ad currendam viam, & à summo celo egressus, Rex Regum in uterum Virginis processerit, & qui prius habitare volebat cum homine, quia caro est, hac tractus voluptate, cum hominibus inventus sit Deus factus caro. Quam Dei voluptatem cum confidero, videtur de se Deus dicere posse illud apud S. Bonav: in psalterio. *Dulcore tuo liquefactum est cor meum, amore tuo inflammata sunt viscera mea.* Certè si nobis ejus recordatio super mel & favum dulcis est; si, ut Bern: ait, nunquam sine dulcedine sibi insita memoriæ portas ingreditur; si, ut ait S. Pet: Dam: *serm: 1. de Nat: B. V.* felices sunt Angelici Spiritus, qui B. V. habent præsentiam, neq; tamen comprehendunt magnitudinem ejus, quantæ putas deliciæ sunt illi, à quo non absconditur, quod intrinsecus latet: deliciæ Dei esse cum filiis hominum, & cum Matre filiorum hominum, cum Matre Filii Dei Unigeniti, imò ipsa quanta est Mater hæc, deliciæ, dulcedo & gaudium Dei est, quod nemo tollat ab eo.

Secundo discursui materiam dabunt ea, quæ in templo fuerunt accommodata præcellentis

lentiis B. V. v. g. Sancta Sanctorum, in qua nulli patebat ingressus, nisi summo Sacerdoti, Sancto Sanctorum, Christo Domino, ubi fuit pretiosus ille thesaurus, tabernaculum, & thronus Dei, ac thalamus, illudq; scabellum Divinitatis adorandum. Fuit arca, quæ pro propitiatorio habitura erat eum, qui est propitiatio pro peccatis nostris, pro testamenti tabulis, legislatorem in duabus naturis digito Dei scriptum, pro Virga Aaron, florem de radice Jesse: aut, ut id aliter explicat Richardus à S. Laur: lib: 10. de laud: Virg: *in qua erat minima Divinæ contemplationis, virga rectitudo perfectæ operationis, tabula testamenti, Mariana veritas & sapientia, intus fulgens auro cordis munditiæ, ad extra circumfusa corporis Virginei fulgore &c.*

Tertio discoursui materiam dabit quæstio, quid in hac Præsentatione Deo fuerit gratissimum? an oculus Deum prospiciens? vel lingua Deum suspiciens? cor Deum respiciens? an pes, ea quæ mundi sunt, despiciens &c. perquam quæstionem occasio tibi offertur magnificandi membra hæc Mariana, & virtutes iis proprias.

ANNUNTIATIO B. V.

Quid magis VIRGINEM commendet, quòd hodie fiat Mater Dei, an quòd se vocet Aneillam? Quia Mater est, affi-

assimilatur Patri; quia Ancilla, assimilatur Filio humiliato usq; ad formam servi: quia Mater est, habet ea bona, de quibus S. Thom: 1. p. q. 25. a. 6. **MARIAM**, inquit, *ex Maternitate esse cum quadam infinitate, ratione cuius non potest esse aliqua creatura sublimior, quia ancilla est, habet eam vilitatem, de qua S. Bonav: in speculo: c. 8. quod eâ humilior nulla unquam fuit, nec est, nec erit in æternum. Quod femina*, ait S. Bernardinus; tom: 2. conc: 61. art: 1. c. 12. *concipere & parere Deum, fuit miraculum miraculorum, oportuit enim, ut sic dicam, feminam elevari ad quandam equalitatem cum Deo, per quandam infinitatem perfectionum & gratiarum, quam infinitatem nunquam creatura experta est. Quod ancilla Domini eadem, quæ & Mater, nescio an non æquale, aut majus sit, sicut majus miraculum est exinanire se usq; ad formam servi, & peccatoris, quam tantum simpliciter hominem fieri: ob maternitatem jus accepit secundum Anselmum, celo, terræq; præsidendi, rerum omnium conditarum Domina effecta, cum creatoris Mater extitit; quod ipsum ex Aristotele 8. Ethic: c. 11. colligitur dicente: quod naturâ pat: r filiorum imperium obtinet. Ob humilitatem Domina facta est Domini sui, & prima omnium, quæ se fecit novissimam; ideoq; omnibus alijs meru-*

it honorari, quæ demissus se gerebat omnibus:
 hinc bene magnus ille notæq; sanctitatis vir in
 Societate nostra P. Gaspar Druzbicki in fasc:
 exercit: part: 10. exerc: 3. docuit: quòd B. V.
 ex eo, quòd fuerit Mater Dei, habuerit ple-
 num in Deum dominium, deditq; ei Deus
 regnativam potestatem, hereditationemq;
 sui absolutam, ita ut fas fuerit **MARIÆ**
Filium Dei ex se genitum tanquam manci-
 pium habere, imò & in mancipium vende-
 re, si ita necessitas exegisset, proles namq;
 naturaliter servitium debet parentibus,
 & hi jus regnativum habent in prolem, &
 sunt ejus heredes, tanquam possessionis suæ
 propriæ, & in vitæ suæ, libertatisve subsi-
 dium, possunt prolis suæ vitâ & libertate
 uti. Iam verò quòd tanta Mater ancillam Dei
 se exhibeat, vicem reddit Deo subjiendo se
 se illi ad omnes usus possibiles gloriæ & volun-
 tatis Dei citra exceptionem ullam, idq; novo
 titulo donationis, & subjectionis voluntariæ.
 Deniq; ratio matris radix est illarum præro-
 gativarum, quæ transcendunt perfectiones om-
 nes puræ creaturæ, nam, ut ait S. Anselmus:
 lib: de excell: Virg: c. 2 quòd *Dei Mater*
est, excedit omnem altitudinem, quæ post
Deum dici, aut cogitari potest: & B Petrus
Dam: serm: de Nat: Virg: quidquid majus
est, minus est Virgine, solusq; opifex opus
illud

illud transgreditur: & iterum: Taceat & contremiscat omnis creatura, & vix audeat aspicere tantæ dignitatis immensitatem! adde quòd ipse Deus per Maternitatem accepit se totum, scilicet Deum & hominem, cum per eam ut causam & existentiam suam Theandricam originem, ac fontem genitus sit, quo nulla pura creatura majus dare potuit Deo. Plus tamen dicere audeo de eo, quòd ancilla facta fuerit, nam ratio ancilla, ipsius etiam Maternitatis radix fuit, nam quia humilis ancilla fuit, respexit Deus humilitatem ejus, & eam beatam dicunt omnes generationes. O Sancta igitur, loquor cum Augustino, serm. de superbia. *vernerabilisq. humilitas! tu Dei Filium descendere fecisti in uterum Sanctæ MARIÆ Virginis.* Bene Bern: hom: i. super *Missus etsi de Virginitate placuit* (adde, si lubet, etiam de Maternitate) *tamen de humilitate concepit*, imò etiam ob Maternitatem in ea apparere debuit omne illud, quod perfectionis fuit; tamen ob humilitatem ipsa etiam Maternitas apparere debuit. Quod ipsum colligunt Rupertus, Bernardus, & alii ex illo Cant: i. Dum esset rex in accubitu suo (id est Verbum in sinu Patris) *nardus mea dedit odorem suavitatis*, id est, humilitas mea traxit illud in terras Humilitas virtus erat, cui, quod tradit Rupertus in cap: 2. Cant: *cuncta virtutes, omnes*

*mnēs gratiæ, cuncti doni, quæ Virginem
 MARIAM exornabant, tributa pende-
 bant. Alludit hinc Rupertus ad ea quæ habet
 S. Ambr: de nomine Christi, dum ait: Christi
 nomen tibi munificum, tibi fructuosum,
 tibi tributa dependit, non pecuniæ, sed gra-
 tiæ. Quæ & alia ejusdem generis considerans
 Nirembergius de amore B. V. cap: 16. excla-
 mat: Magna (quis neget) MARIÆ di-
 gnitas est, Dei Matrem esse, ei sangui-
 nem suum communicasse, attamen majus a-
 liquid ejus parvitas est, & in tanta excel-
 lentia, summa humilitas: hinc advertit, quòd
 quamvis Christus B. Virginem magis amaret,
 quàm ullus Filius Matrem, nunquam tamen in
 Evangelio legatur eam vocasse Matrem, cau-
 samq; putat esse, quòd plura suppeterent, ob quæ
 pluris illam faceret, quàm ob Maternitatem.
 Quare quamvis fortè respectu nostri verum
 sit illud, quod habet S. Thom: de Villa-nova:
 serm: de Nativ: B. V. Sufficiat tibi, inquit,
 quod dixit Evangelistæ, de qua natus est
 IESVS. Quid amplius queris? quid am-
 plius? sufficit quod Mater Dei est, minùs ta-
 men verum est respectu Virginis ipsius scientis
 gloriam suam ab exinanitione petere; minùs
 verum est respectu Dei ipsius magis æstinan-
 tis, præmiantisq; exinanitionem hanc, quàm
 Maternitatem, quantumvis per eam, ut vult
 Alb:*

Part. 1^{me}. Sect. 2^{da}. Cap. 2^{dum}. 193

Alb: M. in Mariali c. 237. fuerit illi, puta Deo, propinquissima similitudine, dignitate, familiaritate, substantie identitate.

Pari modo instituere posses & aliam questionem, quid optabilius sit Virgini, an manere Virgineam sine Maternitate Dei, aut amissa Virginitate, fieri Matrem Dei? Pro Virginitate est, quia hæc est virtus, secus Maternitas: bonum autem virtutis quovis alio præferri debet &c. pro Maternitate est, quod longè pateat magis bonum Maternitatis quàm Virginitatis, hæc enim uni MARIÆ bona est, Maternitas autem toti universo: jam autem bonum latius patens melius est, ob quàm majorem bonitatem etiam nunc solent Pontifices voto Virginitatis adstrictos liberare in gratiam boni publici, facta potestate Regibus nubendi. Vide Vegam, *pal: 19. certi: 7.*

DISCURSUS 2^{dus}.

Dies hic boni nuntii est, nam rara nuntiatur, scilicet quod panis è cælo volutus evertit tabernacula Madian, quod interpretatur litigantium inimicorum Dei; quod fræmina circumdedit virum, facta Mater ejus, à quo esse habet, nec Virgo esse desiêrit, quod Deus alienior ab homine, ac, ut sic loquar, inhumanus humanitatem induerit, mitior factus, quia habet, cui timeat.

Cara nunciat nova, nam captivus homo in peccatis pretium redemptionis reperit in unione VERBI cum homine; quod thesaurus omnis Dei in manus nostræ devenit gentis; quod frumentum electorum uno statere venerat in porta Samariæ, id est, quod tanti Deus factus est, quanti homo, quem Patres numinum Dei appellant.

Chara nunciat nova, nam perditæ ovis inventa est, ac in humeros Pastoris Dei subiatæ per susceptionem nostræ naturæ, drachmamq; invenit Sapientia Dei, accensâ lucernâ illâ, quæ illuminat omnem hominem. Deniq; prostratus Deus, & captivus ad media pacis inclinat, dato obside medio SS. Trinitatis. &c. Facto hoc discursu, revoca quæ unquam alicui obtigerunt nova rara, cara, & chera, & applica mysterio hodierno, nam cunctarum hac novitas gratissima rerum.

DISCURSUS 3^{tius}.

Quid magis gratulandum Virgini, quod dicatur gratiâ plena, an quod Dominus sit cum ea? Pro plenitudine gratiæ facit, quod bonum gratiæ unius transcendat bona omnia, nam, ut habet S. Thom: 1. 2. q. 113. a. 9. ad 2. *Bonum gratiæ unius majus est, quàm bonum naturæ totius universi*; addunt alii: quàm bonum gloriæ ipsius, quia propter gratiam, gloria

bo-

bonum est, ideoq; gratia majus bonum est. Ex quo inferunt aliqui, gloriam non placituram ei qui sine gratia esset, sicut nec damnationem nocituram ei, qui gratis abundaret inter tormenta inferni. Adde quòd ex hoc, quia B. V. est gratiâ plena, habeat Dominum secum, nam gratia i licium est, quo advocatur Deus, escâ qui tenetur, pulsâq; gratiâ, Deus ipse pellitur. Deniq; quòd cum ea sit Dominus, hoc habet commune cum Gedeone, aliisq; pluribus, quòd autem plena sit gratiâ, hoc solius est Virginis; unde bene de ea agens S. Gregorius Neo-caesariensis orat: 1. de annunc: dicit, quòd *eam ex omnibus generationibus solam elegerit gratia*, tanquam opus suum, in quo vires suas omnes exerat, & thesauros suos omnes recondat: Bonavent: verò in spec: B. V. c. 13. quòd *tanta gratiarum copia abundaverit in MARIA*, ut etiam ipsa gratiosa Virgo, gratia quodammodo dici possit: *omnis alia creatura*, ait Richardus à S. Laur: lib: 1. de laud: Virg: c. 4. *habuit aliquid vacuitatis*, quia maiorem gratiam recipere potuit, Virgo autē sic usquequaq; gratiâ fuit plena, quia maiorem gratiam habere non potuit, nisi fieret Deus. Audax dictum, quòd fortè movit P. Christophorum Vegam, palæst: 16. certam: 3. ut (secutus Almainum in 3. dist: 3. q. 2. docentem, tantam esse MARIE gratiam, ut de potentia

tentia Dei absoluta nulla major sit possibilis) doceret in B. V. fuisse gratiam habitualem intensivè simpliciter infinitam, & non solum æquivalenter; hoc est talem, quæ vinceret sua substantiali perfectione omnem collectivè omnium Sanctorum, quantumvis in infinitum multiplicaretur gratiam: quod alias plures docent apud P. Ald. ete dist: 51. de Incarn: sect: 7. cum S. Eern: Sen: tom: 2. conc., serm: 51. a. 3. c. 1. *Virginem Beata m plus meruisse, quam omnes creaturas tam Angelos, quam homines in cunctis actibus, motibus, ac cogitationibus suis. Bene igitur elegerit Virgo Beata, si dixerit, quod postea S. P. N. Ignatius fecit Amorem tuum Domine cum gratia tua mihi dones, & dives sum satis, nec ultra quidquam posco.*

Iam verò, quod potius ei gratulandum sit, quia Dominus est cum ea, patet ex sequentibus: siquidem per hoc, quod Dominus est cum ea, habet omne, imò summum bonum; per plenitudinem autem gratiæ tantum habet creatum bonum, quod licet superet omnia bona creata, adeoq; ipsam visionem Dei, longè tamen exceditur ab eo, qui bonorum omnium largitor est, & possidetur per hoc, quod sit cum Virgine. Adde quod ascetæ ut plurimum à gratia excedi visionem Dei doceant, non quod gratia sit nobilior, quam gloria, quæ est præmium supra
com

condignum, sed quòd gratia tollat indignitatem peccantis, gloria autem tantum præmiat dignitatem iusti, quòd minus est æstimabile, quàm prius: sic quippe S. Thom: ubi suprà ait. *Donum gratiæ impium iustificantis majus est, quàm donum gloriæ beatificantis: quia plus excedit dignitatem impii, qui erat dignus penâ, quàm donum gloriæ dignitatem iusti, qui hoc ipso quòd est iustificatus, est dignus gloriâ.* Quod quidem quàm disconveniat Virgini, nemo non videt. Et quamvis concedam infinitatem gratiarum inclusam in hac plenitudine, maxime cum S. Damasc: orat: 2. de dormit: B. V. Virginem vocet *abyssum gratiæ immensam*, aliq; PP. infinitam: nego tamen non esse id singulare, quòd Dominus sit cum illa. Audi quod sapienter scribit S. Hieron: *j. am.* ait cum Virgine erat, qui ad Virginem mittebat Dominus, ubiq; per essentiam, in calis per apparentiam, in Angelis per præidentiam, in Sanctis per gratiam, in assumpta humanitate per unionem, sed in Virgine per totius Deitatis præsentiam, & corporalem existentiam. Deinde non nego, quòd plurimorum ferax sit bonorum gratia Divina, si tamen ad fontem redire volumus, cogemur dicere, quòd omnium horum, imò & gratiæ ipsius origo sit hoc, quia Dominus erat cum illa. Colligi hoc potest ex iis, quæ habet S. Andreas Cre-
tentis.

tensis orat: de dormitione Deip: *si quid*, ait, quod nos superat, D. vina operata est gratia nemo miretur, intuens ad novum, & in ffabile quod in ea peractum est mysterium, ab omni infinitate infinites infinitè exemptum: quasi diceret, nemo mirabitur tantam fuisse gratiam in Virgine, cum viderit ipsum fontem omnis gratiæ Dominum fuisse cum illa. Ex quibus etiam patet illud de electione, si scilicet alterutrum per impossibile eligi deberet à Virgine, vel carere Domino, vel gratiæ plenitudine, aut, ut in adducta ascetarum phrasi maneam, si sine gratia luenda esset pæna sensûs omnium damnatorum, non tamen luenda pariter esset pæna damni, sed etiam inter tormenta illa, possidendus esset Dominus, quid aliud putas eligendum à Virginum prudentum prudentissima? nisi postremum hoc: cum, qui Deum habet, ei nihil obesse possint tormenta. Stat ergo quod optimam partem electura esset MARIA, scilicet ut Dominus sit cum ea: dicturaq; *quidquid mihi dare vult Dominus meus, præter se ipsum, dulce mihi non est, auferat totum, & se mihi det.*

VISITATIO B. V.

CUM MARIA psallit, Ioannes salit. Occasione hujus quæstionem institue, quid super his hilariis sentiendum?

imo.

1^{mo}. S. Thom: de Villa-nova conc: de Visi: B. V. solet, ait, *naturali quodam prodigio in consonantibus citharis evenire, ut unus chordâ pulsata, alterius quæ eodem pacto concinens est chorda, & nulla alia contremiscat*: Ita omnino contigit in proposito, concinentes erant citharæ eorum cælestium lyra, una VERBUM, altera Vocem gestat, & quid VERBO consonantius sua voce? personat una, contremiscit altera; ut facti est, inquit, *vox salutationis tuæ in auribus meis, exultavit infans in utero meo*.

2^{do}. Acus magnetica Ioannes est, (diriget enim populos in viam rectam) hinc non mirum, quòd moveatur ad polum; heliotropium est, movetur ad solem etiam cum adhuc in nube uteri materni est: Præcursor futurus, & magnus coram Domino, adhuc parvulus exultat ut gigas ad currendam viam, ipso saltu loquens illud: *Quocumq; iusseris, ibo*.

3^{tio}. A Tarantula peccati originalis morsus erat Ioannes, adest fidelis psalteria, & feliciter à veneno sanatur imò ad salutationem ejus infunditur vigor vitæ cælestis Ioanni, sitq; verum de MARIA, quod de salutatione Pauli habet S. Chrysostomus in 2. Tim: 1. v. 1. inquit: *Sufficit sola salutatio Pauli gratiâ implere eum, qui ita salutatur*. Non dubitate jam sapientes, in novi: an plenilunio cre-

ata sit Luna? cum tanta lux utiq; derivata à sole
 le iustitiae sedenti in tenebris praecursori afful-
 geat à MARIA.

4to. Salit Ioannes tempus nascendi prae-
 venire gestiens, ut veneretur eam, in qua
 misericordia & veritas obviaverunt sibi, aut
 quòd postulet mitti in mare mundi huius inno-
 centior Jonas, sciens, quòd propter eum tem-
 pestas haec facta sit &c &c Deniq; si audiret
 infernus, quanta diei huius latitia sit, diceret,
 quod nuper Philistim, 1. Reg: 4. *Venit De-
 us in castra, & nobis, non enim fuit tan-
 ta exultatio heri & nudiù tertius.*

DISCURSUS 2dus.

MARIA concepto Christo festinat, *nescit.*
 Menim ait Ambr: lib: 1. In Luc: *tarda mo-
 limina Spiritus Sancti gratia festinat*
 in montana, quo enim, ait idem, Deo plena
nisi ad superiora contenderet? non eam gra-
 vitat, qui portat orbem sub elementis mundi
 factus, cum est in centro exinanitionis suae,
 sed potius promovet in montana primus motor,
 ut sit mons in vertice montium, in quo bene-
 placitum est Deo habitare in eo. Sequamur
 MARIAM in montem, in quo debent adora-
 re veri adoratores visuri mirabilia, quae Deus
 in monte hoc operatus est.

unum mirabile in monte Mariano, quia
 de

de eo absconditur lapis sine manibus, id est Christus sine virili semine paritur, qui inimici contriturus est imaginem, ac in pulverem re-
dacturus.

2^{dum} mirabile, quia rubus in hoc monte sancto ardens incombustus est, nam ut loquitur Hesychius, serm: 2. de laud: Virg: factum est tantum miraculum, cum *MARIA peperit, & uterum non aperuit, concepit & vulvam non corrupit, eduxit infantem, & uterum signatum reliquit, lac suppeditavit, ubera tamen intacta conservavit.* Et Gregorius Nissenus hom: 2. de Christi Nat: *Quemadmodum illic est rubus, & tangit ignem, & non comburitur, ita hic est Virgo, quæ lucem parit, & non corrumpitur.*

3^{tium} mirabile, quia in monte hoc innovantur omnia, quæ in Sinai monte facta sunt, dantur tabulæ Moyfi, id est duæ naturæ in Christo populo Dei, in quibus lex viva digito Dei scripta est. Descendit Deus in igne dilectionis, ascendit fumus de monte, hoc est Orationes *VERBI* pro nobis incipientis interpellare, pro tonitruis Dei benedictio, pro nube obumbrante SS. Humanitas Dei scilicet. Denique sepelitur Moyfes, hoc est Christus in utero Virginis absconditur.

4^{tum} mirabile, quia in eo innovantur ea, quæ in Transfiguratione in monte Thabor

hor facta sunt, transfiguratur Christus, facies ejus sicut sol Ioannem illuminat sedentem in tenebris: vestimenta ejus alba sicut nix accepta de candidissima carne innocentissimæ Virginis: lucida nubes obumbrat, id est, uterus Virginis Matris: paterna vox auditur in: racuriore, qui Vox clamantis Dei est. Veteris noviq; testamenti Patrum vices subeunt Zacharias & Iosiph, MARIA & Elizabeth. Bonum est hic esse, ubi Pater & Mater benedicens, Filii exultantes, MARIA magnificans est, Deniq; illustris hic mons Thabor est, quod interpretatur lumen veniens, quia primo venit lux nova de calis transfigurante se Domino in formam servi. Applicabis faciliè alia, quæ in aliis montibus Deus fecit magnalia.

DISCURSUS 3tius.

MAteriam dabit Canticum Marianum, quod *Canticorum canticum, canticum amoris, per amorem, canticum nuptiale, canticum deniq; novum merito vocavit Gerson, tom: 4. in Magnif: de quo bene illud dixeris, quod de Evangelio ait Chrysologus, ferm: 146. non apices, non literæ, non syllabæ Divinis sunt vacuæ mysteriis.* Ego in initio ejus solum fisto, plura enim præscripta libri brevitatis non patitur. Magnificat MARIA Dominum, & Dominus MARIAM, illa se humiliando

iniliando, hic eam exaltando: pulchrum certamen, in quo non facile victorem inuenies, nisi aliunde scias etiam hic Deum præmiare supra condignum. Magnus Dominus coram quo ita deprimitur MARIA: Magna MARIA, cui tantam communicat magnificentiam Altissimus. Magnitudinem rei ex umbra inetiri solemus; Dei potes ex umbrâ seu nihilo Marianô, nihil est Virgo, si in libram veniat cum Deo; simul tamen cum eâ infinities præponderet Deus, non videre non potes, quàm in lance sui nihili eleuetur MARIA, nisi fors ignores, lancem aliam tantò magis erigi, quantò alterâ pondere major est illâ. Magnus Dominus, & magna virtus ejus, qui ex nihilo fecit universa; magna ancilla Domini, & magna virtus ejus, de cujus nihilo, ut primum illud *Fiat* audivit ex ore Virginis ipse creator, factus est similis creaturæ. Deniq; amore hujus nihili majestatem suam exinanivit Deus factus prope nihil, & gloriosus apparuit, magnificatusq; est Rex Israël coram, & ab Ancilla Dei, cum discoperiens se carnis nostræ centonibus prope nihilum apparuit. Non dicat jam Apostolus Phil: i. *magnificandum Christum in corpore suo*; sed nec beatus David canat tam magnificata esse ôpera tua Domini; canat potius MARIA; quia gloriose magnificatus est Dominus equum & ascensor em dejiciendo in mare, id est ipsum

se proficiendo in nihilum MARIAE. Non capis adhuc quantus sit in MARIA Deus, & in Deo MARIA; in nihilum ejus convertere, & liquidò agnosces plùs magnificari Deum ab eo, cujus vita humilis propior est nihilo.

PURIFICATIO B. V.

Estum hoc puritatis Marianæ congruè explanandum suscipiet illud S. Anselmi: lib: de conc: Virg: c. 18. *Decens erat, ut ea puritate, qua sub Deo major nequit intelligi, Virgo illa niteret.*

imo. Dices purissimam B. V. per recessum longissimum ab omni impuro: sic videtur sentire S. Thom: 1. p. q. 25. a. 6. inquires: *dicendum, quòd puritas intenditur per recessum à contrario, & ideo potest aliquid inveniri creatum, quo nihil purius esse potest in rebus creatis, si nulla contagione peccati inquinatum sit, & talis fuit puritas B. V.* Porro si quantum recesserit à malo scire vis, ipsam suspensionem & umbram peccati fugit abstinens &c, quod dicitur *Thessal: 5* ab omni specie mali, quod præberi poterat iis, qui ignorantes mysterium Virginalis ejus puritatis, reputassent eam prævaricatricem legis, si non observasset ritum purificationis. Quanquam independenter ab actu hodierno tantus in ea à malo recessus erat, ut putârint multi, ne potentiam quidem pec-

peccandi ei relictam, sic quippe Paludanus in
3 p. diff: 3. q. 2. a. 4. docet ei habitum in-
futum, per quem auferebatur potentia physica
peccandi etiam venialiter, sicut tollitur eadem
potentia in humanitate assumpta per unionem
hypostaticam. Richardus autem à S. Vi^{ct}: lib:
de Emmanuele ortam putat ab actu perfectis-
simo amoris, Herice in 1. p. tr: 3. d. 24. c. 3.
secutus Occamum & Gabrielem à subtractio-
ne generali concursus facta B. Virgini à Deo
ad actum peccaminosum: quod quamvis alii apud
Salazar tom: 2. in prov: c. 13. verius &
melius explicent de impotentia tantum morali,
universum tamen omnes docent quam longissi-
mam fuisse Virginem ab omni impuritate verum
agnoscentes illud S. Aug: lib: de nat: &
grat: c. 26. De Sancti Virgine MARIA
propter honorem Christi nullam prorsus cum
de peccatis agitur, habere volo questionem,
quia ei plus gratiæ collatum est ad vincen-
dum omni ex parte peccatum, quæ concipere
& parere meruit eum, quem constat nullum
habuisse peccatum. Cui eorum communi placi-
to si quis se opposuerit, uno eum omnes ore pe-
tent dicentes cum eodem S. Aug: lib: de 5. hæ-
res: c. 5. Stulte unde sordes in Virgine
Matre, ubi non est concubitus cum homine
Patre? unde sordes in ea, quæ nec concipi-
endo libidinem, nec pariendo passa est dolo-
rem

rem. Stat ergo purissimam dici Virginem ex hoc titulo, quia longissimè abfuit ab omni impuritate, aut ut loquitur S. Thom: 1. dist: 17. q. 2. a. 4. *quia in B. V. fuit depuratio ab omni peccato, ideo pervenit ad summum puritatis sub Deo, in quo non est aliqua potentia deficiendi.*

2do. Dices puram quidem dici posse B. V. per recessum à peccato, longè tamen purissimam per accessum ad peccatum, fulgentius enim apparet fidus inter nubes, & innocentior Virgo inter sordes peccati: sic nuper magis elucebat Iosephi puritas, quo propior peccato fuit; sic Noë mundior fuit inter immunditias carnis corruptæ, quemadmodum etiam dicere solemus, quia contraria contrariis elucescunt. Atq; huc videtur referendum illud Cant: 1. *Nigra sum, sed formosa filia Ierusalem;* quasi diceret: Peccatrix sum, sed pulchrior, & formosior ab hac sorde. Et verò si purissima fuisset Virgo tantum per recessum à peccato, puritas ejus nunquam intendi potuisset, cum æqualiter semper à peccato recesserit, & tamen dicitur purificata, dicitur sanctificata, quæ verba ad summum indicant majorem puritatem illi datam, & sanctitatem ut explicat Canisius, *lib: 1. de Veip: c. 9.* nam phrasis Scripturæ est docentis ea mundari & sanctificari, quæ aliàs munda erant, eò quòd majorem sanctitatem

acquirant: adde quòd per recessum à peccato tantum ab illa remota fuerit immundities, non autem collata fuerit ipsa positiva puritas; neq; enim remotio immunditiei ipsa positiva puritas est. Proinde jure Anselmus tum loc: cit. tum de excell: Virg: c. 9. inquiens, quòd *pura sanctitas, & sanctissima puritas ejus omnem omnis creature puritatem transcendit*, sic explicandus videtur, quòd ad tantam puritatem pervenerit Mater Dei, quia cùm sine peccato esset, inter peccatrices adlegi voluerit. Bernardi est illud: *Bonarum mentium est, ibi culpam (suam) agnoscere, ubi culpa non est*: purissimarum est, ibi culpam suam ab aliis agnosci velle, ubi culpa non est; nam & unigenitus Dei, cùm sua non haberet nostra portavit delicta, factus in similitudinem carnis peccati, ac velut in aliena sorde puritas ipsa se purificavit mundior, cùm inter peccatores inventus est quasi unus ex eis apparens, quàm cùm mundissimus in se ipso puritatem suam ipse solus novisset. Idem planè dicere potes de puritate Virginis, nam & hæc puritatem intendit ad præsentiam contrarii, dum quasi una ex peccatoribus facta est, unde quod S. Aug: ferm: 22. de Nat: Dom: de partu ejus dixit: *Virgo partu nupsit, Virginitatem, dum pareret, duplicavit*; tu jure dixeris de peccato ejus: dum peccatrix fuit, innocentiam & puritatem duplicavit.

3tio. Dices purissimam fuisse B. V. per accessum puritatis alienæ. Doctrina S. Dionysii est: quòd perfectiones inferiorum debeant ex natura rei adunari cum excellentia in Superioribus: sic perfectio corporum adunatur in plantis, plantarum in brutis, brutorum in homine, hominis in Angelo: sic perfectio specierum visualium continetur in phantasia, phantasiæ in intellectu, & sic de cæteris; quæ doctrina si tenet, utiq; vides puritatem dispersam per alias creaturas adunari debere in B. V. illa quippe est in altiori ordine super omnes creaturas, cum respiciat intrinsecè Filium Deum, ut uno ore omnes fatentur Patres cum B. Petro Dominus serm: de Nat: Virg: dicentes: *Quidquid maius est, minus est Virgine, solusq; opifex ipse illud transgreditur &c.*

4to. Purissimam dices per accessum ad summè purum. Theologicum dogma est fundatum in S. Thoma: 3. p. q. 27. a. 5. quòd *quanto magis aliquid propinquat principio, tanto magis participat esse cum illius principio*: jam verò B. V. propinquissima fuit principio summè puro. Ergo magis participavit puritatem ab eo principio, quàm alia pura creatura. Quæ ratio Patres movit ad dandam ei gratiam excedentem gratias omnium creaturarum; quia, ajunt, fuit vicinissima Deo: sicut enim corpus magis illuminatur, & calefit, quòd magis appropinquat

propinquat soli vel igni; sicut rivulus tantò purior est, ac tantò majores habet qualitates derivatas à fonte, quantò fonti vicinior est; sicut Angelus, ut habet S. Dionysius, tantò magis illuminatur à Deo, quantò ei propinquior est: sic MARIA omnium maxime participavit gratiam utpote propinquissima Deo, ut iterum S. Thom: *ubi supra*. Pari modo argumentare de puritate B. V. orta ex appropinquatione ad Deum, quæ quidem appropinquatio tam arcta fuit, ut audeat dicere Albertus Magnus illud, in Mariali: *B. V. magis conjungi Deo, nisi Deus fieret, non potuit*. Et iterum: tract: super Missus, *dicimus quòd hæc puritas in summo est ab originali non dico distantia, s. d. segregatio, & ad primam lucem, quantum possibile est puræ creaturæ Deiformis approximatio, unde secundum rem nihil aliud est hæc puritas, nisi peccati originalis deletio, fomitis extinctio, gratuitarum perfectio-num ultimatior*. Hæc ille. Deniq; bene Sylveira tom: 1. l. 2. c. 5 n. 19. Virgo, ait, in sua purificatione maxime se assimilavit primæ veritatis regulæ Christo IESU: ex quo concludit puritatem ac sanctitatem in ea maximam fuisse, sicut enim Christum decuit adimplere omnem justitiã, cum instar peccatoris Baptismo Joannis baptizaretur ad penitentiam; sic decuit obtinere summam puritatem B. V. cum assimilaretur in su-

218 *Colloquia de laud. B. V.*

sceptione peccati illi, qui summè purus est.
 5to. Purissimam dices ex aliis titulis, scilicet quò electa fuerit in Matrem simul & Virginem, quò videtur respicere S. Thom: dum ait: Quò eligit Deus ad aliquem finem, ita præparat, ac disponit, ut inveniatur idoneum ad talem finem, quod ex ipsis physicis patet, in quibus materia habitura formam nobiliorem debet habere nobiliores ad eam dispositiones. Cujus opinionis videtur fuisse Ivo Carnotensis serm: de Nativ: Dom: cum ait, *Carnem de carne illius assumens, tunc in Divinam munditiem transformavit.* Quæ etiam videtur genuina mens esse S. Anselmi, ait enim lib: de conc: Virg: c. 18. *Decens erat, ut ea puritate, qua sub Deo major nequit intelligi. Virgo illa niteret, cui Deus Pater unicum Filium suum, quem de corde suo æqualem sibi genitum tanquam se ipsum diligebat, ita dare disponebat, ut naturaliter esset unus idemq; Dei Patris & Virginis Filius, & quam specialiter sibi Filius in Matrem eligebat, & de qua Spiritus Sanctus volebat, & operaturus erat, ut conciperetur, & nasceretur ille, de quo ipse præcedebat.*

DISCURSUS 2^{dus},

EX occasione Virginis redimentis Christum, quare quod sit fundamentum in re, cur à Patribus B. V. vocetur Redemptrix, seu corredemptrix nostra? qualiter inter ceteros de illa ait S. Antoninus in sum: p. 4. tit: 15. c. 44. quòd sit *redemptrix hominis perditionis*. Et S. Ephrem oratione ad Virg: dicens: *Per te reconciliati sumus Christo Deo meo, tu captivorum redemptio, & omnium salus*. Idem habet Fulgentius serm: de laud: MARIÆ, explicans illud: *Ipsa conteret caput tuum*, aliq; longè plurimi. Et quidem eam non posse vocari redemptricem principaliter, patet ex fide, nam Osæ 13, dicitur: *Ego Dominus Deus tuus, & Salvator, & non est præter me*. Et Isai 44. *Deus justus, & salvans, & non est præter me*: unde & Apostolus unum ait esse Mediatorem inter Deum & hominem, Christum Domini. Ratio hujus insuper est, quia ad hoc ut quis dicatur Redemptor principalis, requiritur immediata liberatio hominum à servitute peccati, diaboli, concupiscentiæ, mortis æternæ; item solutio debiti contracti per peccatum, satisfactio condigna &c: quæ utiq; in B. V. cadere non possunt. Minus ergo principaliter dicitur Redemptrix B. V. at quo sensu?

1^{mo}. Hunc titulum elucidare videtur

Alber-

Albertus Magnus *tract: super Missus* est docens id eo dici redemptricem, quia ipsa protulit pretium redemptionis nostræ, id est, corpus Christi, & sanguinem effusum pro nobis; cum enim Christus secundum Divinitatem pati non posset, ut redimeret hominem, passus est in carne sumpta de Virgine: ex quo sic argumentatur: Quod est causa causæ, est etiam causa causati: E. V. est causa Filii, Filius autem est totius boni, & omnis misericordiæ causa. Ergo & Mater ejus totius misericordiæ causa est; si ergo redemptio Christi fuit summum opus misericordiæ, particeps operis hujus erit Mater Beata, utpote de cujus carne erat, qui redemit nos: quod ipsum confirmat ex modo loquendi Ecclesiæ canentis: Hodie mortem quam fœmina intulit, fœmina fugavit; mulier quæ damnavit, ipsa salvavit: & concludit. Quidquid igitur misericordiæ Filius exhibuit, totum hoc nobis Mater contulit, quæ Filium genuit, in quo nobis omnia donavit. Similia ferè habet Guilielmus Abbas apud Delrium in illa verba Cant: 8. Una est columba mea, inquit: Est MARIA unicè electa genitrici suæ, singulariter electa ad ministerium redemptionis, & generationis gratiæ: insigne quippe & singulare ministerium gratiæ redemptrici exhibuit in eo, quod ipsum redemptorem sibi, nobisque pro latere aluit, atque ad annos maturitatis perduxit.

Et

Et Sophronius ep; de Assumpt: *Veneremur salutis victricem, dum autorem suum concepit de celo, Redemptorem nobis praeiuit in terra.*

2do. Stellarium B. V. lib: 11. p. 1. c. 9. redemptricem mundi vocat, quia primò invenit gratiam apud Deum, sine qua nemo salvus esse potest, ac quamvis Adam etiam aliq; Patres veteris testamenti dicantur gratiam invenisse, hanc tamen, quòd observat S. Antonin: invenerunt tantum pro se, non autem pro toto humano genere. Item quia per eam primò lumen fidei mundus accepit, quod quidem sic declarat: per Ioannem Baptistam dicentem, Ecce Agnus Dei; credidit Andreas, per Andream Petrus, per Petrum Roma, per Romam mundus universus. Ergo per Ioannem credidit universus mundus: Sed unde Ioannes lumen accepit fidei, nisi à B. V. quando visitando Elizabeth Ioannem sanctificavit, & illuminavit; totus ergo mundus per B. V. lumen fidei accepit, & salutem. Adde quòd ipsa eorum Apostolorum magistra & doctrix fuerit MARIA, per quos salus mundo apparuit.

3io. S. Aug: serm: 18. de Sanctis, refert ad assensum Gabrieli praeistum inquiring: *O Beata MARIA, quis tibi digne valeat iura gratiarum, ac laudum praconia & perferre, quae singulari tuo assensu mundo succurristi*

curristi perduto. Id ipsum passim habent Patres alii adhortantes B. V. ad assensum exhibendum Angelo.

4to. Richardus à S. Laur: lib: 1. c. 5. vocat redemptricem, quia eadem passa est, quæ Christus: unde ait. *Cum Dominus dicit torcular calcavi solus, & de gentibus non est vir mecum, verum est Domine, quod non est vir tecum, sed mulier una tecum est, quæ omnia vulnera, quæ tu suscepisti in corpore, suscepit in corde, & sicut lancea militis perforavit latus tuum, ita gladius doloris ejus animam pertransivit, & sicut tu, non quod voluisti, sed quod Pater tuus voluit, sustinuisti, ita ipsa, non quod illa voluit, sed quod tu voluisti, sustinuit tecum.* Hinc est, quod ut in prædicto stellarario legitur, sola Virgo Christo propriè compassa dici possit, nam quamvis Apostolis etiam posset convenire aliquomodo compassio, non tamen fuit compassio cum Christo; omnes enim in eo scandalum passi sunt; ut nec mulieribus illis propriè conveniebat compassio, quibus nescientibus quid flerent, ait Dominus: nolite flere super me, sed super vos ipsas flete; solius Virginis erat compati, quia sola compatiendo credidit. Talem se redemptricem ipsa B. V. dixit S. Birgittæ: lib: 1. revelationum c. 35. *Sicut Adam & Eva uno pomo mundum vendiderunt, sic Filius*

lius meus & ego redemimus mundum quasi uno corde: ipse Filius erat mihi quasi cor meum: qualiter ferè loquitur etiam B. Arnoldus Carnoten: tract: de laud: B. V. inquit: Vna erat Christi & MARIÆ voluntas, unumq; holocaustum, ambo p̄viter offerebant Deo, hæc in sanguine cordis, hic in sanguine carnis. Et iterum tract: de Christi verbis in cruce. In tabernaculo illo duo videres altaria, aliud in pectore MARIÆ, alterum in Christi corpore, Christus carnem, MARIA immolabat animam &c. Quem quidem modum redimendi conditionatum fuisse colligere est ex S. Ambr: super stabat ad crucem, dicente: MARIA stabat ad crucem, ut si mors Filii non sufficeret, ipsa ad populi redemptionem prona esset etiam mortem subire. Et ex S. Bern: optabat, inquit, ipsa sanguinem suum addere, & cum Filio suo sacrificium vespertinum celebrare.

5to. Dionysius Richelius lib: 2. de precon: & dignit: B. V. art: 9. vocat redemptricem, quia denuo reparat eos, qui à gratia Filii sui per ingratitudinem prolapsi sunt, facta ipsis refugium.

6to. Deniq; optimè S. Antoninus 4. p. tit: 15. c. 20. § 10. in omni genere causæ vocari docet redemptricem: quia, ait, in genere causæ efficientis post Deum, sub Deo, &
cum

cum Deo ipsa nolisset eum genuit, qui nos omnes recreavit, seu regeneravit per passionem suam virtutem gratia conferentem in sacramentis, & ut suum Filium gigneret, suis virtutibus de congruo promeruit. Causa materialis fuit Virgo hujus recreationis nostra, quia Spiritus Sanctus de purissimis ejus sanguinibus consensu mediante accepit, quod in corpus formavit Christi, per quod redemptio nostra & recreatio facta fuit. Causa verò formalis, quia sua conversatione caelesti speculum est omnibus convertendi se ad Deum. Causa denique finalis, quia totum opus redemptionis post Deum in Christi Filii ejus, ut homo est, honorem, & gloriam est ordinatum, & ideo seniores coronas ante pedes Agni deponerant. Conclude cum S. Bonav. in psalt: *Ecce Domina salvatrix mea. fiducialiter agam in te, & non timebo, quia fortitudo & laus mea in Domino es tu, & facta es mihi in salutem.*

DISCURSUS 3^{tius}.

Siraeon dimitte postulans viso salutare, occasionem dabit quaestioni, quibusnam modis impetrari possit gratia praesentiae Mariae in morte nostra? qui modi, quia longè plurimi sunt & obvi, hicque vel jam attacki, vel attingendi; ab iis narrandis hic supersedeo: id unum dico, nihil ex parte Virginis desiderari, quominus

minus ipsa præsens sit cuiq;: modò dignum se quisq; præbeat præsentia ejus: nam ut bene Salmeron tom: 3. tract: 5. B. V. ait, quod Christo nascenti, morientiq; adstitit, obtinuit gratiam assistendi moribundis, facta juxta Vbertinum Cassalium, lib: 4 arboris vitæ cap: 15. advocata morientium & ablutrix scelerum, colligens sanguinis Divini lavacrum, faucibus Divinæ pallores, & dolores vulnerum, ut pro filiis suis morientibus, quod voluerit, impetrare mereatur, hinc non raro visibiliter hoc in articulo occurrit, si non in minimis, saltem in corde morituri reponens filium suum.

Ex eadem occasione licebit instituire quæstionem: utiliorne an jucundior præsentia MARIE sit morituro?

Pro utilitate majore faciet, quòd præsentia B. V. in agone sit purificativa à peccato, sit impeditiva periculorum malè moriendi, sit collativa gratiæ bene moriendi, sit adductiva Christi & visionis Dei: Et certè si illa matrona apud Surium 28. April tanti fecit unam præsentiam S. Paphnutii Martyris, ut totam vitam suam non tanti à se fieri asseveraverit, quanti unam præsentiam Paphnutii, quanti obsecro astimanda est utilitas orta è præsentia MARIE, hoc desperato rerum articulo.

Pro jucunditate facit, quòd ea omnem transcendat

transcendat utilitatem, ut ubi quis ponit utile, invenias jucundum. Deinde si nulla esset utilitas in hac viitatione, una ratio jucundi sufficeret ad ambiendam hanc præsentiā, ferè sicut asceta loqui solent, & tormenta gehennæ desiderabilia fore, si jucunditas visionis beatæ citra ullum utile inibi esse posset. **MARIAM**, inquit non nemo, volo, non ea, quæ secum fert **MARIA**, ferè quod ille ait, te ego non tua quæro, imò si de dando agitur, mea do omnia, quæ habeo lubens, modò gaudere liceat de præsentiā **MARIÆ**.

Pro utroq; facit, quòd nec jucunditas excedat utilitatem, nec utilitas jucunditatem, quia ubi utilitas amatur, amatur quia jucunda est, & ubi jucunditas diligitur, diligitur quia utilis est. Non capis hæc? quæro cur jucundaris in præsentiā **MARIÆ**? nisi quia adest bonum, cujus possessio parit gaudium: & en utilitatem in jucunditate: rursus, cur quaris utilitatem in præsentiā **MARIÆ**? nisi quia adfert gaudium: & en jucunditatem in utilitate; à qua alterutrum non facilius, quàm **MARIAM** à **MARIA** separaveris.

Festum septem Dolorum Beatæ Virginis.

DISCURSUS i. mus.

Dies hæc meritò vocari potest natalis filiorum MARIE, in hac quippe genuit eos Mater piissima gemens in doloribus repositæ naturâ debitum afflictionis cum fœnore, quod olim non solvit pariens primo-genitum in gaudio, quemadmodum loquitur Damasc: lib: 4. fidei c. 18. inquit: *Virgo dolores partus, quos effugit pariens, illos tempore passionis sustinuit.* Et Bern: de lament: Virg: Mari Nunc, inquit, solvis Virgo cum usura, quod in partu non habuisti à natura: *dolorem pariendo Filium non sensisti, quem millies replicatum, Filio moriente, passa fuisti.* Proinde hoc natali suo ad se pertinere putet omnis filius MARIE illud Eccli: 7. *Gemitus Matris tue non obliuiscaris:* cui monito satisfaciet, si primo discursu inquisierit, quis maximus tortor fuerit B. V. in die dolorum ejus?

imo. Videtur dolor maximè afflixisse B. V. nam doloris nulli termini erant, quod innuitur Thren: 2. ubi dicitur: *quod magna sit, velut mare contritio ejus;* hinc ipsa mare amarum omni dolore plenum facta est, in quo

ad fundum nunquam pertinges in doloribus:
 Quam causam attingere videtur Anselmus:
 de excell: Virg: c. 5. *Quidquid*, ait, *crudeli-*
tatis inflictum est corporibus Martyrum,
leve fuit comparatione tue passionis, o Vir-
go, non crediderim te potuisse stimulos tanti
cruciatūs, quin vitam amitteres, sustinere,
nisi ipse spiritus vitæ, spiritus consolatio-
nis te confortaret, te consolaretur, te intus
doceret, non esse mortem eum absumentem,
sed magis triumphum omnia ei subicien-
tem, quasi diceret, quamvis quivis Sancto-
 rum de se dicere possit; quòd abundant passio-
 nes Christi in nobis, in Virgine tamen super-
 abundant, & supereffluunt. Et hinc est quòd
 Patres eam vocant Martyrum Reginam, alii
 autem cum Gverrico Abbate, serm: 1. de an-
 nunc: Martyrem Martyrum, alii cum Bern:
 serm: super signum magnum, plus quàm Marty-
 rem, in qua corporeæ sensum passionis excede-
 rit compassionis affectus. Porro magnitudi-
 nem dolorum adumbrare videtur Innocentius
 III, dum ait: Dolores Virginis erant *maxi-*
mi intensivè, quia maternam ejus animam
penetrarunt, & inconsolabili meroris vul-
nere affligerunt: Erant maximi extensivè,
non solum aliquot dierum continuatione, ve-
rum etiam vi omnium Christi Domini tam
internorum, quàm externorum cruciatuum

Part. 1^{me}. Sect. 2^{de}. Cap. 2^{dm}. 220
consideratione. Erant maximi ostensivæ;
quia lugubri gestu, fuscisq; lachrym's inter-
rorum dolorum magnitudinem manifesta-
bant. Tunc enim verè facta est quasi vidua
Domina gentium: plorans ploravit in no-
cte, & lachrymæ ejus in maxillis ejus, non
est qui consoletur eam, & amaritudine mæ-
roris maternus amor ejus certatim obrueba-
tur. Vehementiam hujus doloris recogitans
S. Bernardinus Sen: tom: 3. serm: 45. p. 2. ait:
Quod si dolor ille foret partitus, & divi-
sus inter omnes mundi creaturas vitales;
caderent mortuæ: & iterum: Quia omnes
dolores mundi, & alii suprascripti, si essent
simul conjuncti, non essent tot & tanti,
quantus fuit dolor Gloriosæ V. M. rever-
berati & recepti cum crudelissima passio-
ne Christi.

2do. Videtur amor maximè afflixisse B. V.
ad quod imprimis probandum ratio servit phi-
losophica. Major afflictio est quæ radicem ha-
bet in parte nobiliore hominis, quàm quæ in
ignobiliore, jam verò afflictio amoris radicem
habet in parte superiore scilicet in anima, dō-
lor autem tantum in carne; hinc fit, ut major
sit afflictio quæ oritur ab anima, & redundat
in carnem, quàm quæ à carne, & redundat in
animam. Porro ejusmodi afflictionem fuisse B.
V. perquam manifestum est, amor enim Vir-
ginis

ginis, ait Anselmus, non solum erat incitamentum, sed & mensura dolorum, & S. Bern: Sen: secundum intensiorem amoris, intensio erat doloris: magis igitur afflicta fuit amore. Equidem admitto B. V. esse Martyrem & plus quam Martyrem, sed non hic sisto, specialem hanc ei insuper tribuo prærogativam, quòd fuerit Commartyr Christi, quòd fuerit Martyr charitatis, plus enim est, ut observat Gvilielmus Parisiensis, in Cant: 3. esse commartyrem Christi, quam Martyrem Christi; deniq; verba sunt S. Laur: Iustin: de laud: Virg: fol: 196. cum alii Martyres sint propter fidem, MARIA passa est propter charitatem, unde dicit in Canticis secundum aliam literam quam posuit Gregorius: Vulnerata charitate ego sum, & sicut charitas major est, quam fides, sic MARIÆ martyrium quantalibet excellit martyria Sanctorum. Adde, quòd in aliis Martyribus fuerit martyrium carnis, in quo vi nimia sensus obtunditur: in MARIA autem supplicium cordis, quod in immensum solet excrescere: illorum corporale; MARIÆ spirituale: illi in suo, id est in hominum sanguine; sed MARIA Filii, hoc est sanguine Dei intus rubebat: illi tormenta passi sunt in refractaria, noxia, multoq; odio digna carne, quam vel ultro susceptis panis acerrime mactabant, & in mor-

tem offerebant: at Virgo torquebatur in anima sua, & in corpore suo omni honore & amore dignissimo; anima enim dolorem communicat corpori, siquidem hæc ut docet Aristoteles 2. de anima, nullam habet operationem, quam non communicet corpori: torquebatur in innocentissimo corpore Filii, quod longè incomparabiliterq; magis amabat, quàm ullus Martyrum vitam suam: martyres tormenta intuitu Dei pertulerunt sua; Virgo tormenta Christi intuitu hominum omni odio dignorum deniq; quantò martyrum charitas ferventior erat, tantò minus tormenta senserunt, ubi enim amor est, ait Aug: labor non est, pæna non est, quomodo Egesippus *exped: Ierosol: lib: 3. c. 12.* narrat milites Romanos in expugnatione Ierosolymæ, cum ferventi oleo ad ima defluente vestigia perfunderentur ita *avisse animis ut nullum corporis sentirent incandium*: secus fuit in Virgine, nam quò ardentior ejus amor erat eò sensus fuit acerbior: ut enim leve est pati aliquid ejus causâ quem impensè diligis, sic gravissimum est intueri extrema tolerantem illum, quem impensè & tenerè diligis. Bene Salmeron: *tract: 43. tom: 3.* Ejus dilectio fortior fuit, quàm mors, qua ipsam Christi mortem, suam esse fecit: dolor enim interior major est exteriori, quia illius objectum est omne malum appetitui repu-

gnans, quòd magis adversatur appetitui, quàm malum corporis ipsi appetitui repugnet; quòd patuit in Sanctis Martyribus, qui ut conscientiae dolorem effugerent, libenter externa subibant corporis tormenta: nam omnis plaga tristitia cordis est, ut dicitur *Eclij: 25.* Stat ergo, quia amor causa tormentorum Virgineorum erat maxima, quem alias etiam inter carnales parentes respectu filiorum S. Chrysost: vocat *grandem naturæ tyrannidem*, verumq; est illud Bonaventuræ. in offic: de Compassi B. V. *Nallus dolor amarior, quàm nulla proles charior: & Richardi à S. Viat: cap: 26. in Cant: quanto incomparabiliter amavit, tanto vehementius doluit, unde sicut non fuit amor, sicut amor ejus, ita nec fuit dolor similis dolori ejus.* Amor, qui animam B. V. magis fecit ibi esse, ubi amabat, quàm ubi animabat, cujusq; ea virtus est, ut amantem transferat in amatum, omni eo dolore, quo afflictus est Christus, afflixit & Matrem, faciendo eam per omnia Christiformem, & cruciformem, ut loquitur Simon de Cassia, lib: 2. vit: Christi c. 27. eademq; irrogando, quæ amato manus persequentis infligebat, quod enim in carne Christi agebant clavi & lancea, dicit Bern: serm: si lingvis hominum, hoc in Virginis mente passio naturalis affectionis, & materna angustia.

3tio. Maximè afflixisse videtur Filius ipse; dolet quippe Virgo nemine persequente eam, nisi fors persecutorem Christi veneficum dicas, qui, ut noceat Matri, in imaginem ejus, Filium scilicet ejus, sanguinem suum effuderit, more maleficorum, qui cum personæ nocere volunt, imaginem fabricant, in cujus quamcunq; partem saviunt, in eadem dolet is, cui nocere volunt. Filius tamen, dixi maximè afflixisse videtur Matrem suam, idq; propter naturarum, complexionum, morum, propensionum, & voluntatum sympathiam, quæ ut gaudiorum, sic dolorum communicationem facere solet. *Hæu fili mi bonitas tua, nimia mansuetudo, & justitiæ tuæ zelus te simul, & me perdidērunt*, dicebat olim Mater Agidis Lacedæmoniorum Regis recepto ejus à rebellibus subditis occisi cadavere in gremio suo, ut refert Plutarchus: *in apoph.* Dicere idem potest Virgo Beata, nam nisi ille offerri voluisset, Mater non ita doluisset. *Gen: 49.* primo-genitum Ruben vocat moriturus Pater Jacob fortitudinem suam, & principium doloris sui: principium & causa unica doloris Virginei ipse filius, qui & fortitudo ejus est; *tantus* quippe ait Bern: hom: in Evang: Sabbathi *impetus passionis Domini IESV fuit, ut quasi torrens ipsum impleveret patientem, & inebriaret, qui dein in Matrem flueret,*

Et hinc est, quod à primis Ecclesiæ temporibus Christiani expressuri dolorem Virginis, quemadmodum indicem dolorosi Martyrii Petro crucem, Paulo gladium, Bartholomæo pellem, aliis alia doloris instrumenta, sic B. V. dederint Filium suum in gremio emortuum.

4to. Videtur maximè afflixitæ Virginem alter **MARIÆ** filius nunc primū in dolore genitus, modò enim tempus illud est, de quo Ioan: 16. *Mulier cū parit, tristitiam habet quia venit hora ejus, & quod revocat Tobias senior juniori Tob: 4. Honorem habebis Matri tue omnibus diebus vitæ tue, memor enim esse debes, quanta pericula passa sit propter te.* Hic Filius modò genitus affligit Matrem, quia & ipse mortuus est, ut observat Anselmus citatus in stellario lib. 9. p. 2. a. 3. dicens: *ambo Filii MARIÆ fuerunt mortui in passione, unus crucis acerbitate, alter mentis infidelitate, & ideo viscera MARIÆ plena fuerunt amaritudi-* **ne**: magis autem plena erant propter secundum, propter cujus mortem magis etiam doluit ipse Filius Dei, quàm propter tormenta suā: quod ipsum ex eo collige, quia apud multos mors Christi sterilis facta est, nullum s; fructum fecerunt dolores patientis; jam v. rō verissimum illud est, quod habet S. Tātm in 3. physic: quod *ex perditione finis magis augetur*

Part. 1ma. Sect. 2da. Cap. 2dum. 226
cur dolor, quam ex eorum perditione, quæ
sunt ad finem.

5to. Videtur maximè afflixisse B. V. tota
SS. Trinitas, Pater quasi alienum se exhiben-
do, ac oblitum Unigeniti, suæq; Filiæ ter dile-
ctæ: Filius miserrimum se omnium creatura-
rum demonstrando, ac una secum Matrem
configendo: Spiritus Sanctus umbram illam
protectionis suæ subtrahendo: incassum cecidis-
se videntur omnia illa dona, quæ de largitate
Dei plenissimè participavit, & secundum men-
suram donorum & gratiarum infudisse in æqua-
li dolorem, ita ut justè mutari possit illa saluta-
tio, qua per legatum suum Gabrielem olim sa-
lutavit Virginem, diciq; non jam gratiâ, sed
marore ac desolatione plena, quia Dominus
recessit ab ea, ideoq; propè maledicta inter
mulieres, nam conformis facta est Filio facto
pro nobis maledictum secundum quod dicitur:
maledictus omnis qui pendet in ligno.

6to. Videntur maximè afflixisse aliæ cir-
cumstantiæ, locus, tempus, associatio, præla-
tio latronum, impossibilitas dandi auxilii, cum
maximè auxiliari vellet, negatio simultaneæ
mortis, dignitas Personæ patientis, & indigni-
tas supplicia irrogantium, & in iis adhuc sub-
fannantium &c. Videtur maximè afflixisse sen-
sus communis, propter quem & feræ concur-
runt ad necem suorum, sympathia summa, na-
tura

tura ipsa matris, & gratia incomparabiliter superior naturâ, quam gratiam cum considerat B. Amadæus hom: 5. *de Virgine Matre* audet dicere: eam passam esse *ultra humanitatem*: quasi diceret: ultra quam homo pati poterat; vereor dicere, quam homo Deus passus sit, non veretur id tamen S. Bonav: *in cursu de compassione B. V. lect: 1.* ubi hæc sat audacia habet: *Hæc majorem dolorem habuit, quam Salvator, qui tot sustinuit*, illo rerum articulo, quo ut loquitur Metaphrastes hom: de dormit: Deip: *unâ Filii plagâ innumeris ipsa plagis sauciabatur*. Quæ quidem S. Bonaventuræ sententia quàm vera sit non disputo, innuisse id sufficiat, quod bene cum fide stet dolorem minùs perturbativum & minùs anxiativum fuisse in Christo, qui immenso intervallo fortitudine & magnanimitate Virgine præcedebat, quàm fuerit in Matre. Lege de hoc plura apud Salazar *in prov: cap: 8. vers: 14. n. 82.* Deniq; concludere potes nullum fuisse maximum dolorem Virginis, ibi enim solus dolor maximus est, ubi alii minores dantur; jam verò in Virgine nullus parvus seu minor dolor erat, quia ex quocunq; oriatur, semper summus est.

DISCURSUS 2dus.

DOlueritne magis B. V. die Veneris Christo patiente, an die Sabbathi quiescente?

Imò. Videtur magis doluisse Christo patiente, tunc enim omnes Christi dolores re-verberabantur in Virgine, dolebatq; ad mensuram dolorum Christi, imò dolor Christi erat ejus, quia cor Christi erat cor ejus: ut dicit ipsamet de se S. Birgittæ: lib: 1. reu: c. 35. tunc erat lamentabile illud tempus, de quo S. Bonav: in stum: Div: amor: cap: de planctu Virg: Filius, ait, in corpore o Virgo, tu in corde es passa, singula vulnera per ejus corpus sparsa, in tuo corde sunt unita, quo tempore nec ipsam Virginem Matrem apud ipsam Virginem Matrem invenire potuisses: quero, pergit idem, Matrem Dei, & invenio spinas, clavos: quero MARIAM, & invenio vulnera, & flagella, quia tota conversa es in ista. Econtrà Christo quiescente si non plenè extinctus, certè multum remisisse videtur dolor Marianus, præterquam enim, quod sciverit carnem Christi jam esse omnis doloris expertem; servit etiam brevi adfore tempus, quo Christus devictâ morte reversurus esset, ut accipiat sibi regnum & gloriam, & honorem. Adde quòd quiescente Domino fomes dolori subtractus sit, ardorq; ejus cinere

se-

sepulchri tectus, ideoq; in eo statu constituta sit Virgo, quo dici possit de ea vulgatum illud: *Quod oculus non videt, cor non dolet.*

2^{do}. Videtur magis doluisse sepulto Christo, quàm patiente; tunc enim corpore Christi reddito impassibili, cum juxta mensuram dolorum Christi pati non posset, ultra omnem mensuram passa est: tunc erat illud tempus, quo reliquit eam Dominus. desolatam, & toto die marore confectam, nunquam tamen minùs solam, quàm cum sic sola esset, omnis enim dolor incubuit super eam, qui tantò magis dolentem torquebat, quantò remotior erat, qui consolaretur eam. Nec remisit dolor ex cognitione Christi corporis jam non passibilis, ac secutura paulò post resurrectionis, nam *quamvis hec non lateant Virginem*, ait S. Gregorius Nazian: trag: de Christo patiente, *que post brevi futura sunt, sed meror excedit gravis fiduciam*: quemadmodum in animabus flammâ purgatorii detentis dolorem non minuit propinquitas liberationis, ac secutorum brevi gaudiorum; sic nec eum in Virgine minuit propinquitas resurrectionis, ac futura brevi lætitiæ. Nec remisit dolor ex eo, quod ejus oculis corpus Christi subtractum sit, non enim perinde absentia dolorem, sicut fomitis subtractio extingvit ignem; quod ad oculum patet in matre Tobie junioris dolente super

super absentia filii, aliisq; passim, qui amissa prole vel bonis miserrimos se identidem appellant, quod habuerint, jam non habeant. Adde quod absens esse nequeat, qui sincerè amatur, colligatur quippe invincibili vinculo amans amato, ita ut neutrum ab altero ulla distantia separare valeat. Deniq; quod Christi corpus pati jam non posset, hoc præstitit natura, quod autem in Christi corpore pati posset **MARIA**, effecit amor & gratia **MARIAM** inter mille occasiones. moriendi conservans vivam, ut etiam in occiso Salvatore pateretur, nisi fortè quis posset negare passam, cum lancea crudelis Christi latus aperuit, & Christus jam mortuus pati non posset

3tio. Videtur magis doluisse Christo patiente, quia immediatior & propior dolor gravior est, nam ut ait Aristoteles de anima *potentia propinqua magis percipit objectum, quàm remota*. Si enim mediatu sit dolor, paulatim in morem degenerat, sicq; ab assuetis non sit passio. Iam verò Christo patiente immediatus fuit dolor Virginis, tortor enim in Christum ita sævit, ut per vulnera ejus dolor transiret in **MARIAM**, qui non citius feriret Filium, quàm ictus sentiretur in Matre; quorum quidem ictuum cum unus alium exciperet, necesse fuit maximum fuisse dolorem in corde Virginis (cor enim callum non obducit, cum

cum saepe feritur) Christo patiente: nam sepulto Christo & iustus desicere, & habitus duntaxat dolendi fuit, ac ut sic dicam dolor mediatuſ, qui quo longius abit, eo minor est, ſicut ramus quo longius à trunco abit, eo teneſior eſt. Deniq; ſepulto Domino hæc poterat eſſe conſolatio Virgini, quòd ſatiſfactum ſit Inſtitutiæ, nec ampliùſ uniuſ etiam aciculæ punctura Chriſtum corporaliter afflictura ſit, ac propter Chriſtum, Matrem ejuſ.

4to. Videtur magis doluiſſe Chriſto ſepulto, quia conjunctior fuit dolor, nam cum pateretur, dolor unuſ trudebat aliuſ, maior ſcilicet minorem, nec minor ſentiebatur præ atrocitate majoris aduenientis. At verò ſepulto Domino omniſ dolor renovatuſ eſt, ac per modum uniuſ egit in animam Virginis, ſicut aliàs dici ſolet unita virtuſ fortior, & conjunctuſ dolor crudelior. Redièrè in animum Virginis ſpecies omniuſ tormentorum ſimul, quæ in paſſione aliunde impedièbantur torquentes cor tenerrimuſ, auctuſq; eſt dolor ab occubitu ſoliſ juſtitie ſerè ſicut ægri dolor noctu augetur magis, cum interdiu ſpecies doloriſ ſoleant impediſi. Sed & immediatuſ dolor fuit hoc temporis articulo, nam ipſam animam Matris immediatè conſigebat, cum id per Chriſtum facere non poſſet: niſi forſ immediatuſ ideo negeſ, quod immediatè ante fuerit pars illiuſ.

illius, & sic dolorem damnatorum licebit aliquando non dicere immediatum, minoremq; quam olim fuerit, si decursu temporis dolor decreverit. Ad summum ergo sensualis, & qui in parte irrationali est dolor cum tempore deficit, & minuitur; non autem, qui est in parte animæ: hic enim crescit eundo ad instar fluminis, cujus initia parva sunt, progressio auctior. Quod de consolatione additur ex eo, quia satisfactum esset iustitiæ, hoc etiam pro ipso tempore passionis serviebat, nec enim minus consolationis est, quod satisfactum sit iustitiæ, quam quod actu satisfaceret, & quod præter hanc vicem nulla illi ultra dominatura sit afflictio. Deniq; in passione saltem aliqua lucida, ut vocant, intervalla, habere potuit Virgo, sive cum videret confusos in consiliis suis impios, sive cum innocentie Christi patronum audiret iudicem & latronem, aliaq; plura sepulto verò nulla consolatio est, nisi ut quod olim David post obitum filii ait: Absolon fili mi, fili mi Absolon, quis mihi det ut moriar pro te? si tamen doloris vehementia loqui permisit; tantum enim curæ leves loquuntur, ingentes stupent: quod patuit in amicis Iob, septem diebus & septem noctibus assidentibus, afflicto absq; eo, quod ei loquerentur verbum. Iob 2.

sto. Videtur magis doluisse Christo patiente, tunc enim ei in omnibus assimilata est,
ut

ut sicut ipse vir dolorum erat; ita mater per omnia simi is ei redderetur: unde sicut Christi patientis cruciatus excedebant omnia cruciamenta, sic & dolores compatientis **MARIE** excederent. Pondera obsecro atrocitatem tormentorum Christi, & invenies, quanta facta fuerit contritio ejus per omnia assimilatæ dolenti Christo. Inter ceteros atrocitatem tormentorum sic graphicè depingit S. Edmundus, in *seculo Eccles:* cap: 23. citatus à P. Theoph: Raynaudo libro cui: tit: Christus Deus homo lib: 4. sect: 2. cap: 9. Si omnes, inquit, morbi, & dolores istius mundi essent in corpore unius hominis solius, & si homo ille posset concipere tantam angustiam, & tantos dolores, sicut omnes homines in isto mundo, parum esset aut nihil, per comparisonem ad dolorem, quem sustinuit pro nobis in una hora diei. Vnde si possem vivere per centum mille annos, & qualibet die millies mori pro eo, eadem morte, qua pro me mortuus est semel, nihil esset in comparatione ad dolorem, quem habuit in se. Tunc diceret aliquis, quod pena, quam sustinuit Christus in cruce pro nobis fuit major, quam pena inferni in tanta hora: Verum: & propter istam causam nulla creatura potuit tantum pati sicut **IESVS**, quia nullus habuit in se tantum

de meritata. Sed aliqua creatura potest pati
penam infernalem in igne perpetuo. Ergo
appret, quod pena infernalis fuit minor
in tanto tempore, quam pena Christi. Non
dico certitudinaliter propter scientiam ali-
cujus gentis: Propter hoc dicit Dominus
de se ipso per Ieremiam Prophetam. O vos
omnes qui transitis per viam, attendite
& videte, si est dolor sicut dolor meus. Cer-
te nullus dolor est, nec unquam fuit in isto
mundo, ad dolorem tuum dulcissime IESU.
Hactenus S. Edmundus: MARIE cruciatus
inensura ad hos cruciatus, & invenies quan-
tum doluerit, certè quæ supra ex S. Anselmo
& Bernardino attulimus non multum ab his
dissentiant. Iam verò si sepulto Domino facta
fuisset accessio doloris, per eum non potuisset
dici assimilata Christo, nec ei fuisse compassa;
compassio enim dicit similitudinem passionis in
alio; quæ in Christum jam cadere non poterat
celebrantem post opera passionis Sabbathum
requiei. Ad summum ergo tantum illum con-
tinuavit dolorem quem in passione habuit;
non autem insuper aliquod ejus accepit au-
gmentum.

6to. Videtur magis doluisse Christo se-
pulto, hocq; ipsum ex assimilatione cum Chri-
sto deducitur tunc etenim, per modum unius,
ut supra dictum, dolor Christi illi incubuit, fa-
ciens

Etq; sunt præsentia illi tormenta omnia, quæ præterierunt, sicut fuerunt Christo præsentia omnia, quæ futura erant; unde sicut Christum hæc simultas dolorum sustinendorum ita afflixit, ut factus in agonia pateretur maiora, quàm postea sustinenda essent, quemadmodum habet S. Greg: Nazian: orat: 2. in Iulian: in-
*quiens: Cogitatione præsentiens tantos dolores Christus, eosq; simul omnes præconci-
 piens, & meritissimo timens multò plura pas-
 sus videri potest, quàm cùm inferebantur
 re ipsa singuli. sic assimilata Virgo dolorosa, &
 in hac dolorum collectione considerata plura
 multò passa videtur, quàm cùm singula tormen-
 ta pateretur irrogata Christo. Et hæc ratio
 videtur esse, cur Ecclesia Sancta Sabbathum
 potissimum memorandis cruciatibus B. V. de-
 dicaverit, prout advertit D. Antoninus, p. 4.
 tit: 15. c. 24. Suarez tom: 2. in 3. p. disp: 21.
 sect: 4. Spinellus in Deip: c. 11. n. 2. & alii.*

ASSUMPTIO B. V.

DISCURSUS 1^{mus}.

MAjorane motiva amandi B. V. habea-
 mus post Assumptionem, quam si nobis
 conviveret?

Imprimis videntur maiora amandi viven-
 tem motiva imò quia cùm vivit, magis assimi-
 lar i

milari nobis videtur, similes autem sibi magis sunt habiles; & similitudo major, major radix amoris est; jam verò post mortem multum dissimilis nobis facta est, utpote in plenitudine maiestatis exaltata super omnes cælos. 2do dum vivit, vicinior nobis est, ideoq; magis amabilis, nam quò aliquid à nobis magis elongatur, eò magis amor ejus à corde distat, qualiter vulgò dici solet absentia esse remedium amoris: quod notavit S. Thom. in 3. dist. 32. a. 1. ad 2. inquires: *Multum distantia non contrersantur simul, quod est proprium amicitie*, quasi dicat: non amant simul: simul enim esse, & convivere, congaudere, condolere, absq; se ne vivere quidem posse veri est amoris, ait Aristoteles, 3tio dum vivit, influit in sensus nostros sanctissimus amor illius, & non tantum colligitur medio discursu; certum autem est, magis ad amorem movere, quod etiam apud inferiorem hominem amorem meretur, quam quod tantum superiorem ad amorem excitat. 4to dum vivit ad amorem provocat verbis & exemplis; item reddit experimentaliter certos de amore reciproco &c.

Econtra quòd in mortè majora sint amandi motiva patet imò quia B. V. à morte sua est in auge amoris; quoad enim viatrix erat, & vivebat, crescere debebat in amore non minus Dei, quam nostri; à morte autem cresce-

re jam in eo non potest: par ergo est, ut major amor respondeat amorì intensiori: adde quòd quantumcunq; amàrit in vita, nunquam tamen eum habuit amore n, de quo diceretur: fortis ut mors dilectio, id est, nunquam amore mortua est, pràterquam cùm sublata esset à nobis in plenitudine dilectionis. 2^{do} quia à morte magis aestimatur, cùm tunc magis cognoscatur; quòd alias etiam doceri solet in proverbio, non agnoscei bonum nisi amissum, qualiter aliqui etiam non multum frugi homines à fatis suis nomen inveniunt, quòd in vita non habuerunt. 3^{to} quia amor ejus geminus est amorì Filii ejus, hic autem à morte & in morte factus est amabilior, cùm in ea in finem & ad excessum dilexerit; per consequens idem de B. V. dicendum erit: unde sicut nihil de amore Filii Dei detrahatur, quòd jam non cadat sub sensum conversatio ejus, sic nec decedit de amore Matris ejus, quod oculis nostris eripiat, maxime cùm aliunde luculenter suppleatur, quod per sensus haberi non potest. 4^{to} regula amandi B. V. ipse Deus est, certum autem videtur, quòd quantumvis in vita plurimum dilexerit eam, longè tamen majorem ei à morte, nostro modo loquenti, amorem prastiterit exaltans eam supra omne, quod infra Deum est, tum quod ipsam tunc in amoris auge invenerit, tum quia tunc primò coram toto celo manifestare

capit, quantum præpararit amorem diligenti
se, & super omnes diligenti, & nunc maxime
diligenti.

DISCURSUS 2dus,

Accipe laudandum corpus & animam MARIÆ ad imitationem ascetarum, qui inducere solent in resurrectione universali corpus beati gratulans sibi de tali anima, & vicissim animam de tali corpore. Gaudet igitur hodie anima MARIÆ de corpore glorioso, quia socium fidum laborum, scilicet corpus sanctissimum recepit, ideoq; ad plenam beatitudinem ipsa admittitur, nam ut Bern: ait serm: 2. de omn: Sanctis, *ad requiem exuta à corporibus anima sanctæ protinus admittuntur, ad plenam autem gloriam regni non ita;* donec scilicet detur eis corpus configuratum corpori claritatis Dei. At verò anima B. V. plena omni gaudio facta est, habet enim conglomeratum sibi corpus illud, Dei manibus fabricatum, tabernaculum in quo requievit Deus corporaliter, templum illud, in quo magnificavit Deum, cum illum portaret in utero, *nec enim sequi debuit,* ait Augustinus, *corruptionis ærumna, quam nulla secuta est, tantum Filium pariendo, integritatis corruptio,* habet corpus illud, ex quo facta est purpura Filii Dei, thronus & corona, cui non est factum

simile opus in universis regnis: corpus illud, in quod desiderant Angeli prospicere, plenum pulchritudine, & ornamentis gloriæ; longè nobiliori perfusum splendore quàm facies Moy- sis, ad cuius tamen aspectum caligârunt filii Israël, quia longè diutius, & longè intimius fuit in consortio sermonis Domini, deniq; illud corpus, quod post Deum major nostra glória, majus nostrum gaudium est, quidquid enim post Deum pulchrius, quidquid dulcius, quidquid jucundius in gloria est, hoc MARIA, hoc in MARIA, hoc per MARIAM est, cui sane convenit illud Iudith 15. *Tu gloria Ierusalem, tu letitia Israël, tu honorificentia populi nostri.* Quos proin putes affectus animæ sanctissimæ erga corpus benedictum scientis, nisi habuisset corpus hoc, se non habituram tot dona gratiæ & gloriæ ob Maternitatem Filii Dei.

E contrâ corpus gloriosum sicut per omnia animæ ancilla erat, sic & nunc de suis, Dominaq; suæ bonis gaudet: servatum sibi thesaurum, quem in vase fictili circumtulit, esse se (corpus) arcam; sed arcæ manna esse animam, in qua omnes omnium Sanctorum gratiæ sunt, sicut in manna omnium ciborum sapes erant; esse se rubum; sed ignem rubi esse animam: esse se Virgam lesse; sed florem Virgæ esse animam: esse se altare Dei; sed holocaustum esse animam:

esse

esse se vellus mundum; sed velleris rorem esse animam: esse psalterium & citharam; sed citharæ chordam esse animam: pulchrum esse corpus; sed incomparabiliter pulchrius quod intrinsecus latet: fabricatam Dei manibus esse domum suam, ut nobilior domo Domina domum incoletet. &c. Si Christus sol est, MARIA cælum est, ait Hesychius orat: 2, si Christus gemma est, MARIA arca, si Christus flos, MARIA planta: quod ipsum facile corpori, & animæ B. V. applicueris. Deniq; verum hodie factum est illud Iudith 12. *Nunc magnificata est anima mea præ omnibus diebus vite mee.* Non moror in his, sciens nullibi faciliorem maioremq; inveniri materiam laudis, quàm in extollenda anima & corpore Mariano: ne tamen planè sicco pede transire videar, adnecto bona corporis, & animæ ulteriori discursui accommoda ex D. Bern: sermone de villico inquit, de quibus sic S. Doctor. *Septem sunt bona corporis, pulchritudo, fortitudo, velocitas, libertas, sanitas, voluptas, diuturnitas vite. Septem quoq; sunt bona anime: sapientia, amicitia, concordia, honor, pietas, potestas, iucunditas.*

DISCURSUS 3tius.

Des hæc coronationis MARIE est, quæ quidem die tantum meruit gloriæ accipere

re, ut non abs re dicat Ildephonſus ſerm: 2. de
*Assumpt: ſicut incomparabile eſt, quod geſſit,
 & ineffabile, quod percepit, ita & incom-*
prehensibile præmium gloriæ, quod meruit:
 imò non ipſa tantum gloriã accepit, ſed tota
 cæli moles per ipſam, quod obſervat Aug:
 ſerm: de Nativ: Virg: inquit: *Ipfum cælum*
quod penetrãſti o MARIA, nec non ea, quæ
in eo ſunt contenta, nova & ineffabili glo-
ria decorãſti, prioremq; ejus gloriã ultra
quàm dici poteſt, tua præſentiã magnificãſti,
nova illis ac præcellenti dignitate irradias,
immènſaq; luce coruſcas. Reflecte te hac die
 glorioſæ coronationis ſuper coronam Virginis,
 quam obtinuit, videbiſq; quantum honorata
 ſit, quam Dominus voluit honorare.

Imò igitur aptabis ei coronas triumphan-
 tium; nam & illa Civicam meruit, cum non
 unum civem, ſed totum genus humanum ſer-
 vaverit, ſecundum quod Patres volunt: cæ-
 lum & terra, inquit, jam dudum ruiſſent,
 niſi MARIA precibus ſuſtentãſſet. Meruit
 obſidionalem, ſiquidem ejus ope fortis arma-
 tus fractus eſt, & tota ejus potentia cecidit, ſe-
 cundum quod canit Eccleſia; gaude MARIA
 Virgo, cunctas hæreſes ſola interemiſti in uni-
 verſo mundo. &c.

2dò. Aptabis ei coronas Scripturæ. S.
 Thom: ordinariè ait Sanctis in Scriptura qua-
 druplicem

druplicem dari coronam; argenteam, quæ est index puritatis animi, de qua Zach: 6. *Sumes argentum, & facies coronas, & pones in capite Iesu filii Iosedec Sacerdotis magni*: dari etiam stelleam iis, qui præ eminent scientiâ, de qua Apoc: 12. In capite ejus corona stellarum duodecim: dari auream charitatis, de qua Eccli: 45. Corona aurea super caput ejus expressa signo sanctitatis: deniq; gemmeam æternitatis, de qua ps: 20. Posuisti in capite ejus coronam de lapide pretioso: quæ omnes coronæ, quàm accommodè serviant B. V. nemo non videt.

3tio. Aptabis coronam Moyfis, de qua Eccli: 45. *quod coronavit eum Dominus in vasis virtutis*: quâ quidem coronâ ita gloriosa est MARIA, ut nihili propè fiant diademata reliquorum Sanctorum in comparatione illius, cum alios una aliqua specialis virtus commendet, MARIAM verò tota virtutum universitas: quod ipsum item figuratum videtur in corona stellarum duodecim, per quam non pauci universitatem virtutum intelligunt; quodq; ipsum denotari videtur facto viginti quatuor Seniorum projicientium coronas suas ante thronum Agni, quasi enim viles coronas suas agnoscerent, & pedibus non capite dignas, cum B. V. coronatam intuentur, quæ throni Agni symbolo denotatur.

4^{to}. Aptabis coronam illam 1. *Macch*: 13, dicitur enim quod Tryphon *imposuerit sibi diadema Asiæ*, hoc est, ut explicant interpretes, signum terræ illius, cujus Dominus esse volebat. Quæ quidem corona domini creaturarum, seu, ut vocant, potestativæ jurisdictionis tradita est B. V. unde dicit Bern: Data est tibi o MARIA omnis potestas in cælo & in terra, ut quidquid volueris valeas impetrare; quod innui videtur *Eccli*: 24. cum dicitur, *in Ierusalem esse potestas ejus*, & Cant: 4. cum vocatur à Sponso, illo invitatorio: *Veni de Libano sponsa mea, veni de Libano, veni coronaberis de capite Amanæ, de capite Saniir & Hermon, de cubilibus leonum, de montibus pardorum*; quibus in verbis quadruplicis potestatis corona notari videtur, primò enim per caput *Amanæ* denotatur potestas eripiendi à necessitatibus; Amanæ enim juxta S. Hieron: interpretatur comprimens, vel coangustatio. 2^{do} per caput *Saniir* intelligitur gratia & gloriæ justis dandæ potestas; Saniir enim, secundum S. Hieron: Deus luminis interpretatur, quod distribuit justis per dona gratiæ & gloriæ: quam quidem potestatem quantum habeat MARIA, intellige ex S. Bernardino serm: 52. a. 1. c. 2. dicente: *A tempore, quo concepit Deum in utero suo, quandam ut sic dicam jurisdictionem, seu auctoritatem*
 ha-

*babet in omni temporali missione Spiritus Sancti, ita quod nulla creatura aliquam à Deo recepit gratiam, nisi secundum dispensationem ipsius Virginis Mariæ: cum enim Christus sit caput nostrum, à quo omnis influxus Divinae gratiae in mysticum corpus fluit, B. V. est collum, per quod hic influxus pertransit ad corporis membra, unde Bernardus: nulla gratia venit de caelo in terram, nisi transeat per manus MARIAE. 3tio per caput Hermon intelligitur potestas peccatoribus subveniendi, Hermon enim juxta eundem S. Hieron: anathema mæroris interpretatur, quem profectò mærorem unà cum anathemate æternali tollit, quoties veniam impetrat peccatoribus. 4to per cubilia leonum intelligitur potestas eripiendi desperatos è faucibus leonis, qui circuit quarens quem devoret. Deniq; per montes pardorum intelligitur potestas e-
varietate errorum eripiendi, qui errores per varietatem pellis pardorum denotantur: Fecit ergo Deus cum Virgine, quod cum Esther Assverus, Esth: 2. adamavit eam Rex plus quam omnes mulieres, habuitq; gratiam & misericordiam coram eo, & posuit diadema regni super caput ejus.*

5to. Coronam B. V. dices esse Sanctos omnes & Angelos Dei, ferè sicut Cicero in Verrem Proceres Romanos suam dixit esse
co-

245 *Part. 1^{ma}. Sect. 2^{da}. Cap. 2^{dum}.*
coronam; ornant eam omnes ut famuli Domi-
nam & Reginam, suamq; gloriam ei perliben-
ter consecrant.

6^{to} Corona Virginis est ipsa Virgo preti-
osissima, decus ejus frustra alibi quaris, ma-
jus inter creaturas ipsa Virgine decus non in-
venies, & si aliis eam ornamentis coronare
volueris, ipsorum ornamentorum ornamen-
tum corona est MARIA, ferè quod Sen: ep:
81. ait quomodo *rectè facti, fecisse, merces est,*
& præmium virtutis ipsa virtus est.

7^{mo}. Corona Virginis eadem est, quæ est
corona Patris æterni: Corona Patris Filius sa-
piens, imò ipsa Sapientia Dei est, secundum
quod ait Synesius, hymno 1. *super substantia-*
lis fons coronatur pulchritudine prolis. Co-
rona Matris idemmet Filius Dei est, qualiter
loquitur S. Amadaeus hom: 6. de laud: Virg:
Corona, inquit, *Virginis Christus est.*
Speciosus in hac Pater corona, in qua glori-
am suam omnem habet, quamq; alteri se non
daturum promittit ore Isaïæ; speciosa Mater
in hac corona, quamq; soli illi Pater dare ab
æterno decrevit, ut advertit Richardus à S.
Laur: lib: 4. de laud: Virg: inquit, Patrem
æternum dicere: *Gloriam meam, hoc est Fili-*
um meum, alteri non dabo, quàm MA-
RIÆ, quia soli MARIÆ hoc privilegi-
um debebatur. Hæc est illa corona, quæ Fili-

us Dei ipse coronatur, & in Filio Mater, nam
Filii gloriam, loquor cum Arnolfo Carnoti:
 tract: de laud: Virg: *cum Matre non tam*
communem dico, quàm eandem. Hæc est illa
 corona, quâ tota Trinitas coronatur, quâ
 Trinitas tota coronat MARIAM. Verè MA-
 RIA magnificentia tua in diademate capitis
 tui sculpta est, propeq; hodie tecum facit Fili-
 us, quod observat Gverricus Abbas: serm:
 2. de Assumpt: *Communicasti mihi, quod ho-*
mo sum, communicabo tibi, quod Deus sum.

Et hac in corona coronidem discursuum
 pono, amator Marianus plura inveniet exco-
 lendæ Virgini, & cùm longè plurima invenerit,
 plura intacta relinquet, quibus inveniendis
 amor occupetur.



CAPUT 3tium.

Filius MARIÆ amet
Matrem suam re.

Ultimum, quod in amore Filii Mariani vo-
 lo est, ut realis sit, id est, ut cordi & ori
 consonet vita & operatio ejus. Euthymius
 præf. in ps: *sapientiam nihil aliud esse, a-*
 it

it, quàm harmoniam quandam dictorum & factorum: & S. Ignatius M. ep: ad Philadelph: laudat quendam sapientem Episcopum, quod aptarit se, & composuerit ad mandata, & justificationes ut chorda ad citharam. Ejusmodi musicum agit amor Marianus, si pleno, ut ajunt choro, benedicere vult MARIAM, hic exteriorem hominem ita conspirare faciet interiori, ut alia post aliam succedente virtute, quasi alternante in musica voce illum edat concentum, qui Deum latificet, & MARIAM. S. Aug: in ps: 34. c. 8. modum jugiter laudandi Deum dat: *Suggero remedium, unde tota vitâ laudes Deum, quidquid egeris bene age, & laudasti Deum:* plus ego ab amatore Mariano exigo: nam id hic ago, ut præsuppositâ laudē vitæ inculpatæ, non bene tantum, sed optimè agens excitetur ad specialia facta, & heroicos ausus amoris; nec enim eum amare judico, qui duntaxat communi modo amandicententus est, habetq; insuper ea, quibus in amando alios excedat: verus amator agit, quod Cyro flenti Abdaratam amicum in bello cæsum dictum fuit ab uxore occisi: *cogitabatur, ut refert Xenophon in institutione Cyri:* lib: 6. pag: 146. verus inquam amator cogitat jugiter, quantis editis facinoribus gratificetur ei, quem diligit anima ejus, nobiliusq; aliud post

post nobile ponit opus, quod priori operi, ut annulus aureus aureæ catenæ inferatur. Et hoc est, quod intelligunt sapientes, dum volunt *amorem vivere excessibus*, per quos excessus quid vetat intelligi illos actus, quorum posteriores excedunt eos, qui præcesserunt, quiq; veniunt nomine ascensionum illarum, quas in corde suo disponit sedulus & verus amator: hic enim talis novos semper modos amandi excogitat, quibus in dies crescit, & augetur, dum in plenum & perfectum evadat amatorem, qui toto se adhæreat amato.

Ioan: 21. Petrus quæritur an Christum diligit; annuenti dicitur: *pasce oves meas*: quæ verba ponderans S. Aug: in hunc locum, ait: *Interrogatur amor, & imperatur labor* ut hinc discas non esse amorem mancum & otiosum, sed ad opus se extendere, quamvis difficultas oneris, ut vult Bern: sublimitate amoris non solum minuatur, sed penitus relevetur, fiatq; quod ibidem Aug: habet, *ut ubi amor est, non sit labor*, aut ut idem loquitur serm: 24. de verbis Apost: *ut hæc sarcina non sit pondus onerati, sed ala volaturi*. Ita se res habet in amore Mariano: amor interrogatur, & imperatur labor; flos quæritur, & sequitur fructus; verba præcedunt, & cogitata, ut facta sequantur: flos caducus est, & ad pauca utilis, nisi fructus sequatur; & amor verba-

242 *Part. 1ma Sect. 2da. Cap. 3tium.*
 lia parum prodest, nisi quod sonant verba, pro-
 bent opera. Bona sunt verba illa amantium
IESVS & MARIA *mei dulcissimi amo-*
res, patiar ego, moriar ego, amore vestri to-
tus sum vesper, nullus meus: quod erat exa-
culatorium magni illius servi Dei è Soc: IESU
Alphonfi Rodriquez: ut refert Bourghesi-
us in Soc: IESU B. V. Sacra c. 10 bona sunt
verba illa: Omni die dic MARIE, mea lau-
des anima; Item illa S. Birgittæ: revel: extrav:
c. 63. Sic amo te MARIA, ut mallet me
Birgittam nunquam natam, imò damna-
tam, quàm ut MARIA Filia Ioachim non
fuerit Mater Dei: bona sunt sexcenta hu-
jusmodi, quibus tamen si opus accesserit, nã
ego asseveraverim, quòd corpori excellenti
nobilior accedat anima, & verbis ex se bonis,
res melior longè: secus, si nuda verba videro,
nuditatis amorem pudefaciet, ipseq; amor men-
facii arguetur, politico promittens ore multa,
quæ opere non exhibet: quod innuit S. Prosper,
dum ait: Bene loqui, & malè vivere, non
est aliud, quàm se sua voce damnare.

Anatomici & inter eos Ioannes Valner
quodlibeto 6. habent, quòd in homine sinister
 ramus grandis arteriæ è corde ad sinistrum
 brachium producit, ut dictante ipsâ naturâ
 intelligi possit amorem, si verus est, cum cor-
 de manus jungere debere: è motu & pulsu ma-
 nuum

nutum cognoscetur ardor charitatis in corde residens; è manu cognosceris, quàm intra sis sanus, ferè sicut nuper hispidus Esau, & dilectus Matri suæ Jacob attactu manuum cognosci poterat. Quod fortè intellexit sponsus *Cant: 8.* cum adornans sponsam voluit se poni non solum ut signaculum super cor, sed etiam ut signaculum super brachium, quia ut explicat Bern: *in sancta anima quantum ab ea diligatur, & voluntate & actione designatur.*

Chyromantæ apud Bignoni confertur. 6. post Cineres, ajunt semper esse omen bonæ fortunæ, si stella delineata super manum sit profunda & munda: cum his equidem nolim poni portionem meam, si tamen mihi amor quærendus est, manus inspiciam, & agnoscam illum fortunatissimum amatorem, qui stellam in manu, id est MARIAM in opere suo circumfert.

Rom: 1. Deum ex operibus cognosci ait Apostolus: *Invisibilia*, inquiens, *Dei à creatura mundi per ea quæ facta sunt, intellecta conspiciuntur, sempiterna quoque ejus virtus & Divinitas*; ita planè invisibilia amoris per ea quæ facit magnalia conspici possunt, ut à magnitudine operum cognoscibiliter possit creator horum amor videri. Non capis hoc: ipsum Deum qui charitas, & exemplum est amandi, intueri; amat ille se, & ex amore sui opè-

operatur usquemodo non ad intrà solum, sed etiam ad extrà, quia ut loquitur S. Thom: 2. 2. q. 32. a. 3. ex vehementi bonitatis, quæ sterilis esse non potest, inclinatione, per opera ad extrà creaturarum thesauros ad gloriæ suæ decus effundit. Amavit MARIAM, & assequi non potes, quàm magna fecit ei, qui potens est; amat te, & usquemodo operatur in te magnalia sua jugiter Omnipotentiam Divinam, & voluntatem suam applicando ad gratias tibi dandas, ad conservationem tui, ac tutum melius esse. Imitare hoc aureum exemplum amoris amator MARIÆ, ac siquidem verè amas, quidquid potest manus tua, instanter operare, *nec enim*, ut bene Gregorius, hom: 3. in Evang: *unquam amor otiosus est, operatur magna si est, si vero operari renuit, amor non est*: dilige non verbo neq; lingua, sed opere & veritate; imò dilige & verbo, & lingua, & opere, & veritate, quia opere, ideo veritate: re ipsa amorem proba, ne alioquin in te cadat illud: ps: 77. *Et dilexerunt eam in ore suo, & linguâ suâ mentiti sunt ei, cor autem eorum non erat rectum cum ea*. Quo quidem in reali amore ut exercitior esse possis actus hic aliquos serventium amatorum MARIÆ adjicio, quibus quidem consultò certos numeros præpono, ut identidem fortiare, quem actum ea die elicere possis

possis, quali modo alias legi dispositos certos virtutum actus pro faciliore exercitio eorum, qui in iis se se exercere voluerint: quod quidem priusquam facio, velim ut in iis singulariter, sæpiusq; te exerceas, in quibus tui ipsius victoria major est, tales enim actus verè sunt aurèi & heroici amoris, ac nimium quantum demonstrant sinceritatem amoris.

Tabula, è qua, sorte depromi poterunt pia opera præstanda ex amore B. V.

8	10	48	7	11	27	5	19	40	29
35	2	45	18	50	4	15	22	39	41
21	38	42	3	1	12	6	25	31	49
30	9	20	34	13	47	16	23	37	43
17	28	33	49	24	44	14	26	36	32

1. S. Henricus Suso audito semel Angelorum concentu ante auroram canentium: Stella MARIA maris hodie processit ad ortum; frequens imposterum in eo erat, ut solem præveniret laudibus Marianis decantandis, *ut habet ejus vita*. De Anna autem à IESU Carmelitana, S. Theresiæ socia habetur, *apud Manri in vita*, quòd quoties noctu evigilavit, toties è strato humi provoluta Ave MARIA recitavit. Fecerunt hoc alii, qui singulis noctibus laudes dixere Virgini,

ex-

experti uberiores fructum à Virgine, quam Numa ille Pompilius, qui teste Val: Max: *lib: 1. c. 2. n. 4.* dicebat se noctu à Dea Ægeria consilia capere, ac ejus monitu accepta sacra instituere. Faxsne tu hodie idem, ac hortalam noctis dones orandæ B. V? credo: si altâ mente sedet illud ex Menæis Græcorum: 4. Ian: *Ad te noctes, diesq; clamabo, & hac ratione salvabor.*

2. S. Elizabeth Ungariæ Regina adhuc puellula decimam quamq; portiunculam lucelli, quod sibi ex lusu proveniebat, pauperibus dabat, rogans ab iis unum Ave MARIA. *Testatur Vadingus tom: 1. annal: anno 1214.* Bene luditur, ubi MARIA lucrum facit; tibi tamen, ut per lulum lucrum facias Virgini, non svaдео; melius facies, si de tuo penu granulum, de mensâ micam, de divitiis obolum laudandæ à pauperibus Virgini impenderis.

3. S. Carolus Borromæus ad signum Salutationis Angelicæ, dum iter faceret, Virginem adoraturus equo desilire consuevit, terræ lutulentæ defigens genua, ut testatur *ejus vita*. Hoc eodem signo audito Ioannes Ximenius è Soc: IESU, dum per declivem pontem ligneum ingens saxum quadratum volveret, cum de more Virginem saluaret, moles illa faxea in angulo locata, quantumvis naturaliter in præceps ruere debebat, stetit in aëre.

suspensa, dum preces finirentur, *testis est Læ-
dov: de Ponte in vita Balth: Alvarez.* Hoc
illud signum est à Ioanne XXII. Pontifice da-
ri mandatum, ut eo Christiani moniti Deipa-
ram per orbem salutarent, universi, *quod
testatur Polid: lib: 6. de invent: rerum c.*
12. Punctualem te in hac devotione, ut & in
alia, cum hora resonat, volo, si amas.

4. B. Ioannes Ord: S. Bened: ex magna
Regum Gallia domo oriundus, cum inadver-
tenter equo prætervectus esset imaginem
quandam B. V. eandemq; postliminio observâs-
set, facti pænitens, viamq; relegens, provol-
vitur in gēua pētiturus veniam; quod qui-
dem officii genus ita probavit Dei Mater,
ut aliò averfa facies imaginis se ad Ioannem
suum converterit. *Menolog: Benedi t: Idem*
tu fac habens ob oculos illud S. Bonav:

*Virginis intactæ dum veneris ante figurā,
Prætereundo cave, ne sileatur Ave.*

5. S. Radegundis Regina conjunx Clo-
tharii Regis Galliarum præter Marianam
Quadragesimam jejunatam, singulis Sabbathis
abluebat leprosum suis ipsa manibus, & egenis
ipsa mensæ ministrabat. *Sur: in vita* Proba-
vit hæc suo ipsius exemplo, quod de se dicere
solebat Claudius Iajus noster, unus è Sociis
Sancti mei Ignatii: magis tibi olere ulcera &
auram xenodochii, quam balsamum aulae. Tan-

ta non audes? saltem speciale aliquod pietatis obsequium hodie fac impendas ægro mendico, sciasq; quòd sicut olim visitantium ægram S. Lidvinam Angeli gressus numerabant, *ut habet Thom: à Kemp: vita S. Lidvine c. 8. n. 3.* sic minutissima obsequia amore Deiparæ facta ægris ipsa advocata infirmorum annotabit præmianda.

6. Ioannes Cletelius è divite mercatore pauper Religiosus, singulis Sabbathis induebat longum linteum pro felici morte, eoq; apparatu totam illam diem in obsequio culinæ celebrabat. Ante mortem à Christo visitatus petiit sepeliri in suo illo linteo sabbathino, quod & obtinuit teste Kempisio *lib: de ill. fr: discipl:* Sabbathum dies Sacra Deiparæ est; decet ut speciali aliquo & constanti actu eam honores: quid tu hætenus hac die fecisti honori B. V? quid facies impofterum? ut impleas illud: Memento diem Sabbathi sanctifices.

7. Isabella Clara Eugenia *ut testantur Heroides Mar: pag: 236.* quot annis in supplicatione, qua per ætatem B. V. statua ex templo Sabulonensi circumferebatur, instituit, ut duodecim selectissimæ Virgines cereos manibus gestantes, & albis indutæ, eam cohonestarent, quibus biennio hoc Mariano obsequio perfunctis dos aliquot centenorum florenorum Brabanticorum dabatur ab eadem Principe

tipe statui intra annum eligendo: Hoc genus obsequii familiare erat Alexandro Peretto Card: Montaldo, *apud P. Rho lib: 2. c. 3. n. 21.* nam nullam Deiparæ sacram diem abire patiebatur, quâ non liberali manu dotatam aliquam Virginem honesto in matrimonio collocaret, ratus gratissimum MARIE accidere, si teneræ illæ ætates tuto in pudicitia portu aureis anchoris retinerentur. Hoc item Cardinali Turrecremata, qui in hunc finem Congregationem D. Virgini sacram instituit, quæ id curaret permagno omnium ejusmodi hominum bono, *ut legitur de eo lib: cui tit: Excellentia Matris misericordie, fol: 163.* Hoc deniq; pluribus aliis, ac novissimè P. Thomæ Ujeyski ex Episcopo Kijoviensi & Senatore regni Polonia pauperi Iesuitæ, cujus gratiam adhuc viventes quâ in religiosis Ordinibus, quâ in statu conjugali plures dotatæ deprædicant. Tu si tanti non es, supple consiliis, supple precibus, fac quæ potes.

8. Eremita montis Oliveti propria in cellula venerari solitus iconem Deiparæ, impuri a dæmone phantasmatis petitur, adeo ut dicere coactus fuerit, saltem moram moriendi sibi concedi debere, subjungente dæmone, Faxim id libens, si tamen, quam veneraris Iconem è cubiculo tuo exesse jubeas. *Refert hoc Barry anno S. die 24. Jan: Vetus colendi ritus*

est colere in imagine, quem in propria persona colere non possis; honor quippe exhibitus imagini redundat in prototypum. Et hic modus colendi Deiparam frequentissimus juxta ac utilissimus est: alii quippe domi suæ illam venerantur ex monito Landsbergii, qui Tyroni Carthusiano hoc suaserat: epist. 28. *Charissime, inquit, Fili, hortor, moneoq; te quam possum studiosius, ut imaginem B. M. juxta cellam, sive in cella tua nunquam sine reverentia prætereas: saluta eam, cujus est imago, & dic: Salve dulcis & formosa, Mater Dei gloriosa, adopta me in filiū.* Alii domi suæ conversi ad templum, in quo colitur imago B. V, eam venerantur, exemplo B. Stanislai Kostka è cubiculo suo Romæ conversi ad S. MARIAM Majorem. Alii pro sigillo suo utuntur imagine B. V. exemplo S. Philippi Nerii; alii manu gestant, exemplo S. Hedvigis Ducissæ Poloniæ, quæ etiam à morte eam non dimisit: osculis alii & genu-flexionibus, alii floribus aliisq; pietatis insignibus ornant: quibus accensere potes magnum illum Deiparæ amatorem P. Joannem Trexum è Soc: IESU, de quo Nirembergius *de amore B. V. cap: 10.* quòd pedes ad quoddam facellum B. V. procul positum itabat, ac pavimentum non aliâ aquâ aspergebat, quam illâ, quam proprii fundebant oculi; tum sordes everrebat non aliis scopis, quam

quàm suomet ore, ac vultu millies interim, milliesq; solum exosculando. Tu aliquod obsequii genus hodie B. V. iconi exhibe memor illius, quod habetur in hortulo Mariano, P. Fr. *dela Croix areola 1. cap: 4.* ubi docetur; quòd primo curandum est cultori Parthenio, ut in oratorio suo, vel in alio loco nitido, ornato, maxime conspicuo B. V. imaginem reverenter deponat.

9. S. Gerardus Apostolus Ungariæ nihil unquam negavit, quod petebatur in nomine **MARIÆ**; quod ipsum fecit Alexander A-lensis Professor S. Thomæ, qui cùm in nomine B. V. rogaretur, ut ordinem S. Francisci ingrederetur, consternatus quidem ea petitione, tamen ordinem ingressus est, ac in tam ingens in eo lumen ordinis evasit. Si hodie & tu rogareris in nomine **MARIÆ** aliqua, credo faceres; daresq; si licet tibi tam chara essent, quàm dimidium cordis tui: Si tamen non rogabère aliunde, ego in nomine **MARIÆ** te rogo, ut à vitio, cui maximè affuevisti, abstineas hac præsertim die: in quo si me audiêris, audeo tibi promittere, quod illi factum est adolescenti, *de quo Chesne in descript: urbium Gallie*, qui cùm Pictavii in Gallia ancillam opprimere vellet, ubi rescivit nomen ejus esse **MARIA**, vicit se, & intactam dimisit, ob quem actum evasit postea castitatis, ac reliqua-

295 *Part. 1^{ma}. Sect. 2^{da}. Cap. 3^{tium}.*
rum virtutum exemplar, ædificato in rei memoriam eo loci templo sacro B. V. Aut illi: de quo Vinc: Bèluacensis, *in spec: hist: lib: 7. c. 102. & 103.* qui cùm in Nortmanniam pergeret pro ludis equestribus, ac à parente quopiam exponi sibi filiam in libidinem, adacto paupertate, obtinisset, cùm hac per nomen MARIA, quo in Baptismo donata erat, & ob reverentiam diei Sabbathi peteret, ut sibi parceret, vicit se amore B. V, ac à libidine temperavit, ductâ insuper ad canobium Virgine, ac dotata: propter quem actum revelatum est, eum esse in via salutis, cùm die postero occisus esset in ludis equestribus.

10. Plurimorum devotio est visitare loca dicata B. V: pro quo adducere exempla supervacaneum est, cùm quotidiana sint. Tu imitari potes quendam, qui identidem septies in diem adit aram Deiparæ representans animo septem itinera B. V, in prima visitatione contemplabatur iter B. V. ad cognatam Elizabeth: in secunda, iter in Bethleem, ut Christum pareret: in tertia, iter in Jerusalem, ut purificaretur, vel Christum amissum quæret: in quarta, iter, quo Christum prædicantem sequebatur: in quinta, quo sequebatur bajulantem crucem: in sexta, quo invisebat loca sacra post Ascensionem Christi: in septima, quo in cælum assumpta est.

11. In Lusitania sodalitium est misericordiae, quod à mensa circinnata, cui Sodales con-
sulturi de re aliqua assident, dicitur Sodalitas
mensae. In hoc sodalitie festo Visitationis B. V.
eliguntur duodecim Sodales ad misericordiae
munia toto anno obeunda; sex ex nobilitate;
sex ex plebe; Reges ipsi non raro praesidere
volebant tam Sancto sodalitie, quod in omnia
misericordiae opera vigilem habet oculum.
Annonae caritate distribuunt mendicos alen-
dos ditioribus, & canoniis &c. Autrix ejus
fuit Eleonora Lusitaniae Regina, Emmanuelis
primi uxor, anno 1598. *Autor est Vasconcel-
lus in descript: Lusit:* Latus tibi hodie cam-
pus bene agendi aperitur, in quo spatieris per
omnia misericordiae opera, credo nusquam ma-
gis practicare potes ea, quae tibi propono,
nam si in uno difficultas fuerit, certè aliud o-
pus efficere poteris; deniq; si omnino id age-
re nequis, quod omnino impossibile est, saltem
loquendo de spiritualibus operibus misericor-
diae, age quod monet Augustinus: in ps: 13.
*Si potes dare, da: si non potes, affabilem
te fac.*

12. Novemdiali devotione plurimi B. V.
venerantur, venerantesq; praesentissimum au-
xilium Deiparae impetrant, è quorum numero
censendus est P. Franciscus Marquez, qui sta-
tum vitae electurus, per novem dies extra Ma-
lacam

Iacacum ad B. V. Iconem, quæ inibi Dux dicitur, adiit, deductusq; est ab ea in Soc: IESU, in qua post egregios labores, per novem dies tormenta perpassus, in odium fidei, gladio cæsus est Nangazachi, anno 1643, 25. Martii die Virgini Annunciatae sacro, *ut habet Nadasi in anno dierum illustrium 25. Martii.* Optimè feceris, si dies hos variis actibus singulos distinxeris.

13. Est inter plures etiam magnæ notæ homines frequens devotio in Polonia, quam vocant Iejunium septem annorum: hoc instituitur in pane & aqua ea die per septennium, hebdomadatim, in quam illo anno incidit festum assumptæ Virginis, tum ob felicem mortem impetrandam, tum ob alia dona & beneficia, mireq; deprædicatur ab expertis bona ejus. *Iejunium non perfectam modo virtutem, sed cæterarum virtutum fundamentum esse, docet Hieronymus, epist: ad Demet: hoc exemplo Sanctorum, ita cole Virginem, ut memineris, quod idem monet ibidem. Abstinentia tua, atq; jejunium tuum eo magis Deo grata sunt, quod cum moribus sanctis offeruntur. Et Bernardus ad sororem inquit: quod melior sit abstinentia vitiorum, quam ciborum.*

14. S. Henricus Imperator si quando urbem aliquam peregrinus ingrederetur, pri-

nam noctem in illa æde consumebat orans, quæ sacra erat B. V. ut testatur Canisius, *de Deipara lib: 5. c. 28.* Operæ pretium feceris & tu, si horulæ partem somno tuo subtraxeris, eamq; pangendis Deiparæ laudibus consecraveris, saltem eam, quam aliàs insomnem ducere consuevisti ob fabulas, & amicitias tuas.

15. Salazar, *in c. 9. prov: n. 144.* Maracci *in fundat: Mar: pag: 296.* aliq; adjunt S. P. N. Ignatium incredibili voluptate perfundi solitum inter sacrificandum, cum illa Augustini *ex tom: 8. in ps: 98.* verba ruminaret: *De carne MARIE Christus carnem accepit, & in ipsa carne hic ambulavit, & ipsam carnem nobis manducandum dedit.* Convivari te hodie post labores volo, non operari, idq; cibo qui tibi unice arridere debet tanquam tibi proprio; bene enim Eucharistia dici potest Panis filiorum MARIE, hunc illi tum aliàs, tum præsertim in festis gloriose Matris suæ in circuitu mensæ Domini manducant: hoc utere cibo, sed exemplo S. Ignatii, sumens in eo reliquias carnis Mariæ, hoc enim ait Liturgia Æthiopica S. Iacobi, apud Velasquez de concept: pag: 312. *corpus, & hic sanguis Domini & Salvatoris nostri IESU Christi, quod, & quem assumpsit ex Domina nostra Sancta & immaculata Virgine MARIA:* aut ut Richardus à S. Laur:

Laur: lib: 2. de laud: B. V. habet. *Caro Virginalis est, quam sumimus in Sacramento Filii, quia caro Christi, & caro MARIAE, una caro.*

16 B. Maria Oegniacensis intra diei & noctis spatium aliquando millies, & ultrà genuflexa salutabat Deiparam, idq; ita constanter, ut officium istud salutationis ad quadraginta dies continuârit, ut refert Surius in vita 23. Iunii, & habes suprâ: quo in genere pariter exercitatus erat S. Albertus religiosus ex canobio S. Crispini, nam de die centies non rarò projectus in terram consuetum suum Ave MARIA persolvebat Deiparæ. Tu pariter MARIAM flexo poplite cole, ita, ut ad singulas vices actum hyperdulæ elicias.

17. In agro Piceno iussu Pontificis seliguntur, & aluntur duodecim infantes, quorum obligatio est, ut in domo Lauretana B. V. singulis diebus per horas laudent Deiparam, petantq; auxilium adversus infideles: quem morem familiarem etiam habuit famula Dei Hyacintha Marefcotta ex Ord: S. Francisci, nam ut refert Barry noster, in anno Mar: 31. Ian: cum aliquid à B. V. impetrare vellet, mittebat aliquot puellas ad templum ad orandam Deiparam, et, si ætas ferret, ad sumendam Eucharistiam. Ex ore infantium perfici laudem MARIE tunc probaveris, si plures ejus-

ejusmodi ad laudandam eam adduxeris.

18. Catharina Herreria ex tertio Ordine S. Dominici, apud gubernatores Toletanæ urbis institit, & impetravit, ut diebus festis Deiparæ clauderentur lupanaria, ne is dies, qui Virgini Virginum sacer est, impudicitiiis contaminaretur. *Ex hist: Ord: Præd: Gratam B. V. rem feceris, si peccatorem à viis suis pessimis reduxeris, aut ab iis impediêris, nec enim magis laudari potest, quàm si plurimi salvi fiant, sicut nec Filius ejus nobilius habere potest sacrificium salute animarum.*

19. S. Nicolaus Episcopus Myrensis in Nycæno Concilio præsentibus trecentis decem & octo Episcopis cuidam Ariano Mastigi intemeratæ Virginis, ejusq; honoris impio violatori alapam inflixit; quæ quidem res initio displicuit adeo Patribus, ut eum honore intræ privârint, sed paulò pòst ope Deiparæ, quæ illi comparens pro zelo gratias egit, pristino honori non sine plurima laude restitutus est. *Lipoman: in vita.* Vulgò dicitur: Qui non zelat, non amat, quod magis verum est, si audis lædi honorem amati, & taces: nam amoris ignis latere nequit sub cinere, cùm excitatio venti alicujus inimicitia eum sufflat. Amator MARIE in praxim redigit, quod in formula dedicatoria Sodales appromittunt, dum inquirunt, se non permissuros, ut aliquid contra honorem Virginis agatur.

20. Frequens fidelium devotio est, corda argentea & aurea in anathema appendere aræ Dei Matris; sic quippe, ut reliquos taceam, Ludovicus V. Galliarum, cum comitatum Bononiensem cum oppido Virgini consecrasset, donassetq; , cor eidem obtulit ex puro auro ponderis bis mille aureorum, perpetuâq; lege sanxit, ut idem facerent omnes ejus successores, appenso simili corde ad aram Bononiensem miraculis celebrem. *Calend: B. V. 30. Aug:* Cor aureum offerre fors non poteris, majus auro placebit B. V. cor tuum, si ei illud charitatis & innocentia ornamentis decoratum obtuleris.

21. Rupertus Abbas *lib, 7. de Div: offic: c. 25.* habet, quod ex mandato S. Benedicti in quovis Ordinis monasterio sacellum sit cæli Reginae sacrum, in quo prima statio est in ea supplicatione, quam Dominico die obire solent. Tunc conclave aliquod tuum, ut locum aliquem illius, consecra honori B. V. in quo supplices ad Dominam tuam manus tendas, & exaudiaris in abscondito.

22. P. Thomas Salsus nunquam è cubiculo pedem extulit, quin B. V. ad oratorium suum salutaret, & ab ea sibi benedici postularet, ut de eo habet Barry *in anno Marian: 8. Martii. Calend: Mar:* Idem faciunt hodie-dum longè plurimi filii MARIÆ, majore

re ob hoc laude digni, quam filii Sinensium, qui nulli se rei accingunt, priusquam eis parentes benedixerint: Et certe benedictio Matris firmet domos filiorum necesse est, & perpetuam hæreditent felicitatem, quibus benedicit **MARIA**. Ego quidem nullus dubito, quin à bono IESU auditurus est omnis illud: Venite benedicti Patris mei, qui dum vivit, benedictus est Matris IESU.

23. Ioannes Patricius Romanus cum prole careret, hæredem voluit esse Deiparam, quod quam gratum fuerit D. Virgini, testatum fecit miraculo nivis canicularibus æstibus Romæ è cælo delapsæ, in signum templi à Ioanne extruendi. *Brev. Rom. s. Aug.* Hæreditatem soli ei tuam vel dare non audes, quam habes; vel non habes, quam des: id saltem faxis, ut portiunculam quantumvis levem bonorum tuorum temporalium honori ejus offeras: nusquam melius eam impendere poteris, quam si ei dederis, quæ est liberalitas nostra, aut ut loquitur D. Athanasius *serm. in Evang. de SS. Deipara. Retributrix magnorum donorum pro exiguis, ex divitiis suarum gratiarum.*

24. Franciscus Perez Godoius, is qui postea unà cum P. Ignatio Azebedio in odium fidei martyrio affectus est, cum tyro adhuc Societatis esset, summa accuratione omnia age-

bat; miranti & percontanti culpam, cur tantam diligentiam navaret ita splendide mundandis culinæ vasis, quæ tamen sciret brevi iterum fædanda? respondit: In more sibi esse quotidie Divinæ Matri Virgini Dominæ suæ offerre, quidquid per totius diei singulas horas egisset; ideoq; puderet me, aiebat, Dei Matri aliquid non usquequaq; mundum offerre. *In vita.* Quod facis honori Virginis, fac accuratè, Mater Iudicis justitias judicaturi, quæ diligenti de manu veniunt, obviis ulnis excipit, quæ verò pigra sunt, transit non respecta.

25. Novi plures privatorum domos ex diversis statibus, in quarum aliis quotidie, in aliis autem singulis Sabbathis accenduntur candelæ ante quampiam B. V. iconem, convocatâ totâ familiâ ad dicendas Litanias Lauretanæ, aliasq; preces: quæ quidem pietate id imprimis obtenturi videntur, ut facem iis præferat in tenebris mortis sole lucidior Virgo, ne ab æterna caligine consumantur. Ex eorum numero fuit paupercula illa, quæ ante aram Virginis dictam de Dalacha Catanæ in Sicilia lampadem alebat, merita ob hoc, uno propè momento transferri Divinitus filium è captivitate, sibiq; reddi, ut erat serviens Bassæ Constanti-nopoli, manu una poculum aureum, aliâ urceum tenens: Cujus matris non deterior matre filia cum devotionem illâ demortuâ continua-

ret

ret, matrimonio nobili viro mirabiliter jungitur, qui votum fecerat, instinctu Divino, ad prædictam imaginem, de qua aliàs nunquam audiverat, peregrinandi, sibiq; jungendi uxorem nullius dotis, si mortem, ob quam ob rationes fisci dilapidatas, adjudicandus erat, evaderet. Gumpenberg in *Atlante Mar. imag.* 780. Lumine accenso si vis venerari MARIAM, fac illo prius ardeat cor tuum, quod ob puritatem & incorruptionem æmulum est luminis Divini & Mariani.

26. Parum facit, qui tantum illicita non facit, etiam iis sæpe, quæ licent, abstinere expedit. Amator Marianus abstinentiam ejusmodi quotidie sibi indicit in omnibus actionibus suis quærens talia, quibus mortificare possit sensualitatem suam, etiam in iis, quæ alioquin sine peccato facere posset. Exempla huc addere supervaneum est, cum quotidiana sint: tunc taxat hæc exempla sequere, ut consequaris quod B. V. dixit S. Elizabethæ Filia Regis Ungariæ, docens Divinorum donorum affluentiam orantibus, & carnem suam affligentibus aperiri. Apud S. Bonav. c. 3. medit. vitæ Christi.

27. Abely pag: 340. refert, quod in Ordine S. Benedicti quotannis 28. Octobris recolatur memoria omnium obsequiorum, quæ à suis religiosis B. V. sunt præstita, & eorum San-

Sanctorum, qui singulariter B. V. fuerunt devoti: vigesima verò nona Maii gratias agit idem S. Ordo pro miraculis B. V. pro bono Ordinis factis. Idemne te iacere decet pro donis & datis tibi, tuisq; à Virgine? certè nisi indignum ulterioribus te fieri velis, idem facies. Sanctis etiam, qui peculiari pietate pertinent ad Virginem inclinare, inter quorum numerum primas de jure vindicat Sanctissimus Sponsus ejus IOSEPHUS, quo sicut nullus Virgini fuit acceptior, sic tibi nullus sit charior.

28. S. Franciscus Borgias quoties Evcharistiam visitabat, certum numerum actuum eliciendorum ad gloriam Dei per decursum diei sibi præfigebat v. g. centum actus amoris Divini, centum humiliationes &c. Sacchinus *hist: Soc: parr: 3*. Præclarum certè brevè assequenda perfectionis adjumentum habet is, cui hoc exercitium transiit in habitum. Tu toties id hodie practicabis, quoties oratorium tuum, vel locum in quo colis iconem Deiparae visitaveris.

29 Carthusiani gravibus pressi afflictionibus docti sunt ab Angelo Missam siccam dicere de B. V. si liberari vellent à tentationibus, quibus infestantur, dicunt eandem usq; in hanc diem post dictam primam, ac tertiam. Chron: Ord: *lib: 5. c. 9*. Aliàs Missa de B. V. cum primis arridet cultoribus Marianis, multumq;

tunq; salutaris est vivis juxtà ac defunctis: sic quippe Ulpho maritus S. Birgittæ D. Virginis perquam studiosus à morte uxori apparens petit, toto anno in dies singulos sacrificia Missæ de Despara offerri: *Revel: extravag: cap: 56.* sic alii suis in necessitatibus illam velut unicum mali remedium arripiunt, experiunturq; non rarò ingentia beneficia. Tu si Sacerdos non es, nec siccam dicere potes Missam, utiq; (ut sic loquar) siccè, seu spiritualiter communicare potes; qui quidem mos communicandi solo desiderio perquam sanctis familiaris est, & multorum bonorum ferax: potes utiq; exemplo S. Thomæ Aquinatis assistentis post dictum sacrum suum alteri, adesse Missis de illa dici solitis.

30. De P. Martino de Alberro è Soc: IESU in paucis dilecto Virginis servo habet Nirembergius, *de amore B. V. c. 22.* quòd cum occuparetur in sordibus per totam domum colligendis & everrendis, aspiciendam se præbuerit Dei Mater ipsi, laudans occupatum in ejusmodi officiis: addunt alii verba Virginis fuisse hæc: *Martine sis domus sordes colligere? Fili, valde in hoc mihi places. Fac hoc usq; dum quicquam aliud de te fiat.* Quæ quidem verba tantam animi voluptatem in eo causarunt, ut annum integrum se melle pasci opinaretur. Humilitas virtus Mariana,
S. vir-

virtus filiorum MARIE est. Mariana quidem: humilitatem enim ejus respexit Dominus, ut homo fieret similis nobis; filiorum autem: quorum maxima in eo cura est, ut humili maxime conformentur Matri. Plurimos refert P. Lechner, in *Sod: Parthen: lib: 2. c. 1.* etiam è prima nobilitate, quorum alii in sodalitatibus sordes everrere, janitorem agere, aliique infima officia obire; inter quos laudat quendam è prima nobilitate Mediolani, qui sub ipsam horam, qua frequentes scholam visitabant, sodalitiis locum expurgavit, cumque ad manum aliud non esset, sordes holoserico pallio extulit, cavillantibusque alius ob ista, respondit. Imprudens sim, si famulatum Marianum erubescendum mihi ducam. Non possum hic præterire, quod lego de P. Vincentio Carassa VII. Generali Soc: IESU, apud Bartoli in *vita*, qui tanto desiderio colebat B. V. ut auditus sit dicere, se singularis beneficii & singularis felicitatis loco habiturum, si posset vitam totam in obsequio B. V. traducere, et si scoparius tantum esset ejus, cujus munus tantum esset facellum purgare, & stipe mendicata lampadem servare: cumque alter diceret, ejusmodi sermones ejus conditionem dedecere, mendicorum esse ea munia: respondit. *At ego hoc etiam munere indignum me iudico: tanta quippe est B. V. dignitas, & præ-*
stantio

stantia, ut ne hoc digni simus obsequio.
 Quem tu hodie humilitatis actum facies pro
 honore Deiparæ, quamq; intensum? maximè,
 cum scias, quod habet S. Bernardus, quod tan-
 to ei carior futurus sis, quanto pro ea vilior.

31. S. Albericus secundus Abbas Cister-
 cienſis constituit, ut omnia Ordinis domicilia
 B. V. pro tutrice haberent; quod quàm gra-
 tum fuerit Virgini, probavit ipsa, cum compa-
 rens ei jusserit loco nigri habitus, à Cisterci-
 ensibus vestes ferri candidi coloris, ut eo colo-
 re Virginalem puritatem suam repræsentatam
 honorarent. *Chron: Ord: Cist:* Tutricem ho-
 die eligendo Deiparam, conare, ut plures ad
 similem subjectionem adducas; quo in casu, tu,
 illiq; poteritis confidenter dicere, cum vos
 undiq; perturbare volent afflictiones: non ti-
 mebo mala, quoniam MARIA mecum est, &
 si licet propè desperatus sis, poteris illo S. Io-
 annis Damasceni uti: *Totam ignavè consum-
 psi ego infelicissimus vitam meam, & nunc
 auxilii, consiliiq; inops hæreo fini jam pro-
 pior. Erectio prostratorum es o Domina.*

32. Priusquam Societati nomen daret Io-
 annes Berchmans, sub initium cuiusvis men-
 sis à Sodalitatis Marianæ præside postulabat,
 quem eo mense navum emendare, cui virtu-
 ti amore Deiparæ studere deberet *testatur
 Barry in paradyso.* Optimum virtutis incen-

273 *Part. 1^{ma}. Sect. 2^{da}. Cap. 3^{tium}.*
tivum est amor MARIE, amare illam, & non
facere quæ virtutis sunt, perinde est, ac esse
ignem, & non urere: Qui virtutum studiosus
non est, & dicit se amare MARIAM, men-
dax est amor ejus. Tu siquidem verè amas,
selige virtutem unam, cujus actus amore Vir-
ginis facias.

33. Regula Sodalium est, indulgentiis do-
tata, ut visant ægros. Hanc hodie piorum o-
mnium exemplo ad amissum observa amore
Virginis, habens præ oculis, quod Eccli: 7. di-
citur: *Non te pigeat visitare infirmum, ex
his enim in dilectione firmaberis.* Et quod
habet S. Damascenus, lib: 2. parall. c. 99. *quia
ex hujusmodi visitationibus lætas spes, Di-
vinam benevolentiam, cælestem fiduciam,
animi probitatem & equitatem lucratur:*
*atq; hoc deniq; ut nullis rerum eventibus
consternemur, sed in omnibus, quæ humani-
tus accidunt, philosophicum animum præste-
mus.* Amore Deiparæ si hoc opus feceris,
audeo tibi promittere, quod de visitantibus
ægram Sanctam Lydvinam, Thomas à Kempis
vite S. Lydvine c. 8. n. 3 inquit: *Ange-
li vestigia eorum numerabant, qui causâ
devotionis Lydvinam ægram visitabant.*

34. Benedictus ab Infante IESU Ord:
Carm: Discalceat: cum in opere textrino labo-
raret, identidem repetebat: hoc pro infante
IE.

IESU, istud pro ejusdem Sanctæ Matris cultu servit: *Barry in anno Mariano 3. Ian:* quæ quidem pietas ejus plus virium habere debet, quam voces militum Gedeonis, qui *Judicum 7.* clangebant & conclamabant: *Domine, & Gedeoni.* Quod facis hodie operis, fac ex amoris erga Deiparam pura intentione, ut sicut nihil fuit in templo Salomonis, quod non auro tegeretur, sic nihil sit in operibus tuis, quod non aurea ornetur intentione.

35. Eudoxia Imperatrix frequens occupabatur in componendis carminibus de B. V. Audesne tu, quod aulæ est mulier? si amas: amor vocalis est, loquetur libens, & cantabit prærogativas Domine adeò avidè, ut dicat cum Petro Cellensi: *lib: 6. ep: 23. Equidem cataractas celi, & fontes abyssi libentiùs in obsequium ejus solverem, & si Filius ejus IESVS aliquid omisset in prærogativa exaltationis sue Matris, ego servus, ego mancipium usq; ad exinanitionem mei supplere gestirem.* Imbecillitatem & ineptitudinem tuam ad talia, non prætende, quantum potes, tantum aude, scitoq; verum esse, quod habet S. Damascenus: *orat: 2. de Assumpt: MARIA non potest non esse gratum, quod pro viribus efficitur.*

36. P. Bernardinus Realinus vir ille notæ sanctitatis è Societate IESU frequens in eo erat

erat, ut parvulis instillaret amorem erga Dei-
param: hinc obvios præmiis alliciebat ad actus
amoris, precibus flectebat, exemplo induce-
bat. *In vita* agnovit opinor vir iste sanctus
post beato beatitudines addi posse nonam hanc:
beati, qui MARIAM à juventute diligunt:
decimam verò hanc: beati, qui cum ipsi ament
MARIAM, innocentes & rectos docent ama-
re MARIAM. Tende & tu ad hanc tuam
aliorumq; beatitudinem, ac ostensa, quam a-
ment, matre, dic eis: hanc amemus! hanc a-
memus! quæ tota amabilis est, cujus ipsum
nomen sonat amorem.

37. Mulieri pudicæ petulans altera obje-
cerat per calumniam, quotquot haberet libe-
ros, eam omnes ex adulterio suscepisse: Mari-
tus hoc audito, innocentem, quam ream putâ-
rat, laqueo faucibus inserto ex arbore strangu-
landam dejecit, sed occulta manu sustinetur in
aëre, dum furis rumperetur quasi succisus esset
novaculâ. Rapta exin in editum collem dejici-
enda, etiam maximo impulsu adhibito, dejici
non potuit conatu frustra adhibito sapius. Fu-
rens igitur desperatione homo, retractam do-
mum iussamq; se in lectum componere ferrea
glande parat interimere, qui tamen globus
quasi laneus esset, inani ictu in sinum pudicæ
mulieris delatus id unum effecit, ut muliere
salva maritus ad mentem rediret, & veniam
pre-

precaretur: Tot miraculorum causam quaris? una hac erat: quòd pridie contumeliis affecta à petulante muliere, injuriam B. V. quam impensè colebat totam donârit, de nullo amplius sollicita. *Doutreman pedag: Christi: part: 2. c. 26.* Quod ab aliis & tu aliquando affectus sis injuriâ, non dubito: an autem propter hanc non adhuc gliscat in te scintilla odii contracti contra offensorem, ignoro: amore Virginis pene eam extingve, ut sis filius Matris & Patris, qui in calis est.

38. Philippus II. Hispaniarum Rex, vocato paulò ante mortem filio suo Philippo III, tot regnorum hæredi dedit Crucifixum & flagellum inquit: Imperator parens meus diem oblit manu tenens simulachrum Christi cruci affixi, eadem significatione pietatis mihi mori prædulce est, rogo fili enixè Deum, ut non ab simili religiosi animi argumento filio meo mori contingat. *Cape fili pie instrumentum laniæne flagrum, & Patris atq; Avi sanguinis, quo respersum est, adde tuum.* Ita extinctus est cadavere reperto induto cilicio. *Pet: Matthæus Gal: narr: 4 l:b: 1.* Hoc munus tibi à Matre tua dari existima, scilicet Crucifixum & flagellum rubens Christi sanguine: fac Christo te configas cruci, sanguiniqu; ejus sanguinem jurgas tuum *Eccli: 13.* dicitur: *Disciplina & opus servoo:* dicere posses, etiam filio.

filio, nam ut agere, sic pati, Marianum est.

39. Alphonsus Rodriquez è Soc: IESU Coadjutor sanctus, ex quo B. V. servire capit nullam sibi horam elabi passus est, quin B. V. aliquod obsequium præstitisset, aut illam salutasset; quin gratiam hanc obtinuit, ut singulis horis excitaretur noctu ad B. V. salutandam. *Habetur in vita.* Per singulas horas exalta Dominam tuam, nec prætereas te hora, quâ non dicas laudes ei, ut sic impleas, quod habet S. Bonaventura ps: 105. *Glorificabo eam, quam diu vixero, & nolite cessare à laudibus ejus, & per singula momenta recogitate illam.* Porro horarium hunc honorem præstandi Dei paræ varii varium esse volunt. P. Claudius Aquaviva in punctis illis 24, quæ viginti quatuor horis diei ad expendenda Divini sacramenti arcana accommodavit, singulis ad calcem addidit hanc intercalarem: *Sit benedictum Sanctissimum tuum nomen, & gloriosæ Matris, quæ te peperit mundo factum fratrem nostrum.* Alii horologiam construunt de variis orationibus, singulas ad quamvis horam dicendo: alii mysteria vitæ B. V. accommodant, horis 24, ac singula singulis horis venerantur: alii deniq; singulas virtutes Marianas recolunt proponentes sibi eas ad imitandum.

40. Thomas à Kempis cùm solitas preces
ad

ad B. V. omisisset, visa est per somnum Deipara omnes alios amplexa, ipso prætermisso, quem etiam torvo vultu ita increpuit. *Frustra meos amplexus expectas levis, & inconstans puer, qui ex pessima tua negligentia solitas mihi preces exolvere destitisti. Vbi nunc pii illi affectus? ubi suspiria & castissimi amoris iaculi, quæ in me tam suaviter olim ejaculabares? Et adhuc meos tu favores? meos amplexus? Apage, nihil est, quod tua illa speret socordia.* Spec: exempl: dist: 10. § 7. Profuit Thomæ reprehensio, nam ad cor & devotionem rediit, quam quoad vixit, nunquam posthac intermisit. Pari modo reprehensum S. Edmundum à S. Ioanne Evangelista, quod statas preces aliquando omiserit, quas honori B. V. persolvere solitus erat, *testatur Surius in vita.* Sic de Patre Gabriele Valia testatur Nadasi, in anno dierum memorabilium, cum versiculum illum Monstra te esse Matrem in morbo dicere oblitus esset, reprehensum eum à Despara audivisse: *Et tu mi jam oblitus es?* Amator Mariane ita te cultui B. V. niti volo, ut innitaris; ita insistere, ut non decidas, ita progredi, ut non regrediaris: propositum tibi habe ante oculos monitum S. Gregorii lib; 1. moral: dicentis: *In cassum bonum agitur, si ante vite terminum desecatur, & frustra velociter currit, qui prius quam*

279 *Part. i. me. Sect. 2da. Cap. 3tium.*
quàm ad metam venerit, deficit. Perseve-
rantia ait Bern: est unica filia summi regis,
finis virtutum earumq; consummatio, toti-
usq; boni repositorium, & virtus, sine qua
nemo videbit Deum: ego addo, nemo dignè
colit MARIAM. Occurrit mihi hinc illud ef-
fatum viri omni exceptione majoris, ac exi-
miæ sanctitatis P. Francisci Costeri è Soc. IE-
SU, qui cùm morti proximus rogaretur: Quis
cultus Deiparæ esset omnium acceptissimus?
respondit: constans, quantumvis exiguus: te-
statur *Nadasi in annal: Mar: n. 594.*

41. De S. Patre Nostro Ignatio memoriæ
proditum est, ut habet *Lyraus apoph: lib: 3.
c. 12.* eum totis triginta quatuor & amplius
annis, nunquam quod ad Dei gloriam propo-
sisset, propter ulla temporis injurias in diem
aliud, vel horam rejecisse: Propositis tuis præ-
fice MARIAM cùm Ignatio, & quidquid
agis instanter operare: alias fies anima instabi-
lis, filia vaga, parvulus fluctuans, cursor ex-
plicans vias tuas, nubes sine aqua, quæ à ven-
to circumferuntur, similisq; fluctui maris, qui
quoque flatu impellitur.

42. Cùm Matri Deorum vota persolvun-
tur, ait Val: Max: *l. 1. c. 1.* & minimi Religio-
nis neglectæ apices accuratè scribuntur: cùm
Mater Dei veri colenda est, etiam minimi er-
rores & peccata eliminanda sunt. Sabbathum
Di-

Divinæ requiei vocatur Deipara à Patribus, memento eum hunc diem Sabbathi sanctificas, ne ligna colligas venialium peccatorum, sed in sanctitate transigas diem, in quo Deus universa refecit. Quintiliani est illud: lib: 10. inst: c. 3. *Nihil in studiis parvum est*: tuum sit: nihil in peccatis parvum esse, si eo violatur innocentia cultui Deiparæ necessaria: Iurisperitorum proverbium, quod de minimis non curat Prætor, apud eos teneat; non tenet in schola MARIE; nam in ea de minimis curat cultor MARIE sciens, quod qui in minimo fidelis est, & in majori fidelis erit.

43. Multi in more habent spiritualiter mendicare aliqua apud B. V. de qua quidem mendicatione loquens P. Iacobus Alvarez noster lib: 3. cap: 5. ait: *Crede mihi frater in hoc exercitio magna est utilitas, & sub hac simplicitate verborum ingens latet fructus*: nam benigna Mater Christi occasiones querit ditanli nos, & ad magnam virtutem provehendi. Est etiam illi magna exercende liberalitatis occasio, si quotidie ut pauperes & egeni in conspectu ejus appareamus, & misérias nostras aperientes dona fiducialiter appetamus. Quod genus mendicandi videtur usurpasse S. Ephrem, cujus hæc verba sunt: in biblioth: PP. hom: de laud: B. V. *Ex ulnis equidem maternis tibi Domine mea* de-

281 *Part. 1^{ma}. Sect. 2^{da}. Cap. 3^{tium}.*

deditus sum miserabilis, & cliens tuus vocatus sum. Ufurpa & tu mendicans pro te, & aliorum necessitatibus gratias, & levamen.

44. *Causinus lib: 3. symb: 38. meminit regii pa-ri in li, qui, præterquam quod nomina Patris ac Matris demortuorum assidue in ore haberet, adeo ut lachrymæ decedentes ea ibidem deprehenderent, in capite vulnus aperuit sibi, dissimulatoq; dolore, paternos ac maternos cineres in hiante capitis vulnere sepelivit. Reliquias MARIÆ si habere posses, reor illos in corde tuo absconderes, quas tamen cum non habeas, autor tibi sum, ut sanctissimum nomen MARIA cordi & ori inseras, cordi dico, non quidem exemplo magis stupendo, quam imitando P. Francisci Binans Ord: Minimorum, de quo Balingheim ex Chron: Minimorum quod nomina IESU & MARIÆ cordi insculpta gerebat: sed exemplo aliorum, qui jugi cogitatione hoc nomen Sanctum venerantur, ore semper nominant, labiis benedicunt, aliosq; ad idem faciendum hortantur cum S. Bonaventura ps: 144. dicente: Benedicite nomen MARIÆ Matris Dei, & suscitabit vobis voluptates sempiternas.*

45. Ludovicus Rex Germaniæ filius Caroli Magni, B. V. simulachrum semper è collo suspensum circumferebat, atq; si inter vendandum sinistri quid quandoq; accideret, aut per

per silvas erraret, simulachrum hoc arbori affigebat, & coram illo positus humi gembus B. V. supplex venerabatur. *Canisius de B. V. lib: 5. c. 29. Crantz &c.* Idem fecit Andronicus Orientis Imperator, nam cum repentino casu ad extrema redactus, viatico Eucharistico se destitutum videret, auream quam è collo gestabat, Beatæ Dei Matris effigiem ori admovens, ac triste illachrymans vitâ excessit. *Binet tract: de devot: erga B. V.* Præ foribus solet apponi stemma Domini: domus cordis tui MARIA est Domina; igitur stemma ejus, id est imaginem præ foribus loca: patebit ex eo, ad quem pertineas, tuq; gloriabere, quod sub patrocinio Reginae cæli vivas.

46. Guilielmus Petereus è Soc: IESU de propagato B. V. cultu bene meritus, dum ad extrema devenisset, ac socii se ab illo destitui quererentur, qui colendæ Virginis dux fuisset, graves oculos elevans ait: *Domine si propagandis Matris tuæ honoribus necessarius sum, exautorari non peto, nec laborem defugio.* P. Rho lib: 2. c. 3. n. 21. Promovere, si posses cultum MARIAE etiam cum jactura particulae bonorum tuorum, cum jactura valetudinis & famæ tuæ, recusabisne laborem: age, virum te desideriorum volo, qui hac omnia des pessum, modò exaltetur nomen MARIAE.

47. Cæsar Cardinalis Baronius in schedulis, tabulis, scriptisq; suis passim ponebat has notas, Cæsar servus MARIE: MARIE servus Cæsar: ut videre est in ejus annalibus, testaturq; Barry *anno sancto* p. 3. 13. Sept: Alios scio qui singulis paginis titulos, & elogia B. V. ex scriptura & Patribus deprompta inarant. Si utiq; MARIE mancipium esse vis, ages, quod dicitur *Isai* 44. ut glorieris, quia Domini ego sum, & scribes in manu tua Domino, subaudi, servio: verbo & scripto, imò re ipsa clamabis: Ego servus tuus sum, servus tuus sum, da mihi intellectum, ut non erubescam te coram hominibus: reflectes te frequenter super opera tua, cui fructificârint, tibi ne vel Domine? & cui fructificare debeant.

48. P. Ioannes Tellerius è Soc: IESU, ut cultum B. V. promoveret, judicavit teste *Sacchino hist: Soc: n. 34.* ei adjungendam pietatem erga animas purgatorii. Quare Romanæ urbis parochos adit, suadens, ut vesperi cum datur ære campano signum pro Deipara ter salutanda, daretur etiam signum pro oratione fundenda pro animabus purgatorii: horum consentientium nomina in libellum relata offert Gregorio XIII. Pontifici, qui delectatus hoc pietatis ingenio, annuit, & industriam hanc indulgentiis stabilivit. Animæ purgatorii fratres sunt filiorum MARIE, quia ipsa est earum

rum Mater, quemadmodum ipsa fatetur S. Birgittæ lib: 4. revel: c. 138. inquit: *Sum Mater omnium, qui sunt in purgatorio, ut fratribus ergo fratres subveniant necesse est, maxime cum sciant quod per ejusmodi subventionem faciant matrem filiorum latantem.*

49. S. Gregorius Turon: lib: 1. de gloria Conf: habet de S. Severo Episcopo, quod lilium honori Deiparæ obtulerit, cui licet per ceteras anni partes forma defuisset, anniversaria tamen dedicationis die reflorescebat. Lilium dicas Virgini, quoties ei innocentiam offers, hoc lilium toties efflorescit, quoties, quod puritati contrarium est, emendare studes.

50. P. Julius Caesar Recupitus è Soc: IESU inter suas industrias moriendi feliciter ponit & hanc, apud Nadasi in annal: Marian: num: 1159. Sertum, ait, texendum esse è flosculis quotidie collectis, quod in hora mortis offeras Deiparæ: flosculus autem esse potest aliquis mortificationis actus v. g. in occasione coorientis iræ, linguam silentio premere, in occasione aspectus rerum curiosarum, oculos cohibere; in mensa à bolo placito abstinere: Qui quidem flosculi seu actus mortificationis inscribantur libello, cui titulus sit: Sertum flosculorum à me maximo peccatore B. V. offerendorum in hora mortis meæ; inscribantur autem quotidie, cum lecti fuerint, si autem lecti non

non sunt, dies notatur literâ O. Quam quidem devotionem *ait ibidem* non uni inter moriendum fuisse suavissimo solatio affluenti deliciis paradyfi, ridenti, morienti: quorum numero accenseri potest M. Michâel Kraus è Soc: IESU juvenis verè innocens, qui cùm Brunsbergæ, ubi humanitatem docebat, moriturus esset, ejusmodi libellum uno circiter priusquam animam ageret, quadrante, in manus sumpsit, ac quâ potuit moribundus vocis contentione B. V. obtulit, tum suprà quàm credi potest insolita voluptate perfundi visus est, ut adstantes sibi à dulcibus lachrymis cohibere se non possent. Demum: Iam vade exclamat Beatissima Virgo cum tuis Virginibus, utiq; jam satis, jam satis: cùmq; Pater spiritualis erectas ejus manus componere vellet, subjunxit Ah Pater, rogo, non mihi invideat, non invideat mihi rogo, ego statim, statim moriari quod & factum, nam vix inchoata lectione obitus B. Stanislai Kostka, quod fieri volebat, suavissimè in Domino obdormivit, anno 1681, die 24. Novembris, relicta omnibus persuasionibus Beatissimam Virginem illi aspectabilem fuisse. Est hunc quidem modum amandi re ipsa B. V. tibi præ cæteris familiarem volo, continet enim heroicum amorem, & virtutem illam, quæ est propria Sanctorum, Sancti enim plurimum in eo contentionis ponunt, ut se ipsos

vineant. Platonis lib: de legibus est illud: *Vin-
cere se ipsum omnium victoriarum prima
est, & optima*: ideoq; S. Greg: apud Hugo-
nem Card: in ps: 17. plus stupet David saltan-
tem coram arca, quam pugnante, quia pu-
gnando hostes occidit, saltando se ipsum vicit.
Ejusmodi victoriis primis & optimis assvescen-
dum tibi est, ut probes te esse verum filium
MARIE, nequaquam enim convenit, ut ex
fortissimis parentibus ignavus filius super-
stes sit: verba sunt cujusdam mulieris occiden-
tis filium suum, qui inerte se gesserat in bel-
lo, apud Plutarchum in apoph: Laco.

Pluribus hic immorari non vacat, obvi-
is in occasibus plura reperiet amator Mari-
anus, quæ faxit amore Matris suæ: unum, pri-
usquam concludo, addo quod habet Richardus
à S. Laurentio lib: 2. de laud: Virg: inquires:
debere nos servire MARIE ex toto corde,
ex omnibus membris, & sensibus nostris: ex
corde quidem eam castissimè, ardentissimèq; a-
mando: capite, illud ad ejus nominis invoca-
tionem inclinando: oculis tam mentis quam
corporis eam semper nobis præsentem obser-
vando: auditu, ob ejus honorem & gloriam ad
omnia noxia eum diligentissimè obturando: o-
doratu currendo in odorem unguentorum, Vir-
ginearum ipsius virtutum, aliosq; ad eam a-
mandam imitandamq; pertrahendo: gustu, à ci-

bi potusq; intemperantia, quo dignius Virgini famulemur, illum cõercendo, necessaria moderatõ ad victum sumendo; de his, quæ mensæ apponuntur, aliquid, quod postea pauperi erogetur, subtrahendo; ejus vigiliis & Sabbathis jejunando, in ejusdem deniq; solennitatibus aliquid largius ipsius amore egenis distribuendo &c. &c.

Et hæc sunt, quæ de filio adoptivo, ejusque obligatione dicenda judicavi, quibus omnibus unum duntaxat respexi amorem, unumque illud dixi: **AMA MARIAM**, & sufficit, nec aliud quidpiam ultra posco:

Literas nominis **MARIA** si per anagrammata dispertias, reddent vocem *Amari*, ut intelligas, te amare deberẽ, si ad illam referri velis; crescere aliter in virum perfectum; & verum **MARIÆ** filium non potes, nisi amoris imbre irrigeris; unde iterum ex verbis his **MARIA Virgo** habes anagramma *Amor rigori*. Nihil igitur festat, nisi ut millies inclamem tibi, quod felici ingenio anagrammaticè vertit ex tota Salutatione Angelica P. Bohuslaus Balbinus inquiring:

*Chare sodalis ama! ut non te peccata morëtur
Ingrediare sinum: tuus est: clauderis in isto.
Totus ibi Matrem bibe: sæpius ubera præsa;
Nā tibi nectar erūt cordi; fatus inia vincet
Vincet amor.*


Ama

Ama; ipsa enim, ait Idiota, in proleant: B. V. diligit diligentes se, imò sibi seroientibus seroit, apud Patrem & Filium procurat negotia, & petitiones nostras: ama, ut sic certus sis quòd redameris, certus de salute tua, quia si verè amaveris, quam colis, impossibile erit perire te; nec enim malum aliquòd maximè æternum potest premere eum, qui toto corde rapitur in illam, de cuius opè etiam illud nos habere voluit, ut possideamus omne bonum. In quam rem mihi rursus, siquidem in talia lapsi sumus, servit aliud anagramma, quod quidam ex Sanctissimis his nominibus IESUS MARIA IOSEPHUS concinnavit, estq; tale: Si peris, hos ama, vires. Ama deniq; Matrem fili MARIE toto te, hòc q; unicum sit opus tuum, ut diligas, quia diligendo voluntatem omnem ejus, & legem imples, nam & hic plenitudo legis dilectio est: ama; donec reverti liceat in domum Domini, imò in domum Matris dilecturo æternum, fruituroq; præmio dilectionis. Ad quem quidem statum beatitudinis obtinendum si cætera deessent, unus amor sufficiens erit, poterisq; titulo amoris jus ad hæreditatem Matris habere, securèq; quarenti de operibus Iudici respondere, quod olim Theodosius Imperator apud S. Ambrosium Rom. 3. de obit: Theodosii pag. 49. respondisse fertur; sic quippe de eo Pater iste San-

289 Part. 1^{me}. Sect. 2^{de}. Cap. 3^{tium}.

Aus: Ergo decedens è terris pia anima, & Sancto repleta Spiritu, quasi interrogantibus iis, qui sibi occurrerent, cum se se ad sublimia & superna subrigeret, dicebat: Dilxi. Interrogabant Angeli vel Archangeli? Quid egisti in terris? dicebat: Dilxi: hoc est dicere, legem implevi, Evangelium non praterivi, morti me obtuli.





P A R S II.

De Filiatione per Imitationem & Doctrinam.

Filios per imitationem & doctrinam simul conjungo, tum ut brevior sum: tum quia facile una filiatio in aliam coincidit; nam & exempla docent, & doctrina proponit ea, quæ imitanda sunt. Porro etiam hic, qualis quisq; esse debeat filius, quidq; ad hoc, ut partes suas impleat, ab eo requiratur, quantum quidem præconcepta brevisitas patietur, explicare studebo.

CAPUT imum.

De Filio MARIÆ per Imitationem.

Filius dicitur, qui mores alienos imitatur, testis etiam est S. Basilius *in cap: 13. 1^a par.* & S. Hieron: *in cap: 16. Ezech:* sic ferè mendaces vocantur filii sathanæ patris, quia primum mendacem imitatione exprimunt; sic filii Patriæ

caelestis dicuntur, qui imitantur illum, qui solem suum oriri facit super justos & injustos; sic vocare solemus aliquem germanam prolem alterius, quem moribus refert: sic deniq; Augustinus in ps. 47. eos, qui simulant virtutes aliorum, quas non habent, vocat *filios alienos, filios propter formam pietatis, alienos propter amissionem virtutum.*

Res mihi haecenus fuit cum filio adoptivo MARIAE, nunc cum eo, qui eandem moribus referre debet, erit; qui quidem etiam adoptivum includere potest; nam ut bene Hierocles in comment. carm. Pythi ait: *Quem quis diligit, imitatur etiam, quantum potest.* Ab hoc prater amorem exigo cultum Matris suae, eumq; absolutissimum, ac perfectissimum; de quo agens S. Aug. ait: *Summa religionis est, imitari, quem colis: & Lactantius: religiosissimus, ait, cultus est imitari:* quod idem advertit Sen: dum diceret: *Vis Deos propitiari, bonus esto, satis illos coluit, quisquis illos imitatus est.* Porro sicut in generatione carnali honor magis affectuosus & sincerus est, quem filii exhibent parentibus, utpote ad quem ipsa natura inclinatur, sic in generatione spiritali magis verus est honor, utpote qui in ipsis moribus honorantis radicatur: & sicut in carnali filiatione filius tunc bonus esse, & probè referre parentem censetur, cum

cum patrum in natos abeunt cum semine mores, sic in mea spiritali generatione tunc censetur optimus, cum matrizat, id est, cum moribus matrem refert.

Platonis lib: 11. de legibus dogma est, nullum apud Deos magis venerandum simulacrum nos habere, quam Patres, matresq, quibus honorandis gaudet Deus: quo putas honoris genere? utiq; non fucato illo, & politico; qui non nisi verbalis est, ac honoris larva, non honor, dicente Augustino: serm: 30. inter novos. *Honorare & non imitari, nihil aliud est, quam mendaciter adulari;* sed vero & genuino, qui consistit in similitudine morum, quemq; Deus ipse intendit exhiberi sibi, cum hominem ad similitudinem suam crearet, ut notat S. Leo lib: 1. de jejunio decimi mensis, dum dicit: *Si fideliter dilectissimi, atq; salubriter creationis nostre intelligamus exordium, inveniemus hominem ideo ad imaginem Dei conditum, ut imitator sui esset auctoris.* Quemq; ipsi nos Christo Redemptori reddere volumus, cum dici volumus Christiani: quid quippe est esse Christianum, nisi imitorem Christi, ut idem S. Leo serm: 6. de Nativ: inquit. *Frustra nos appellari Christianos, si imitatores non sumus Christi, qui ideo se viam dixit, ut conversatio magistri, forma esset discipuli.* Aut,
ut

293 *Part. 2da. Sect. 2da. Cap. 1um.*

ut paulò aliter loquitur S. Greg: Nazian: tom^o
2. de perfect: Christ: pag: 703. quid *Christia-*
nismus, nisi imitatio Divine nature.

Honora igitur, ut monet Scriptura, Ec-
cli: 3. *Patrem tuum (matrem) ut superue-*
niat tibi benedictio, & honora ita, ut memi-
neris, quod habet D. Greg: Magnus: hom: 18.
in Evang: quia *Virgini multo magis placet*
imitator devotus, quam laudator otiosus,
& vera laudatio cordis & oris imitatio est
operis: & tunc veri laudatores Sanctorum
existimus, si ea sectemur, quæ & ipsi se-
clati sunt.

Druidæ Cybelen matrem Deorum, quam
aliàs Tellurem dicunt, adeo scrupulosè cole-
bant, teste Arnobio, ut cultoribus acerrimas
leges scripserint, nam cultris quasi astro perci-
ti concidere corpus jubebantur, & jejunia adeo
dura obire, ut per tempus sui (ut vocabant)
casti ne panem quidem in cibum admitterent,
quin inventi sunt, qui ut plenam immunitatem
ab usu corporis naturæ consentaneo sortirentur,
partem, quâ viri erant, ab se refecarent.
De hac ipsa Cybele agebat Iulianus Apostata
apud Nicephorum lib: 10. cap: 22. non posse
faustum quid evenire illi, qui Deorum matrem
remissiùs honorârit. Quo quidem in cultu eo
præcipuè, quo jubebantur corpus cultris inci-
dere, videntur intendisse quandam similitudi-

Filius B. V. per imitationem. 294

nem, & imitationem cum ea, quam colebant; sicut enim tellus aratur, ut fructum ferat; sic ii corpus concidebant in obsequio ejus: sicut eandem imitationem aliàs saepe scrupulosè respexit antiquitas, talem enim quisq; sibi pinsebat Deum, qualis esse volebat, gibbosum gibbosus, luscus luscum, fur furem, è quibus aliquos sugillat S. Aug: *l. 1. Conf: cap: 16.* dicentes nefaria de Iove, ut haberet Iupiter auctoritatem ad imitandum, ut quisquis ea fecisset, non homines perditos, sed cælestes Deos videretur imitatus, adducitq; quendam è Terentio proponentem sibi Iovem in exemplum, & se concitantem ad scelera, quasi cælesti magisterio. Ita quidem ethnici erga suos Deos, Deorumq; matrem afficiebantur: melius filii MARIÆ afficiuntur erga Matrem Dei, & suam, semper enim eis persona matris honorabilis, semper imitabilis est, censentq; tunc se magis honorare, cum magis per imitationem ad ejus similitudinem accedunt: qua in re sic sequimur ratiocinantur. Ipsa Virgo Mater Dei utiq; maxima cultrix Dei erat, ut omnes testantur, nec enim major honor, sicut nec major amor impendi potest Deo, quàm ab illa persona tam honorata impensus est: Unde autem in tantam evalit cultricem, nisi, quia secundum Albertum Magnum super Missus c. 67. fuit imitatrix Dei in omnibus, & rursus c. 161: imitatrix

tatrix summi principii in summo: quod enucleatius explicat S. Bern: Sen: tom: 3. serm. de Assumpt: inquit: quod fuerit imitatrix precipua Christi filii sui, quem non tantum gressibus pedum, sed etiam pro reverentia, secuta est affectu pietatis fidei, religionis & ardentissime charitatis, ut nunquam ab eius fide & dilectione avelli potuerit. Ex quibus inferunt: si Virgo ex hoc quod Deum summè imitata est, summè coluit, oportet etiam magis ab eo coli Virginem, qui magis imitatur.

Et certè quicunq; extrinsecus cultus exhibeatur Virgini, quanquam nunquam tantum ascendet, quantum meretur ipsa intrinseca virtus ejus, provehitur tamen altius & altius virtute majoris & altioris imitationis; sicut quantumcunq; in tabula pictor ponat lineamenta, nunquam Casarem reddet vivum, reddet tamen magis similem & aspectabilem, quò aptius suis quæq; locis lineamenta posuerit. In imaginem cum incidi, occurrit mihi, quod habet Cicero lib: 2. de finibus, filium vocari effigiem probitatis paternæ, imaginem animi & corporis paterni, qualiter etiam Hebræi filium vocant *Ben*: id est, fabricam ad Patris effigiem sculptam, quæ quomodo verificentur, non video, nisi accedat imitatio, per quam instilletur Patris virtus proli, ut qui vident ope-

ra Filii, glorificent Patrem in Filio.

Ptolomæi observatio est, eundem cum Patre honorem habiturum, qui dum nascitur, eandem habet configurationem stellarum, quam Pater habuit, dum diadema acciperet, vel saltem convenientiam aliquam: *Inspice*, ait, in centiloq: *primorum generis regum creationes, si enim ascendens creationis convenit cum ascendente genitura Regis Filii, is regis successor erit.* Vanitati huic astrologicæ refellendæ immorari animus non est, certum tamen id esse dico, ab eo maximum honorem Patri fieri, qui eundem cum eo ascendentem habet, id est, qui ejusdem cum illo virtutis est; vivit enim in eo virtus & honor Patris, vidensq; fructus filii, glorificat radicem, cui innituntur hi fructus.

Nasci Græcis idem erat, quod accendi lumen in alio, rebantur enim sic Filium esse accipere à Matre, sicut lucerna accenditur ab alia: hinc Plato *lib: 6. de legibus* docet parentes vitam filiis tradere, sicut cursores tædas accensas, quas initio stadii à præfecto acceperant, emensoq; eo tradebant aliis: hi rursus aliis: quo respexisse videtur Lucretius, cum de parentibus loquens, ait: *lib: 2.*

Est quasi cursores vitæ lampada tradunt.
Imò & Scriptura loquens de filio David: *Pateravi dicit lucernam Christo meo.* Et de Abia

*bia: Propter David dedit ei Dominus Deus
 suus lucernam in Ierusalem, ut suscitaret
 filium ejus post eum. Quodsi tamen talis ge-
 nitura non est filiorum carnalium certè mei.
 Mariani genesis talis est, accensa enim lampas
 ejus est ex ardentissima luce Marianarum vir-
 tutum, vivitq; vita quodammodo ex traduce,
 id est, de splendoribus Marianis, ut qui videt
 hunc in luce ambulare, vivereq; compositis ad
 omnem honestatem moribus, collaudet luci-
 dum corpus, è quo hæc scintilla lucis decisa est.*

Atrebatî confraternitas sub patrocinio
 B. V. crecta est, dicta Sodalitas Ardentium
 seu Flagrantium: ortum ea habuit à cereo quo-
 dam ardente, qui per annos quingentos inte-
 ger conservatus est, licet de deciduis ab igne
 guttis illius plures alii similes efformati sint.
 Cereum hunc ab ipsa Deipara allatum refert
 Guilielmus Gazaus tum ad extingvendam dis-
 sensionem duos inter juratos hostes, tum ad
 luem epidemicam inibi grassantem per potum
 aquæ, in quam guttæ ardentis cerei hujus de-
 cidissent, tollendam: quam cerei allationem
 contigisse vult Courcier anno 1105, approba-
 tumq; dicit miraculum à Sixto & Clemente
 VIII. Pont. De ejusmodi sodalitate Flagranti-
 um vel Ardentium omnis filius MARIE est,
 flagrat enim, & ardet igne, quem derivavit ab
 igne Mariano, una siquidem MARIA lucet

in moribus, fulget in actionibus ejus, unius hujus lumen videtur in lumine filii, laudaturq; lux prima, quæ talem radium filio lucis communicavit.

At jam videor mihi videre te paratum, ut amiciaris lumine ex alto, paratum inquam ad imitationem virtutum Marianarum, optare tamen quasi in speculo virtutes Marianas tibi proponi, ut secundum modulum tuum imitari possis, quod in Virgine celebrare delectat. Pareo, ac syllabum aliquarum virtutum Marianarum ob oculos pono: dico aliquarum: nam omnes ejus virtutes in compendium reducere, non est hominis. Bene P. Georgius de Rhodes in 3. p. D. Thom: tract: 2. disp: unica q. 4. sect: 8. ait: *Cogitent morales omnes Philosophi, quantum voluerint, fingant Angeli omnes, quantum potuerint, nunquam tamen vel numerando, vel mensurando attinent magnitudinem, aut multitudinem virtutum Deiparæ.* hæc enim est illa, quæ ascendit sicut virgula fumi ex aromatibus myrrhæ & thuris, & omnis generis pigmentorum: hæc est, de qua Cant: 4, quod *emissiones ejus Paradysus malorum Punicorum cum pomorum fructibus, Cypri cum nardo, nardus & crocus, fistula Cinnamomum cum universis lignis Libani, myrrhæ & aloë cum omniis primis unguentis;* Hæc est mulier illa

299 *Part. 2da. Sect. 2da. Cap. 1um.*

illa amicta varietatibus virtutum, in qua, ut bene Sophronius serm: de Assumpt: quidquid gestum est, totum puritas & simplicitas, totum gratia & veritas fuit, totum misericordia & iustitia, verè hortus deliciarum, in quo consita sunt omnia florum genera, & odorem virtutum. Hæc est deniq; de cuius virtutibus dici potest illud. Eccl: i. *Altitudinem cali, latitudinem terre, & profundum abyssi quis dimensus est? Sapientiam Dei præcedentem omnia quis investigavit?* ob quæ & alia à Patribus dicitur inhabitari à plenitudine Spiritus Sancti, esseq; universitatem sanctitatis in illa: aliquarum ergo virtutum ejus syllabum ob oculos pono: daturus paulò infra etiam modum imitandi, ubi particulatim actus virtutis explicabo.

CAPUT 2dum.

Syllabus aliquarum Virtutum Marianarum ad imitationem propositarum.

F I D E S.

LVc: i. vocat MARIAM Beatam Elizabeth, quod crediderit. Fuit ergo fides in Virgine, ob quam à Patribus vocatur *magistra*

gistra fidei, mater credentium, mater agnitionis, id est, ut explicat Idiota de B. V. part: 14. contempl: 1. *mater revelationis fidei, quia sola fidei revelatio ad eam & in ea facta est, quia ipsa dedit exemplum credendi, quod credendum est, & ideo dictum est ei: Beata quæ credidisti.* Hæc Idiota. Porro fuit in ea fides major fidē aliorum Sanctorum, ut docet Alb: M. *super Missus c. 99.* quia sola fuit constantissima, nec enim ei convenit illud *Matth: 26.* Omnes vos scandalum patiemini in me, quia nullam habet admixtionem mali, sola enim malum non fecit: quia fuit summa efficaciam; ad credentis enim ejus vocem *Fiat inons montium, id est, Deus ipse tulit se, & misit in mare mortalitatis nostræ:* unde S. Anselmus in cap: 10. *Luc: porta ait, per quam intravit IESVS, est fides MARIE:* denique quia stetit cum experientia, alii siquidem crediderunt de Virgine nasciturum; vel natum, hæc autem etiā experta est.

Nec oberat fidei B. V. quod haberet visionem intuitivam Dei, vel enim hæc visio transiens tantum erat, ut sentit Suarez *tom: 2. de Inc: disp: 19. sect: 4.* & alii, puta in prima sui conceptione, ut idem putat post D. Bernardum cum Salazar & aliis In conceptione Christi ut D. Bernardinus, Pet: Damiani, S. Antoninus, & alii: in Christi resurrectione, ut S. Tho-

Thomas de Villa-nova: *serm: de resur: vel*
si fuit tota vita, quod colligit ex quibusdam
autoribus Vega, Theol: Mar: pal: 34. cert:
 1. dissolvens quidem rationes in contrarium,
 non audens tamen iis adherere: vel inquam
 fuit tota vitâ, & sic tamen adhuc non caret
 actibus fidei, cum fides per visionem Dei eva-
 cuetur tantum in patria, non autem in via, hinc
 etiam visio hæc Dei non sustulit in ea statum
 merendi, quod in patria sit. Credidit ergo
 MARIA Deo, & reputatum est ei ad iustiti-
 am. Quid restat, nisi ut agas, quod monet S.
 Ildephonsus: *serm: 1. de Assumpt: Quæso*
vos, inquires, o filii imitemini signaculum
fidei vestre Beatam MARIAM, quam ve-
lut ignis ferrum, Spiritus Sanctus totam
decoxit, incanduit, & ignivit.

S P E S.

MAter Sanctæ Spei MARIA vocatur,
 non ideo solum, quia in nobis spem ge-
 nerat futurorum, sed quia, ut ait Idiota,
ubi supra, exemplo suo docuit, quid sperandum
fit. Fuit verò in ea spes in gradu excellentissi-
mo, nec enim admixtum ullum habuit timo-
rem, ut sit in aliis sperantibus, qui adhuc ex-
cidere possunt gratiâ Dei, & sic frustrari spera-
to bono: unde etiam expectatio ejus longè di-
veria fuit ab expectatione aliorum, quia ut lo-
quitur Albertus Magnus, super missus c. 83.

expectatio ejus fuit per modum comedentis, cum tamen alterius viatoris, expectatio sit per modum esurientis. Spes ergo fuit in Virgine excellentissima, quantum ad actum, & habitum; ad actum quidem: quia certò expectabat beatitudinem motu tantorum meritorum & gratiæ; quoad habitum autem: quia decens erat, nihil decoris deesse illi, quam splendor Patris inhabitaturus erat.

CHARITAS erga Deum.

MAter pulchræ dilectionis MARIA est, ideoq; actibus amoris plena est, qui quidem actus amoris ejusmodi sunt, ut merito doceat Suarez *in 2. p. tom: 2. disp: 18.* plus à Virgine amatum Deum, quam ab omnibus Sanctis simul, sicut è contra ipsa plus amata est à Deo, quam omnes Sancti simul: quod etiam colligitur ex S. Bonav: in spec: c. 6. dicente: *Quid mirum, si pre omnibus diligat, quod pre omnibus est dilectum: & probatur in stellario B: V. lib: 9. p. 2. a. 1.* Imò, quia amor ejus processit ex corde longè puriore, quam erat cor aliorum Sanctorum: decens siquidem erat, teste Anselmo, MARIAM eâ puritate nitere, quâ major sub Deo nequit intelligi, quò autem cor purius est, eò charitas, quæ *1. Tim: 1.* procedit ex corde puro & conscientia bona, major est. *2do,* quia omnes simul Sancti tan-

303 *Part. 2da. Sect. 2da. Cap. 2dum.*
tùm diligebant Deum ut servi; B. V. autem ut
Mater, excedit autem incomparabiliter dilectio
Matris dilectionem fervorum, sicut excedit na-
turali propinquitate & similitudine ipsa Mater
servos. 3tio, quia gratia B. V. excessit gratiam
omnium Sanctorum simul, ut plures Patres vo-
lunt; oportet ergo, ut & charitas Dei diffusa in
corde ejus per gratiam Spiritus Sancti, qui da-
tus est ei, major esset, quàm omnium Sancto-
rum, ne alioquin gratia aliqua in ea vacua fuisset.
Accedit quòd in ea fuerit cognitio perfectis-
sima, ac tantum non intuitiva Dei summe
boni, & summe amantis, quæ duo teste Philo-
sopho sunt præcipua incentiva amoris perfectis-
simi: ex quo unio illa perfecta cum Deo, *a-*
mor enim, ut loquitur S. Dionysius, *unionem*
efficit, originem suam habuit, quæ unio sita vi-
detur in contemplatione, quâ intellectus & vo-
luntas ejus occupabantur circa Deum cogno-
scendo & amando ita constanter, ut nec per so-
mnium & occupationes cessarit ab actionibus
ejus. Propter quas rationes rectè inferes cum
autore stellarum ubi *suprà a. 2.* quòd charitas
ejus adhuc viventis in terra major fuerit quàm
viventium in cælo Angelorum saltem secun-
dum substantiam, inò & secundum effectum me-
riti adhuc capacem, licet non secundum fruitio-
nem. Dilucidat hoc ipsum Suarez *loc. cit.* ex
comparatione meriti supremi Angeli: commu-
nia

nis quippe Theologorum sententia est, quod accepta pro priori gratiâ Angelus intra breve tempus viâ suâ uno actu virtutis, puta fidei, amoris, religionis, obedientiæ aut alterius aliqujus collaborans gratiâ datæ sibi tantam gloriam lucratus fuerit, ut omnibus emineat; tum infert: cum ergo B. V. primo instanti conceptionis longè plus gratiæ acceperit, quàm supremus Angelus, eamq; propè infinitis actibus auxerit, consequens est, amorem ejus majoris fuisse valoris, quàm amorem supremi Angelorum, aliorumq; calitum: imò cum unus actus amoris sit meritorius augmenti habitus secundum totam latitudinem, consequens erat, ut unus actus amoris, qui dignior longè erat actu meritorio supremi Angeli, meritis fuerit augmentum habitus duplo majoris, secundum iterum tale augmentum, & sic propè in immensum, ita ut actus posterior duplo majoris meriti fieret, quàm prior: unde si prior actus meritorius fuit gratiæ ut centum, posterior esset meritorius ducentorum graduum, & sic deinceps: infert deniq; potuisse Virginem in fine vitæ tot gradus gratiæ uno actu amoris mereri, quot toto tempore vitæ superioris per omnes actus suos, cum potuerit actum hunc elicere ex tota virtute & efficacia habitûs. Subscribit Suario etiam Vega *Theol. Mar: n. 1144.* docens B. V. adeo fuisse flagrantem in actibus amoris

Dei, ut actus amoris ejus centesimus tantum
 unus valuerit, quantum nonaginta novem an-
 tegressi omnes. Lyræus autem *trifagii Mar:*
lib: 2. pausa 5. actus solos amoris ejus à primo
 instanti conceptionis per horas viginti quatuor
 (singulis horis actus amoris Divini singulos
 proportionem dupla eliciendo, v. g. horâ primâ
 unum, secundâ duos, tertiâ quatuor, quartâ
 octo &c.) in calculum redigens, ait eliciisse
 actus non pauciores, quàm octo milliones,
 trecentos octoginta octies mille, sexcentos &
 octo, quibus totidem gradus gratiæ accumula-
 vit. Porro eliciisse eam actus perfectissimos
 amoris patet insuper *ex eo: primo*, quia sæpius
 vitam Filii sui devovit Deo Patri in holocau-
 stum, in quam proprium habebat jus, adeoq;
 parata erat hoc bono suo ex amore Dei cede-
 re, qualis oblatio cadere non poterat in aliam
 creaturam; *2do* quia voluit post ascensionem
 Christi aliquot annos superesse in terris, adeoq;
 illo bono gloriæ se privare ex amore Dei per
 hoc tempus, quod bonum gloriæ longè majus
 erat, quàm aliorum Sanctorum: *3tio* quia amo-
 re Dei toleravit acerbiora sub cruce Filii, quàm
 ullus Sanctorum, ut suprâ ostensum est, *4to*
 quia amore Dei eos dilexit inimicos, qui gra-
 viorem ei injuriam intulerunt, quàm ulli puræ
 creaturæ inferri potuit, cum dilexerit injuria-
 tores & crucifixores filii sui, inò suos, nam
 sicut

sicut honor filii redundat in parentes, sic & injuria: quæ omnia considerans Ioannes Baptista Novatus tom: 2. de *eminentia* B. V. c. 4. *quest.* 23. & ipse pariter subscribit Suario dicens: probabilissimum esse, quod B. V. magis amaverit Deum in hac vita, quam Seraphim ament in patria, quod ipsum probat *primo* ex maiore puritate B. V, *charitas* autem ut loquitur Apostolus Tim: 1. *est ex corde puro* 2do ex illo cantici Mariani exordio: Magnificat anima mea; quomodo enim id fieret, si altera creatura plus amasset? 3tio ex eo, quod Spiritus Sanctus in illam supervenerit, & virtus Altissimi obumbraverit illi utiq; magis, quam alteri creaturæ, unde sicut Spiritus Sanctus operatus est, ut plus diligeretur à Deo, quam alia creatura, sic operatus est, ut plus diligeret, quam alia creatura. 4to quia ad dignitatem Matris Dei pertinebat non minus puritas, quàm sub Deo major nequit intelligi, quam charitas, maxime cum charitas magis sit perfecta hominis, magisq; reddat amabilem. Et sic quidem se res habet cum charitate MARIE erga Deum; cui id addi potest, quod ea charitas tanta fuerit, ut non immerito doceatur, eam ex intensione actuum amoris mortuum, non autem aliqua alia naturali ex causa, utpote, quæ, cum originaliter non peccarit, morbo obnoxia non fuerit. Cujus quidem sententia

307 *Part. 2de. Sect. 2de. Cap. 2dum.*
tentia sunt Albertus Magnus in *Mariali* c.
171. Dionys: Carthus: lib: de laudibus Vir-
ginis art: 3. Suarez diff: 21. sect: 1. Vega
Palestra 17. cert: 4. Barry tom: 2. med: de
SS. de *Assumpt: B. V. punct: 1.* aliq; lon-
gè plurimi, & habetur in revelat: S. Brigit-
te lib: 6. cap: 62. Ex quibus omnibus patet
excellentissimos fuisse actus charitatis in MA-
RIA, imò ipsam ferè conversam esse in chari-
tatem, sicut ait Iacobus de Voragine in *Maria-*
li serm: 5. *MARIA*, inquit, *charitas tota*
est, sicut enim ferrum missum in ignem to-
tus efficitur ignis, sic ipsa charitate succen-
sa tota facta est charitas.

CHARITAS erga nos.

Hanc inesse Virgini nemo est, qui negat,
nisi qui fortè charitatem ejus nunquam
expertus esset: quod quidem impossibile
est, cùm gratias suas depluat super bonos &
malos. Diligi autem nos ab ea, patet tum ex
eo, quia juxta communem Theologorum, ea-
dem charitas est, quâ diligitur Deus & proxi-
mus, tum quia scit nos diligi à Deo, idq; amo-
re infinito, Deus enim est charitas; hinc sicut
in aliis perfectionibus summè accedit ad Deum,
sic & in charitate: & ideo Bern: serm: 1. de
Assumpt: ait, *neminem dubitare posse omni-*
mo in affectum charitatis transisse *MA-*
RIÆ

RIÆ viscera, in quibus ipsa, quæ ex Deo est charitas novem mensibus corporaliter requievit: quibus addi potest, quod docet D. Bonav: in 3. dist: 32. magis nos amari à Virgine, quàm ipsos Angelos, sicut etiam Deus ad plura extensivè bona diligit hominem, quàm Angelos, præterquam enim quòd Angeli duntaxat ministri sint, homines autem filii Altissimi, ipse Deus per Incarnationem non Angelos, sed semen Abrahamæ apprehendit, quod etiam supra omnem creaturam Angelicam exivit ad quandam æqualitatem cum Deo in assumpta carne per VERBUM. Ubi iterum vides, quòd B. V. magis hominem diligit quàm Angelum, tum ut conformetur primæ regulæ dilectionis, plura inveniendi motiva amandi hominem, quàm Angelum, tum quia majorem similitudinem, quæ est radix amoris, invenit in hoc, quàm in illo. Non moror hîc, scio enim, verba sunt S. Petri Dam: serm: 1. de Nat: B. V. *Domina, quia benignissima es, & amas nos amore invincibili, quos in te, & per te Filius tuus summa dilectione dilexit, quòd charitas tua, ut Bern: ait, nostrorum operiat multitudinem peccatorum: imò scio perquam verum esse, quod docet B. Amadæus, hom: 3. quòd charitatem, quâ gloriosa Virgo humanum genus incessanter protegit, ac fovet mentis intelligentia non comprehendat: si enim*

309 *Part. 2da. Sect. 2da. Cap. 2dum:*
enim capi non potest, quomodo charitas Pauli
eor dilataverit ad Corinthios, quis capiet, quo-
modo charitas dilatet cor MARIE, ut toti
mundo opera charitatis exhibeat?

PRUDENTIA.

Virgo prudentissima vocatur MARIA in
Litan: Lauret, & S. Anselmus hymno 2.
de B. V. eam vocat *Prudentiam ani-*
marum sanctarum. Porro cum secundum A-
ristotelem prudentia sit virtus, quâ malum ea-
vetur, & eligitur bonum, oportet in B. V. sum-
mam fuisse prudentiam, utpote quæ semper o-
ptimam partem elegerit, & ita mala fugerit,
ut nec in veniale unquam inciderit, quemad-
modum docet Conc: Claramontanum sub Ur-
bano II, cum Patribus, nominatim Bern: serm:
2. de Assumpt: *Absit*, inquit, *ut proprii*
quidquam inquinamenti hæc aliquid habuif-
se dicatur. Pet: Dam: serm: de Nat: Virg:
Quid vitii in ejus corpore aut mente v. p-
dicare sibi potuit locum, quæ totius Divini-
tatis meruit esse sacrarium. Rich: à S. Viç:
super Cant: c. 39. *Omnes Virgines sunt spe-*
cies Christi, Beatissima autem Virgo est spe-
cialis species, quæ speciem suam nunquam
per aliquod peccatum mortale vel veniale
maculavit: aliisq; longè plurimis. Fuisse verò in
eo etiam specialem prudentiam, quam vocat

Ari-

Aristoteles l. 6. Ethic. c. 5. *habitu cum vera ratione circa bona humana activum*; patet ex eo, quòd hæc virtus sit perfectiva hominis viatoris, ac proinde summopere conveniens B. V. ad quam forsan bene referes illam cogitationem ad Salutationem Angeli, inquisitionem Christi perditum inter cognatos & notos &c.

TEMPERANTIA.

EAm ita depingit S. Ambr: l. 2. de Virg: *Quid exequir, ait, ciborum parsimoni- am, officiorum redundantiam, alterum ultra naturam superfuisse, alterum pene ipsi nature defuisse, illic nulla intermissa tempora, hic congeminati jejunio dies, & si quando reficiendi successisset voluntas, citius plerumq; obviis, qui mortem arceret, non delicias ministraret. Temperavit verò sibi Virgo & abstinuit, non ut satisfaceret pro culpa, aut pena sua; nullam enim unquam incur- rere poterat; nec ut peccati periculum evita- ret, in illud enim nunquam labi poterat; sed ex puro virtutis & honestatis amore, ideoq; sicut ceteræ virtutes, sic hæc longè nobilissima in illa fuit, cum eam propter se ipsam, & propter Deum, non verò propter aliquid adjungibile sectata sit.*

IUSTITIA.

Iustitiæ nomine venire solet universitas virtutum: nam qui in uno delinquit, reus est omnium, quæ quidem universitas, quam aptè B. V. conveniat, vidimus alibi: cum ex D. Pet. Dam: eam virtutum conventum, ex S. Chrysolog: Collegium sanctitatis, fontem totius iustitiæ, librum in quo omnium iustorum virtutes continentur, ac tantum non ipsam perfectam Iustitiam diximus cum Origene, hom. 1. in diversos. Iuxta quod dicitur Eccli: 24. *In me omnis gratia, via, & virtutis, in me omnis spes vite & virtutis.* Hic pro specialiori virtute accipiendo Iustitiam, ajo & hanc in altissimo gradu possessam fuisse à Virgine, nec enim ius alterius lædere unquam potuit, cum peccatum in eam cadere nunquam potuerit; quin potius tribuit unicuiq; ius suum, quod maxime claruit in ea, ait autor stellarii, B. V. lib: 2, part: 2 a. 3. c. 6. quando pro satisfactione iustissima primi parentis, & totius generis humani filium suum obtulit in passionem: ubi pro fructu vetito & ablato, fructum uteri s. i. ad pendendum in ligno dedit. Ecce iustissima restitutio, & summa supererogatio pro fructu moaisi valoris Deum dedit infiniti valoris, & pro unico quadruplum reddidit scilicet offerens carnem in passionem, sanguinem in effusionem, animam, Filii sui in mortem, & Divinitatem.

tem in nostram reconciliationem. Hæc ille:
& post pauca: ipsa profecto illud Evangelium
implevit: si quid aliquem defraudavi
reddo quadruplum, licet non ipsa Beata
Virgo fraudem fecerit, sed Adam pomum
rapuerit iuxta illud psalmi: *Quæ non ra-
pui, tunc exolvebam.*

FORTITUDO.

Fortitudo & decor indumentum mulieris
fortis est *prov: 31*, quod indumentum cum-
primis servit **MARIE**, ipsa enim induit
fortitudinem, & præcinxit se virtute ex alto,
roborataq; est, ut faceret magnalia, quæ nemo
alius facere potest, primò quidem ut leonem il-
lum de tribu Iuda, qui ad nullius pavebat oc-
cursum, vinceret: ut Deum, cujus, ut dicitur
Num: 23: fortitudo similis est rhinoceroti,
domaret, faceretq; illum in gremio suo man-
suescere; ut Deum illum ultionum, qui cornu
justitiæ suæ terribilis erat, cogeret ad media pa-
cis, extortoq; pro obinde Filio Unigenito ex illo
efficeret Patrem misericordiarum, & Deum
totius consolationis. Quò servire videtur au-
dax illud dictum S. Bernardini Sen: tom: 4.
serm: 5. c. 4. *Plus, ait, potest facere B. V.
de Deo, quam Deus de se ipso*: Virgo enim
fecit Deum hominem, finitum, mortalem,
modicum, temporalem, palpabilem, sensibilem,

visibilem, sub forma servi, suppositum sub natura creata, quod Deus facere non potest, utpote, qui generare nequit, nisi Deum aeternum, infinitum, immortalem, &c. Induit deinde fortitudinem Virgo, quia felicius quam mulier illa Thebes fragmine molæ desuper jacto confregit caput Abinelech, aut 2. Reg: 20. quam mulier illa in Abela Sebæ crudelissimi Regis David inimici caput amputavit; aut deniq; quam fortis illa Iahel Sifaræ caput, ipsa inferni hostis contrivit: digna proin, cui accinatur millies illud *Iud: 5.* Benedicta inter mulieres Iahel &c. Induit fortitudinem, quia mortem, quam sæmina intulit, sæmina superavit. Quid videbis igitur in Sulamite, nisi choros castrorum, qui cùm pro aliquo pugnant, sit in eo, quod dicitur *ps: 9.* Cadent à latere tuo mille, & decem millia, à dextris tuis, ad te autem non appropinquabit. Deniq; quid non potest, quæ omnia potest in eo, qui illam confortat. Et hæc quidem fortitudo in agendo est in Virgine: est & illa, de qua Aristoteles: *li maxime, inquit, fortes dicuntur, qui tristitia pro virtute tolerare nōrunt.* Quæ quidem quòd in ea heroica fuerit facile colliges tum ex iis, quæ fortiter tulit totâ vitâ suâ, tum vel maxime, quando sub cruce Filii firma stabat, eo rerum articulo, quo columnæ reliquæ fidei ruebant omnes. Stabat, ait Ambrosius, de instit: Virg:

juxta

Compendium Virtutum B. V. 314

*juxta crucem Filii non degenerare Mater
spectaculo, quæ non metueret peremptorem,
pendebat in cruce Filius, Mater se perse-
cutoribus offerebat: aut ut enucleatius S. An-
toninus: 4. p. Theol. tit. 15. cap. 41. § 1. Sta-
bat verecunda, modesta, lachrymis plena,
doloribus immersa, ita tamen Divinæ vo-
luntati conformis, quod (ut Anselmus ait)
si oportuisset ad implendam, secundum ratio-
nem, voluntatem Dei, ipsa Filium in cruce
posuisset, atq; obtulisset. Ex quo sequitur sum-
mam in Virgine fuisse fortitudinem, fortitudo
enim summa juxta Platonem est, mortem
non timere, ego addo, mortem mortibus mil-
le acerbiores, mortem talis ac tanti Filii.*

PAUPERTAS.

DE S. Francisco Seraphico habet S. Bo-
navit: S. Franc. c. 7. quod Christi
Domini paupertatem, & Matris ejus fre-
quenter cum lachrymis revocavit in mentem:
inde hanc virtutum asserens esse reginam, quia
in Rege Regum, & in Regina matre ipsius tam
præstanter effulgit. Porro pauperem vitam esse
actam à Virgine, idq; ex voto speciali pauper-
tatis docet Vega pal. 19. cert. 18. aliq; quod
ipsum etiam ex revelationibus S. Birgittæ ad-
ducit P. Franciscus de la Croix in suo hortulo
Mariano: per quam quidem paupertatem ex-
emplo

omplō præluxit iis, qui cū reliquissent omnia, beati esse meruerunt. Quare ipsa de se apud eandem S. Birgittam *revel. lib: 7. c. 25.* testatur. *Ego & Ioseph nihil reservavimus nobis, nisi necessaria vitæ ad honorem Dei, reliqua dimisimus propter amorem Dei.* Reflecte te super stabulum Bethleemiticum, & viles pannos, super egenam ejus in Ægyptum profectionem, in Nazareth mansionem, & fateberis, quia egena & pauper est Domina mundi, Regina cæli, quasi exinanivisset se unā cum Christo, ut formam ancillæ susciperet.

CASTITAS.

HÆc iterum MARIE propria virtus est, imò peculiaris nota, per quam ab aliis discernitur, ideoq; propter ejus excellentiam Virgo Virginum appellatur: quod decus quamvis impius illi Helvidius auferre tentaret, uno tamen ore sacrilegum omnes damnant, in tantum, ut Epiphanius *heresi 78.* exclamet: *Quis unquam, aut quo seculo ausus est proferre nomen Sanctæ Mariæ? & interrogatus non statim intulit Virginis vocem? Abrahamo impositum est epithetum amicus Dei, & non dissolvitur, Iacob vero ut Israël vocetur, & non alterabitur, & S. Mariæ vox Virgo, & non mutabitur, impolluta enim permansit.* Fuit verò hæc

vir-

Virtus in Virgine longè excellentissima, propter quod & Virgo singularis dicitur, nam non tantum à primo rationis usu propositum firmiter habuit servandi Virginitatem, ut docet S. Thom: Bonav: Scotus aliq; plures apud Suarium in 3. p. tom: 2. d. 6. a. 4. sed etiam votum, primaq; fuit in vovenda Virginitate: quod docent Patres, Rupertus l. 3. in Cant: inquit: *Votum Virginitatis prima vovisti*, Beda: in c. 1. Lucæ *Prima feminarum tante se virtuti mancipare curavit*. S. Ambr: l. de inst: Virg: c. 5. *Egregia MARIA, quæ signum sacre Virginitatis extulit, & intemeratæ Virginitatis pium Christo vexillum levavit*: ob quod forte Aug: tract: 10. in Evang: Ioan: docet, quod à MARIA cepit decus Virginum, & Epiph: hæres 78. aliq; vocant *Principem Virginitatis*. Fuit etiam in Virgine hæc virtus longè fecundissima, præterquam enim, quod cum ea Maternitas Dei optimè cohæsit, sitq; eadem & Virgo, & Mater immaculata, Mater & incorrupta, Mater ejus, qui in cælis est in sinu Patris secundum Divinitatem, in terris in sinu Matris secundum carnem, genitus ab æterno sine matre, in tempore sine patre; mirè insuper fecunda fuit hæc Virginitas, nam ut docent Patres & Theologi non pauci, solo aspectu aliis castitatem instillabat, Sic S. Ambr: lib;

lib: de inst: Virg: c. 7. Tanta, inquit, erat eius gratia, ut non solum in se Virginitatem servaret, sed etiam si quos inviseret, integritatis insigne conferret. Idem docet S. Bonav: S. Thom: in 3. dist. 3. aliiq; docentes ex illo venerando vultu, verba sunt Canissii 2 de Deip: c. 3. & corpore, Divinum aliquid, & virgineum frigidumq; prodissereorem, qui ad impuritatem libi linemq; omnem spectantium vestigandam & arcendam conferret, ac quasi Virgines germinaret, aut certe ad maiorem vitam bonitatem conferret. Albertus verò Magnus apud S. Antoninum 4. p. tit. 15. c. 20. § 10. Beata Virgo, ait, est Mater omnium in Virginitate, quia prima sine praecepto, sine consilio, sine exemplo gloriosum Virginitatis munus Deo obtulit, & per votum Virginitatis ab ea emissum, opprobrium Virginitatis abstulit, quia maledicta fuit in lege sterilis, & eam in se consecravit, & sic omnes Virgines per imitationem sui genuit. Deniq; loquor cum S. Ildephonso serm. 1. in Nat: B. V. Virgo tam Sancta fuit, ut ad eam venire Spiritus Sanctus sit dignatus; tam speciosa: ut eam Deus elegerit sponsam; tam casta: ut potuerit esse Virgo post partum.

Compendium Virtutum B. V. 318
OBEDIENTIA.

Virtus Obedientiæ pariter fuit in MARIA modo perfectissimo, actus enim ejus in vita fuerunt excellentissimi: talis fuit actus, quo obedivit Angelo, de quo non immerito dicit S. Bernardinus, *serm: 15. de fest: B. V.* quod MARIA plus meruerit actu fidei & obedientiæ, quo Angelo assensa est, quam meruerint omnes Sancti omnibus actibus & meritis suis, quia eo actu merebatur de congruo illam gratiam & gloriam, quæ Matri Dei competebat. Quod etiam respicere videtur illud Augustini. *serm: 13. de temp: Christum non concupiscentia carnis, sed obedientia genuit mentis; per illam omnes perdit sumus, per hanc omnes ad pristinum statum cepimus revocari.* Et illud Epiph: sicut cum Eva esset Virgo transgressa est per inobedientiam mandatum, è contrario per Virginem MARIAM obedientiæ gratia facta est. Quanti astimabis actum illum, quo obedivit Iosepho voluntatem Dei ipsi exponenti revelatam sibi per somnium, ut fugiant in Ægyptum? quanti cum ad nutum profani Caesaris mandantis describatur universum orbem concessit in Bethleem? Certè cum sub cruce staret, actum supremum elicit obedientiæ, ait Gerson, Patri Filium offerendo, & in ejus acerbissima morte volunta-

W

tem

tem suam Divinæ conformando: audeo ego plus dicere, non tantum facta est obediens usq; ad mortem Unigeniti sui, sed etiam post illam, cum enim ob dolores in passione Filii, naturaliter mori deberet victima unâ cum Filio, Deusq; illam superesse vellet, credo quod suam voluntatem Divinæ conformans obediensq; facta sic volenti Deo, vixerit reliquum vitæ in eo statu, qui cum sit status obedientiæ, melior est quam victima.

HUMILITAS.

Prima virtus, si Mechtildi credimus, ait noster Pater Ioannes Bonifacius, lib: 1. de hist: Virg: c. 7. *quâ se Virgo rationis compos exercuit, humilitas fuit:* hæc ita modestè de se sentiebat, ut cum tot gratias haberet, nulli creaturæ se prætulerit: hinc ea virtus ita propria est illi, ut nulla magis, possetq; iure dici; virtus B. V. esse humilitas: quamq; solam in se agnoscit Virgo humillima, dum Deum magnificans inquit: Respexit humilitatem ancillæ suæ; humillima fuit corde, infra omnes se demittendo, & æstimando; ore ancillam se fatendo; opere: in domo Zachariæ serviendo. Profunditatem virtutis hujus scire vis? audi quod Bern: Sen: tom: 2. a. 1. c. 3. habet. *Sicut nulla post Filium Dei creatura ascendit in gratiæ dignitate, sic nec tantum descendit.*

scendit in abyssum humilitatis profundæ: quia quanto magis crescebat in omni virtute, verba sunt Richardi à S. Laur: lib: 7. de laud: Virg: plus crescebat per humilitatem in sua reputatione juxta consilium Ecoli: 3. Quanto major es, humilia te in omnibus, & coram Deo invenies gratiam. Et quamvis non negârim eximias alias virtutes fuisse in Virgine, humilitas tamen in ea longè magis eximia est: illa enim est, de qua Alb: M. tract: super Missus *Humilitas B. V. Deum quodammodo superavit, quando eum de celis ad terras humilitate deducens, charitate vulneratum, pariter & humiliatum vulneratumq; in sua Virginitate inclusit: hæc illa est virtus, propter quam virtutes aliæ Virginis Domino placuerunt, nam ut Bern: habet, nec Virginitas MARIE Deo placuisset sine ejus humilitate, & MARIA etsi de Virginitate placuit, tamen de humilitate concepit; fuit quippe, ut loquitur S. Fulgentius epist: ad Probam ipsa Virginitas Virginitatis ejus humilitas.*

Non moror in enarrandis ulterioribus virtutibus Marianis, cum sciam postquam multas enumeravero, plures longè superfuturas; talis quippe fuit MARIA, ut ejus unius vita omnium disciplina sit. Attingit aliquas in compendio Ambrosius, lib: 2. de Virg. dum ait: *Sit*

vobis tanquam in imagine descripta Virginitas, vitaq; **MARIÆ**, de qua velut in speculo refulget species castitatis, & forma virtutis: hinc sumatis licet exempla vendi, ubi tanquam in exemplari magisteria expressa probitatis, quid corrigere, quod effugere, quid tenere debeatis, ostendunt. Primus discendi ardor nobilitas est Magistri. Quid nobilius Dei Matre? quid splendidius eâ, quam splendor elegit? quid castius eâ, quæ corpus sine corporis contagione generavit. Nam de cæteris ejus virtutibus quid loquar? Virgo erat non solum corpore, sed etiam mente, quæ nullo doli ambitu sincerum adulteraret affectum: Corde humilis, verbis gravis, animi prudens, loquendi parcior, legendi studiosior, non in incerto divitiarum, sed in præce pauperis spem reponens: intenta operi, verecunda sermone, arbitrum mentis solita non hominem, sed Deum quærere, nullum ledere, bene velle omnibus, assurgere majoribus natu, equalibus non invidere, fugere jactantiam, rationem sequi, amare virtutem. Quando ista vel vultu læsit parentes? quando dissensit à propinquis? quando fastidivit humilem? quando derisit debilem? quando vitavit inopem? eos solos solita cæcus virorum invisere, quos misericordia non erubescere

ret, neq; præteriret verecundia. Nihil tor-
 tum in oculis, nihil in verbis procax, nihil
 in actu inverecondum, non gestus fractior,
 non incessus solutior, non vox petulantior,
 ut ipsa corporis species simulachrum fuerit
 mentis, figura probitatis, &c. &c. Quid
 superest nisi, ut re probemus, quod Christus
 exegit à Iudæis: si filii Abrahæ estis, facite o-
 pera Abrahæ, si MARIAM Matrem esse
 vultis, æmulamini eam in virtutibus ejus; quia
 aliàs, qui genitoris non facit opera, ut bene
 Petrus Ravennas ait, negat genus: nec ipsa
 agnoscet filios, qui nihil de virtute matris ha-
 bebunt in moribus. Iacobum justum, fratrem
 Domini vocat Evangelium: bene mehercule
 frater Domini, filius MARIÆ dicitur is, qui
 justus est. Imitas ejus indue moribus, & Fi-
 lius MARIÆ, ac frater Domini es. Ipsam,
 loquor, cum S. Bonav: in sum: Div: am: cap:
 7. Matrem Dei & peccatorum tanquam
 bonus ac devotus filius in omnibus pro posse
 studeas imitari, tunc enim procul dubio te
 sibi tanquam matri veraciter exhibebis, &
 ipsa te tanquam filium suum veraciter
 adjuvabit.

CAPUT 3tium.

De Filio MARIÆ per Doctrinam.

Tertium genus filiationis, secundum Augustinum, ubi supra, est filiationis per doctrinam, quæ quidem quòd detur, patet ex illo Apostoli: *filioli quos iterum parturios: & iterum: per Evangelium ego vos genui,* & ex eo, quòd Patres vocemus, quos doctores habuimus; qui dum nos erudirent ad justitiam, filios Deo pepererunt, quorum semen est verbum Dei, conceptus gratia, vita fides & virtus. Ex quo imprimis patet, quòd filiatio hæc in charitate & gratia radicetur, possintq; Patres talium jure usurpare illud Ambrosii l. 1. offic. c. 7. dicentis ad tales filios: *Dulcius & vehementius simul ego vos diligo, quos Evangelio genui, quam si conjugia suscepissem, nam vehementior & dulcior est ad amorem gratia, quam natura.* Dulcius ait, quia non est in hac filiatione timendum, quod in naturali generatione inveniri dolet Menander: in Epicteto. *Aut vivere oportet solum, ac celibem, aut natis jam liberis mori parentem, adeo omnis deinceps vita acerba est.* Simul, ait, vos diligo, quia mutua est

parentum & filiorum horum charitas, nec potest vereri alteruter, quod in Leone suo timuit Basilius Imperator, ne alter alterum pudefaciat: Vehementius, ait, vos diligo, quia motivum diligendi incomparabiliter majus habeo, quam naturalis genitor.

Amorem equidem filiorum carnalium cum ad originem revoco, ut plurimum inde manare reperio, quia alium se in filio invenit Pater, hunc autem saepe tam probrosuū monstruūq; ut necesse sit Patri maculam affricare, dicereq; hunc filium esse mali corvi malum ovum, filium quem ebrius seminavit Pater. At demus frugi esse filium, hunc talem Pater amat, imò amat se in illo, & amat moriturus, se moriturum in filio morituro, per quod amor multum decedit: quod secus evenit in filiis per doctrinam, horum enim Patres amant filios, imò se in filiis victuris semper, semper victuros; probos semper in probis, sanctos in sanctis: qualem quidem filiationem cum considero, propè est, ut renovem votum illud Aristidæ Atheniensium Oratoris in Platonica pro 4. viris dicentis. *Vim dicendi cum proba & modesta vita, qualis in hominem maxima posset cadere conjunctam malum, quam decies millies Darium Hystaspis filium fieri.* Fac verò filios ejusmodi ita crescere in bono; ut Patribus æquales fiant, vel majores, dicanturq;

325 *Part. 2da. Sect. 2da. Cap. 3tium.*
turq; de filiis, quod de Honorio Imp: Claudianus in 4to ejus consulatu,

*Aspice, completur votum jam natus adequat
Te meritis, & quod magis est optabile, vicit.*
Putes te capere posse mutuum amorem Patris gaudentis, quia hic est filius ejus dilectus, quem genuit: filii Deum benedicens, quod talis solis se voluerit esse radium, talis stirpis furculum, talis Patris filium.

Hæc ideo dicta sunt, ut filium **MARIÆ** eò perducam, ut ne dimittat legem Matris suæ, sed quæ placita sunt ei, faciat semper.

De Salomone ac matre ejus Bersabee ex mente Iansenii intelligitur illud prov: 31. *Verba Lamuelis Regis, visio, quæ erudit eum Mater sua:* quod ipsum ex mente Mendoza tom: 1. ad c. 4. annot: 12. sect: 1. n. 24. intelligi potest de Christo & **MARIA**: potest autem non incongruè accipi de Matre Dei docente justitiam filios suos, quia nempe erudit eos, & docet legem vitæ & disciplinæ toties mater, quoties filios Deo gignit obediētes mandatis ejus, sicut è contrā toties Patres in malo dicuntur, qui diabolo parturiunt filios gehennæ per seductionem, & filii diaboli, quoties faciunt opera, & consilia ejus.

De Ochozia Rege testatur Scriptura, 2. *Par: 22.* quod impiè vixerit, quia *mater ejus (Attalia) impulit eum, ut impiè ageret.*
De

De Filio **MARIÆ** contrarium asseveret necesse est, mater enim ejus impellit eum, ut bene agat, quoniam, eâdem Scriptura teste, *Sap: 7.* ipsa est omnium bonorum mater: Iohannem aspice dilectum illum Christi discipulum, bonitatis omnis ac justitiæ exemplar: & perpende, unde ei tam consummata sanctitas? dicant, quid velint alii; ego opinor, quia Filius **MARIÆ** erat, ac ne latum ungvem discedebat à doctrina Matris, ideo tam consummatæ virtutis virum factum esse. Aspice alios in bono fundatos, & justitiæ omnis plenissimos, filii **MARIÆ** erant, ideoq; venerunt illis omnia bona pariter cum illa. Deniq; verum est, quod omnis sanctus inspicit, & facit secundum exemplar, quod ipsi in monte monstratum est, id est, in operibus **MARIÆ**; hæc una illi norma sanctitatis, perfectionis speculum, exemplar absolutissimum virtutum omnium. Et hæc ratio videtur, cur Patres eam vocant Magistram magistrorum, prophetissam prophetarum, doctricem doctorum, aut ut Albertus M. doctricem disciplinæ Dei, cui debetur prædicatorum aureola, quæ facto non verbo prædicavit, inò verbo, nec solum creato, sed etiam increato, prædicatq; usq; nunc, dum docet justitiam plures.

Notæ sunt apud Philosophos universales Idææ Platonis, quas hic participari putabat à rebus creatis omnibus, ponebatq; in cornibus

aut

aut concavo lunæ. A MARIA, tanquam ab I-
 daæ omnis boni participat omnis filius, quid-
 quid habet boni, & virtutum, mater enim e-
 jus impellit illum, ut bene agat, ideoq; se jacta-
 re potest, se quidquid boni habet derivâsse to-
 tum à MARIA, sicut filii Evæ, cùm quid ma-
 le operati fuerint, vel aliquid adversi iis con-
 tingerit, incusare solent Evam primam pecca-
 tricem. Neq; abs re hoc faciunt filii MA-
 RIÆ, nam virtutes eorum, quasi quædam gut-
 tæ sunt è mari gratiarum depromptæ, quæ per-
 tinent ad reliquam congregationem aquarum;
 sunt quasi quædam scintillæ ignis, quibus in iis
 ardet lampas Mariana, quasi quædam participa-
 tio plenitudinis & bonitatis MARIE.

A Græcis B. V. dicta est Hodogetria,
 seu quæ ducit nos in via, ferè sicut à veteribus
 Iuno dicta est Iterduca, seu dux Itineris teste
 Alex: ab Alex: *gen: dier: lib: 6. c. 4.* Hodo-
 getria MARIA ducit filios suos in via virtu-
 tis præviâ stellâ suâ, id est, præviis virtutibus
 suis, sicut olim Magi ad Christum ducti erant;
 ducit sicut populum Israël in terram promissio-
 nis per columnam nubis obumbrans in die ma-
 la, per columnam ignis illuminans in nocte, &
 periculis erroris, ducit sanctis inspirationibus
 suis, ac salutari doctrina sua, veluti filo quo-
 piam Ariadne ad terminum sanctitatis. Hanc
 tu hodogetriam seu ductricem si sequi vis, non
 con-

contemnendum putabis, quod docuerit te Mater tua, secus si faxis, vereor, ut fide sequaris, audiasq; dici de te: *Qui non sequitur me, non est me dignus.*

Israëlitas inflaverant ducti à Patriarchis natales, quorum vitam moribus non exprimebant, nec doctrinam sequebantur, ideoq; ad aliam originem eos Salvator refert. dum ait: Vos ex patre diabolo estis; si quippe filii essetis Abraham, faceretis opera Patris Abraham, sequeremini doctrinam. Supra quod reflectens se S. Ambrosius serm. 2. in ps: 118. *Nihil tibi, ait proderit, si dicas, Abraham sum filius. Abraham quidem salvatur, sed te nobilitas generis non iuvabit. Non te decipiat data Patribus repromissio. Non suscipio prerogativam generis, nisi videro congruentem generi morum nobilitatem.* Nisi hæc, quæ docuerunt, & fecerunt patres tui, opere exequaris. Vis tibi profint merita majorum, intuens exitum conversationis eorum, imiteris fidem. Innuit hoc Sapiens, dum ait prov: 29. *verbum legis custodiens Filius, extra perditionem erit:* quod verissimum est imprimis in eo, qui legem vitæ & disciplinæ ad amissum servat, talis enim perire nullo modo potest, quia impellit eum Mater sua, ut bene agat, ac cum bene fecerit omnia, suorum benefactorum mercedem accipiat.

Custodi legem Matris tue fili **MARIE**, si ab ea projici non vis, nec fieri filius perditionis: puta tibi dici ab ea illud *Isaæ. 46. Audite me domus Iacob, & omne residuum domus Iſrâel, qui portamini in utero meo, qui gestamini à mea vulva usq; ad senectam, ego ipse & usq; ad canos ego portabo, ego feci, & ego feram, ego portabo, & salvabo:* ad quod agendum frustra alia adduxerim motiva, præterquam, quod filius sis **MARIE**, hoc tibi pro omnibus motivis maximum esse debet, incitareq; te ad implenda omnia, sicut incitavit P. Robertum Southvellum, illum, qui anno 1595. gloriosus Martyr pro fide occubuit, qui pro incitamento virtutis unum id scribere solebat, *B. V. filius effectus es.* ut habet *Nadasi* in annal: *Mar:* At videris mihi dicere, te nihil libentius facturum, quàm quod vult mater tua; nescire autem, quæ sit voluntas ejus beneplacens, nec esse dignum, ut ipsa loquatur tibi facie ad faciem. Macte sis animo, quisquis ejusmodi bona verba loqueris; exhibebo tibi alphabetum doctrinæ Marianæ concinnatum ex doctrinis variis datis à B. V. si sapis ita illud accipies, ut tibi addiscendum sit, data enim doctrina uni filio à matre, cordi esse debet omnibus.

CAPUT 4tum.

Alphabetum doctrine Marianæ datum ab ipsa filiis per doctrinam.

Accuratè fac opera tua.

P. Alphonso Cortes petenti B. V, quo loco esset apud illam, & apud filium ejus? respondit pia Mater: Bono eum loco esse, sed fatageret, ut sua omnia majore accuratatione perficeret, & expoliret: *Nadaſi in annal: Marian:* Bono apud matrem loco est Filius MARIE, id tamen adhuc ab eo desideratur, ut æmulans charismata meliora, quæ facit, faciat accuratissimè. Germen iners opprobrium est radicis, & ignavus catulus dedecus Matris suæ: qui facit opus Dei negligenter, maledictus est secundum Scripturam; qui autem filius MARIE est benedictæ, benedictionibus repletur, quia facit opera Dei exactissimè secundum monitum Scripturæ Eccl: 33. *In omnibus operibus tuis præcellens esto, nec des maculam in gloria,* habetq; præfixum oculis suis exemplum animalium illorum, quæ ibant, & revertebantur in similitudinem fulguris coruscantis *Ezech: 1.* & procedit, sicut lux splendens crescit

331 *Part. 2da. Sect. 2da. Cap. 4tum.*
 scit usq; in perfectum diem. Et meritò id quidam: persuasum enim habet non posse eum esse de genere filiorum, qui cum mollis sit & dissolutus in opere suo, frater est sua opera dissipantis; si enim non potuerunt esse è numero offerendorum Deo primo-genita asini, cum tamen aliorum omnium animalium primo-genita immolanda essent, sicut dicitur Exod: 11. *Primo-genitum asini mutabis ove;* quomodo poterit esse de numero filiorum MARIE accuratissimæ, qui cum piger sit in opere suo, in alium degeneravit? credo ego si talis esset in utero ejus, deberet esse abortivum à corde, siquidem Deus ipse eum, qui tepidus est, incipit evomere. Ignea Mater igneam vult habere prolem, id est semper in operibus igneis, ferventissimisq; occupatam, quæ, sicut ignis nunquam remittit de calore suo, nunquam deficiat à fervore. Deniq; *amor IESV nobilis,* ait Thom: à Kemp: lib: 3. de imit: c. 5. n. 3. (*& MARIE*) *ad magna operanda impellit, & ad desideranda semper perfectiora excitat:* si enim tepidè operetur, non est amor, sed illusio.

Beneficentia erga pauperes.

Reginam quandam docuit B. V. inter cætera: *ut daret eleemosynam cum hilaritate:* ut habetur in revel: S. Birgittæ. l.

8. c. 57. Misericordiam misericordiae mater
vult esse filium suum, ubi enim veram mise-
ricordiam invenit, loquor cum S. Leone, i-
bi imaginem suae pietatis agnoscit. Chära-
cteristica hac est filiorum MARIE, & nota
verissima, ex qua cognosci possit filiatio veris-
sima, ferè sicut cognosci dicit Aug: in ep: 1.
Ioan: tract: 6. inhabitantem Spiritum Sanctum
ex dilectione fratris. Vnde ait, cognoscit
quisq; se accepisse Spiritum Sanctum? in-
telligat cor suum, si diligat fratrem, ma-
net Spiritus Dei cum illo. De Filio MA-
RIÆ accipe illud Iob 31. Ab infantia mecum
crevit miseratione, & de utero matris meae
egressa est mecum: illius collactanea est, vi-
vitq; ac moritur cum illo: hinc est, quòd sicut
Virgini nihil tam proprium est, quàm nomen
Matris misericordiae, sic huic nihil ita magis
competit, quàm opera misericordiae; imò sicut
ipsis filiis nihil magis placet in Virgine, quàm
hoc ipsum nomen Matris misericordiae: secun-
dum illud Bernardi: serm: 4. de Assumpt: Nos
quidem servuli tui Virgo Beata, in cete-
ris virtutibus congaudemus tibi, sed in
hac potius nobis ipsis; laudamus Virginita-
tem, humilitatem miramur, sed misericor-
dia miseris sapit dulcius, misericordiam
amplectimur charius, recordamur sapientius,
crebrius invocamus: Sic & ipsi Virgini nihil
pu-

putant placere magis, quàm opera misericordie. S. Ioanni Eleemosynario videndam se obtulit misericordia Dei dicens: *Ego sum prima filiarum Regis, si me possederis amicam, ducam te in conspectum Imperatoris, etenim nemo habet apud eum potestatem, sicut ego, ego quippe feci eum in terris hominem fieri, & salvare homines.* Leontius in vita. Prima filiarum MARIE virtus est misericordia, hanc possident amicam, hæc eis potestatem confert filios Dei fieri, & obtinere eam beatitudinem, quâ Beati censentur misericordes, qui misericordiam consequuntur.

Contentionum fuga.

INter Regem Aragoniæ, & Raymundum Comitem S. Egidii exarserant odia internecina ut refert Courcier ad annum 1183. quæ pientissima Mater volens componere, apparet pauperi fabro, tradens ei certam imaginem cum effigie sua habente Christum parvulum in sinu cum inscriptione: *Ecce agnus Dei, ecce qui tollit peccata mundi, dona nobis pacem,* mandatq; eam exhiberi altercantibus: quod cum factum esset, optata pax secuta est. Mariani hæc uteri prærogativa esse debet, ut nullus cum fratre frater collidatur, nullus Iacob cum Esau colluctetur, filii pacis in eo concipiuntur, ideoq; super eos requiescit pax, quæ

EX-

exuperat omnem sensum. Cælum nimirum est domus **MARIÆ**, in quo locum non habet ira & contentio, & si qua stella fuit, quæ dicitur absynthium, pridem de cælo cecidit. Foras canes mordentes se invicem—è Sacrario Spiritûs Sancti, & Amoris! Nunquam cum matre in grâtiâ redîi dicebat Ducum Atheniensium aliquis, eò quòd matrem nunquam vel verbulo læserit: nunquam pariter cum matre & fratribus in gratiam redîi, debet dicere filius mitissimæ inter omnes, eò quòd nesciat irasci innocens columba, nec ipsa. Mater filios olei suos sinat inter se collidi, sed si quando aliqua in iis insurgat commotio, maturè provideat, ut sopiatur: quod factum cum duobus illis nostris Novitiis, qui cùm per viam (peregrinabantur secundum morem Religionis) aliquantùm contenderent: ab apparente matre pacis & dilectionis, pauculis his increpiti sunt: *Filii! maturè inter vos lites & jurgia? & ad mutuam concordiam reducti sunt.* Refert *Coursier* in negotio seculorum anno 1590.

Dilectio Dei.

QUamvis creata omnia nos incitent ad amandum Deum secundum illud Aug: 10. Conf: c. 6. *Cælum & terra, & omnia quæ in eis sunt, ecce undiq; mihi dicunt, ut te amem:* singulariter tamen hoc facit B. V.

X

pro-

provocans pullos suos ad amandum bonitatem tantam Dei. Facit verò hoc non exemplo solum suo sanctissimo, sed & doctrinâ providentissimâ: qualiter, ut cæteros taceam, docuit Franciscam Virginem Viterbiensem; eniteretur *ut in dies in amore Dei cresceret*, ideoq; visa est vibrare in illam scintillas igneas ignei amoris, ut refert Maraccius in liliis Marianis: pag: 118. unde non immeritò filios **MARIÆ**, filios pulchræ dilectionis dixerim, in cælis enim Patrem habent, qui totus est charitas; Matrem, in qua usq; in finem dilectionem suam Deus demonstravit; confratrem filium dilectionis, qui à Patre procedit; amicum spiritum amoris; secundo-genitum autem confratrem eum ex discipulis quem diligebat **IESUS**, quiq; prærogativâ amoris præcipui cæteris altius meruit honorari. Filii **MARIÆ** ex Societate amantium sunt, ex congregatione amoris, in qua quisq; super uno hoc contendere potest cum altero, quisnam plus Deum diligat. Quo in loco aptè applicare possem illud P. nostri Barthasaris Alvarez viri iudicio S. Theresiæ tanti, ut eo sanctiorem ejus sæculo Ecclesia Dei non habuerit dicentis: *domos religiosas videri sibi nosocomia Divinâ charitate vulneratorum; fornaces, in quibus innumerabilibus Dei donis quasi subditis ignibus corda quantumvis lapidea amore solverentur*: refert

fert P. Ioan: Rho exempl: 15. Sed h'c de co agere non vacat, cum super hac materia sufficienter egerimus supra.

Evcharistiæ frequens & devota sumptio.

I Sidorus Thessal: *hom: de annunc:* habet: B. V. summè expetere, ut carne Christi satiemur: hoc ipsa docuit S. Gertrudem *lib: 4. insin: Dir: 6. 49.* visa insuper, cum moniales communionem accederent, cuiuslibet dexterum latus cingere, ac contegere pallio suo floribus orationum ornato, dicereq; Christo. *Fili in gratiam mei hanc respice*, Christo perquam placente sibi in animabus Sanctis. Dixi supra Evcharistiæ esse panem filiorum MARIE, nemo iis frequentius accedit, suscipit dulcius, desiderat vehementius. *Sacramentum hoc amoris est*, ut habet S. Thom, vel ut Bern: *est amor amorum*, filiis ergo & amicis cumprimis præparatum, antequam alieni comedant illud. Sicut novellæ olivarum in circuitu mensæ Domini, filii MARIE in Evcharistiæ sumptione. *Nonne videtis?* verba sunt S. Chryso: *hom: 62. ad pop: quanta infantes animi alacritate mamillas arripiunt, qua pressione papillis insigunt labia, non minore quoq; cupiditate ad hanc mensam, & ad huius calicis spiritualem accedunt papillam*

fili **MARIÆ**, imò verò majore desiderio quasi lactantes pueri gratiam spiritûs fugunt; unus eis dolor, una mæstitia, si hoc alimento spirituali priuentur, exemplo Christi, qui & ipse desiderio desideravit hoc Pascha manducare. Unus eis iste cibus remedium contra omnia aduersa est: nam & contra mala suborientia scutum est, & pro bonis augendis conservandisve auxilium est: esuriunt: panis vivificus famem eorum satiat; aliqua peccati labecula sædantur, panis iste iis fons est puritatis, quo mudentur: agrotant, primum hoc iis, & efficacissimum pharmacum est. Quam quidem eorum aviditatem cùm considero, videntur mihi suo propè exemplo demonstrare, quod toties propè Evcharistiam accedere debeam, quoties parvuli ubera Matrum accedunt: dicentes re ipsa illud Aug: in Matth: *Accipe quotidie: quod quotidie tibi prodest: sic vive ut quotidie merearis accipere, qui non meretur quotidie accipere, non meretur post annum accipere.* Et illud Ambrosii: lib: de Sacram: *Si quotiescunq; effunditur sanguis, in remissionem peccatorum funditur, debeo illum semper accipere, ut semper mihi peccata dimittantur, qui semper pecco, semper debeo habere medicinam.* Iterum si modum accedendi, & præparationem cordis eorum ad sumendum Sacramentum inspiciam; videntur

mihî non minorem velle præmittere præparationem, quàm si ingressuri essent regnum Dei; idq; rursus exemplo Christi, qui manducaturis Eucharistiam discipulis præviè pedes lavit, quod non fecerat ad visionem gloriæ suæ admittendis in monte Thabor: imò videntur mihî optare cum tanta præparatione accedere, cum quanta Christum suscepit in utero sancto suo Mater Dei: ideoq; ut plurimum sumendæ Eucharistiæ præmittunt illam ex Thoma de Kempis orationem lib: 4. c. 17. de Imit: Christi: *Domine Deus meus, creator meus, & redemptor meus, cum tali affectu, reverentia, laude & honore, cum tali gratitudine, dignitate & amore, cum tali fide, spe & puritate, te affecto hodie suscipere, sicut te suscepit, & desideravit Sanctissima Mater tua gloriosa Virgo MARIA, quando Angelo evangelizanti sibi Incarnationis mysterium humiliter ac devotè respondit. Ecce ancilla Domini fiat mihî secundum verbum tuum.*

Fervor in spiritualibus.

B. Hermanus Ssteinfeldensis remiserať in fervore devotionis, cui B. V. tota rugosa comparuit, mirantiq; quæ sit hæc forma? ait: *Talem tibi me represento in oculis, qualis sum in animo tuo.* Ferventer ut opereris Fili **MARIAE**

MARIÆ, te Pater **Aeneas**, & avunculus excitet **Hector**, dicere volo, excitet frater **Christus**, Mater **MARIA**: Si vixisses unâ cum illis, utiq; totus arsisset præ fervore animatus exemplo illorum: nunc cùm Providentia Dei in alio te posuerit tempore, ut corporali eas in specie videre nequeas, exemplum sequere, & voluntatem imple illam operibus tuis præfigentium doctrinam 1. Paral: 19. *Agite diligenter, & Dominus erit vobiscum.* Sapientis dictum est Prov: 10. *Qui congregat in messe, filius sapiens est, qui autem stertit in aestate, filius confusionis est:* quod quidem incitamento est filiis **MARIÆ**, ut operentur cum toto fervore, maximè cùm meminerint, quod habet Thom: à Kemp: lib: 1. c. ult: *sine sollicitudine & diligentia non acquires virtutes.* Et S. P. N. Ignatius in epistola sua anno 1545. 3 Martii data Conimbricam dicens: *Plus prodest, vel semel strenuè laborâsse, quàm nullies remisse:* ideoq; currant in via Dei, non autem simpliciter vadunt, currere enim ferventis est, & diligenter facientis opus suum. Deniq; filiorum **MARIÆ** tessera est, quæ olim fuit **Lucii Veri**: *Nihil obiter*, quia quæ faciunt, facere volunt omnia digna Deo.

Gloriæ vanæ fuga.

B. V. cùm gratiâ plena diceretur ab Angelo,

sc

se vocat ancillam Domini: cum benedicatur ab Elizabeth, magnificat Dominum: ut nos doceat, quales esse, cum omnia benefecerimus, debeamus: Augustini est illud: serm: 33. inter novos. *Quidquid boni facis, non tibi placeat, nisi Deus, quidquid mali pateris, non tibi displiceat, nisi Deus:* dedecus est matris humilis, filius superbus: Paulini verò illud: *Humilis corde, cor Christi est;* adde si lubet & MARIÆ, quod quidem si vana tumet gloria, pro corde Christi aut MARIÆ, cor diaboli est; Christus quippe & MARIA 'non quarrit gloriam suam; quarrit cor tale, cupiens esse sicut Deus. Filius MARIÆ. cum sit filius lucis, non gloriatur, quasi non acceperit; sed cum radiat exterius, ita lucet, ut per eum glorificetur MARIA & Pater, qui in calis est: hinc cum quid boni agit, indignum judicat, si musca gloriatur quòd araverit, aut asina Baal, quòd prophetaverit.

Humilitatis studium.

De Converso quodam humiliq; Carthusiano habet Vincentius Belluacensis ex Chronicis Ordinis, lib: 7. spec: hist: c. 117. quòd cum eum multitudo dæmonum in specie porcorum exagitaret, unusq; humana specie enormis magnitudinis uncum ferreum longis, ac recurvis ungulis terribilem minaci vultu protendisset ad
eum.

eum discernendum, adfuerit Despara, abactisq;
monstris inter cætera religioſum hiſce monue-
rit. Placet quod agis, tuiq; animi devotionem
Deo, mihiq; gratam noveris, fac ergo quod a-
gis, & de hiſ ad meliora proficere ſtude; *ut*
verò aliquid tibi ſingulare in mandatis tra-
dam, ſtude vilibus eſcis, operi manuum de-
votus inſiſte, amplectere abjectas veſtes.
&c. Diſcite filii à Matre, quia humilis eſt, *ſu-*
per humiles etiam, ait Bonav: in ps: 113. *vul-*
tus ejus, & ſuper confidentes in eam aſpe-
ctus illius: diſcite inquam à Matre & magi-
ſtra humilitatem, quam eadem ipſa docuit S.
Birgittam lib: 2. revel: c. 23. inquiring: *Filia*
fuge ad mantellum humilitatis meæ, & co-
gita te peccatricem ſuper alios. Porro in hac
virtute proficere debes ſub hac magiſtra ma-
gis quàm in ulla alia, quia illa eſt propria vir-
tus **MARIÆ**, ac unicè dilecta, ideoq; meritò
virtutum mater, & origo dicitur, habetq; tan-
tum virtutis, ut mereatur teſte Bernardo, ep:
41. *ut aliæ virtutes dentur, quoniam humi-*
libus Deus dat gratiam, ut ſervet acceptas,
quia non requieſcit ſpiritus niſi ſuper humi-
lem, ut ſervatas conſummet; quia virtus
in infirmitate hoc eſt in humilibus perfici-
tur. Ipſaq; eſt ea virtus, de qua S. Nilus orat:
16. *Lapis pretioſus in annulo aureo decorus*
eſt, & in virtutum corona inſerta humili-
tat

tas. Quam qui habet signum habet quod perire non possit: quod colliges tum ex aliis innumeris, tum singulariter in impio Manasse, de quo Climacus, in scala parad: gr: 30. de humilit: Invenio, ait, Manassem illum inter homines ceteris amplius & perniciosius peccasse, templum Dei, & religionem omnem profano cultu idolorum inquinasse, pro quo si mundus totus jejunasset, nullam sceleribus ejus dignam penitentiam inferre potuisset: valuit tamen humilitas insanabilia ejus vulnera curare. Audi fili MARIE legem Matris tuæ, & humiliare sub potenti manu Dei, exemplo Matris tuæ, de qua Bern: MARIA quanto major erat, humiliavit se non modo de omnibus, sed etiam præ omnibus: humiliare autem illo modo, quem præscribit S. Bonav: de instit: Novit: c. 10. inquit: Quibus placeas, attribue eorum benevolentia, non tue probitati, quibus autem displices, attribue tuo merito, & cogita: si in tantillo illis displices, sicut exterius tuam vilitatem possunt agnoscere, quid facerent, si radicibus perspicerent omnia vitia tua, & peccata, & inhonestas tua, mirum si te non ejicerent, aut lapidarent. Deniq; humiliare, te ipsum despicendo, tibi diffidendo, donis Dei indignum te judicando, defectus tuos propalando, vilia appetendo, viliorq; fias plus quam factus es, & sis humilis in oculis Dei. Inimi-

Inimicorum amor.

Perusii juvenis quidam ad necem inimico inferendam die Veneris sancto pergens, subijt obvium B. V. templum; cumq; inibi paululum oraret, affatur eum B. V. *Miserum te! quò ruis? ecquid cogitas? Deus malum hos averruncet à capite tuo, vade, ignosce, ini pacem, ac Iesuitis adiens confitere:* quod piè executus est deponens peccata sua apud P. Iulium Mancinellum. *Refert P. Simon Mair lib: 1. cap: 5. vite P. Mancinelli.* Amandi inimicos quantumvis plurima motiva habeas, id tamen cæteris præstat omnibus, quòd sis filius *MARIÆ* volentis, ut parcatur inimico, & parcens referaris in eorum númerum, de quibus Christus, Matth: 5. *Orate pro persequentibus, & calumniantibus vos, ut sitis filii Patris vestri, qui in calis est.* Mater pulchræ dilectionis filios omnes assimilari vult primo-genito in dilectione, & non canibus, qui lapidem in se projectum mordent, aut muribus & formicis, de quibus Sen: lib: 2. *de ira c. 34.* quòd si ad eas manum admoveris, ora convertunt: ne dicam stultis, apud quos furor non jam ira brevis, sed longus est furor ira: quam quidem assimilationem frustra velit, nisi & iste ignoret persequentibus, quia nesciunt quid faciunt. Quo loco occurrit mihi illud, quod observant

servant Patres inter Saul & Davidem; Saul quippe filium Davidem vocat, quem ad mortem quærit, cum sibi ab eo ignosci deprehendit in spelunca dormienti: quod ipsum factum Davidis Rupertus comparat cum facto Abrahamæ non parcentis unigenito suo, aitq; meruisse, ut ex semine David Filius Dei nasceretur, sic enim ait: de vict: verb: Divini lib: 4. c. 27. *Ratio docet, non multo minoris meriti fuisse, pepercisse inimico propter Deum, quam non pepercisse unigenito Filio suo propter Deum: hoc fecit David inimico suo infestissimo querenti animam suam: ob hanc causam maxime juratum, illi esse arbitramur, quod semen vel caro ejus assumenda esset in Filium Dei, quia maxime causa illa facit esse filios Dei. Ignosce fili MARIE, quem habes, inimico. Occurrit tibi, ait Aug, serm: 15. de temp: c. 7. qui te læsit, occurrit tibi, qui te spoliavit: occurrit tibi, qui te in carcerem misit. Eja attende cor tuum, respice Dominum tuum. Ecce malus inimicus tuus: ecce bonus Dominus tuus: Tuus equidem inimicus veniã indignus est, sed Deus illã dignissimus, ut tu amore ejus illi ignoscas, ipse meretur. Ratiocinare simili modo fili MARIE, nam & mater tua digna est ut audias eam, ignoscasq; amore ejus inimico tuo; motivum hoc agendi est filiatio MARIE:*
aut

aut nomen ergo muta, aut gere te, ut filium **MARIÆ** decet, putaq; tecum agi hodie, quod legati illi apud Curtium, qui summam laudis Philippi Macedonum posuerunt in eo, quod filium haberet Alexandrum, nam & ego summam motivorum ignoscendi & diligendi inimicos in eo loco, quia filius es **MARIÆ**.

Kalendarii vitæ observatio sedula.

Alphonsum Rodriguez è Soc: nostra postquam B. V. iussisset facere examen conscientia, & orare docuisset, monuit ut *precum suarum Kalendarium conscriberet, quas stato tempore persolveret*, habetur in vita. Kalendarium B. V. scripsit Balingheim, aliq; , filius **MARIÆ** observat exactissimè non permit- tens, ut incauto dies elabatur, quo non recorderetur Matris suæ, verens, ne si fortè id faxit, oblivioni detur tanquam mortuus à corde: sanè sicut nullus dies est, quo non participat de gratia Matris, imò quo non est filius Matris, ita nullus dies esse debet, quo non sit memor tam beneficæ Matris. Carthusianis graviter tenta- b. conspicuus S. Petrus Apostolus adfuit di- tis co. vobis annuncio Dei Genitricem cens: Ego *patrocínio in hoc deserto vobis perpetuo suo pa-* honorem horarias pre- affuturam, si in ejus *itis*. Maraccius in cess quotidie legere vol. *est cum perpe-* fundatoribus Mar: pag: 81. *Ad* est cum perpe- tuo patrocínio filiis Mater beata, *in* in horae fin-

singulas ad eam convertantur, secundum quod monet Bonav: ps: 155. *Nolite cessare à laudibus ejus, & per singula momenta cogitare eam.* Horæ, Dei filia vocantur apud Natalem Comitem, l. 4. mythol: c. 26. quasi semper eas Deus aliquis parturiat: filii **MARIÆ** hoc etiam titulo tales dicendi sunt, quod horis quasi singulis gignantur, dum iis bene utendo merentur, ut conserventur in amore Matris suæ. Eccl: 4. dicitur. *Fili conserva tempus, & devota à malo:* hoc dogma præfigunt discendum, & observandum sibi filii Mariani, ideoq; omni diligentia servant cor suum, ne eos prætereant particula bonæ diei, quo non operentur opera filiorum.

Libidinis omnisq; impuritatis fuga.

Albertus Castellanus *lib: de rosario* habet de quodam adolescente, cui B. V. obtulit potionem suavissimam, sed in fatido calice: mirantiq; dixit: *tales se preces ejus, quæ cum ex fatido corde ascendant, videat, quantum gratiæ habere possint:* alii oblatam docent scutellam cum pomis elegantissimis fatidissimam. Cum de peccato luxuriæ scribo, occurrit mihi illud **O**rigenis loquentis de peccatis mortalibus. *lib: 6. in Matth: Non sunt, ait, hæc peccata fratris,* propèq; inducor, ut credam, libidinis ætus cadere non posse in filios Virginis castissimæ;
hæ-

hædorum enim est luxuriari, & porcorum delectari in volutabro luti, non autem eorum, quibus Mater castitatis obigit: iis ea puritas competit, quæ filiis habitantibus in domo illa, in quam nihil intrat coinquinatum. Exesse jubebat quovis vespere ex palatio suo, qui alienam mulierem attigissent, Baldvinus Flandriæ Comes primus ille è Latinis Orientis Imperator, teste Balingheim; *in Kalendar: B. V.* quidni ex aula Matris castissimæ exulet, qui cum mulieribus coinquinatus est? tota pura, & pulchra est MARIA, impuros non patitur cohabitare sibi. Quò refer illud Deut: 32. *peccaverunt, & non filii ejus in sordibus:* quasi diceret; ex quo hujus peccati maculâ inquinati sunt; filii esse desiêrunt, pertinentq; ad patrem omnis impuritatis, matremq; Venerem, quæ per hoc etiam Vulcano nupta fingitur, quòd impuritas filiorum ejus ignibus æternis expianda erit: Et certè quis putaverit pertinere ad numerum filiorum MARIÆ illum, qui, ut Iôel ait, *computruit jumentum in stercore suo*, quem obviis aliquis bonus Angelus fugere debet dicens, quòd talibus dicebat obviis S. Philippus Neri: *Fili malè oles:* cùm è contrà odor filii Mariani sit sicut odor agri pleni cui benedixit Dominus: Bene Rich: à S. Laur: lib: 6. de laud: Virg: part. 6. *Apis*, ait, *Virgo est de qua Eccli: 11. brevis in volatilibus*
apis

apis, que fugatur fetore, & quanto magis ipsi est purior, magis fetet illi luxuriosus & impius, reliquæq; vitiorum abominatio- nes: ideoq; non permanet spiritus & filiatione- jus in homine, quia caro est. Non sunt igitur hæc peccata filiorum, nam ii ad numerum eo- rum pertinent, de quibus Psalmista: *Filia Ba- bylonis misera, beatus, qui tenebit & alli- det parvulos ejus ad petram*, id est, qui pri- mis suggestionibus carnis obviat, nec colu- brum fovet, donec in serpentem formetur, sed ut primum erumpit, caput conterit: quali- ter fecisse legitur Frater Iuniperus apud S. Ber- nardinum: tom: 4. serm: 20. de luxur: *Cum suggestiones*, ait, *male ostium cordis mei, quasi pulsando percutiunt, ego respondeo ad intus; pro te nullatenus reſerata erit: ex- trā, extrā: quia hospitium captum est, & ideo hîc recipi non potestis.*

Mortificationum exercitium.

S. Elizabethæ B. V. doctrinam hanc dedit. *Præcerto ſcias nullam gratiam in animam descendere, niſi per orationem & corporis afflictionem: confirmatq; hoc exemplo ſuo in- quiens: dico tibi filia, quod nullum donum, vel virtutem à Deo habui ſine magno labo- re, ardenti deſiderio, profunda acriotione, & multa afflictione, exceptâ ſanctificatio- nis*

nis gratiâ. S. Bonav: de vita Christi c. 3. apud Drexel: rosarium part: 1. c. 11. § 1. Hac doctrina innuere videtur pia Mater, quòd tales habere velit filios, de quibus ps: 78. *Posside filios mortificatorum:* de his quippe benedixerit ipsa B. V, possedi hominem per Deum, cum innocentia occisa, vel per peccatum mortificata, novus homo nascitur, aut reparatur per mortificationem: imò non tantum ipsa possidet, sed & possidetur, secundum quod ait Bonav: 3. p. super Salve Reg. c. 19. *Qui vult te habere, se affligat, delicias respuat, delicata contemnat, & quò magis mortificatus fuerit, amplius te possidebit.* Primo-genito MARIE cum in mundum venisset, Pater legem tulit, ut mortificatus tota die sustineret crucem confusione contempta; secundo-genito mater legem dat, ut, siquidem non sibi vivere debet, sed ei qui pro eo mortuus est, semper mortificationem IESU in corpore suo circumferat, ut & vita IESU manifestetur in corpore ejus: unde excitare se quisvis eorum potest ad mortificationem sicut nuper Ioannes Berchmans ille è Societate nostra Angelus, vite p. 4. pag: 259. qui se ipsum ita compellare solitus erat: *vis videre an ames vocationem (filiationem) tuam, vide an ames mortificationem tuam. Vocatio tua est esse socium IESU: filiatio tua est esse confratrem IESU:*

quomodo autem vis esse socius IESV, & frater IESU, nisi sis crucifixus cum IESV. S. Ioannes de Mattha fundator Ordinis de redemptione captivorum moriturus positus ante lectum suum pedicis, manicis, catenis, flagris, securibus, aliisque crudelitatis instrumentis, quæ sustinenda à suis prævidebat, convocatisque ad se fratribus, ait, manu in hæc instrumenta intenta. *Filii, hæc est hereditas vestra, hanc vobis testamenti loco relinquo.* Fratribus suis primo-genitus MARIÆ legat idem, hinc nihil frequentius inculcat, quàm ut abnegent semet ipsos, ut tollant crucem suam, & sequantur illum. Legat & MARIA optans id unice, ut filii ejus viri sint per omnia æquales illi, de quo Scriptura, quod femina circumlabit virum.

Nugas ac levia peccata fuge.

S. Anshario Episcopo, postea Svecorum ac Danorum Apostolo apparens B. V. ostendensque ei matrem ejus in gloria dixit. *Fili, vis ad matrem tuam venire? si nostræ voluntatis particeps esse velis, omnem debes vanitatem fugere, & jocos pueriles dimittere, ac temetipsum in gravitate vitæ custodire: Valde enim detestamur, quæ vana & otiosa sunt, nec potest in nostro conventu esse, quicumque his fuerit delectatus. In vita.* Similem doctrinam datam esse à Deipara S. Musæ Virginis Romanæ testatur S. Gregorius: 4. dial:

c. 17. si mecum, ait Deipara, & meo cum gynaeceo in astris cupis vivere, mitte risus, jocos, ludos, & quidquid puellaris levitatis est: ad Agni celestis nuptias non admittitur, nisi candidata & synthesi ornata minima quoque macula experte. Filii regum minimos in facie naevos cavent, filii MARIE in anima, quanquam ibi nihil minimum sit, nam ut bene S. Hieron: ep: ad Celant: Nescio, ait, an possimus leve aliquod peccatum dicere, quod in Dei contemptum admittitur, estque ille prudentissimus, qui non tam considerat, quod iussum sit, quam illum qui iusserit, nec quantitatem imperii, sed imperantis cogitat dignitatem. Et Bonav: in prolog: spec: Non minimum est contemnere minima, que non minimam moribus maculam eo turpius neglecta ingerunt, quo vitari facilius cognita potuerunt. Enucleatius autem Bern: Nemo dicat in corde suo, levia sunt ista, non curo corrigere, non est magnum, si in his maneam venialibus, minimisque peccatis; hec enim dilectissimi impenitentia est, hec blasphemia in Spiritum Sanctum, ac blasphemia irremissibilis. Ascetarum eorumque qui tyrones in religione erudiunt ad justitiam, dogma est: nuge in ore secularis sunt nuge, in ore hominis religiosi sunt blasphemie; quod ipsum propè est ut dicam de filiis

MA.

MARIÆ, nam & ii consecrati sunt Matri suæ toti, ideoq; eò debent respicere, ut toti pulchri sint, nec macula sit in iis. *Quid Sanctissime Antistes Cuthberte*, dicebat triennis puer adhuc parvulo Cuthberto vociferans, ejulansq; : *Quid Sanctissime Antistes Cuthberte hæc tuo gradui contraria geris? ludere te non decet.* Quid fili MARIÆ tibi cum nugis? quid cum jocis, aliisq; quæ te maculant venialibus? hæc tuo gradui contraria sunt, ludere te non decet. Optimæ matris filius debet esse sine nævo, si degener esse nolit. Bene Rodriquez 1. p. *de perfecti tract.* 1. c. 10. docet hoc servare pro generali regula debere, quamdiu quis æstimat res parvas, quòd rectè aliquis incedat, & Deus eum suâ gratiâ provehat ulteriùs: contrà si negligat ipsas, quòd periculosè incedat, quia per istam portam omnia mala in spiritualem hominis domum incurrunt: pro generali enim regula est filium tamdiu Matris benedictæ dilectum esse quemq; , quamdiu sibi à nugis ac minimis navis cavet, quando enim hæc levipendere incipit, propè est, ut projiciatur sicut abortivum ab utero, & habeatur pro alienigena.

Obedientiæ studium.

S. Catharina Vastanensis, filia S. Birgittæ cùm Romæ tanto desiderio teneretur patriæ revire

sendæ, ut nec matri suæ eam retinenti obsequi
 vellet, graviter reprehensa est à B. V. *Egone*
 (inquit B. V.) *tibi opituler, quæ neq; Deo,*
neq; mihi, neq; Matri, neq; Confessario ce-
dis, & obsecundas? Resipuit ad hæc Cathari-
 na, promptiorq; ad obedientiam reddita est.
Sur: in vit: tom: 1. 1. Pet: 1. quidam vo-
 cantur filii Obedientiæ, de quibus etiam Eccli:
 4. *Et eris tu velut filius Altissimi obediens,*
& miserebitur tui magis, quam mater. Ta-
 lem filium imprimis esse decet illum qui Maria-
 nus est, maximè quippe assimilari debet illi,
 quæ singularis fuit in virtute obedientiæ, adeo
 ut ipsa quod placitum Deo est, fecerit semper,
 & alios ad idem faciendum induxerit; patet hoc
 ex illo Matth: 2. *Quodcunq; dixerit vobis,*
facite: ex quo colligunt Patres inter cætera,
 quanti fieri debeat obedientiæ virtus, cum una
 hæc sit, quam legitur B. V. commendasse aliis:
 imò quam unigenitus Dei sibi colendam propo-
 suit, factus obediens usq; ad mortem, signumq;
 voluit esse dilectionis suæ, qualiter ipse iturus
 ad Patrem testatur inquit: *Iam non multa*
loquar vobiscum, ut cognoscat mundus quia
diligo Patrem, sicut mandatum dedit mihi
Pater, sic facio. Bene Laur: Iustinianus fasci-
 culi amoris cap: 6. Qui diligit, obedit, qui au-
 tem negligit, certum est, quod non diligit. Vul-
 gò dicitur, Felicitatis mater est obedientia,
 quod

quod verum esse colligitur tum ex aliis, tum ex eo, quod Christus dixit S. Catharinæ Senensi. dial: c. 158. *Verus obediens non obligatur mihi reddere rationem de se, sed solummodo prælatus, cui obedit:* Hæc porro felicitas in Marianis imprimis hortis nascitur, quia in eo quivis surculus transplantari & flecti se finit ad meliorem hortuli ornatum, nec est in domo Mariana talis filius, qui alienus sit à mente matris, accenseriq; possit Sarabaitis(sic vocat S. Thom: 2. 2. q. 186. a. 5. eos, qui à prælatorum obedientia absoluti sunt) hoc enim omnis pro oraculo habet, quod habet Thom: à Kemp: lib: 3. de imit: c. 13. § 1. *Fili, qui se subtrahere nititur ab obedientia, ipse se subtrahit à gratia, addo, & à filiatione MARIÆ.* Neq; verò fervorum tantum est obedire, sed multò magis filiorum, cum ut bene Greg: lib: 12. mor: *obedientia non servili metu, sed charitatis aff. Et servanda sit, non timore pene, sed amore justitiæ,* quod maxime competit filiis, quorum oculi ad faciem, cum oculi fervorum ad manum attenti sint. *Perge per istam cecæ obedientiæ viam, quam tenes, nam rectè pergis,* monebat nuper Deipara fratrem nostrum Ioannem Ximenez, in vita P. Balb: Alvarez c. 45. *perge quisquis te ad MARIAM refers quia in hoc probabis te esse verum filium MARIÆ,* cu-
jus

jus, ut ipsamet dixit S. Mechtildi, *prima virtus fuit Humilitas, Obedientia, Amor;* probabis te etiam esse confratrem ejus, qui ex MARIA processit factus obediens usq; ad mortem, mortem autem crucis.

Patientia in adversis.

Hermannus à contractione membrorum totius corporis dictus Contractus, ex Ord: S. Benedicti petierat ope B. V. perfectam sanitatem: datum hoc ei à pietissima Matre responsum; eligeret sibi quæ vellet, vel omnium literarum tam Divinarum quàm humanarum scientiam cum membrorum contractione, aut cum sanitate corporis istarum rerum ignorance: elegit optimam partem Hermannus, scilicet contractionem, & ex eo tempore literis tum latinis, tum græcis, tum Arabicis ita præstitit, ut nulli sua esset secundus ætate: Ejus est sacra illa antiphona *Salve Regina* in Officio Ecclesiastico multis miraculis celeberrima. *Tritheimus lib: 2. de vir: illustr: c. 84.* Filius MARIE non rarò idem experitur; mater quippe gratiæ pro donis immittit illi adversitates, quæ tamen cum cadant in filium, omnia illi cooperentur in bonum: per quod pia Mater videtur cuilibet filio dicere illud: Gen: 27. *Accede ad me filium, ut tangam te, & probem, utrum tu sis filius meus:* flagellat filium, quem recipit

pit, qui siquidem probus est, osculatur manum ferientis, & virgam; si autem improbus est, retro abit, & negligit disciplinam indignus tali matre. Sap: 5. *Angustiati & bene patientes computati sunt inter filios Dei, & inter sanctos fors illorum est:* puta inter eos sanctos, qui cum Ioanne acceperunt **MARIAM** in matrem sub cruce Domini: Bene Tertullianus: *lib. de fuga in persec. c. 14 Non potest,* inquit, *qui timet, ejus esse qui passus est;* addo nec ejus, quæ compassa est: Si enim, ait Aug: in ps: 42. *in tribulationibus defeceris, citharam fregisti,* filiationem perdidisti. Mater S. Symphoriani cum in manibus carnificum videret filium, metueretq; , ne in pænis deficeret, hisce illum animabat. *Nate, nate, memento æternæ vitæ, celum suspice, & ibi regnantem intueri: tibi enim vitæ non eripitur, sed mutatur in melius.* Brev: Rom: 22. Aug: Idem tibi dici puta à Matre tua, quisquis filius **MARIÆ** es, cum quid adversi in te incumbit; si enim hoc rerum articulo talem te præstiteris, ut dici possit de te, digni sumus visi Deo, in quibus experiretur, quantum humana natura posset pati, non degenerem te probasti stirpe tua, nam intuentes in crucem tuam dicent. *Verè Filius Dei erat iste,* sicut nuper patiente Christo revertentes, de cruce clamabant: quemadmodum & Saul filii nomine

appellat Davidem, quem ad mortem quærit, cum actum patientiæ ipsius parcentis hosti suo in spelunca Engaddi advertit addens: *Nunc scio, quia certissime regnaturus sis, & habiturus in manu tua regnum Israël.* 1. Reg: 24. Age Mariane, si filius es tantæ Matris heroica virtute irruentia in te mala sustine, *non sentire mala sua non est hominis*, agebat Seneca, de confid: ad Polyb: *non ferre, non est viri*; tu dic, non ferre non est Mariani; agere quippe & pati fortia Marianum est; nam provida Mater quos præscivit & prædestinavit conformes fieri imaginis filii sui, ut sit primo genitus in multis fratribus, hos & prædestinavit ad hoc, ut paterentur & fierent conformes in patientia, unde sicut Christus passus est, ut se **MARIÆ** probaret filium, quemadmodum loquitur S. Ildephonsus serm: de Nativ: Virg: dum ait: *ut MARIAM veram Matrem ostenderet, se verum hominem patiendo monstravit*, sic & tibi patiendum est, ut probes te esse confratrem Christi, filium autem **MARIÆ**.

Quinque sensus custodi.

S. Birgittæ hanc præscripsit doctrinam Deipara, lib: 5. revel: c. 1. *Oportet te habere os mundum à detractionibus, aures clausas à vaniloquiis, oculos pudicos, manus in bonis*
ope-

operosas, & elongare te à seculi conversatione. Hoc idem præcipit filiis omnibus pia Mater, siquidem totos ipsorum sensus unà tibi vendicat, ne ualioquin unus hostem admittat, tota pereat hæreditas: totos inquam & omnes exigit sensus, singulariter tamen custodiam oculi: quod alià doctrinâ datâ Alphonso Rodriguez lib: 1. vit: c. 38. testatum reliquit: *Quando, ait, incedis per viam, non attollas magis oculos, quàm sit necesse ad videndum, ubi pedes figas, ad neutrum latus convertas oculos, nec caput attollas, sicut hodie fecisti, quando vidisti mulierem:* quam quidem doctrinam ita bonus frater cepit, ut per quadraginta annos, quibus januam Societatis in Collegio curavit, mulierem non viderit de facie. lib: 2. vit: c. 6. Et certè filiorum est ea respicere, quæ provocans eos ad volandum mater respicit, & siquidem tantæ Aquilæ pulli sunt ad solem non ad quisquillas intendere inferiores exemplo Matris suæ, de qua S. Vincentius Ferrerius *serm: de Nat: Dom:* testatum reliquit, quòd habuerit oculum cordis magnum ad cogitandum, & contemplandum, sed os parvum ad pauca loquendum, ideoq; Deum respiciebat, non autem ea quæ sub Deo sunt; hinc ut observat S. Evcherius, cùm salutaretur ab Angelo, turbata est non in vultu ejus, sed in sermone ejus, non enim Angelum, sed verbum An-

Angeli attendebat. Deniq; filiis MARIE illud propositum velim, quod habet S. Greg: Nissen: serm: 2. *Bruta spectant, ad que nata sunt, ad pastum genita sunt pecora, itaq; propriam deorsumq; vergentem formam habent, ut ventrem & que ventri subjecta sunt videant; homo vero (filius MARIE) non ventrem respicit, sed superiora contuetur, caput illi sublime est, ut genus celeste suspiciat &c.*

Resignatio in voluntatem Divinam.

B. V. instruens S. Birgittam, *revel: l. 6 c. 56.* quomodo Dei voluntati conformis viveret, adducit in ordine ad persuadendum exemplum S. IOSEPHI Sponsi sui dilectissimi, dicens, jugem ejus orationem hanc fuisse: *Vtinam viroam, & videam adimpletam voluntatem Dei;* tum addit: *totum desiderium ejus fuisse obedire voluntati Dei, ideoq; nunc gloria sua magna est.* Poterat etiam pia Mater suo ipsius exemplo virtutem hanc persuadere, nam intemerata Virgo habuit continuum aspectum ad Dei beneplacitum, promptumq; consensum, intantum, ut S. Antoninus part: 4: tit: 15. c. 4. § 1. scribat. *O Domina, ita Divine voluntati conformis fuisti, ut audeam dicere, si nullus fuisset, qui filium tuum crucifigeret, ut adimpleretur voluntas Dei,*
ipsa

ipsa illum in cruce posuisses, & clavis affi-
 xisses, neq; enim minoris te obedientiae fuisse
 credendum est, quàm Abraham, qui pro-
 prium filium propriis manibus Deo obtulit
 occidendum & comburendum. Poterat ex-
 emplo primo-geniti dicentis Patri, non mea
 sed tua voluntas fiat, aliorumq; filiorum suo-
 rum, de quibus Tob: 2. *Filii sanctorum su-*
mus, & vitam illam expectamus, quam
daturus Deus est his, qui fidem suam nun-
quam mutant. Fili, verba sunt Thomæ à
 Kempis, l. 3. de imit: c. 11. § 1. quæ tibi à ma-
 tre tua dici existima. *Fili, oportet te adhuc*
multum addiscere, quæ necdum bene didici-
sti: quæ sunt hæc Domine? ut desiderium
tuum ponas totaliter secundum beneplaci-
tum meum, & tui ipsius amator non sis, sed
meæ voluntatis cupidus emulator. Hæc pla-
 nè doctrina Matris est, eaq; facillima, nihil e-
 nim facilius, quàm projicere se in amplexus
 optimi Patris, & in sinum ipsius providentiæ:
 item doctrina optima: sicut enim ipse actus vo-
 luntatis Divinæ simplicissimus omne bonum ha-
 bet pro objecto tam proprium, quàm creatura-
 rum; ita hæc voluntas conformata voluntati
 Divinæ habet in se perfectionem omnem ima-
 ginabilem, per eam enim transimus quodam-
 modo in unum affectum cum Deo, ut vult
 S. Aug: lib: de dilig: Deo, ut quomodo Deus
 omnia

omnia voluit esse propter semetipsum, sic nos quoq; nec nos ipsos, nec aliud aliquid vel fuisse, vel esse velimus, nisi eque propter ipsum ob solam videlicet illius voluntatem, non nostram voluptatem. Deniq; doctrina hæc iucundissima, & utilissima est, quia facit habere, quod quisq; vult, & quod nihil malè velit, quia vult semper, quod vult Deus, qui nihil malè vult. Hanc ergo doctrinam seduli addiscite filii MARIE, & ut ait Apostolus, Ephes: 5. ut filii lucis ambulate, probantes quid sit beneplacitum Deo, & nolite communicare operibus infructuosis tenebrarum, scientes quòd quicumq; fecerit voluntatem Patris, qui in cælis est, Christi frater, soror & Mater est.

Socios noxios fuge.

Regi cuidam per S. Birgittam monitum. dat Deipara, lib: 8. revel: c. 19. ut socium malum ablegat à se, minaturq; flagella, si id non fecerit. Dat & filiis suis illud prov: 1. Fili, si te laetaverint peccatores, ne aquiescas eis, ne ambules cum eis, prohibe pedem tuum à semitis eorum, pedes enim illorum ad malum currunt. Videt nempe pia Mater pericula, in quæ incidunt filii Israël, si consortia habeant cum Chananæis; filii Dei si intrent ad filias hominum; filii sui, si conversentur cum filiis
Ba-

Babylonis, commixti enim inter gentes, discent opera eorum. Eccli: 41. dicitur. *Filii abominationum, sunt filii peccatorum, & qui conversantur secus domos impiorum;* id est, qui conversantur cum impiis, nec enim fieri potest, ut bonus sit, qui cum malis commiscetur, cum ut Chrysost: in Matth: ait. *Rerum natura est, ut quoties bonus malo conjungitur, non ex bono malus melioretur, sed ex malo bonus contaminetur: diversitas enim rerum nunquam potest habere consortium, & multos sollicitat felicitas nefanda.* Et S. Isid: lib: 2. foli: *Ante ignem,* inquit *consistens etsi ferreus es, aliquando dissolveris, proximus periculo, diu tutus non erit: per assiduitatem cito peccat homo, sæpe familiaritas implicavit, sæpe occasionem peccandi dedit, sæpe quod voluntas non potuit, assiduitas superavit.* Vicus sceleratus Romæ est, cui nomen dedit Tullia vecta per cadaver Patris sui: filius & amator *MARIÆ* hunc semper declinat, imò alios confratres ab eo abstrahit, dicens cum Apostolo: 2. Thess: 3. *Denunciamus vobis fratres in nomine Domini IESU Christi ut subtrahatis vos ab omni fratre ambulante inordinatè.*

Temerarii iudicii fuga.

S. Birgittæ hæc etiam doctrina tradita est à B.
V.

V. lib: 2. revel. c. 23. *nullos in corde tuo debes judicare, quia nescis, qua intentione, & qua scientia, hoc faciunt.* Si verè utiq; iustitiam diligitis, recta judicate filii **MARIÆ**, quia filiatio radicata in charitate esse non potest, ubi sinistrè frater judicatur: Apostoli oraculum est, *Charitas non cogitat malum*, & diligentibus Deum omnia cooperantur in bonum etiam ipsa peccata; quod si non fiat apud aliquem, convincitur non esse charitas in illo, adeoq; non esse filius dilectionis; cor enim ejus malignitate plenum, neq; quid sit bonum novit, sed ipsam bonitatem convertit in malitiam, adinstar radicis aut stomachi vitiosi, qui siquidem malus est, omnia in malum convertit, si autem bonus, in bonum: aut ut vult Bonav: *in stim: amor: c. 10.* adinstar pestis, quæ vitam animæ, quæ consistit in amore, homini eripit, secundum quod dicitur: qui non diligit, manet in morte. Et tales sunt, qui obvio cuiq; maculam affricant, humili hypocrisin, patienti timiditatem, justo impatientiam, simplici fatuitatem, religioso singularitatem, conversativo secularitatem, vigilantî & oranti indiscretionem, prædicanti aliis, laudis appetentiam, aliisque mille alias nebulas: quibus temerè judicantibus si ego aliquem ex filiis **MARIÆ** accenserem, nã ego plenus errorum sum, non enim judicium dedit mater optima filio suo, in quo

qui alterum iudicat, seipsum condemnet; præterquam illud super se uniuscuiusq; in quo is ipse iudex & puniens, qui reus ad pœnas destinatur.

Virtutibus profice.

Menologium S. Benedicti 1. *Ost:* habet de B. Godefrido, quod ei nunciari fecerit B. V. *ut proficiat de virtute in virtutem, sic erit filii mei, & meus, & cum migraverit anima ejus à corpore, non dimittam eam ire in purgatorium, sed suscipiam eam, & offeram filio meo.* Filii MARIE est proficere ætate, sapientiâ & gratiâ apud Deum & homines; ferè sicut Christus, qui quoad cum hominibus conversatus est, non stetit, sed pertransiit beneficiendo. Ascetarum dogma est, quòd non progredi in via Dei, sit regredi: hoc cum primis didicerunt, qui pro idæa actionum suarum posuerunt MARIAM, quæ dum viveret, magis magisq; placere curabat Divinæ bonitati usu frequentî & profectu in virtutibus, fuitq; ut vult Rupertus in prima sanctificatione ut aurora, in Filii conceptione ut Luna, in morte ut sol: certè qui virtutes ejus considerat, fateri debet, quòd de Ruth Moabitide dicebat Booz: Ruth 3. *Scit omnis populus, qui habitat intra portas urbis, mulierem te esse virtutis.* Ita planè viri virtutis sunt Mariani omnes, **as-**
sidui

fidui quippe in actu virtutum sunt, ascensionesque in corde suo disponunt, & ut loquitur Bern: ep: 254. *ibi figunt sui cursus, profectusq; metam, ubi Christus posuit suam, volentes eo pertingere, quo Bøethio teste, ultra homines provehere sola probitas potest. Porro ad hunc finem confert iis frequens virtutis usus, virtutes enim non natura, sed usus facit, neq; virtus contingit animo, secundum Senecam, nisi instituto & edocto, & ad summum assidua exercitatione perducto, cum ut vult philosophus: 3. Ethic: c. 1. sicut edificando edificatores, citharizando citharædi efficiuntur, ita quoq; iusta agendo iusti, temperantia temperantes, fortia fortes evadimus.*

X seu Crucifixi amor.

Cogitabat ollas Ægypti Novitius ex Ord: S. Dominici, ideo quia durum panem Religionis concoquere non poterat, cumq; ultimum Virgini Beatæ valedicturus procumberet coram ejus imagine, jubetur quem ita nauseabat panem afferre: allatum Virgo lateri Christi crucifixi imponit, redditoq; sapidissimo inconstantia Novitii consuluit, monens eum, *ut si quid aliàs grave incumberet, à latere Domini crucifixi remedium peteret.* Razzius in vita S. Dominici, Filiorum MARIE cibus est lac Virginis, & sanguis vulneris, sicut quidam

dam

dam ait: hinc pascor à vulnere, inde lactor ab
 ubere. Aut, ut S. Franciscus Borgias: *Mibi*
ait Virgo hoc onus portat, mihi lac Matris,
mibi filii bullit sanguis: ibi sugitur mel de
 petra, oleumq; de saxo; petra enim Christus
 est, & lapis angularis: hinc plenæ illæ solatii
 voces apud Bern: serm: 61. in Cant: *Quod*
ex me mihi deest, usurpo mihi ex visceri-
bus Domini mei crucifixi, quoniam miseri-
cordiâ affluunt, nec desunt foramina, per
que effluunt, patet arcanum cordis perfora-
mina corporis, patet illud magnum pietatis
sacramentum, patent viscera misericordiæ
Dei nostri, in quibus visitavit nos oriens
ex alto. Næq; solum cibi loco est sanguis Do-
 mini crucifixi, sed & ornatu, quod olim S.
 Agnes dicebat tyranno, *sanguis ejus orna-*
vit genas meas, est signaculum super cor, si-
 gnaculum super brachium, & monile pretiosis-
 simum, in paupertate thesaurus, in tenebris
 lux, in errore sapientia, in debilitate fortitudo,
 in pavore vigor, in frigore ignis, in tristitia
 gaudium, in omni necessitate unicum, certum
 ac fidele subsidium. Ad hunc sanguinem & la-
 tus crucifixi cùm filios suos adducit Virgo Bea-
 tissima, videtur mihi filiis inculcare velle ut
 sequantur vestigia primo-geniti, si enim dulcis
 passio, quid erit compassio: si præcessit gloria
 capitis, decens est, ut sequatur & membrum

fidele, sequatur amans & peccator eum, qui talem pro peccatoribus sustinuit contradictionem; imò videtur inculcare ut ametur magis, qui in finem dilexit nos; ferè sicut Mater illa apud Plutarchum identidem solebat ostendere filiis suis tristes occisi Patris exuvias, indusum hians vulneribus, vestes cruentas paterno sanguine, dicens hæc omnia supplicare quasi uno ore filiis, ne amicitia jungantur homicidis Patris sui.

Zelus animarum.

P. Bernardum Colnagum è Soc: IESU virum sanctum invisebat Virgo dicens, imposita pectori ejus manu: *Labora naviter & indefessus pro salute animarum, & affer atq; ad lucas mihi animas, hoc enim obsequium præ omnibus reliquis est mihi longè acceptissimum, charissimum.* Nadaſi in annal: Mar: n. 463. & n. 1046. Egi supra de zelo erga animas, hic virtutem utpote unicè necessariam filio Mariano, Matri longè gratissimam refricare jubet doctrina pretiosissimæ Matris. Zelus secundum S. Thom: 1. p. q. 28. a. 4. est *intensius amor, quo quis movetur contra illud omne, quod repugnat bono amici, illudq; repellit.* seu, ut Rodriquez p. 3. tract: 1. c. 10. est *ignitus amor, desideriumq; ut ab omnibus amatus ametur, incendens alios ad amorem: qui*

qui-


quidem zelus & amor, quantum amanti filio
Mariano competat, nemo non videt: certè si
perfectorum est, ut loquitur Apostolus, Coloss.
1. *ut exhibeant omnem hominem perfectum
in Christo IESV*, filiorum Marianorum esse
debet omnem hominem exhibere amantem Ma-
tris, quod quidem non aliter facient, quàm si il-
lum adducant ad agnitionem Dei & sanctita-
tem. *Ego aliter amare non didici*, dicebat,
S. Chrysostomo teste, *lib: 2. de sacerdotibus*: Basili-
us, cum quendam atnicum in iudicio pericli-
tantem non rogatus cum plurimo vitæ pericu-
lo defendisset: nec filius *MARIÆ* aliter esse
filius, quàm si plures ad amorem matris indu-
cat: periclitetur media in Sodoma aliquis, in-
trabit filius *MARIÆ*, cogetq; exire novum
Loth dicens: *Salva animam tuam: pericula ipsi
subeunda erunt, & pænæ sustinendæ? pericula
insuper habet, & pænarum pessima est, si non
detur ei, quam unicè optat salus animæ: ut be-
ne advertit Seraphica illa Virgo S. Maria Mag-
dalena de Pazzis, quæ aliquando dicebat
Christo. vitæ cap: 4. Adeo desidero conducere
animas ad te, ut mihi sit pæna hoc desiderium,
& hæc pæna est adeo mihi gravis, quia
non possum implere hoc desiderium, ut mihi
sit quasi quidam infernus: inò tam graviter
eam doluit hæc pæna, ut alibi dixerit. vitæ c. 99.
Domine si non facies mihi hanc gratiam*

dandi istas animas, quas ego peto; dicam etiam ego, nolle me venire ad gloriam, quam mihi preparasti. Aliter amare non dicit filius MARIE, nisi amet cum pluribus ratus sacrificium non gratum Deo, nec beneplacitum se facere Matri, nisi pleno choro peragatur. Romualdum vox interna hæc permovet ad salutem animarum: Si alios perire finas tu ipse peribis Divino iudicio in eternum: Filium MARIE eadem permovet: si alios perire finis, id est, si non inducis ad amorem Matris, non es filius amans matris: Secus si faxis, verus filius es, inò alter IESUS, quo nomine ipsa Virgo Pretiosissima talem appellat apud S. Catharinam Senensem inquires: Verè tales appellari possunt alter IESVS Christus crucifixus unigenitus meus, ex eo, quod assumpserint officium ejus.

Et hic portus esto laboris mei. Fili Mariane vis audire illud, quod olim S. Raymundo Nonnato Cardinali oranti coram imagine B. V. dixit Mater tua; ut habetur in vita ejus. *Ego te in filium ab hac hora suscipio, quare me Matrem tuam poteris appellare; fac ita vivas, ut Matrem non pudefacias, statue pro fundamento vitæ & conversationis tuæ illud: Ecce Mater tua, ecce Filius tuus. Quod quia ordini suo dicto Fontis Ebraldi statuit pro tessera & fundamento autor ejusdem*

Ordinis plurimos ex utroq; sexu longè sanctitate celeberrimos in eo numerare potest: teste Baronio anno Christi 1117. sic vive ut filius, si vis Matris loco tibi esse Desparam: secus si feceris dicenti tibi olim, monstra te esse Matrem, respondebitur: non monstrasti te esse filium, nec ipsa Mater tua, nec tu filius ejus eris: non pudefac Matrem, non pudefacies autem, si quæ libello hoc annotata sunt, tibi familiaria reddideris.

Mater piissima, cujus filium esse, est esse hæredem bonorum omnium & virtutum, impetra hoc filiis tuis, ut nemo ex iis degeneret, mihiq; ultimo inter mancipia tua, da, ut toto me serviam tibi, ac propter te filiis tuis, unaq; admittens me in nobile hoc servitium tuum amolire, & amove nequam illos, quibus exprobare poteris illud Exod: 4. *Dixi tibi: Dimitte filium meum, ut serviat mihi, & noluisti dimittere eum, & sic lætus, quod admiseris me intra numerum vernarum tuorum æternum gloriabor, quia quantus sum, sum totus MARIE.*



PROTESTATIO

Auctoris.



Insistendo, eâ qua par
est observantia & reve-
rentia decreto S. D.
N. Urbani VIII. edito
anno 1625. 13. Martii,
& confirmato 5. Iulii anno 1634, ex-
plicatoq; 5. Iunii 1631, protestor, me
omnia, quæ in hoc Libro de virtuti-
bus, sanctitate, rebusq; gestis ac ali-
is qualemcunq; miraculi speciem ha-
bentibus, continentur, haud alio sen-
su referre, accipere & accipi velle,
quàm quo ea solent, quæ humana
duntaxat autoritate, non autem Di-
vinâ Catholicæ Ecclesiæ, aut Sedis
Apostolicæ nituntur, iis tantummo-
do exceptis, quos eadem Sancta Se-
des Sanctorum, Beatorum aut Mar-
tyrum Catalogo adscripsit.

IOANNES BRICIVS Sec: IESV.

Index eorum quæ hoc in Opusculo continentur.

A

Abſtinentia 268. *Vide mortificatio, jejunium.*

Acemete eremite, id eſt, non dormientes 76. *inter quos emineuit S. Alexander, qui molitus eſt catenam ſemper orandi* 76.

Adoptivi filii præſtant naturalibus 7.

Alieni peccati reus 93.

Amor Dei quantus fuerit in B. V. 302. *quantus item amor noſtri* 307. *Amor in B. V. ſignum prædeſtinationis* 56.

Amet Deum filius MARIE 334. *propter Deum ſolum* 72. *amâſſe ſe dicit Theodoſius, queſitus quid in terris egerit?* 288. *amoris exceſſus* 72. 152. 369. *gradus* 71. *inventores* 93. *amor ignem non ſentit* 222. *neq. timet pericula* 368. *in paſſione Filii B. V. maxime afflixit* 220.

Amanda B. V. more 57. *& ſeq. ore* 96. *& ſeq. re* 246. *& ſeq.*

Anagrammata ex nomine MARIA, MARIA Virgo, ex Salutatione Angelica, ex nominibus IESVS MARIA IOSEPHVS 287. 289.

Ancillane an Matris Dei titulus magis

B

Index

B. V. commendet 188.

Anima pulchritudo 51. 238.

Annunciatio B. V. 188.

Assumptio B. V. 239. majorane motiva habeamus amandi B. V. à morte, quam cūm viveret nobiscum 239.

B

Benedictionem pete à B. V. ante actiones tuas 119. 265.

Bona fortuna providet filiis suis B. V. 38.

bona gratie 42. bona gloriæ æternæ 45.

S. Brigittæ amoris excessus erga B. V. 74.

C

Calceis amatoria verba inscribunt amasi 63

Camerarius B. V. post mortem S. Petrus Damiani 27.

Campana sonante oranda B. V. 253. pulsum pro salutatione B. V. instituit Ioannes XXII. 260. ut pulsetur ad orationem pro animabus purgatorii impetratur 283.

Canticum B. V. orans perdita invenit 104. Cantici MARIANI laudes, ac initii ejus expositio 202.

Carmina de B. V. componit Eudoxia Imperatrix 274.

Carthusiani liberantur ab afflictionibus per officium B. V. 105. & quotidianam de ea Missam, quam vocant siccam 269.

Ca-

Index

- Casta sit portans nomen MARIA* 185. *castè agendum festis* B. V. 264.
Castitas quanta fuerit in B. V. 315. *aliis castitatem ingeneravit* 216.
Cereus incombustus per miraculum Beate Virginis 297.
Christiani sunt Dei imitatores 292.
Cistercienses patronam eligentes B. V. *vestiri jubentur albis ab illa* 272. *proverbium eorum: Domina Charitas providebit unde sit ortum* 39.
Clepsydra è cinere defuncti 97.
Communio cum meritis Sanctorum 22. 76.
Conceptio immaculata B. V. 156.
Cognatio sancta 18.
Colloquia de B. V. *rebusq; sanctis* 124.
Columbæ latere eductus sanguis fuit universalis medicina 31.
Conformitas cum voluntate Divina 359.
Constantia in cultu B. V. 278.
Contentiones fugiat filius B. V. 297. 333.
Cor B. V. *offertur* 265. *in corde IESV habitare suas moniales vult* S. Franciscus Salesius 28. *cordi nomen IESV insculpitur* 281. *cor brachio jungitur* 249. *è cordis sanguine nascitur pullus avis Arabica* 26. *filii cordis Mariani* 2. 26.
Corona pescatorie origo 107. *corona de virtutibus* B. V. 112. *coronis inscripta nomina*

Index

- mina* 177. quibus coronis sit coronata
B. V. 241.
- Corpus* B. V. gloriosum 238.
- Crucifixum* loco testamenti dat Philippus
II. filio 276. *Crucifixi* amor 365.
- D
- Devotiones* varie ad B. V. 102. & seq.
occasione novem mensium, quibus porta-
bat Christum in utero 114. occasione die-
rum quibus portabatur in utero 114. hora-
rum quibus B. V. concepta est 118.
- Deus* distat ab homine, quantum amor à cor-
de 34. est cum B. V. 145. 196. est magnus
in B. V. 123. 147. 203. quodammodo per-
ficitur à B. V. 144. omnia in sapientia fe-
cit 57. salutem nostram unice desiderat
31. 84. tota eternitate quid cogitet? 45.
- Dei* continua memoria 84. quasi vivit in
mundo per B. V. 138.
- Diaboli* nomen est sine amore Dei 55.
- Dii* gentium exempla peccatorum 294.
quantus honor adhibeatur Deo. Amide-
99. quantus Cybele 293. De Nativitate
Dei Xace fabula Iaponum 93.
- Disciplinum* testamenti loco legat filio Phi-
lippus II. Hispani 276.
- Divitiæ* trium Abbatiarum in Germa-
nia 41.
- Delores* B. V. cele. 120. quanti illi fuerunt
in

Index

in passione Christi 213. 218. 313. *Dolorosa Virginis festum est natalis filiorum eius* 218. *quis maximus dolor fuerit B. V.* 218. *dolueritne magis Christo patiente, an sepulto* 228.

Domus S. Gregorii Turonensis non nisi sanctos educat 18. *Bonifacii Pontificis hereticos non patitur* 18.

Dotem pauperibus Virginibus procura 255.

E

Eleemosyna danda 260. *imprimis à filio B. V.* 331. *dans eam facit, ut continuo pro se oretur* 90.

Elogia quotidie dic B. V. 119. *quatuor elogiis B. V. cruciatur demon* 120.

Equites de carduo in torque inscriptum habent Spes 25. *Equites aristæ, Ama* 54.

Essæi continuam feruntur habere Dei memoriam 84.

Euchaitæ heretici sic dicti ab assidua oratione 59.

Eucharistia panis filiorum MARIE 336. *in ea caro & sanguis B. V.* 262. *sepe & cum summa munditie adenda est* 336.

F

Fervor in amore B. V. 69. *in operibus salatis* 330. 338.

Festa B. V. 156. *festis B. V. claudi jubentur lupanaria* 264. *festa beneficiorum colatorum*

Index

- latorum à B. V. & sanctorum ei speciali-
ter devotorum 268.*
- Fides B. V. quanta fuerit 299.*
- Filius nomen amoris est 9. est effigies Pa-
tris 295. an sint alicubi filii non degene-
res 96. imitentur Patrem 290. filius vul-
neris quis dictus fuerit 2. filius sepelit
cineres Patris in capite suo 281. filium
Mater ad mortem pro Christo hortatur
356. Filii quàm bene offerantur B. V. 39.*
- Filii MARIÆ sunt filii cordis 2. 26. sunt
adoptivi 7. caractere aliquo discernen-
tur in cælo ab aliis Sanctis 46. sancti
sunt 347. filiatio MARIANA incita-
mentum est ad virtutem 329. Felicitas
filiorum B. V. 8. & seq.*
- Fortitudo quanta sit in B. V. 312.*
- Fraternitas est divinus spiritus 11. quan-
tum boni sit habere fratrem bonum 12.
& seq. Frater S. Florentie Virginis
gaudet de ea 15. amat fratrem Cato 17.
item Scipio Africanus 20.*
- Fundatores Ordinum habent premium ab
omnium operibus in se derivatum 92.*
- S. Franciscus Xaverius uno actu heroico
ad sublimem sanctitatem evasit 70.*

G

- Gaudia B. V. venerare 117.*
- Gloria B. V. in cælis 240. gloria major
ref-*

Index

teſſera erat S. Ignatii 67. gloriam vanam fuge 339. eternam ſuis obtinet B. V. 44. & ſeq. gloriæ eternæ aliquid accedet ex viſione B. V. 172.

Gratia quanta fuerit in B. V. 194. quid magis ſit gratulandum B. V. quod fuerit gratiâ plena, an quod Dominus ſit cum ea? 194. gratiæ bonum eſt ſuper omnia bona etiam ſuper bona gloriæ 42. 194. eam ſuis procurat B. V. 42. 149.

H

Hereditatem eternam ſuis procurat B. V. 44. & ſeq.

Hæretici vivere non poſſunt in domo Bonifacii Pontificis; item Edæſſæ, ubi corpus eſt S. Thomæ Apoſtoli 18.

Heroicus unus actus eſt cauſa ſanctitatis 70. etiam in abſtinentia à malo 258. cum fructu colitur B. V. talibus actibus 284.

Hominiſ miſeriæ 29.

Horæ Filii Dei 346. horis ſingulis cole B. V. 270. 346.

Humilitas B. V. quanta fuerit 319. quanta ei contulerit 189. perquam placet B. V. 276. decet maxime Sodales & cultores B. V. 271. 340. eſt ſignum prædeſtinationis 342.

Hymni & Antiphonæ B. V. gratiſſimæ 109.

Hyperdulia & genu-flexionibus cole B. V. 115. 1263. le-

Index

I

*Ieiunium septem annorum in honorem B.
V. 261.*

*IESV nomen cole cum nomine MARIA
simul 120.*

*S. Ignatius quoties scripserit in Instituto
Societatis Ad Maiorem Dei gloriam 64.
summè gaudebat in sumptione Eucharis-
tie ex eo, quia caro Christi esset caro
B. V. 262.*

*Ignis ardorem non sentit amor 222. regere
sciens omnem scit artem 61.*

*Imagines B. V. honora 119. cùm transis
254. in cubiculo 256. Beate Virginis I-
maginem ori quis inseruerit non valens
glutire Eucharistiam 282. imaginem quod
ex cubiculo non ejiciat eremita, multa pa-
titur à demone 256.*

*Immaculata B. V. ab omni peccato 150.
309. quomodo possit dici impeccabilis 204.*

*Imitatrix Dei B. V. 140. 294. imitare
B. V. 290.*

Infirmos visita 254. 273.

*Inimicos ama 343. injuriarum condonatio
heroica 70. donans injuriam B. V. pluri-
es à periculo mortis liberatur 275.*

Innocentie patrocinatur Deus 275.

*Intentio præfixa operibus quante sit virtu-
tis 60. 273.*

Index

S. Ioannem Evang: aliqui in naturalem filium B. V. transubstantiatum docuerunt
6. Ioannis nomine insignes damnari posse negant Iaponii 184.

Iustitia quanta fuerit in B. V. 311.

L

Lampadem ante imaginem B. V. alens mira experitur Dei beneficia 40. 267.

P. Lancicius singulos gressus & literas ex amore Dei faciebat 64.

Laude omni major est B. V. 125.

Leuitates fugiat filius B. V. 350.

Liber generationis IESV Deipara peccatorum dedicatur 173.

Libidine non peccat filius B. V. 346. suggestiones turpes statim pellit 248. exesse iubebat domo sua Baldwinus, qui mulierem tetigisset 247.

Lilium offertur B. V. 284.

Lingua manifestum te facit 98. S. Antonii post mortem incorrupta 100.

Litanias Lauretanas dic honori B. V. 108. 267.

Lucrum e ludo dat pauperibus amore B. V. S. Elizabeth 253.

M

Mancipia B. V. 88. 283.

MARIA quomodo sit forma Dei 130. exemplar iuxta quod operatur Deus 136. perfectissima

Index

fecliffima creaturarum 136. 141. *anima*
Dei 138. *imitatrix summa Dei* 140. 294.
gratiâ plena 194. 172. *medicina univer-*
ſalis 31. *martyr charitatis, commartyr*
Chriſti facta eſt B. V. in paſſione 221. *ſo-*
la Chriſto compaſſa 213. *amore mortua*
 306. *mons in quo Deus operatur mirabi-*
lia 200. *complementum SS. Trinitatis*
 141.

Marianite vocabuntur ope B. V. *ſalva-*
ti 185.

Martyris plura patiendi ardor eximius 94.
Mater Dei: ob maternitatem duplici titulo
Domina univerſi conſtituta eſt B. V. 14.
maternitas Dei quantum bonum 189.
magisue B. V. commendet, quod ſit Ma-
ter Dei, an quod ſit ancilla Chriſti 188.
Mater admirabilis gratiſſimus titulus
B. V. expoſitus 126.

Mater hominum B. V. vide Filii. B. V.
mater etiam poſt mortem S. Bleſillæ 48.
in vita S. Thereſiæ. Elzearii 49. *S.*
Raymundi Nonnati 369.

Matres filiis mala & bona inſpirant 325.
inviſibilis ſit latronibus orans monſtra te
eſſe Matrem 32.

Mendicatio ſpiritualis apud B. V. 280.

Menſibus ſingulis novum unum emendat
Ioannes Berchmans 272.

Index

Merita B. V. quanta 168. 196. 303.

Minimorum cura 273. 279. 352. *minima*
premiat B. V. 39.

Misericordia vide Eleemosyna

Missam dic vel audi ad honorem B. V. 269.

Mitrator seu princeps creaturarum inducit
ad Regem 37.

Mors. Ut morti suorum assistat B. V. obti-
nuit per assistentiam Christo nato, & pas-
so 33. 216. etiam malis filiis in morte pa-
trocinatur 24. 35. in morte solatium 272.
sanguine Christi & lacte suo pascit mori-
centes sibi devotos 36. utiliorne presentia
B. V. morituro an jucundior 216. in mor-
te gaudet, quod conversaturus sit cum de-
ctis 47.

Mortificatio 268. 348.

N

Nasci est lumen accendi in alio 296.

Nativitas B. V. 165. eam que signa precesse-
runt 166. natâ B. V. salus mundi inchoavit
170. Nativitatis quorundam omina 166.

Natura hominis subjecta miseriis 29.

Nobilitas à virtute 324.

Nominis MARIE cultus 100. 120. ex Io-
scionis ore honorantis quinq; psalmorum
recitatione nomen B. V. rose quinq; à mor-
te prodeunt III. floribus aliis Divinitus
inscriptum 175. nulli femine impenitur

Index

In Polonia, alibi & viris 183 saepe invo-
canti quàm utile 182. non est imponen-
dum impudicæ 185. in nomine MARIA
rogatus nihil negat S. Gerardus, ubi de
actu heroico Alexandri Alensis 258. in
hoc nomine abstinens à libidine salva-
tur 258.

Noctu oranda B. V. 252. idē in templo
B. V. 261.

Novitiis cultum erga B. V. insillant E-
remitæ S. Pauli 43. Novitii non habentes
devotionem ad B. V. deficiunt 43.

Novemdiali pietate B. V. venerare 260.

Nugas fugiat filius B. V. 350.

O

Obedientia B. V. quanta 318. obedientie
stude 352.

Odia fugiat filius B. V. 333.

Officium Beate Virginis orandum frequen-
ter 105. 260.

Omina natæ prolis 166. ex configuratione
stellarum 295.

Opera f. accutate 267. 337. 338. cum in-
tentione 60. 273. ante ea recurrere ad B.
V. 119. 264. cum intentione 69. uni cum
operibus Sanctorum 76.

Orationum directarum ad B. V. molli va-
rii 102. & seq. oratio non placet orta
ex corde fatia 346.

Ori-

Index

*Origenis infantis p. etus osculatur Pater
ejus frequenter præsciens doctrina il-
lius 52.*

*Osculans primo matrem Deorum rex fit ex
oraculo 52.*

P

Pacta ficere cum Deo 67.

Passio Christi quam dura fuerit 233.

*Pater amat filium 324. pater vocatur, qui
alium erudit ad justitiam 323. patris ars
occidentis serpentem illeso filio, qui cir-
ca eor ejus volutus erat 36. per Patris ca-
daver vecta vico nomen vici scelerati de-
dit 367. Pater in filio, filius in Patre
gloriatur 52.*

*Patiens in adversis debet esse filius Beate
Virginis 355.*

Paupertas quanta fuerit in B. V. 314.

Pax cordi sit filio B. V. 323.

*Peccati omnis expers B. V. vide Immacu-
lata*

*Perfectio omnis est in B. V. 137. S. Pe-
tri nomen olim pro salvo conductu 184.*

Presentatio B. V. 186.

Privilegia B. V. duodecim 113.

Proposita pia actuum bonorum 269. 272. 279.

Prudentia B. V. quanta fuerit 209.

*Pueris instillandus amor erga B. V. 43.
274. sunt ad Deum intercessores 263.*

Index

pueri, qui frequenter sacra IESV & MARIÆ nomina balbutiêrat, de mortui ore prodit liliū sacris his inscriptum nominibus 176.

Pulchritudo B. V. 48. 50. 130.

Purgatorii animabus succurre 283. earum Mater est B. V. 284.

Purificatio B. V. 204. quomodo ad tantam puritatem B. V. pervenerit, qua major sub Deo nequit intelligi 204.

R

Raymundus Lullus totus ex amore constas 59.

Redemptrix nostra quomodo dici possit Beata Virgo 211.

Religiose vite felicitas & amor 30. religiosus est in actu continuo merendi 85. non devoti ad B. V. tribulantur 105. non devoti ad B. V. deficiunt 43. sunt egri charitate Divina 335.

Rodriquez Alphonsus Soc: IESV reprehenditur à B. V. quod dixerit, amo te, plus quàm tu me 151. quo sensu potuerit id esse verum 151.

Rosarium à B. V. institui mandatum 306.

S

Sabbathum dica honori B. V. 255.

Salutationis Angelice dignitas 102. quanti pretii sit etiam unica 104. anagrammaticè exposita 287.

Sat.

Index

Sanguis crucifixi panem durum tribulationis dulcem reddit 365. *ē latere columbæ, universalis medicina* 31. *sanguine Christi morientes pascit B. V.* 36.

Sapientes se habiturum convictores gaudet Cercidas moriens 47.

Sarabaitæ vocantur eximentes se ab obedientia 354.

Sensuum custodia 357.

Sepulchrum in capite suo facit pro cineribus Patris filius 281.

Servite religiosi unde dicti servi Beate Virginis 86.

Societas amantium dicta cohors militum, aliorumq; 79. *socios noxios fuge* 361.

Sodales B. V. gaudent actibus humilitatis 271. *in morte* 34. 45. *post mortem* 45. *Sodales sanguine Christi & lacte suo morientes pascit B. V.* 36.

Sodalitas mensæ seu Misericordiæ 260. *equitum de carduo singulum portat cum dictione Spes* 25. *equitum spicæ cum nomine Ama* 54. *Sodalitas Flagrantium* 297.

Somnium de enata vite ex utero 17.

Spes quanta fuerit in B. V. 301. *in illa spem suam collocant filii ejus* 25. 34.

Stella in manu omen fortunæ 250. *stellarum configurationem eandem habens habebit*

Index

bebit eundem cum Patre honorem 296.
Stellarium B. V. recitandi modus 112.

I

Temerarium iudicium fugiat filius Beate Virginis 362.
Temperantia quanta fuerit in B. V. 310.
Templum B. V. aspersum lacrimis proprio purgat ore scoparum loco 257. *in quo* is canobia *Benedictinorum est sacellum B. V.* 265. *è templo Matris Deorum virga flamma semper erumpit* 49.
Testamenti loco salubriter accipitur B. V. 39. *testamento heres B. V.* 266. *dat flagellum & crucifixum filio Philippus II. Hisp.* 276. *catenas, flagella, secures suis religiosi S. Ioannes de Mattha* 350.
Tempus probe ordina ad honorem B. V. 345.
Thesaurus est B. V. & SS. nomen eius 87.
Trinitatis complementum quomodo fit B. V. 141.

V

Vanam gloriam fugiat filius B. V. 330.
Venialia peccata fugiat filius B. V. 272. 350.
Vestem Codro, in qua occisus est pro patria, dans miles iactat à se illum factum esse gloriosum 135.
Victoria sui in tentatione 286. *vide herai ei actus.*
Vincentius Caraffa mancipium B. V. 88.
optat


Index


- optat addici fructus verrendi sacelli
 B. V. idq; pro tota vita 271.
 Virgo semper MARIA 1. 201. 315. prima
 Virginitatem vocit 316. Virginitas an
 sit optabilior maternitate Dei in Beata
 Virgine 193.
 Virtutes B. V. oratione cole 112. 121. B. V.
 virtutibus plena 298. virtutibus profi-
 ce 364.
 Vita B. V. mysteria cole 117.
 Visitatio B. V. 198. locorum sacrorum 295.
 Vocationis amor in B. Aloysio 80.
 Unio operum cum operibus SS. 76.
 Voluntati Dei te conforma 359.
 Votum optantis vocem: omnia in sapientia
 fecisti 57 Augustini tria vota 48.
 Vulneris filius quis sit dictus 2.
 Vxor clepsidram facit e cineribus mariti
 97. bona laus mariti 24.

X Z

- Xaca Dei f. bulosa genesis 93.
 Xenodochii f. odor olet præ balsamo aule 254.
 Zelus quid sit 367. zelo probatur amor 90.
 inducens alium ad bonum præmiatur pro
 meritis ejus 92. Mariam stergi alaa
 pam infligit S. Nicolaus Ep: in Concilio
 264. mori non vult, ut possit honorem B.
 V. propagare 282. zelosus debet esse filius
 B. V. 367. talis enim est alter 1 E3 V 363.
 Ad M. D. G. Bq; V. M. S. L. O. C. H.







Biblioteka Jagiellońska



stdr0021433

